


*Commentationes Societatis  
regiae scientiarum Gottingensis...*

Societas regiae scientiarum Gottingensis



UNIVERSITEITSBIBLIOTHEEK









# COMMENTATIONES

SOCIETATIS REGIAE SCIENTIARVM  
GÖTTINGENSIS

PER  
ANNVM clō Id cc LXXviii.

---

VOLVMEN I.

---



*CVM FIGVRIS.*

---

GÖTTINGAE,

*Apud* JOAN. CHRIST. DIETERICH. clō Id ccclxxix.







**C**ontinuatis per octo volumina *novis Societatis Regiae Scientiarum Commentariis*, quibus Sodalium commentationes inde *ab anno seculi LXIX ad a. LXXXVII.* exeuntem comprehensae sunt, ne in nimiam molem excresceret opus hoc litterarium, consultius visum est, novam tramam ordiri, novumque commentariorum ordinem ac successionem instituere; utque nomine distingui posset suo novus hic voluminum complexus ac series, *COMMENTATIONES* inscribere placuit. Cum autem tam varii ac diversi generis et argumenti uno eodemque volumine contineantur lucubrationes, quarum unum tantum alterumve genus passim pro cujusque studiis et rationibus peti optarique solet, virorum doctorum studiis ac votis deesse noluimus, instituique coeptum est, ut singula genera *physicarum, mathematicarum et philologicarum*

commentationum sigillatim ac seorsum haberi pararique possent. Ut tandem cumulate satisfaceremus virorum doctorum desideriis, quibus saepe efflagitatum a Sodali-  
bus nostris est, ut commentationes olim a viris gravissimis ac celeberrimis, Zinnio, Roederero, Lowizio, Gesnero et aliis, scriptas ac recitatas, antiquioribus autem illis commentariis, anno seculi LI. inceptis et a. LV. medio cursum praecisis et interruptis, nondum in lucem editas, tandem aliquando evulgaremus: ad calcem cujusque voluminis unam et alteram ex residuis illis commentationibus, quotquot nondum lucem adspexerunt, subjicere decretum est.

Haec quidem super forma horum voluminum fuere monenda. In ceteris omnibus veterem nostrum morem retinemus, adeoque nunc quoque ea exponemus, quae ad Societatis res ac curas per annum LXXVIII. declarandas spectare possunt. Sunt autem eorum capita potissimum haec: ut enarraretur, quae Societatis accessio aut deminutio facta sit; quae fortuna quaestionum cum praemiis propositarum fuerit; tandem quae in confessionibus publicis acta fuerint et recitata. Directoris autem vices annuas per hunc annum LXXVIII. a Vi-  
ro Exc. Chr. Gu. BÜTTNERO obitas inde ab M. Octobri loco suo et ordine in se recepit Ill. A. G. KAESTNERVS.

Jam ut laetiora, et quae boni auspicii loco esse possint, prima commemoremus, accessionem habuit Societas sum-  
morum virorum, et ex hac ipsa non magis numeri, quam dignitatis et splendoris, incrementa insignia.

*Honorarium* quidem inter Sodales locum sibi a Societate oblatum accepere, et benevolentiam, officium studiumque suum nobis declararunt honorificentissimis verbis viri Principes summis dignitatibus fulgentes:

Reve-

*Reverendissimus et Celsissimus Princeps*

**FROBENIVS**

**S. R. I. PRINCEPS, ABBAS AD S. EMMERANVM RATISBONAE.**

*Reverendissimus et Celsissimus Princeps*

**MARTINVS GERBERTVS**

**S. R. I. PRINCEPS, ABBAS MONASTERII ET CONGREGATIONIS  
S. BLASII IN SILVA NIGRA.**

*Reverendissimus et Illustrissimus*

**Dominus CAROLVS S. R. I. L. B. DE DALBERG**

**ECCLESIAE METROPOLITANAE MOGVNTINAE, VT ET ECCLESIA-  
RVM WORMATIENSIS ET WVRCEBVRGENSIS CANONICVS CAPITV-  
LARIS etc. PROPRIINCEPS ERFORDIAE. ACAD. ELECT.  
MOGVNT. PROTECTOR SPECIALIS.**

Tantium nominum, quorum quanta reverentia et ve-  
neratione teneamur, ipso iudicio nostro declaravimus, ac-  
cessu et conjunctione ut magnopere laetamur, ita animos  
nostros nova alacritate erectos et non parum confirmatos  
sentimus; ita ut, dum tales testes virtutis nostrae, tam acu-  
tos et graves laborum nostrorum exploratores et approba-  
tores habemus, nostrae operae, diligentiae, officii ac fidei  
finem esse passuri sumus alium nullum, nisi quem naturae ne-  
cessitas esse voluerit.

*Sodalis* inter nos *ordinarii* locum Societatis iudicio et  
consensu unanimi, Regia auctoritate confirmato, consequu-  
tus est

**IO. FR. GMELIN M. D.**

**Philosophiae tunc, nunc Medicinae P. P. O.**

cujus doctrinam et industriam studiumque indefessum de aca-  
demia hac et litteris bene merendi multis argumentis et ex-  
peri-



perimentis habemus perspectum. Adscriptus est *Classi physicae*, in chemicis inprimis disciplinis.

*Sodaliū exterorū* numerus adscriptione virorū celeberrimorū in classe quidem *physica* insigniter auctus est: re-  
tulit enim et adscivit in hunc ordinem Societas

Virum illustrem ac generosissimum CLAS ALSTRÖMER, Regiae Maj. Suec. a Consiliis Cancellariae, Commendatorem Ord. Vas. de oeconomiae et naturae studiis praecclare meritum.

Virum illustrem Olof ACRELL M. D. Directorem supremum omnium per Sueciam Nosocomiorum, Chirurgiae Professore in Acad. Stockholm. Equitem Ord. Vas.

Torbern BERGMAN, Virum Celeberrimum, Prof. Chemiae et Metallurgiae in Univerf. Upsal. Equitem Ord. Vas.

Pet. Jonam BERGIVS, M. D. Virum Celeberrimum, Hist. nat. et Pharmaciae Profess. Stockholm. Acad. R. Col. legii med. Assessorum.

Transcriptus quoque est ex Amicorum numero in Sodaliū Ordinem, in Classe physica, Carolus BONNET, Genevensis, naturae indagator et explorator sagacissimus ac felicissimus.

Inter Amicos tandem et Litterarum officio conjunctos adscripti sunt viri clarissimi:

Ludovicus PALLIANI, Prof. Chirurgiae et princeps Chirurgorum ad Nosocomium S. Salvatoris Romae ad S. Joannem Lateranensem.

Eduar-

*Eduardus HVSSEY DELAVAL*, qui libello nuper valde docto super causis colorum variantium in corporibus opacis et coloratis inclaruit.

*Eberhardus Aug. Wilb. ZIMMERMANN*, Physices Prof. in Collegio Carolino apud Brunsvic. qui doctrinam suam scriptis variis mathematici et physici argumenti viris doctis approbavit.

*Florens Fridericus CRELL* M. D. et Prof. in Universitate Helmstadiensi, scriptis et ipse doctis philosophicis et physicis clarissimus.

Quorum virorum praestantissimorum fide ac studio non destitutos si nos senserimus, expectari potest, fore ut multa nova observata ab iis et animadversa ad nos perveniant, quae cum orbe litterario communicari a nobis possint.

Sodalium contra numero subductum est unum per hunc annum nomen, Car. Gottlieb WAGLER, M. D. Professor rei obstetriciae in Collegio medico Brunsvicensi, et Ser. Ducis Brunsvic. medicus ordinarius, vir doctrina, peritiaque et usu artis medicae clarissimus, et inter Societatis Amicos jam inde ab anno seculi LXII. adscriptus.

Alterum caput eorum, quae praefanda a nobis et exponenda sunt, spectat ad fortunam Societatis, quam illa in propositis *Quaestionibus* experta est.

Quaestio primaria erat *argumenti physici*. Quaerebatur scilicet in M. Novemb. a. LXXXVIII. a)

*Suntne*

a) Gel. Anz. 1776. p. 1292. 1777. Comment. T. VII. praef. p. VIII. et p. 1209. 1778. p. 1177. seqq. Novi To. VIII. p. X.

*Suntne respirationis utilitates quaedam praeter vulgo cognitae aliae parum adhuc cognitae? num electrica materia, vel acidum, vel aliud quid ad vitam necessarium, ejus ope ex aëre haustum trahitur?*

Nec omnino desiderari operam suam passi sunt viri docti. Perlata ad nos sunt scripta tria, quorum unum saltem viri doctrinam non vulgarem proderet. Quod tamen ad summam rem attinet, fatendum est, Societatem nec consilio suo nec quaestioni satis factum esse censere. Hypothesibus vanisque vocibus materiae lucis, phlogisti, igneae materiae, indulserant viri docti omnes; experiundo, observando, et observata, quae proposita jam ab aliis sunt, comparando, quae una erat ei solvendae via et ratio, quaestionem versare et expedire nemo in animum induxit; saltem in animantibus erant experimenta instituenda, erant comparationes chemicae aëris pulmonibus recepti et emissi instituendae, et sic porro. Non igitur praemii huic quaestioni propositi perfolvendi ulla idonea causa judicio Societatis suppetere visa est.

Quod ad Quaestiones argumenti oeconomici attinet, altera b) proposita erat in *M. Julium*:

*Quid sequendum sit agricolae in agro colendo ad reparandas ex tempestatum calamitate injurias quocunque anni tempore.*

*Es soll für den Landmann ein gründlicher Unterricht gegeben werden, wie er sich bey den verschiedenen Wetterschäden in Absicht seiner Getraidefelder zu allen Jahrszeiten zu verhalten hat.*

In

b) Novi Comment. Vol. VII. praef. p. X. Vol. VIII. p. IX. Gel. Anz. 1775. p. 1179. 1777. p. 773. 1778. p. 841.

In magno numero commentationum, quae ad certamen confluerant, optima et his inprimis terris maxime accommodata praecepta tradidisse visa est commentatio verbis: *Satis providus erit villicus* etc. inscripta, quam mox compertum est auctorem habere Virum Cl. *Jn. Henr. Reß*, Archidiaconum Guelpherbytanum et Superintendentem, cui adeo praemium ipsum XII. aureorum perfolutum est.

Altera in M. Novembrem, his verbis:

*Ut mercatus agricolarum certa aliqua et explorata tradatur ratio: hoc est ut a rerum peritia et usu idoneo deducta praecepta scriberentur, quae si sequantur fundorum domini ac coloni, cum in vendendis agrorum et operarum fructibus, tum in emendis iis, quae ad agriculationem necessaria sunt, utilitatibus suis prudentissime et rectissime consulere videri debeant. c)*

*Der grünaulichste, vollständigste und deutlichste Unterricht vom landwirthschaftlichen Handel; oder Unterricht, wie die Landwirth bey dem Verkaufe ihrer gewonnenen Produete, und bey dem Einkaufe der zur Landwirthschaft nöthigen Waaren, am vernünftigsten und vortheilhaftesten zu verfahren haben.*

Desperatum jam erat de fortuna hujus quaestionis; nulla enim ad nos pervenerat commentatio: cum paucis ante Confessum sollemnem M. Novemb. diebus missus est libellus concertationi destinatus; enim vero justos ille temporis fines et diem constitutum, intra quem reddi eum lex volebat, Kalendas Octobres egressus, et altero mense ferius redditus, admitti nequit. Quod tamen Societati facere licuit, ita ut nec Legem scriptam violaret, id amplexa est judicio suo, ac decrevit, ut quaestio haec in sequentem annum iterum

c) v. Gel. Anz. 1777. p. 1218. 1778. p. 1178. Novi Comment, T. VIII. praef. p. IX.

rum concertantibus proponeretur. Remittetur itaque auctori, si ille postulaverit, Commentatio, ut ineundo certamini aliquando justo tempore reddi ea possit.

Supereft, ut quaestiones in futurum tempus aut jam ante propositas aut hoc primum anno pronuntiatas commoremur:

Et primo quidem loco de quaestionibus primariis agendum.

In Nov. anni hujus, qui est LXXIX. quaestio argumenti mathematici jam ante erat constituta: d)

*Definiantur leges. quas sequatur lucis, prope corpora solida transeuntis, inflexio, et quae, dum inflebitur lux, nascuntur fasciae coloratae.*

*Die Gesetze anzugeben, nach denen sich die Beugung des Lichts, das bey festen Körpern vorbeygeht, und die dabey entstehenden farbichten Streifen richten.*

Alia quaestio in Novembrem a. LXXX. et ea quidem historicae ac philologicae classis, promulgata est Anniversariis Societatis follennibus: e)

*Postulat Societas, ut declaretur accuratius, quam adhuc factum est, veterum res metallica, hoc est ars et ratio, quam veteres in fodiendis et trañandis metallis sequuti sunt; ut comparetur ea cum re metallica nostri aevi; utque doceatur, si quid inde elici possit, quod utilitatem aliquam in re nostra metallica habeat?*

*Wie waren die Bergwerke bey den Alten eigentlich beschaffen und eingerichtet? und läßt sich nicht nach angestellter Vergleichung*

d) v. Nov. Comment. To. VIII. praef. p. 1179.  
p. X. Gel. Anz. 1777. p. 1210. 1778.

e) Gel. Anz. 1778. p. 1180.



*chung derselben mit den unsrigen, zum Vortheile des Bergbauers und der Hüttenwerke, irgend etwas von den Alten lernen?*

Non adeo multa sunt loca veterum de metallis: Plinii locus omnium est disertissimus. Congesta sunt potiora hujus rei capita ab Agricola Chemnicienſi, Caesalpino, Mercato, Blasio Caryophilo; adjiciendae essent, si iis potiri liceret, notitiae et observationes ex vestigiis et reliquiis veterum metallorum, v. c. per Hispaniam, in regionibus Alpinis, per veterem Pannoniam ac Daciam. Non nunc desideramus illustrationem veterum scriptorum criticam et historicam; qualis v. c. data est a Car. Alphonso Laſo in descript. venar. metallic. Hispan. Verum id quaeritur, qua arte, quibus machinis, inventis ac praescriptis, usi esse videantur veteres in metallis suis exercendis.

Propositum est unicuique quaestioni primariae praemium L. aureorum ducatorum: quod perſolvetur victrici commentationi judicio Societatis in M. Nov. LXXX. publice edicendo. Missae tamen sunt commentationes ante Kal. Octobres.

Perventum nunc est ad Quaestiones oeconomici argumenti. Quarum prima est in Julium a. LXXIX. jam ante propoſita: f)

*Ut insecta, quae plantas in hypocaustis vel vaporariis infestare solent, diligenter et accurate describantur, simulque certa explorataque tradatur ratio, qua ei noxae ita occurrere possit, ne laedantur plantae.*

*Eine genaue Beschreibung derjenigen Insekten, welche die Gewächse in den Treibhäusern und Mißbeeten, (insonderheit auf den Melonenbeeten,) heimsuchen, und Anzeige derjenigen*

b 2

Mit-

f) Gel. Anz. 1777. p. 1218. sq. 1778. p. 1181. Novi Commentar. To. VIII. praef. pag. XII.

*Mittel, welche sie, ohne Verletzung der Gewächse selbst, abhalten und vertilgen.*

*In Novembrem ejusdem anni altera vice proponitur, ut supra jam dictum est, quaestio de mercatu agrestium hominum.*

*Ut mercatus agricolarum certa aliqua et explorata tradatur ratio; hoc est, ut a rerum peritia et idoneo usu deducta praecepta scribantur, quae si sequantur fundorum domini ac coloni, tum in vendendis agrorum et operarum fructibus, tum in emendis iis, quae ad agriculationem necessaria sunt, utilitatibus suis prudentissime et rectissime consulere videri debeant.*

*Der gründlichste, vollständigste und deutlichste Unterricht vom landwirthschaftlichen Handel; oder Unterricht, wie die Landwirthe bey dem Verkaufe ihrer gewonnenen Producte, und bey dem Einkaufe der zur Landwirthschaft nöthigen Waaren, am vernünftigsten und vortheilhaftesten zu verfahren haben.*

*In Julium a. LXXX. quaestio proponitur haec: g)*

*Quaenam sit in re rustica per Saxoniam inferiorem inter rem agrariam late acceptam et rem pecuariam, earumque singulas partes, ratio ac proportio, rei cum publicae tum privatae maxime proficua.*

*Es soll gezeigt werden, welches Verhältniß zwischen den verschiedenen Theilen der Niedersächsischen Landwirthschaft (nämlich zwischen dem Pflanzenbau und der Viehzucht, und den einzelnen Theilen von beyden,) sowohl für den Staat als für die Landwirthe das vortheilhafteste sey.*

*Praemium singulis quaestionibus constitutum est XII. aureorum ducatorum. Ante Junii et Octobris Kalendas commen-*

mentationes, quæ ad certationem admitti volent, esse missas  
neceffe est.

Cum voluminis hujus argumento magis conjunctum est,  
id, quod ultimo loco ut exponamus, restat: ut commenta-  
tiones annumeremus, quibus confelsibus eae recitatae sint.  
Actum esse de singulis, exposito argumento et commemo-  
ratis capitibus potioribus, in recentibus litterariis nostris,  
lectores ut moneamus vix necesse est.

Recitatae igitur sunt Commentationes

Januarii d. XVII. *Herr. Aug. WRISBERG de praeterna-  
turali et raro intestini recti cum vesica urinaria coalitu et inde pen-  
dente ani defectu.*

Februarii d. XIV. in Confessu extra ordinem habito ad  
memoriam Praefidis desideratissimi de Haller celebrandam,  
Elogium viri summi recitatum est a C. G. HEYNE; subjun-  
ctum jam T. VIII. nov. Commentar.

- - - d. XXI. *Ge. Cbph. LICHTENBERG de nova me-  
thodo naturam ac motum fluidi electrici investigandi. Commen-  
tatio prior: inserta jam novor. Commentar. To. VIII.*

Martii d. XIV. *Jo. And. MURRAY Observationes in plan-  
tas aliquot minus cognitias.*

- - - d. XIX. in Confessu extra ordinem habito prae-  
sente Ser. Principe Hassiae Carolo habita est a Generosiss. de  
OKOTHAYS, qui ex Amicis Societatis est, Oratio de re  
militari.

Maji d. IX. *Aug. Gottl. RICHTER de fistula lacrymali.*

- - - d. XIII. *Jo. BECKMANN de historia aluminis.*

Junii die XX. Chph. MEINERS de Zoroastris vita, inventis et scriptis Commentatio secunda.

Julii d. IV. Abr. Gotth. KAESTNER fasciarum, quibus globi obducuntur, ex conis sphaerae circumscriptis constructio.

Augusti d. VIII. Chr. Guil. Franc. WALCH de S. Materno uno.

Septembr. d. XIX. Chr. G. HEYNE de maribus inter Scythas morbo effeminatis et de Hermaphroditis Floridae.

Octobris d. XXIV. Alb. Lud. Frid. MEISTER de quibusdam olei aquae superfusi effectibus opticis et mechanicis.

Novembris XIV. Henr. Aug. WRISBERG de testiculorum ex abdomine in scrotum descensu ad illustrandam in chirurgia de herniis-congenitis utriusque sexus doctrinam.

Eodem die Anniversarium Societatis solenne XXVII. celebratum, et res ad Societatem pertinentes expositae interprete C. G. HEYNE.

Decembris d. XXIX. Ge. Chph. LICHTENBERG de nova methodo naturam ac motum fluidi electrici investigandi. Pars posterior.

His Commentationibus ordinariis duas ex antiquioribus subicere placuit.

I. Ge. Mauritii LOWIZ de figura et divisione segmentorum, quibus magni globi caelestes et terrestres obducuntur; praelecta die XIV. Aug. a. LVI. retractata et emendata a V. Cl. C. F. HINDENBURGIO A. M. figuris a Gen. Curt. Frid. de SCHOENBERG descriptis et auctis, utroque nunc Amicis Societatis adscripto.

II. Jo.

II. Jo. Gottfr. ZINN observationes circa differentiam fabricae oculi humani et brutorum: diss. altera: praelecta d. V. Februar. LVII. Nam prior inserta prostat antiquioribus Commentar. Vol. IV. p. 247 sq. laudibus illa virorum doctorum, eum prodiisset, excepta.

Praeter has ordinarias Sodalium recitationes propositae sunt in Confessibus nostris publice et laudibus quaeque suis ornatae commentationes aliquot ad Societatem missae:

Franc. Car. ACHARD V. Cl. *experimentorum in gemmis nonnullis chemicorum expositio*; de qua videndi Recensus nostri litterarii. b)

*Trepanti emendatio* a KLINDWORTH O juniore exhibita. i)

*Machina nova comprimendi fluida* ABICHII V. Cl. et experimenta virum et effectuum machinae Kal. Jun. facta. k)

*Descriptio civitatis et tractus Northeimensis* ad formulam quaestionis sub a. LXXVI. a Societate propositae, diligenter perscripta et prelo parata a Jo. Phil. RÜLING, Physico Civitatis Northeimensis. l)

Io. Tob. MAYER A. M. *Solutio problematis definiendi positum plani paullulum deklinati*. m)

*Observationes super celeritate soni* a V. Ill. KAESTNERO propositae in Confessu XXIV. Octobr. n)

Et haec quidem de Societatis actis hujus anni. Scr. M. April. cl. bccc LXXVIII.

k) Gel. Anz. 1778. p. 177.

i) ibid. p. 193.

k) ibid. p. 633.

l) ibid. p. 777.

m) ibid. p. 849.

n) ibid. p. 1145.

C. G. HEYNE.

Ut



Ut, quae Sodalium commentationes novorum Commentariorum ab a. 1769 ad 1777. octo voluminibus continentur, uno obtutu intelligi possit, lectoribus non injucundum fore putavimus, si syllabum earum hic appositum reperirent.

## CLASSIS PHYSICAE.

Alb. de Haller	<i>de plantis pabularibus nuperorum.</i>	1769.		
		Nov. Commentar.	To. I.	p. 1.
—	<i>de vento Rupensi.</i>	70.	—	30.
—	<i>ad figuram nervorum cordis lateris sinistri Anderschii divinatio.</i>	71.	II.	1.
—	<i>de partibus corporis humani sentientibus et irritabilibus</i>	Sermo III. 72.	III.	1.
—	<i>de partibus corporis humani irritabilibus</i>	Sermo IV. 73.	IV.	1.
—	<i>de lue bovilla agri Bernensis</i>	73.	—	25.
—	<i>genera, species et varietates cerealium.</i>	Sermo I. 74.	V.	1.
—	<i>Sermo II.</i>	75.	VI.	1.
—	<i>de opii in corpus humanum efficacia.</i>	76.	VII.	1.
—	<i>morborum graviorum exempla.</i>	77.	VIII.	1.
Rud. Aug. Vogel,	<i>de hodierno more examinandi aquas minerales nondum ab omnibus erroribus ac commentis repurgato.</i>	1771.	To. II.	p. 14.
—	<i>experimenta circa partium salis ammoniaci constituentium proportionem.</i>	72.	III.	37.
—	<i>de pulvere caementarii usitato, Tras, commun. chemica.</i>		—	50.
				H. A.

H. A. Wrisberg, de membrana foetus pupillari. 1771.	T. II.	p. 108.
88 — de vita foetuum humanorum dijudicanda. P. I. 72.	III.	172.
42 — de secundinarum humanarum varietate 73.	IV.	57.
88 — de variolis, quibus internae corporis humani partes contaminari dicuntur. 74.	V.	66.
12 — obss. et experimenta ad pulmonum docimasiam confirmandam instituta. 75.	VI.	41.
27 — obss. anat. de quinto pare nervorum encephali etc. 76.	VII.	41.
37 — obss. anat. de vena azyga duplici aliisque hujus venae varietatibus. 77.	VIII.	14.
Jo. A. Murray de natura foliorum de arboribus cadentium 71.	T. II.	27.
— obss. super stirpibus quibusdam recens inventis et rarioribus in horto academico institutae. 72.	III.	60.
— de polypis bronchiorum. 73.	IV.	44.
— descriptiones stirpium novarum et rariorum in horto botanico crescentium. 74.	V.	24.
— obss. botanicae. 1775.	VI.	23.
— obss. in stirpes nonnullas novas vel rariores horti botanici. 76.	VII.	17.
— obss. botanicae in stirpes quasdam minus cognitae. 77.	VIII.	34.
A. G. Richter, obss. de bronchotomia et de herniis. 71.	T. II.	54.
— obss. de morbis sinuum frontaliu 72.	III.	85.
— obss. de amaurosi. 73.	IV.	77.
— de opportuno herniotomiam peragendi tempore. 74.	V.	56.
— obss. de staphylomate. 75.	VI.	57.
— obss. chirurgicae de herniis.	—	67.
— obss. de pterygio. 77.	VIII.	50.
	Jo.	

Jo. Beckmann <i>de reductione rerum fossilium ad genera naturalia protyporum. Pars prima.</i> 1771.	T. II.	p. 68.
— Pars secunda. 72.	III.	95.
— experimenta lanas inficiendi floribus carthami tinctorii. 72.	IV.	89.
— experimenta ceram candefaciendi vel dealbandi. 74.	V.	91.
— experimenta lintea inficiendi floribus carthami tinctorii. 75.	VI.	79.
— experimenta ligna tingendi, quae ad opera tessellata adhibentur. 76.	VII.	76.
— experimenta emendandi usum rubiae tinctorum. 77.	VIII.	59.
Jo. Ch. Polyc. Erxleben <i>super purpura minerali obss. chemicæ.</i> 74.	To. V.	107.
— aluminis rosei, quod fratres Cravenhorstii Brunsvicæ parant, examen chemicum. 75.	VI.	90.
— experimenta nonnulla Blackianam de aëre fixo doctrinam spectantia. 76.	VII.	81.
— lex vulguris caloris corporum ad examen revocata. 77.	VIII.	74.

## CLASSIS MATHEMATICÆ.

A. G. Kaestner <i>pro Jo. Bernoulli hydraulica contra Dom. d'Alembert.</i> 1769.	T. I.	p. 45.
— de differentia inter ascensiones rectas solis, mediam et veram, in tempus convertenda. 70.		90.
— addit. de computando transitu astrorum per meridianum.		102.
— ad motum solis circa axem suum computandum formulæ analyticae. 70.		110.
	A. G.	

<b>A. G. Kaestner</b> addit. ad theoriam projectionis stereographicae horizontalis. 70.	p. 138.
— pinnarum, quibus pila tundentia elewantur, consideratio geometrica. 71.	To. II. 117.
— tignorum veltis inflexi circumductu oscillantium consideratio geometrica. 71.	— 132.
— de parallelo stellae ob refractionem apparente ad verum reducendo. etc. 72.	III. 122.
— de planetae declinationem et parallaxin continuo mutantis diurno ad parallelum aequatori referendo. 73.	IV. 120.
— de velocitate veltis inflexi. 74.	V. 119.
— de mixtorum examine hydrostatico. 75.	VI. 102.
— Problematis Alhazeni analysi trigonometrica. 76.	VII. 92.
— de objecti in speculo sphaerico visi magnitudi- ne apparente. 77.	VIII. 96.
<b>A. L. F. Meister</b> generalia de genesi figurarum planarum et inde pendentibus earum affectionibus. 70.	I. 144.
— de aberratione attritus u lege inertiae. 70.	180.
— de veterum hydraulo. 71.	II. 152.
— de emendatione scalae thermometri, inter puncta ex observatione definita, interpolatione. 72.	III. 144.
— de Heronis fonte educendis ex puteo aquis adhibito, s. de hydraulo pneumtico Schemnitensi. 73.	IV. 169.
— de optica veterum pictorum, sculptorum, architectorum, sapientia: Ejusque specimen Vitruviana columnarum per scamillos impares adjectio. Pars prior. 74.	V. 141.
— Pars posterior. 75.	VI. 129.

- A. L. F. Meister *de Pyramidum Aegyptiacarum fabrica et sine comm. architectonica.* T. V. p. 192.  
 — *examen libellae hydrostaticae vulgaris etc.* 76. VII. 142.  
 — *de quibusdam viarum compendiis.* 77. VIII. 124.  
 Ge. Chph. Lichtenberg, *Enarratio observationum astronomicarum per a. 1772 et 73. ad situm Hannoverae, Osnabrugi et Stadæ determinandum institutarum.* 76. T. VII. 126.  
 — *de nova methodo naturam ac motum fluidi electrici investigandi* Comment. prior. 77. VIII. 168.

## CLASSIS HISTORICAE ET PHILOLOGICAE.

- Jo. Dav. Michaelis *de Judaëis Salomonis tempore architecturae parum peritis.* 70. I. 3.  
 C. G. F. Walch *decreti Nicaeni de paschate explicatio.*  
 P. I. 1770. I. 10.  
 P. II. eod. a. — 33.  
 — *de persecutione Christianorum Romanorum causis non solum politicis, sed etiam religiosis.* 71. II. 3.  
 — *de Romanorum in tolerandis diversis religionibus disciplina publica.* 72. III. 3.  
 — *historia rerum in Homeritide sec. VI. cum a rege Judæo contra Christianos, tum ab Habbessinis ad hos ulciscendos gestarum.* 73.  
 Pars prior IV. 1:  
 posterior — 40.  
 — *de authentia librorum Irenæi adv. Hæreses.* 74. V. 1:  
 — *de Sarabaitis.* 75. VI. 1.  
 — *de Sabaitis.* 76. VII. 1.  
 C. G.



C. G. F. Walch	<i>rerum Christianarum apud Lucianum de morte Peregrini explicatio.</i> 77.	T. VIII.	p. 1.
C. G. Heyne	<i>super Castoris epochis populorum qui maris imperium habuere.</i> Comm. prior. 1769.	I.	67.
—	posterior 71.	II.	40.
—	<i>super veterum ebore eburneisque signis.</i> Comm. I. 70.	I.	96.
—	Comm. II. 70.	—	111.
—	<i>de fabularum religionumque Græcarum ab Etrusca arte frequentatarum naturis et causis.</i> 72.	III.	32.
—	<i>Monumentorum Etruscae artis ad genera sua et tempora revocatorum illustratio.</i> Specimen I. antiquiorum. 73.	IV.	69.
—	Specimen II. recentiorum. 74.	V.	37.
—	<i>de vestigiis domesticæ religionis patriiue ritus in artis Etruscae operibus.</i> 75.	VI.	35.
—	<i>Etrusca antiquitas a commentitiis interpretamentis liberata.</i> 76.	VII.	17.
—	<i>de origine et causis fabularum Homericarum.</i> 77.	VIII.	34.
Jo. Phil. Murray	<i>descriptio terrarum septentrionalium.</i> Pars prior. 1769.	I.	126.
—	Pars posterior. 70.		153.
—	<i>de Britannia atque Hibernia sec. VII-X. literarum domicilio.</i> 70.	II.	72.
—	<i>de Colonis Scandicis in insulis Britannicis et maxime in Hibernia.</i> 71.	III.	56.
—	<i>antiquitates septentrionales cum Britannicis atque Hibernicis comparatae.</i> Comm. I. de religione. 72.	IV.	89.
—	Comm. II. <i>de imperio civili studiisque humanitatis.</i> 74.	V.	53.

---

Jo. Phil. Murray <i>de re navali veterum populorum septentrionalium.</i>	73.	T. IV. p. 119.
— <i>de Pythes Maffliensi.</i>	75.	VI. 59.
Jo. Chph. Gatterer <i>de diplomatibus confirmationis.</i>	76.	VII. 48.
— <i>de Chronologia Brahmanum.</i>	Comm. prior. 77.	VIII. 59.
Chr. W. Büttner <i>comparatio et expositio alphabetorum omnium, quotquot sunt, populorum.</i>	76.	VII. 106.
Chph. Meiners <i>de Zoroastris vita, institutis et libris.</i>	Comm. prior. 77.	VIII. 122.

## ELOGIA.

III. Gerl. Adolphi de MÜNCHHAUSEN, auct. Ch. G. Heyne, 1770.	II. 149.
III. Burc. Chr. de BEHR, auct. eod. 72.	— 164.
Gerardi L. B. de MEERMANN, eod. auct. 72.	III. 129.
Rud. Aug. VOGEL, eod. auct. 74.	V. ad calc.
Jo. Phil. MURRAY, eod. auct. 76.	VI. 99.
Jo. Chr. Polyc. EXXLEBEN, auct. A. G. Kneffner. 77.	VIII. ad calc.
Alberti de HALLER, auct. C. G. Heyne. 78.	VIII. ad calc.

---

# INDEX COMMENTATIONVM VOLVMINIS PRIMI.

---

*Præfatio* C. G. Heynii.

## COMMENTATIONES PHYSICAE.

I. Henr. Aug. Weisberg <i>de præternaturali et raro intestini reſſi- cùm vesica urinaria coalitu et inde pendente ani defectu.</i>	pag. 1
II. Ej. <i>de testiculorum ex abdomine in scrotum descensu.</i>	24
III. Jo. Andr. Murray <i>Obſſ. in plantas aliquot minus cognitæ.</i>	81
IV. Aug. Gottl. Richter <i>Obſſ. de fistula lacrymali.</i>	100
IV. Jo. Beckmann <i>de historia aluminis.</i>	111

## COMMENTATIONES MATHEMATICAE.

I. Abr. Gotth. Kaestner <i>ſaſſiarum, quibus globi obducuntur, ex co- mis sphaerae circumscriptis constructio.</i>	1
II. Alb. Lud. Frid. Meister <i>de quibusdam olei aquae superſuſi effecti- bus optici et mechanicis.</i>	35
III. G. Chph. Lichtenberg <i>de nova methodo naturam ac motum fluidi electrici investigandi.</i> Pars posterior.	65

## COMMENTATIONES HISTORICAE ET PHILOLOGICAE.

I. Chr. Guil. Franc. Walch <i>de S. Materno uno,</i>	1
II. Ch. G. Heyne <i>de maribus inter Scythas morbo effeminatis et de hermaphroditis Floridae.</i>	28
III. Chph. Meiners <i>de Zoroastri vita, inventis et scriptis.</i> Com- mentatio altera.	45-99

COM-

# COMMENTATIONES ANTIQVIORES.

Ge. Mauriti Lowiz <i>de figura et divisione segmentorum, quibus ma-</i> <i>gni globi caelestes et terrestres obducuntur.</i>	pag. I
Jo. Gottfr. Zinn <i>observationes circa differentiam fabricae oculi hu-</i> <i>mani.</i> Diff. altera.	47-63

Singula commentationum genera seorsum ac figillatim parari posse a studiosis cujusque disciplinae, jam supra monitum est.

## *Aeri incisae tabulae sunt in hoc Volumine.*

ad Commentationem H. A. Wrisbergii		Comm. phys.	
de ani defectu	Tab. I. II. III.		ad p. 31
de testicularum descensu	Tab. I. II.		77
— I. A. Murray obl. botanicae	Tab. I. II.		83
	III.		90
	IV.		93
	V.		94
	VI.		96
— A. G. Kaestner	Tab. I.	Comm. math.	99
— A. L. F. Meißler	Tab. I.		34
— G. Chph. Lichtenberg	Tab. I. II.		47
— G. Maur. Lowiz de segmentis etc.	Tab. I.	Antiq. Comment.	63
			44

Redduntur etiam nunc tandem emtoribus Tabulae I-VII. ad commen-  
tat. C. W. Büttneri alphabeta omnium populorum complexae; ad To. VII.  
P. II. p. 106.



COM-

# COMMENTATIONES

SOCIETATIS REGIAE SCIENTIARVM

GOTTINGENSIS

CLASSIS PHYSICAE

TOM. I.

AD A. MDCCCLXXVIII.

*Commentat. Phys. T. I.*

A



---

HENR. AVG. WRISBERGII  
DISSERTATIO  
DE  
PRAETER NATVRALI  
ET  
RARO INTESTINI RECTI CVM VE-  
SICA VRINARIA COALITV, ET INDE  
PENDENTE ANI DEFECTV.  
OBSERVATIONIBVS ANATOMICIS  
SVPERSTRVCTA.

D. XVII. IAN. MDCCLXXVIII. PRAEL.

---

§. I.

**N**ullus sane dies praeterlabitur, nullaue hora anatomicis impenditur occupationibus, quae diligentem et scitu cupidam incisorum novis non divitem reddat veritatibus. Plura revelat exactior ars injiciendi vasa, ubi vel nulla vel pauciora esse antea credidimus: Veriorem truncorum decursum, ramorumque ortum detegit culter, quem vel falsum vel dubium incertumque saltem prior aetas proposuit: In multis partibus nervi vel extricantur novi, vel saltem confirmantur, quas carere iisdem alias alta voce dictum est: Alias

A 2

dein

dein constat paucos nervos habere, quae abundare iisdem credebantur. Viscerum ad hunc usque diem nondum satis manifesta fabrica accuratius indagatur, et ad saniores structuram, explosis glandularum in plerisque figmentis, reducitur. Ex indubitatis sensim argumentis nunc asserere incipimus, nullos excretorios ductus in quibusdam visceribus exspectari posse, in quibus quaerendis et inveniendis oleum et operam antiquitas perdidit: In aliis e contrario scelerius observandi studium luce meridiana clarius ostendit excernentes canales, quos vel dubios certe declaraverunt antecessores nostri nimis creduli, nisi plane ullos existere denegarunt. In genere totum anatomicum campum per singulas ejus partes his divitiis talem in modum augemus et locupletamus, ut sine omni ostentatione asserere possimus, illos, quos semel anatomes dulcis amor penetraverit, tanto fervore tantoque studio eidem incumbere dies noctesque posse, ut quamlibet temporis particulam amissam esse judicent, quam in scrutandis humani corporis thesauris non consumserint.

## §. 2.

Haec enarrata momenta jam per se ad commendandam et excellendam practicam anatomen sufficerent; superfluit vero adhuc plures deliciae, quas suis cultoribus incidendi studium subministrat. Juundo sane spectaculo in morbofis hominum cadaveribus, qui multiplici labe sensim oppressi periere, incredibiles animadvertit incisorum culter transmutationes, quarum mea adversaria farraginem continent. Cerebrorum in tabidum laticem, in hydatides, in lapideas concreciones mutatorum, cum homines isti per magnam vitae partem stupidi, somnolenti, stolidi, mentis saepe non compotes, aut perpetua tandem oblivione, memoriae hebetudine, aut capitis excruciante dolore affecti fuerint. Musculorum quorundam oculi coactum in cadaveribus hominum vidi, qui durante vita immedicabili strabismo laboraverunt. Concretas obstruktas aut indissolubili pulsa ob-



obfessas tubas Eustachii observavi, cum aegroti incurabilem conqueſti eſſent audiendi difficultatem. Quot ſane mihi theatrum anatomicum exhibuit ſpecimina hominum, qui per maximam vitae ſuae partem aſthmatici, anhelii, aut aliis reſpirationis vitiis aſſecti, poſt mortem ſcirrhis plenos, pleurae, diaphragmati, pericardioque, accretos pulmones, coſtas plane oſſeas et alia oſtenderunt. Toties varia hepatis lienisque vitia in cadaveribus vidi, quoties hydrope, ictero, nimia pinguedine homines extinſtos ſecui, ut ſumma probabilitate ex genio morbi cognito, ad latentem horum viſcerum labem concludere illamque praedicere auſus fuerim. Miras ſaepe animadverterunt mecum obſervatores inteſtinorum craſſorum et coli praeprimis aberrantem tam ſitum quam ſtructuram et conformationem, cum aegri ſaepe colica paſſione, ſcybalorum aut difficili, aut nimis celeri excretionem excruciantur. Finem non invenirem, ſi narratione mea omnia complecti vellem, quae ſeſtionum pathologicarum theſauri me docuerunt.

## §. 3.

Tertio etiam loco Anatomae deliciae incredibiles ſaepe offerunt a conſuetudine et naturali partium conſtructione aberrationes in ſitu, numero, magnitudine, defectu exceſſuque conſpicuas. Ut pauca tantum tangam, quae praefationi meae inferam, praecipuorum modo mentionem faciam, quae ipſe vidi, quaeque partim ſcriptis meis jam prodita ſunt, partim ſuo adhuc tempore prodibunt. Pertinent huc vaſorum nervorumque vix enarrabiles luſus et varietates, ad quas, ut ad naturalem fabricam auditores meos qualibet occaſione attentos facere ſoleo. Viſcerum in infimo ventre haerentium per praeternaturalia foramina in alia loca delatorum varia exempla, ut per grandem quendam hiatus diaphragmatis in ſiniſtrum thoracem, et per ampliſſimam in muſculis abdominalibus aperturam in ſaccum; ſiniculumbilicalis migraverint lien, ventriculus, hepar et maxima inte-

stinorum pars. Renum, in superiore parte in unum semicirculum coalitorum, pelviumque renalium in maximam ampullam mutatarum et ureterum ex pluribus ramis in unum canalem in pelvi demum concretis ortorum, aliquot specimina. Capsularum suprarenalium et glandulae thyreideae in amplum saccum mirificae mutationes, quarum priores in hac hyeme duo habuimus exempla. Intestinorum tam tenuium quam crassorum insolitae appendices, inflexiones, contorfiones, varia longitudo, angustiae. Vesiculae felleae diversa amplitudo et rarissima ab hepate separatio. Uteri in adulta femina exigua moles, alteriusque tubae et ovarii plenarius defectus. Varias eademque rarissimae foetuum tum humanorum tum aliorum animalium monstrositates. Multiplices aperturarum corporis clausurae et obturationes, ut palpebrarum, narium, auris sinistrae, oris, penis, vaginae et *intestini recti*; quem quidem ultimum casum in praesenti speciali tractatione explicaturi sumus.

## §. 4.

Equidem me non fugit, vitium illud deficientis aui aut saltem male conformati, quod infantem neonatum facultate meconium excernendi vel perfecte privat, vel difficiliorem reddit, inter frequentissimos morbos, quibus chirurgia medetur, pertinere, et innumeris fere observationibus passim descriptum esse. a) Mihi vero magnam

a) Taedet quidem multos compilationum laboris, utilitate tamen ac iucunditate minime carentis: suspicionem autem iustum movet, scriptori aut plane incognitum mansisse, quid alii eadem de re sciverint, aut elatis supercilii quaevis spernere ab aliis dicta; neutrum de me credere lectores vellem. Brevem tantum adieci annotationum recensum, quae mihi sub varia librorum

lectione obvenere, in alphabeticum ordinem concinnatarum, ut unum alterumque autorem facilius invenire possit, qui consulere mecum alios voluerit; supersunt multa quae addere ex suis divitiis litterariis quilibet poterit. FR. ARAND *Obs. med. Chir.* 4. p. 23. Laboravit puella quatuor a partu mensibus ano clauso et ulcere genitalium indurato; ex inferiore vulvae parte ster-

cora

gnam illorum casuum farraginem, quam, ex insigni autorum variae indolis et pretii copia collegi, paulo accuratius in ordinem reducenti,

cora proveniebant: Incisione anum artefactum paravit, puellamque sanavit. AUBRAI in *Journal de Medec. Chirurgie et Pharm.* Tom. 31. Part. 2. p. 257. Propriam quidem observationem non habet, aliorum vero consilia episcopi docta perustrat, casus hinc inde occurrentes in 5 Classes ornat, malum plerumque insanabile judicat, et lectione omnino dignus est. BARTHOLIN. *Ad. Hafs.* Vol. I. p. 167. Exemplum ani impervii, quod per 24 hor. perpetuam lithothymiam excitavit, operatione sanatum. CLAR. BAUX in *Vandermonde Rec. per.* Tom. VIII. mens Jan. p. 59. in puella 14 ann. nullum ani et genitalium fuit vestigium: omni biduo triduoque praegressa nausea veram materiem faeculentam evomuit, et ex mammae saepius de die aqua limpida exiit. III. PHIL. AD. BOEHMER *Obs. anat. rar. fasc. II. o. 7. p. 7.* Mediante membrana exitus ani usque ad tertium diem oclusus: acu triquetra aperiebatur, ut meconium exire posset, infans tamen paullo post mortuus, in cuius cadavere meconium in cavo abdominis inventum est. PETR. BOKELIUS *Hist. et Observat. medico-physicarum* Cent. I. Obs. 77. pag. 82. Cum aliorum quorundam exemplorum mentionem fecerit, felici operatione sanatorum, proprium casum allegat inausito exitu finitum, et Cent. III. obs. 9. pag. 203. signum describit absque podice natum, apertione curatum ut viderit. III. DAUBENTON *Descript. du cab. du roi.* T. 3. p. 203. Intestinum colon in vaginam abibat, quae

etiam cum lotii vesica connectebatur. DUVERNEY *Mem. de l'ac. de Paris* 1706. BENT. HALLERVS *opuscul. Anat.* pag. 254. in cane ex molossorum specie colon bifidum in duos loco rectorum intestinorum coecos saccos abiit. LAVR. HEISTERVS *Ephem. Nat. Cur. Cent. IV. o. 193. p. 463.* Quarto die faeces nigrae vomitu rejectae: Anus clausus, sed vestigium cicatrice notabatur. Lanceolam ad profunditatem 4 digitorum sine meconii proventu intrussit: sequenti nocte mortuus infans. Intestinorum crassiorum cavitas sese tantum ad supremam ossis sacri partem extendit, reliquum erat densa spongiosa substantia, in quibus casibus nullam curationem locum habere recte iudicavit, recusa est haec obs. in *Wahrnehmungen* I. B. pag. 347. uti etiam bene de hoc malo agit in *Chirurgia* Cap. 103. p. 151. III. JOACH. FRIEDR. HENCKEL in *neuen Med. und Chir. Anmerkungen* Vol. I. pag. 11. In recto, cujus exitus quidem aderat, resistentiam duor. pollicum dilatatione superavit, et infantem sanavit. FABRIC. HILDANVS *Observ. Chir. C. I. o. 75. b.* CAR. FRIED. KALTSCHMIED *Progr. de raro casu, ubi intestinum rectum in vesicam urinariam insertum fuit.* Jenae 1756. Tertio, post partum die vidit puerum ano carentem, frustra eventui incisionem tentavit, cum intestini recti limites invenire non potuerit: post octiduum puer mortuus. Intestinum rectum in vesicam superius collum insertum est, exigua autem apertura filum admittente. Aderant in

ti, facile apparuit, illam hujus mali classẽ, ubi *intestinum rectum angustato et extenuato sine in urinariam vesicam insertum est, et foramine exilissi-*

in vesica faeces, quarum portio cum urina exiit: aer ex vesica in rectum, et v. v. transit. Rem satis accurate licet minus venuste depingi curavit. CASP. KOLICHEN apud *Mangetum Biblioth. Chirurg. T. II. pag. 499.* perforata membrana qua ani exitus claudabatur, ut excrementa sequerentur, infantem servare non potuit. CLAR. DE LAMARE in *Roux Journ. de Med. T. 33. p. 510.* Infans 6 mensium lac vomitu semper rejiciebat, et per totam vitam nunquam alvum apertam habuit: anum perfecte clausum sectione cruciata aperuit, exhibito oleo amygd. dura scybala excrevit, et sanum usque in quintum annum servavit. SACHSIVS A LOKWENHEIM apud *Mangetum Bibl. Ch. T. II. p. 500.* meconium per membranam pellucebat, qua incisa puer sanatus est. PETR. LAUREMBERG *Procrestr. Anat. L. I. C. 16.* vesicae erat insertum rectum. EDUARD. JAC. LUPIN *Hist. morbor. difficil. p. 25.* Quinto die infans mo ocluso laborabat, et vomitu stercora ejiciebat: in regione ani parva tantum lovea aderat, perineo valde rubro et turgente, quo loco incisio facta et infans sanatus. MANGETVS ipse in *Bibl. Chir. Tom. II. p. 491.* casum recenset pueri absque ani apertura ad quartum diem vivens, cui parvissima per mentulam exiere excrementa: incisio quidem prominẽtem in locum facta, sed intestinum inveniri non potuit: abdomine hinc mirum in modum expanso, fetus 7 a partu die mortuus est. Cadaver non incisum. FERD. MARTINI *Ver-*

trage zur Verbesserung der Heil-  
Funst, pag. 292. Bene monet operationem futuram esse superfluum, si nulum inveniendi intestini indicium sit, infantique mortem instare: Coli vero suadet incisionem eo in loco ubi peritoneo sinistro latere accretum est. Celeb. MORAND ex relat. Dni. BOURIN chirurgi in *Mem. de l'ac. r. d. sc. de Paris 1755. p. 50.* Deerat in puero ani apertura, et per mentulam excrenebat infans meconium, die 12. mortuus est. In cadavere vidit extremum intestini recti collo vesicae, angustissimo orificio insertum, ut rectum inde ultra triplum esset expansum. CLAR. CAR. JOH. OEHME *Diff. de Morbis recens natorum chirurgicis, Lips. 1773. p. 52.* bene illud vitium describit. III. PETIT *Remarques sur differens vices de conformation de l'anũ, que les enfans apportent en naissant, dans les Mem. de l'acad. r. de chir. T. I. P. II. p. 236.* edit. in 8. inter omnes quotquot legi hoc de argumento commentationes elegantissima. RIOLANVS *Enchir. Anat. Cap. 33. p. 220.* ROONHUYSEN *Obs. med. Chir. I. II. O. 2. 3.* BALD. RONSSEVS *Epist. med. 14. p. 45.* FRIEDER. RUYSCH *Advers. Anat. II. p. 43.* Loco ani inveniebatur parvus teres membranosus sacculus, crassitie calami scriptoris scroto adhaerens plenus meconio: rupto sua sponte hoc sacculo, et meconio excreto, paullo post tamen mortuus est. FR. SANCHEZ *Observ. p. 375.* HENR. VON SANDEN *Ephem. Nat. Chr. Dec. III. An. 9. 10. O. 194. p. 364.* Puer ter-

*tissimo in eandem patet*, non solum paucas modo continere observationes, sed etiam nimis negligenter descriptas, si anatomicum spectare volumus argumentum, et fere nulla tolerabili figura expressas. Eam ob causam operae pretium esse duxi, hac occasione rarum quendam conformationis errorem denuo describere, et picturis ad naturam factis illustrare. Auribus vero sodales benevolis, oculisque secundis me differentem ut excipere velit, id est quod a Vestro favore peto rogoque,

### *Historia morbi.*

#### §. 6.

Puer justo graviditatis termino, partuque plane naturali d. 15. Dec. 1777. in lucem editus est. Bene vitam suam cum ageret, respiratione, somno, lactis suctu, urinae excretionem, aliisque functioni-

tertio die propter anum imperforatum operationem sustinuit, nullo meconio sequente, altero die mortuus. Recti intestini viderunt post mortem cum vesica per causalem connexionem: immixtus vir per membrum virile in vesicam ope canalıs transit in rectum et v. v. rudi figura 38. rem delineavit. SAVIARD *Nouveau Rec. d'obs. ch. O. 3. p. 8.* felix operatio. SCHENCK a GRAFFENBERG *Obs. med. rarar. edit. Frisburg. L. III. O. 228. L. IV. O. 6. p. 383.* SCULTET *Arm. Chir. O. 71.* TULPIUS *Observ. L. IV. 1. 35. p. 50.* CORN. TRIEEN *Obs. med. Chir. fascic. p. 59.* Puellae ano imperforato natae chirurgus cum operatione non satisfecerit, ut meconii satis excerneret, tandem oblit, eolon ultra 2 libr. liquoris comprehendebat. CLAR.

VERNA *Lettera all' ill. S. de Haller Turin. 1758.* in append. intestinum rectum coeco exitu in cute finem faciebat. JOH. WIER *Obs. Med. Lib. I. in opp. omnib. p. 444.* aliquod remansit vestigium exiguae fissurae liquori transmittendo idoneae. D. WINCKLER in CLAR. WEITZ *Neuen Augs. aus Diss. für Wundärzte. 7. B.* quinto die infans mortuus, coeco sine prope serotum rectum intestinum exhibit. WOLFFSTRIEGEL *Epist. ad Sacksum in Manget. Bibl. Chir. T. II. p. 493.* in infante masculino deformi, loco ubi erat eminentia callosa, et meconium per penem exiit; praeter alias monstruositates deficiebant quoque musculi ani, tum levatores tum sphincteres.

*Comment. phys. T. I.*

B

nibus cum frueretur, usque ad 17. Dec. latens vitium tam parentes, quam obfetrux ignorarunt. D. 17. Dec. hor. 10. antem. obfetrux animadvertit, nihil meconii ab infante excretum esse, in causam hujus retentionis inquirens, clausum ani orificium detegit, et curam gessit, ut aulae hannoveranae Chirurgus, et in theatr. anat. professor Dn. KAVFMANN pro ano artificiali parando alliceretur. Invenit Clar. KAVFMANN puerulum clamantem perpetuo, et saepe vomituriensem, dum materiem biliosam spumantem, et mox deglutitum lac rejiceret, interdum verum meconium ore rejecisse adstantes asseruerunt. Abdomen vehementer convellitur et exagitur, et quamvis in reliquo corpore puer bene formatus esset, de ani apertura nullum ipsi apparuit vestigium. Novitate rei permotus casum mihi retulit, atque ut infantem ipsum inspicerem, et consiliis meis eidem succurrerem a me petiit. Talem rerum statum inveni, qualem egregius vir candide mihi narraverat: anus nempe non solum plane deficiebat, sed a raphe scroti per omnem perinaei ambitum ad coccygem et os sacrum usque ne vestigium quidem inveniri poterat, ex quo ad latentem sub cute recti intestini exitum cum aliqua verisimilitudine concludere potuisses: laeva ubique duriuscula et aequalis cutis omnia obtegebat. Pari ratione ut visus nihil ano simile detegeret, tactu etiam, quo partes hac in regione sitas follicite explorabam, nullam foveam, sinum, aut profunditatem quandam eruere potui. Huc usque per urinae vias nihil meconii excretum erat, de confluxu itaque intestini cum vesica nullam habere poteram suspensionem. Ex consilio meo, ut anum artificialem pararem, incisio facta est in medio loco inter coccygis apicem et scroti raphen. Lente per copiosam pinguedinem procedendo culter ultra pollicis profunditatem frustraneo successu in pelvim demissus est: absque ulla fere sanguinis jactura, et sine notabili dolore infans incisionem sustinuit. Cum vero in toto vulneris ambitu nihil inveniremus, quod ad intestinum viam nobis aperiret, in vulneris etiam profunditate et directione periculum nobis vesicam laedendi immineret, ab ulteriore operationis progressu desti-

timus, aliquantisper expectaturi, quid natura ipsa paullo post ostenderet. Hora 4. post merid. infantem denuo intuemur, multumque meconii una cum lotio excreti lintamina cum continerent, de intestini recti in urinarias vias ingressu nullum dubium supererat, quam ob rem, cum operationem non amplius locum habere putarem, attenti fuimus, qua nunc ratione in posterum natura per hunc inconvenientem locum meconium excretura esset, quare vulnus, in quo nullam factam mutationem observare poteramus, debito modo deligatum est.

## §. 6.

Symptomata superius enarrata cum continuarent, abdominis turgescencia eadem maneret, lactisque appetentia, quod huc usque cochleatim instillabatur, minueretur, lac tepidum in urethram injicere consului, cui vero canalisis angustia fortiter resistit. Urinae tamen nihilominus excretio de hora in horam pergebat, plerumque meconium parco lotio admixtum fuit. Dedimus ad aliquem stimulum excitandum pauxillum syrupi cujusdam laxantis cum tantilla pulveris radices jalappae remixti. Imminuto autem tum sugendi cum deglutendi appetitu, infans tam de hoc syrupo, quam de lacte cochleatim instillato parum vel nihil assumsit. Inquietudo interrim pueri sensim emacescens, convulsivi corporis motus, et saeculentae materiae vomitus usque ad diem 22. continuarunt. Sequenti nocte quietior factus, cessantibus omnibus reliquis symptomatibus d. 23. postquam puer molestissimam octo circiter dierum b) vitam vixisset, expiravit.

## B 2

## §. 7.

b) Vitae duratio pro diversitate mali non una eademque esse potest, quare tot diversique termini apud scriptores observantur, donec diem supremum

subiere infantes, licet operatio tentata fuit. Tercio die misere perit puella, cujus mentionem fecit TRIÖN I. c. p. 60. Tertio vel quarto die in ill.

p. 84.

## §. 7.

Summa difficultate a parentibus et confanguineis obtinuimus cadaver incidendi licentiam. Quod enim jam antea hariolatus eram, vitium hujus retentionis in eam classem pertinere, c) ubi intestinum in lotii vesicam intrat, et cum mihi simul cognitum esset, fere unicam b. KALTSCHMIDII de raro hoc casu, excepta illa superius ex von SANDEN citata, extare delineationem, quae non obstante tam rudi figura, quam manca descriptione, licet vera essent quae dixerit, beato HALLERO placuit, optabam omnino, me facta cadaveris sectione praeparati illius compotem fieri posse, ut de rarissima harum partium praeternaturali conformatione meliores figuras, et descriptionem cum publico communicare possem, quod mihi tandem cum ex voto successerit, meae dissertationi primo loco *statum cada-*

ВЪМЕРИ exemplo l.c. p. 7. quarto apud VON SANDEN Eph. n.c. l.c. versus quintum HEISTER l.c. pag. 464. quinto apud RUYSCH l.c. et WEITZ supra. septimo ex MANGETI relatione p. 497. octavo, uti apud beat. KALTSCHMID pr. cit. et in nostro casu: duodecimo apud MORANDUM in Mem. de Paris l.c. decimo septimo die ex SENNERTO l.c. et quinto demum anno referente DE LAMARE in Roux l.c. Femellis, quibus rectum intestinum in vagina exiit, non tam cito malum istud funestum esse, easdem vero a vitae periculo minime immunes reddere, praeter alia testimonia confirmat exemplum MANGETI de Ext. aff. Lib. V. Cap. 18. pag. 27. quae in sextum annum vixit.

c) In enarrandis modis diversis, quibus turbari potest uni exitus, non omnes conspirant auctores. Tres modos ssumit MANGET l.c. pag. 499.

a) Angustiam sive conniventiam intestini; b) Ani clausuram per membranam; et c) coalitum, ob quem aetnae vocantur, qua fere in re convenit STORCH Zunderfrankheiten p. 75. seq. Paullo accuratius casus varios in ordinem redegit, quamvis tres etiam modos assumat, Cel. PETIT Mem. de Chir. l.c. p. m. 273. a) Ubi anus in vesicam; b) ubi in vulvam aperitur; et c) ubi tumorem herniae instar formabat. Optimam forsitan methodum sequitur Clar. AUBRAI p. 259. dum quinque classes constituit, in quas ani male conformati vitia redegit. a) Cum membranae ope clausum sit: b) Dum cutis ipsa super ani aperturam extenditur: c) Si anus non perfecte oclusus est, sed solummodo angustatus, ut difficulter tantum externi excrementa possint: d) Si rectum in alium locum praeternaturalem aperitur, vesicam e. g. e) Si rectum angustato sine in pelvi definit, absque omni apertura.



*cadaveris in genere, fabricam dein affectuum in pelvi partium, et ultimo loco aliquot corollaria inferam.*

*Sectio cadaveris infantilis ano impervio mortui.*

§. 8.

Thoracem non aperuimus, cum partim ad rem inquirendam nihil conferret, partim parentes corpusculi accuratius examen recufarent, ergo solum abdominis cavum examini subiectum est. Praecipua momenta, quae observavi, erant seq.

- 1) Duae libras cum dimidia pondere perdiderat.
- 2) Pro anni temperie, et tempore, quo sectio post mortem instituebatur, cadaver jam multum foetebat.
- 3) Funis frustulum in umbilico residuum, quod alias jam siccum et delapsum esse solet, adhuc restabat, sed putredine corruptum.
- 4) Abdomen elastice expansum lividi coloris *d)* talem in modum tumebat, ut tympaniticus status esse solet, cuilibet pressioni renitens.
- 5) In facie et superiore corporis parte summus marcor apparebat.
- 6) Ex ore et naribus effluebat, vel potius propullulabat spumans flavum et biliosum liquidum.

B 3

§. 9.

- d)* Talem colorem in pluribus casibus annotarunt, ut PETIT *l. c.* p. 238.

## §. 9.

Aperto per incisos musculos abdomine,

- 1) Aëre turgida intestina crassa statim prorumpebant cum gangraenoso foetidissimo odore. Haec crassorum expansio ubique eadem erat, in colo transverso autem maxima, etiam ultima ilei pars partim meconio, partim aëre erat expansa. e)
- 2) Ventriculus in summam angustiam et minimam molem erat contractus, tam parvus, ut in embryonibus 4 mensium eum multo maiorem amplioremque viderim, simul admodum durus callosusque.
- 3) Paulo amplius est duodenum, et copiosa bile viridissima repletum.
- 4) Amplissimum et grandissimum hepar, totum hypochondrii sinistri cavum replens, et infra ipsum lien expositum, ut ligamento quoque cum coli sinistri flexu iliaco coalitum esset. Inferior hepatis superficies gangraena affecta perfecte nigrescit, qualem colorem et lien, duodenum, omenta, mesocolon transversum cum intestino annexo, et ren sinister assumerant. Magna, viridissima bile repleta cystis, ultra marginem hepatis prominebat.
- 5) Maxima intestinorum tenuium pars, a jejuni initio usque ad exiguum ab ingressu in coecum distantiam vacua erat, et tam eleganti ratione contracta, ut non intestinorum tractum, sed longam taeniam per infimum ventrem esse convolutam, crederes. Infima ilei pars meconio satis repleta, cujus copia in crassis usque ad recti in vesicam ingressum augebatur.

c) Ure-

e) Similem expansionem observavit Ill. BOEHMER l. c. p. 8.

- 6) Ureter sinistri lateris mirum in modum amplificatus, f) sua crassitie et amplitudine per peritoneum eminebat, et in pelvim renalem amplissimam et capacissimam lotio purulento plenam aequali crassitie porrigebatur.
- 7) Rectum intestinum ex flexu iliaco colli sinistri, quod spinæ dorsi proxime adiacebat ortum, non uti in statu naturali solet profunde in pelvim demergebatur, sed statim in medio pelvis cavo cum vesica urinaria concretum definit: quod tamen melius in exentis ex pelvi visceribus describi poterit.

*Exactior disquisitio partium quæ in pelvi continebantur.*

§. 10.

Infima pelvis regio, os sacrum coccygis et perinaeum respiciens, copioso adipe erat repleta, quod tanto magis mirandum, cum in reliquo corpore quoad maximam partem deficeret. Cum vesica et rectum intestinum eidem insertum versus anteriorem pelvis partem pubem nempe dirigeretur, insigne cavum in posteriore et inferiore pelvi, quod uti dictum est solam pinguedinem continebat, incisio nostra, licet satis profunde penetraverit, eam ob causam meconii receptaculum attingere non potuit, licet, uti postea vidi, lanceolæ cuspis usque ad coecum intestini recti locum pervenit. Circa secundam ossis sacri vertebram intestinum rectum suam directionem mutabat, transversim a posterioribus versus anteriora per pelvim incedebat, et cum vesicæ urinae parte posteriore et inferiore in unum corpus confluebat. g) Peritoneum, quod super posterius vesicæ planum descendens, et versus rectum dum reflectitur, profundam inter vesicam et intestinum patinam efficit, in hoc

f) Aliquantisper expressus Tab. I. e. Tab. II. e. et III. e. in sin. lat.

g) Accurate in omnibus tabulis adjectis depictum.

hoc casu, ex media vesicae parte aequaliter porrectum in rectum transit absque cavea formata.

## §. 11.

In exemtis ex cavo pelvis omnibus visceribus, quae tam generationi inservire olim debebant, quam urinae scybalorumque excretioni prospicere, iisdemque sollicitè praeparatis statim animadverti, praeternaturalem hunc recti intestini coalitum cum vesica, partes quidem nonnullas necessarias non destruxisse, aut in compositione et fabrica earundem notabiles quasdam mutationes effecisse. Cum ipsum intestinum rectum primum hujus deformitatis objectum sit, ejus structura, cum vesica urinaria conjunctio, et deformationes inde pendentes praemittendae sunt.

## §. 12.

Videbatur in genere ea crassi intestini pars, quae recti nomen et functiones gerere deberet, nil aliud nisi coli sinistri seu flexus illi pars esse, et verum rectum deficere. Nam fasciae illae longitudinales in colo consuetae, distincte in hoc intestini frustulo ad angustatum finem continuabantur, quae in vero recto in latam crassamque tunicam muscularem alias mutantur; De hac vero tunica musculari in universo intestini ambitu, si finem exceperis, nullum adfuit vestigium. Ex summa amplitudine, quam servabat rectum intestinum dum vesicam attigerat, in media vesicae parte subito in conicam angultiam extenuatur, et cum posteriore cystidis parte arctius connectitur: Sensim adhuc angustius factum, inter vesiculas feminales sese abscondit, jam inter tunicas vesicae et prostatae carnes receptum, eo praecise in loco in vesicam intrat, ubi ureteres cystidem petunt, exilissimo foramine tandem, quod vix aciculae caput admitteret, in cavo vesica aperiebatur, *h*) ex quo, pressione intestini, parumper meconii prodibat.

*Muscu-*

*h*) Tab. III. a.

*Musculi partium concretarum.*

## §. 13.

Ut in aliis hujus systematis partibus ille recti et urethrae coactus varia a consueta fabrica mutavit, ita musculi quasdam passi sunt mutationes, quarum in completa descriptione ratio omnino habenda est. Sunt vero harum partium musculi, *Levatores ani, coccygæ, Transversales perinaei; Sphincteres* tam externus quam internus, *Ischiocavernosi* et *Bulbocavernosus*, *Cremasteres*, et stratum fibrarum muscularium, huc usque nondum satis cognitum, quod ex perinaeo membranae *Dartor* admiscetur. In genere de his enarratis musculis dici potest, quod alii plane deficient, ut *Sphincter internus*, et *Levator*, de quibus ne vestigium quidem in extenuato et in urethram finito intestino invenire potui: alii insignem in modum mutati, ut *Sphincter externus* et *Bulbocavernosus*: alii naturalem conformationem retinuerint, ut *Cremasteres*, *Ischiocavernosi*, *Transversales*. De omnibus itaque recensito quae annotavi, quaeque partim in figuris exprimi simul potuerunt, partim verbis tantummodo explicari.

## §. 14.

Dixi de Sphinctere interno nullum adfuisse vestigium: Cum enim diligenter in hujus musculi structuram inquirerem, loco ejusdem in infimo recti intestini sine, ubi collo vesicae committitur, crassiusculum quoddam fibrarum muscularium stratum ab ultimo limite oritur, et super vesiculas feminales in posteriore superficie expanditur, ut ipsae vesiculae hac musculari tunica tegantur, versus laterales regiones etiam ductus deferentes obducit, et in anteriore intestini plano cum tunica musculari vesicae confunditur, et in eadem evanescit. Ea vero hujus tunicae pars, quae posteriorem et inferiorem intestini regionem vestit, super prostatam ducebatur, et tenerimas fibrillulas urethrae principio impertiebat.

*Comment. phys. T. I.*

C

§. 15.

## §. 15.

In musculis ischiocavernosis seu erectoribus nullam memorabilem mutationem observavi, *bulbocavernosi* vero et *sphincteris externi* fabrica a naturali recedebant. Tenui nempe principio ex infima ossis sacri vertebra oriebatur sphincter, acclivi ascensu versus urethram tendens fibras paullo magis expandit, i) et in duplicem fasciculum dehiscit, quorum alter versus urethrae principium reflectitur, alter ad inferiora descendit, et multis fibrillis super darton distribuitur. Ex medio duplicis hujus fasciculi hiatu ortum ducit *Bulbocavernosus* s. *Accelerator*, k) qui quadruplici fasciculo spirali directione urethrae bulbum amplectebatur. Levatorum pariter nullum vestigium supererat, nec in ipsis ossibus ex quibus oriri solent.

*Reliquarum partium structura.*

## §. 16.

Ex amplissima renis sinistri pelvi, qui copiosa urina ad crepaturam usque distenta, et sphacello tota correpta erat, descendebat versus vesicam grandis et pari amplitudine praeditus ureter: triplo amplior dextro. l) Causam hujus praeternaturalis expansionis incisa paullo post cystide vidimus, caeco enim sine hic ureter vesicam petebat, omne itaque lotium pelvis ejusque ureter retinuerant, quod durante graviditate in rene sinistro secretum erat.

## §. 17.

Vesicularum feminalium situs a naturali fabrica etiam aberrabat, cum enim alias inter cystidem et rectum locentur, nunc exte-

rio-

f) Tab. I. l.

d) Tab. I. e. II. c.

k) Tab. I. h.

riorem extenuati intestini locum occupabant, copiosa pelvis pinguedine obvolutae. Idem de prostatica valebat. De exiguo foramine, quo meconium ex recto in vesicam pressione exibat, superius jam dictum est.

### Corollaria.

#### §. 18.

1) Duplex malum huic infanti necem minatum est: *ureteris sinistri oclusio, et recti intestini incongruus exitus*. Prioris vitii sequelas jam in ipso cadavere conspeximus, dum lividi gangraenosique hepatis, lienis, omenti, mesocoli, et renis sinistri mentionem fecimus (§. 2. nro. 4.) Qui porro consideraverit, quales mutationes, quantaeque mala ex retentione debitae et necessariae scybalorum et urinae excretionis jam observata sint, m) lethalem hujus vitii exitum facile intelliget, et si id cum sodalitie alterius deformitatis non conjunctum fuisset.

2) Inter varias classes vel plane deficientis vel male siti exitus intestini recti, quarum autores passim mentionem fecerunt, haec, quae rectum cum lotii cystide conjungit, ita comparata est, ut par-

C 2

tim

m) Speciminis loco aliquot tantum exempla afferam. Ex beat. HALLERI autopsia refert Illustris ZIMMERMANN von der Erfahrung in d. 2. Th. pag. 151. daß unter den Ballisern einer crepirten, der seine Nothdurft nicht verrichten wollte, und dessen Afterdarm auf eine übernatürliche Art bis auf 13 Schuß erweitert war. Cel. ROLLIN in Braunschweigischen Anz. vom Jahr 1754. 7. St. p. 121. memorabilis mentionem fecit hydropici ultra 80 libras aquae comprehendentis,

cui ureteres in vesica plane oclusi erant. Ipse vidi tristem viri septuaginta annorum mortem, qui ultra decem dies ne guttulam urinae excernere poterat, cathetere auxilium non praebente, et medicis puncturam recusantibus, fato cessit: Nimis grandis et indurata prostata urethram obturabat, vesicam plus quam 5 librarum urinae continebat, in pectore, abdomine, quin in ipso cerebro, lotii odor percipi poterat, ureteres et pelvis renales expansae, omniaque gangraena corrupta,

tim rarioribus casibus annumeranda, n) partim respectu medelae difficilis, quin insanabilis censenda sit. o) Mirari sane debemus, modum, quo natura in coniungendis binis excretionum viis in quibusdam animalibus p) cum salute utitur, in aliis periculo plenissimum esse, dum ingressus ratio invertitur.

Singulare est omnino, plerisque fere exemplis, ubi natura hanc illamque functionem carente organi iusta conformatione exercere desinit, quasdam alias partes plerumque vel deficere, vel aliis magnas mutationes impertivisse. Deerant itaque levatores ani et sphincter internus, q) ad quorum itaque conformationem recti intestini ad

n) Sive compilerum ut STORCHII et SCHVRIORI catalogos per-lustrare, sive propriae lectioni fidem habere volumus, numerus horum casuum longe minor est, quam aliarum classium. Comparanti enim ex nostro recensu nota a. dato, proportio observationum meo cum casu conspirantium, inter quas praecipue eminent VAN RAN-DEN, KALTSCHNIEDII, MORAN-DI, HILDANI, LAUREMBERGII, ROONHUYSEN, SCHENCKII, ad integrum vitiorum ani numerum esse uti 7 ad 41.

o) Asserti nostri veritas partim ex eo patet, quod nullus illorum foetuum, in quibus rectum intestinum cum vesica conjunctum fuit, convaluit, licet in plerisque operatio instituta esset, partim peritissimi viri funestum praesagire exitum, ut HEISTERVS *Eph. nat. Cur. l. c. p. 465*. PETIT *l. c. p. 238. et 245*. MARTINI *l. c. p. 292*. Bene enim monuit Ill. PETIT, duo chirurgi observanda esse, qui operationem instituire vult, a) faecibus exitum parare, sed b) illum ita parare, ut per idoneum locum semper et iusto


tempore excerni possint, ne nempe involuntaria ratione in locum incongruum exeant, quod malum morte ipsa peius agnovit. Anne vero quibusdam in casibus, ubi parentibus multum interesse potest, ut per aliquod tempus vita conservetur infantis, consilium Clar. MARTINI *l. c. p. 293*, adhiberi possit, colon sinistrum incidendi, et anum hoc modo artificialem parandi, id aliis ad dijudicandum relinquo; mihi quidem humanitati nimis conforme esse videtur, operationem instituire qualiscunque sit, dummodo aliquam spem alat, quam sine omni auxilio certae mortis infantem tradere.

p) Notum est in plerisque volucricus vesicam in rectum intestinum haurere et cloacam ita dictam inde fieri, beat. ALBINVS in *Annot. Acad. Lib. III. p. 69*. Ill. BUFFON *Hist. nat. T. X. p. 5*. Rarissimis in casibus tale quid in quadrupedibus sine noxia sequela observatum fuit.

q) Similem levatorum et sphincterum defectum annotavit WOLFFSTRIEGL *apud MANGETVM l. c.*



*Wrisbergii Tab. I.*





ad anum productio requirebatur. Mutabantur inde sphincter externus et accelerator, cum illi rectum intestinum deesset, circa quod commodè duci, et ad formandam originem bulbocavernosi jungi ejusdem fasciculi possent. Axioma ergo, cum in aliis corporis humani locis similes deprehendamus mutationes, inde confirmatur, vitium unius partis aliarum ut plurimum secum conjungere.

---

### *Figurarum Explicatio.*

#### TAB. I.

Sistit viscera pelvis exempta et praeparata, quomodo lateraliter visa et in situ parumper proclivi apparuerint.

- A. Intestinum rectum sensim conice angustatum, meconio turgens.
- B. Locus ille ubi extenuatum et in conum contractum intestinum ureteres inter et vesiculas feminales collo vesicae inferitur.
  - a. Arteria umbilicalis sinistra versus umbilicum tendens.
  - b. Peritoneum a posteriore vesicae urinae plano solutum, et super anteriorem recti superficiem reflexum.
  - c. Ductus deferens sinister.
  - d. Vesicula seminalis ejusdem lateris.
  - e. Ureter, pro ratione aetatis nimis expansus, eam ob causam versus inferiora reclinatus, ut recti intestini in vesicam ingressus melius distingui possit.
- C. Vesica urinaria naturali longitudine expressa, qua in foetus conspicitur.
- f. Urachus tenui filamento ad umbilicum ascendens.
- D. Urethrae principium.

C 3

E. Pe-

- E. Penis cute nudus, cujus corpora cavernosa g. ad superiora re-  
flexa sunt.
- h. Musculus Bulbocavernosus seu Accelerator urinae, turbine  
fibrarum suarum muscularium in hoc cadavere conspicuus.
- i. Sphincter ani externus.
- k. Fasciculus musculosus fibrarum ex sphinctere ani externo in  
darton abiens.
- F. Scrotum testiculos continens, cutis reclinata est, ut dartos  
membrana cum suis vasis visibilis redderetur, cui immiscebatur  
stratum fibrarum muscularium k. ex sphinctere ani externo  
ortum.
- l. Funiculus vasorum spermaticorum.

## TAB. II.

Repraesentat eadem viscera ex parte posteriore conspicua.

- A. Intest. rectum.
- B. Transitus recti in vesicam.
- c. Ductus deferentes.
- d. Vesiculae seminales utriusque lateris.
- e. Bini ureteres.
- C. Vesica lotii.
- X. Prostata.
- D. Urethra s. potius Isthmus nimis longus.
- Y. Bulbus urethrae, quo in loco penis ortum cepit.
- F. Scrotum.
- l. Funiculi spermatici.

TAB.


Wrisbergii Tab. II. *da*



e n









TAB. III.

Descriptarum et in praecedentibus tabulis delineatarum partium anteriorem faciem offert, cum aperta urinaria cystide, ut recti intestini in eandem hiantis apertura exigua conspici possit.

A. Intestinum rectum.

Z. Vasa umbilicum petentia; quorum

v. Vena umbilicalis.

a. Arteriae umbilicales.

u. Ligamentum ex vesica urinaria versus umbilicum ductum, quod

f. Urachum comprehendit.

e. Uterque ureter.

C. Vesica urinaria ex anteriore parte aperta, ut internam faciem intueri possimus: in qua

o. exiguum est orificium, quo rectum intestinum in vesicam aperitur.

D. Urethra.

E. Penis.

---

HENR.

HENR. AVG. WRISBERGII  
OBSERVATIONES ANATOMICAE  
DE  
TESTICVLORVM  
EX  
ABDOMINE IN SCROTVM DESCENSV  
AD ILLVSTRANDAM IN CHIRVRGIA DE HERNIIS  
CONGENITIS VTRIVSQUE SEXVS  
DOCTRINAM.

PRAEL. D. XIV. NOV. MDCCLXXVIII.

---

§. I.

Naturam in formandis corporis humani reliquorumque animalium partibus quandam plerumque ordinem et constantiam observare, quotidiana testatur experientia. Dum cuilibet functioni determinata sua decreverit organa, musculos, vasa, viscera, nervos, sic quaelibet particula, pro diversitate usus, necessitatis, ad varia negotia influxus, brevioris longiorisque per vitam durationis, differentem a creatore obtinuit quoad numerum, magnitudinem, pondus, situm, aliaque attributa legem, cui obtemperare, nisi extraordinariis et infolitis turbetur circumstantiis, debet. Argumento hodierni sermonis, quo in aliquam corporis humani partem commentarer, decrevi tale objectum, quod non solum huic a natura praescriptae legi obedit, sed quod sua dignitate, et multiplici in genus humanum salubritate prae

prae aliis sese commendat, ut conjunctis viribus in eo perficiendo laborent eruditi.

### §. 3.

Nulla fere existit in corpore animali particula, quae in situ suo tam memorabilem subiret mutationem, et quae, si in hoc turbatur, morbo tam celebri, tamque frequenti ansam praeberet, quam testiculus. Qui enim testis a primis animalium quadrupedum exordiis, in media abdominis cavitate intestinis circumdatus ad rem marginem inferiorem haeserat, in progressu graviditatis sensim descendit, et per paratam pro eo transmittendo viam in scrotum delabitur, ut reclusa nunc versus infimum ventrem porta, vel rarissime vel potius nunquam in pristinum domicilii locum recedere possit. Homo nunc cum plerisque animantibus quadrupedibus, nisi elephantus aliaeque minoris molis bruta, quorum recensum dedit beat. HALLEVS a) forsan ab hac regula exceptionem faciant, id fere commune habet, ut vel unum, vel utrumque saepius testiculum, vel mox a partu, vel paulo post illum, scroto inclusum gerat.

Hanc

a) *Praelection. in Instit. med. Tom. V. P. I. p. 293. not. cc. Elem. Physiol. Corp. h. T. VII. p. 412.* quod ex propria observatione in juniore tantum elephanto didiceram, nullos in scroto habere testiculos, abdomini adhuc inclusos, id litteris Cl. Doct. SOMMERING, viri ad augendam anatomicen vere nati, confirmatum est, quodque ad hunc usque diem nondum erat evictum: Retulit enim eruditus, diligensque vir, se apud Illustr. CAMPERUM, cujus tam eruditionem profundam quam humanitatem laudari et ex-

tolli nunquam satis posse fatetur. vidisse praeparatum in spiritu vini servatum, quod testiculos elephantis abdomini inclusos exhiberet, quod quidem nec ex scripto ALLEN MULLEN, nec ex DUVERNOI certo patet. Quibus novissimae observationes attulerunt robur, cum in erinaceo Celeb. incisior JOHN HUNTER lib. mox nominando p. 78. testes in abdomine remanentes viderit, ut cremaster ex obliquo interno intra abdomen ascendat ad testiculos.

*Comment. physf. T. I.*

D

Hanc veritatem eruditi antiquioris recentiorisque aevi per totam fere Europam agnoverunt, ut perquam difficilis sit assertio, qui primus docuerit situs mutationem. Probabile sane est, nisi herniosa affectio, quae sequi hunc testium descensum saepe solet, et cui chirurgia medetur, novam attulisset denuo inquirendi causam, nihil lucis augmento hujus doctrinae additum esse. Ex quo vero tempore chirurgi, de causis herniarum et de sedibus earundem, nec non de habitu sacci herniosi inter se disceptare inceperunt, accuratiores corporis humani scrutatores, sive incisores, sive chirurgi fuerint, novam herniarum speciem, quam ex natali sua sede *congenitam* appellabant, quaeque eundem canalem, quo descendit olim testiculus, pro involucro agnoscebat, detexere, et eam ob causam universam historiam de testis ex abdomine in scrotum itinere, descensu, causis, et viis recoquere, et novis inventis amplificare studuerunt.

## §. 6.

Licet vero neminem latebit, quid CLAUDIUS GALENVS b) olim de via testis ex abdomine in scrotum, egregiis observationibus ex simiis defunctis suffultus, quarum veritatem nostro saeculo laudibus nunquam satis extollere potest Perill. CAMPERVS, dixerit, haec tamen ad veram hujus doctrinae epocham minime pertinent, quae praesenti, in quo vivimus, saeculo reservata esse videtur. Chirurgus enim Gallo minime incelebri RENEAVLME DE LA GARANNE c) non denegare possumus ideam anno 1726. prolatam „*intestina et omentum per eundem canalem interdum elabi posse, quo exiit testiculi*„ quam debito quoque honore recolunt Illustres viri PERCIVALL

POTT

b) *Administr. Anatom. Lib. V. Cap. 6. pag. 120. 134. 145. Edit. Charter. in fol. T. IV. ceu locis saepius citatis.*

c) *Essai d'un traité des Hernies. à Paris 1726.*

POTT d) et PETR. CAMPER. e) Plurimum procul omni dubio lucis attulit, quin fere nullam hujus controversiae particulam intactam reliquit b. HALLERVS, f) qui ab anno 1735 \*) ad nostra tempora, tum ipsius testiculorum situs veram rationem, constantem illorum descensum, ligamentum quo reguntur, et quod cylindrum appellavit, tum peritonaei ad hunc descensum relationem, et ab his pendentem ad suscipiendam herniam congenitam dispositionem exposuit.

Eodem fere tempore, quo HALLERVS suas cum publico communicaret observationes, Celeberr. SHARP, g) et Magnus incisior Ill. HVNTERVS, h) ab anno 1748. eandem disquisitionem retractarunt, et egregiis inventis, tum ab Ill. WILH. HVNTERO, tum a Celeb. fratre ejus JOHANNES i) originem habentibus, auxerunt. Ad eadem tempora pertinent procul dubio conamina percelebris in anglia chirurgi Clariss. PERCIVALL POTT, k) qui frequenti rerum usu et multiplici observandi occasione quae ipsi fuit, quoad chirurgicum praecipue argumentum, variis scriptis ad hanc rem pertinen-

D 2 nen-

d) *An account of a particular kind of rupture frequently attended upon new-born children, and sometimes met with in adults.* London 1765.

e) Von den Ursachen der vielfältigen Brüche bey neugebornen Kindern. aus denen Harlemischen Abhandl. 6. B. 1. St. S. 235. und der Fortsetzung 7. B. 1. St. S. 58.

f) Praeter loca in notaa. citata praecipue huc pertinet Progr. *Herniarum observationes aliquot continens.* Goett. 1753. denuo editum in *opusc. patholog. et auctum in oper. minor.* Tom. III. p. 311.

g) *Commerc. litt. Norimb.* 1735. p. 197. et 1737. p. 3.

g) *Critical inquiries into the present state of surgery.* p. 3.

h) *Medical Commentaries P. I. Lond.* 1762. Cap. IX. of the rupture, in which the testis is in contact with the intestine, p. 70. Ejusd. Supplement to the first part of med. Com. Lond. 1764. p. 6.

i) *Lib. cit.* pag. 75.

k) Praeter scriptum, quod sub titulo: *Account of rupture* supra nota d. nominatum est, pertinent huc Ejusd. *Treatise on the hydrocele.* Sell. III. pag. 12. *Treatise on ruptures.* *Essais on several subjects in surgery.* T. II. Ess. 2. *Chirurgical Observations.* pag. 69. 139.

nentibus inclaruit. Non ita multo post Illustris CAMPERVS l), vir amplissimae eruditionis, et tanta cum laude et successu anatomen cum chirurgia conjungens, in doctrina de testium descensu, et herniis congenitis, suis observationibus tantum lucis sparsit, ut inter inventores censeretur omnino mereatur. Non obiter tantum hanc litem attingit b. NEUBAVERVS, m) pragmaticam vero, ut ita loquar, exhibuit Ill. LOBSTEIN n) expositionem, observationibus anatomicis aequae quam chirurgicis superstructam, qua de testium situ, via quam sub descensu legit, canale quem transit, causis et sequelis hujus delapsus, tam concinne et tam erudite disseruit, ut fere nullum ad controversiam ullo modo pertinens argumentum intactum reliquerit. Vix sane putaremus, in disquisitione partis cujusdam, quae calamum et ingenium summorum per Europam incisorum occupavit, lacunas aliquot remansisse, studio et industria beati MECKELII, o) nec non eruditi in Italia incisoris Ill. GIRARDI p) et quoad aliquam particulam Clar. PALLETAE q) refarciendas.

## §. 4.

Mihi summorum virorum scripta evolventi, et cum meis observationibus per tria fere annorum lustra collectis, comparanti, non sine magno oblectamento animadvertere contigit, anatomicam hanc disquisitionem ad summum fere veritatis fastigium elatam esse, dum in disitis maxime terrae regionibus quilibet observator, a partium studio alienus, ipsam naturam consuluit, saepius observationes suas re-

l) lib. sup. cit.

m) *Diff. de Tunicis vaginalibus testis et funiculi spermatici.* Giesiae, 1767.n) *Diff. de Hernia congenita, in qua intestinum in contactu testis est.* Argent. 1771.o) *Traſſat. de morbo hernioso congenito singulari et complicato feliciter cu-*

rato. Berol. 1772.

p) JOH. DOMIN. SANTORINI *Septemdecim Tabulae.* Parmae 1775. pag. 185. *Gir. Tab. II.*q) *Nova gubernaculi testis hunteriani et tunicae vaginalis anatomica descriptio.* Mediol. 1777.

repetiit et cum aliorum placitis contulit. Cum vero natura saepe alia doceat, alia hominum opinio, mirari non debemus, de die in diem severum observandi studium nova detegere, cognita confirmare, firmitus stabilire, in genere doctrinam quandam ulterius expolire et magis perfectam reddere posse, quae primo adpectu exhausta esse videbatur.

§. 5.

Ita enim cum themate dissertationis meae comparatum esse existimavi, in quo trutinando variis in locis ex observationum divite mea suppellectili varia eidem addi posse inveniebam. Horum autem breve compendium daturus, ut lectores sciant, quamnam thematis particulam exactius describendam, additamentis amplificandam, aut meo iudicio perstringendam mihi sumserim, quaedam momenta praemittenda sunt.

1. Nullo sane dubio subjecta erat veritas, testes, durante graviditate, ex renum vicinia, per hiatum muscutorum abdominalium in scrotum descendere, quo vero tempore, mense, graviditatis stadio id contingat, in tabula a nemine huc usque propositum est.
2. Cum pariter in nullo scripto, computum legerim observationum, licet legem, quod post nativitatem scrotum testiculos comprehendit, exceptionis participem esse quilibet fateatur, in quo ordine et ratione id fiat, necessarium esse credidi, favente occasione etiam hoc desiderium delere, et per tabulam quandam super hoc argumentum lucem spargere.
- 3) Simili ratione omnes fatentur, per magnam graviditatis partem testiculos abdomen comprehendere, adeo peritonaei cancellis inclusum esse. Scripta vero celeberrima perlegentes facile

cile sententiarum deprehendent divortia, quam in partem interpretandum sit axioma, testes latent in peritoneo, vasa seminalia extra illius cancellos.

4. Multum jam praestitum est in describendo canale, per quem descendere in scrotum testiculus debet. HALLERI cylindrica vagina; III. HUNTERI gubernaculum, AMABILIS CAMPERI cylindrus, et qui aliam denominationis viam ingressi sunt, canalem ex illo ligamento formari invertendo credunt: quibus autem mearum observationum penus in aliquot subiectis canalem obijcit, ex cavo peritonei, per immediatam ejusdem membranae continuationem ortum, et simul cum dicto cylindro et gubernaculo in infima scroti ducentem.
5. Testis semel in scrotum delapsus pluribus cingitur velamentis. Tria esse membranarum genera quae id praestant, *Tunica vaginalis communis* pro teste, epididymide et funiculo spermatico simul; *Tunica vaginalis propria* vasorum spermaticorum; et *Tunica vaginalis similiter testi et epididymidi propria*; cuilibet in arte anatomica tironi nunc cognitum est. Quomodo autem ex hoc descensu dictarum tunicarum vaginalium ortus explicandus sit, quae praepremis ratione tunica vaginalis oriatur testi propria, id repugnantibus autorum assertis invenire non potui.
6. Inter evictas etiam veritates, cuilibet Chirurgiae tironi notas, pertinet inseparabilis ab hoc mutato testiculi situ sequela, congenitarum in eadem via herniarum ratio. Ut plurimum ad eandem formandam requirunt remanentem in canale, vel uti alii malunt, processu peritonei hiatus, per quem gliscere in inguina et scrotum intestina omentumque possent, et vicissim per eundem locum in cavum infimi ventris retrocedere, donec accedente vehementi corporis motu, factu, unctione, in veram



ram herniam eruant. r) Licet hanc frequentissimam ad capiendas hernias inguinales et scrotales causam inter primarias referam, repetita observandi opportunitas novam suggestit, quae ipsa partium structura nititur.

7. Puellas herniarum in inguine et partibus vicinis, labiis praecipue pudendorum, congenitarum non esse immunes, multiplici experientia confirmatum est. Mirantur sane, ex eodem loco in sequiori Texu prolabi abdominis contenta posse, qui tamen ceu in pueris ad transmittendas alias partes non factus est. ANTONII NVCKII diverticula et nostris temporibus ut hujus morbi causam accusamus. Partem huc usque nondum satis descriptam, novis observationibus iisdemque, repetitis illustrare, nec a foro nec ab officio meo alienum putavi.

8. Coronidis instar quaedam de causa descensus testium melemata adjeci.

#### §. 6.

Quodcumque fere animal ex classe mammalium et quadrupedum, durante magna graviditatis parte testiculos in infimo ventre inclusos gerit, qui diverso, pro vario gestationis termino, tempore sensim per annulum musculorum abdominalium descendunt. r)

#### §. 7.

r) Minime infrequens est, in animalibus aequae quam in homine, a causa quadam externa, gravi labore, vehementiori corporis agitatione hernias oriri. Sic in equo, quem aurigae flagellum ad labores suis viribus majores excitabat, ipse vidi insignem in scroto tumorem enasci, quo equus enata gangraena exstinguebatur. Nota pariter sunt simiarum exempla, quae ex cin-

guli ferrei per magnam vitae suae partem gestatione, hernia scrotali in uno alteroque latere laboraverunt; Huc pertinet historia viri, cujus infra mentionem fecimus, qui acerbiori vitae generi assuetus ad mortem usque molestissima dextri lateris hernia affligebatur.

s) Nondum abundare observationes, quae testium in abdomine situm in mammalium aliorum foetus descriptum

Ut ratio situs testiculi, quem tam intra cavum abdominis, quam extra annulum observat in diversis graviditatis stadiis usque ad partum

ptum dedissent, ille experientur qui librorum lectioni operam dant. Addi his possunt VALISNERII oper. Tom. II. p. 57. „qui in vitulo abdomine solo „peritonaeo testis nato, testiculos in infimo ventre locatos vidit., et Illustr. PALLAS Spicileg. Zoolog. I. pag. 35. ex antilope cervicapra narrantem, „testes in septimestri vix magnitudine „sabrae flaccidi, migrantes intra abdomen positi crant, et interius ductibus „deferentibus adhuc brevibus, antrosum, vasis spermaticis laxioribus dententi, posterius autem ligamenti quadam specie versus annulos continuati, „quos cruribus duobus planis extimus „utrinque abdominis musculus efficit. „Conspirant haec verba egregie in plerisque momentis cum meis observationibus, quae in nonnullorum quadrupedum embryonibus vidi. In foetu enim caprillo m. Jan. 1768. quatuor circiter mensium ex utero secto, scrotum erat molle et turgidum hydropicum quasi, per cuius integumenta tangere testes nondum valebam. Abdomine aperto, hiatus ille naturalis ex infimo ventre in scroto saccum duceus, in utroque latere perfecte apertus erat, per quem flatus, tubulo immixtus, vaginalem tunicam facile penetrat, et scroto quemlibet saccum elevat. Testiculi bini in limine annuli haerebant, et facili negotio in scrotum delabebantur. Ut cum aliqua firmitate et persistentia in has partes cul-

tro inquirere possem, per aliquot dies foetum in spirita vini asservavi, et sub repetito examine sequestia annotavi.

- 1) Cauta suspensaque manu peritonaeum tenerrimum a musculis abdominalibus transverso, psoade usque ad decursum vasorum spermaticorum separavi, ad vesiculae vero urinariae marginem anteriorem relictum mansit.
- 2) Utrumque saccum scroti aperui, cutem, dartosque membranam removi, ut ad nudam tunicam vaginalem testis pervenirem, quo facto, annulos abdominales pariter dissectui, ut unum continuum cavum, scrotum inter atque abdomen efficeretur, nilque nisi ipsa peritonaei continuatio in sacculum illum testem involventem dilatata, et in scrotum demersa superesset.
- 3) Quaedam peculiaria notata digna momenta tunc intuitus sunt.
  - a) Laxam cellulosa telam, membranam dartos cum tunica vaginali testisnectere, quae in adultis magis, in junioribus minus, inter se coalescent.
  - b) In infima huius tunicae vaginalis extremitate crassiorum telae cellulosa fasciculum, ligamenti instar tunicam vaginalem scroto alligare.
  - d) Sublata omni tunicae vaginalis cum darto et annulo musculorum

tum maturum et perfectum observat, melius intelligi et dijudicari possit, ex adversariis seriem observationum, a foetibus masculinis diver-

lorum abdominalium connexion-  
ne, totam tunicam testis et funi-  
culi spermatici vaginalem si-  
nistram elevavi et versus abdo-  
men reclinavi, nulla alia cum  
parte nexa mansit, nisi cum pe-  
ritoneo.

d) Peritoneum ipsum a descen-  
dente obliquo solutum, et in  
cavum pelvis reflexum et de-  
scendens, infundibili in mo-  
dum ad locum, quem vasa sper-  
matica et canalis deferens in-  
gredi videntur, adhaeret, ex ca-  
vo abdominis protrahitur dein  
versus scrotum, ab initio te-  
nuem modo et angustum cana-  
lem referens, qui quo magis  
infra annulum demergitur eo  
amplior fit, et si praecipue sta-  
tu distensus fuerit, largum satis  
sacculum refert.

e) In cavo abdominis obliqua ad-  
est in peritoneo apertura, in  
canalem tunicae vaginalis seu  
peritoneae processum ducens, 2.  
lin. lata, tubuli ostium facile ad-  
mittens, per quam levi oris ha-  
litu totam tunicam vaginalem,  
tam finis quam testis inflare,  
et clausa digiti ope illa apertu-  
ra, inflatam diu lustrare pote-  
ram.

f) Vasa spermatica aequae quam  
vas deferens in hoc specimine  
uti in omnibus aliis extra fo-  
ramen, pone illud saltem mar-  
ginem jacere videbantur, ut

nullo modo dici posset per fo-  
ramen et canalem descendere  
vasa spermatica, sed pone illud  
versus testem migrare, si jam  
in scrotum delapsus fuerit.

4) In dextro latere, antequam fac-  
cum scroti aperirem, et tunicam  
vaginalem praepararem, leni et suc-  
cessiva pressione digiti ope facta,  
testem ex sua capsula expuli, et in se-  
dem suam natalem abdominis repu-  
li, quod omnino intuentibus audi-  
toribus, quibus, cum in lectionibus  
anatomicis hyemae 1783 testiculo-  
rum situm ostenderem, etiam hoc  
praeparatum obtuli, facili negotio  
peragebatur. Eleganti tunc spe-  
ctaculo successively per aperturam na-  
turalem corpus testiculi, caput epi-  
didymidis, tandemque totum cor-  
pus epididymidis extra suam tuni-  
cam vaginalem in cavo abdominis  
in conspectum prodibant, talem  
quidem in modum, ut vasorum sper-  
maticorum in testiculum ingressus  
et ductus deferentis ex epididymi-  
de proventus, nudi nullis partibus  
nisi tenui peritoneae propagine ve-  
lati cerni potuerint; testis vero suis  
locis cum tunica vaginali cohae-  
rens manebat.

5) Eodem modo ac in sinistro latere  
dein cutem scroti cum darto inci-  
sam, nudam vaginalem testiculi et  
funiculi spermatici tunicam praepa-  
ravimus, similemque fabricam vi-  
dimus.

*Comment. Phys. T. I.*

E

Con-

diversae aetatis et conditionis, cum abortivis tum maturis defumtarum, in tabulam disposui, qua patere posset, quemnam situm obtineat testis in plerisque graviditatis stadiis. Ad meliorem uberioremque tabulae usum, quaedam praemittenda sunt, tabulae indolem ac usum illustrantis.

1. Quamvis tredecim tantum observationes tabula proposita comprehendat, monere tamen debeo, quemlibet numerum pluribus observationibus niti, 8. 7. 6. ad minimum 4. ut cujuslibet itaque numeri contenta, tanquam conclusiones plurium phaenomenorum considerari possint in una veritate conspirantium.
2. In secunda tabulae columna, quae tempus graviditatis designat matris quo peperit, omnem adhibui diligentiam, ut probabilem

Conveniant etiam de situ testiculorum in cavo abdominis observationes ex foetu suillo defumtae d. 28. Jan. 1768. Ex utero gravido suillo 7. foetus praegnante, cujus graviditatis terminum expiscari non potui, foetum excidi, qui perfecta vasorum repletionem seq. exhibuit.

- 1) Foetus erat masculus 5 poll. longus, tenerimus, cujus carnes et aliae partes tam molles erant, ut facillime dilacerarentur, epidermis tenerissima secedebat, et summa cum circumspeditione partes praeparari debebant.
- 2) Scrotum inter divaricata femora comparens erat minimum, non nisi cannabis magnitudinem referens, quantum exterius tangi potuit vacuum et contractum.
- 3) In abdomine aperto magnum heparem maximam illius cavi partem adimplens cum exigua cystide fellea, et intestinorum elegantissime con-

tortorum glomerulus conspici potuit, quas vero partes omnes removimus, ut eo melius testiculorum situm videre possemus.

- 4) Renes fabae minoris figuram et magnitudinem habent, dexter paullo profundior, sinister paullo altior haeret. Exiguae sunt capsulae suprarenales, testibus non majores.
- 5) In exigua a margine inferiore renum distantia haerebant intra cavum peritonei testes pili majoris magnitudine praediti. Distincte vidi vasa spermatica, quae injectione materiae idoneae coloratae elegantissime repleta erant, intra duplicaturam tenerissimi peritonei inclusa, testiculos eodem modo ingredi, uti vasa mesenterica intestinis communicantur.

Ex his itaque patet, admodum similem esse harum partium situm ejusque mutationem in multis brutis cum homine.

bilem gestationis terminum expiscarer: cum omnes mecum scrutinii difficultatem fateri debeant, ultra hebdomades non progressus sum: Animus vero mihi fuit, in successiva serie ostendendi, qualem rationem gestationis tempus, embryonis longitudo, et pondus in quarta quintaque columna expressum, et testium situs inter se habeant.

3. Superflua multis videri posset tertia columna, abortus conditionem et symptomata breviter narrans; Ad rem ipsam, si de solo testium situ sermo est, parum conferre, non diffiteor, ad intelligenda vero abortuum symptomata et causas, sua utilitate minime carere patebit.
4. Sexta columna genuinam de testium vario situ, scroti in diverso graviditatis tempore conditione, penis ad illud relatione, gubernaculi habitu, et processus peritonaei conformatione relationem continet.
5. In quinta columna, quae longitudinem foetuum indicat, de pollice rhenol. sermo est.

# TABVLA EMBRYONVM ABORTIVORVM.

ET  
FOETVM MATVRORVM QUOS CVLTRO SECVI.

Numero.	Tempus graviditatis.		Conditio et symptom. abortus.	Pondus.	Longitudo.	Sedes testicul.
	Mens.	Dieb.				
1.	1	3	Facilis.	Dr. 1 $\frac{1}{4}$ .	1 $\frac{1}{2}$	In summa renum vicinia, ut exiguum modo interfuerit intervall. scrotum laxum oedematofum.
2.	2	—	Molestus dolorificus larga haemorrhagia stipatus.	Dr. 3.	1 $\frac{1}{2}$	Exilissimi testes renes immediate tangebant, longissimum ligament. scrotum rugosum duriusculum.
3.	2	1	Celerrima foetus excretio cum parco sanguin. profl.	Dr. 3.	1 $\frac{1}{2}$	Pone renes haerent testes cum exiguo intercedente intervallo. Vasa spermatica, ut tenerima fila, per peritoneum pelluent; Distinctum gubernaculum.
4.	3	—	Subita foetus exclusio ex terrore incendi.	Dr. 3 $\frac{1}{2}$ .	2 $\frac{1}{2}$	Testiculi magnitudine feminis cannabis, paullo magis a renibus remoti in margine pelvis haerentes peritoneaei quaedam duplicatura cum tenuibus intestinis in dextro latere coacta, ut testi sint vicina.

Numero- rati.	Tempus gra- viditatis		Consectio et symptom- abortus.	Ponder.	Longi- tudo.	Sedes testicul.
	Mens.	Dieb.				
5.	3	1½	Lentus abor- tus cum modi- ca haemorrha- gia, ex invete- rata ad abor- tiendum dis- positione.	Dr. 3½.	2½	Exiguum quin fere nul- lum scrotum, ut in modica cutis elevatione penis pen- deret. Glomer intestino- rum ad superiora reductus multum a testiculis remo- tus. Testes profundius ad pelvis marginem dela- psi, ut duas lineas a reni- bus distarent: ligamentum brevissimum.
6.	3	3	Abortus len- tus dolorificus et cruentus.	Dr. 9.	4½	Scrotum parvum con- tractum. Testes ultra 3 li- neas a renibus remoti: dex- ter test. paullo profundior cylindrum jam ingredi vi- dentur.
7.	4	—	Durante fe- bre intermit- tente tertiana abortus factus cum copiosa sanguinis pro- fusione.	Unc. 3.	8	In marcido hoc embryo- ne exilissimum erat scro- tum. Testes admodum pro- fundi, ut limbus eorum in- ferior annulum jam fere atingat. Distinctus adest in latere sinistro canalis peritonei, qui ex cavo ab- dominis in scrotum ducit, et profunde stilum admit- tit, licet cylindrus nondum inversus sit.

Nomen- rus.	Tempus gra- viditatis.		Conditio et Symptom. abortus.	Pondus.	Longi- tudo.	Sedes testicul.
	Menf.	Menf.				
8.	4	1	Abortus ad- modum dolo- rificus pericu- losus ob gra- vem haemor- rhagiam, et re- tentas secun- dinas.	Unc. 5.	8	Testes in hoc specimine altius hærebant quam in reliquis, sinister præcipue qui renem fere attingebat. Cylindri itaque satis longi. Nullus pone eosdem cana- lis abdomen egrediebatur. Annuli perfecte clausi.
9.	4	2	Ex vehementi faltatione ab- ortire coepit, per 3 dies in- ter lancinan- tes dolores multum san- guinis profu- dit.	Unc. 6.	8½	Testiculi a renibus mul- tum remoti et annulo pro- piores facti elegantes sunt cylindri, ante quos in quo- libet latere peritonæi can- nalis per annulos exit, et in profundissimam scroti re- gionem stilum admittit.
10.	5	2	Partus satis lentus absque omni pericu- lo.	Lib. 1½.	14	Uterque testiculus abdo- minis caveam egrediens in annulo hærebat, ut, nisi annulus versus abdomen premeretur, nihil de testi- bus cerni posset, leni pressione adhibita testes ex annulis in abdomen regur- gitarent.



Numerus.	Tempus graviditatis		Conditio et symptom. abortus.	Pondus.	Longitudo.	Sedes testicul.
	Mens.	Hebd.				
11.	8	—	Partus perfecte natural.	4½	17	Scrotum bene conformatum cute rugosa contractum et vacuum adhuc. Testes annulum quidem egressi sunt, sed nondum in scrotum delapsi in vicinia annuli musculor abd. in inguine haerentes; dexter facili negotio in abdomen per apertum peritonaei processum repelli poterat, sinister vero nequaquam, cujus canalis ex parte infimi ventris jam erat obturatus.
12.	9	—	Partus nat.	6½	19½	Testes profunde in scrotum delapsi. Canalis peritonaei in sinistro latere jam perfecte obliterated: in dextro autem molli celluloſa stylo facile cedenti obturari incipiebat.
13.	9	—	Part. diff.	7	20	Uterque canalis perfecte clausus.

## §. 8.

Tabulam praemissam attentius paullo perlegenti nonnulla momenta obvenient, quae tanquam vera ex observatis sequuntur collaria.

1. Ante initium sexti graviditatis mensis nunquam testiculus in ullo latere abdominis cavitatem relinquit et annulum transit, renibusque semper vicini manent: <sup>t)</sup> quam ob causam istum testium situm merito inter signa immaturitatis foetuum referre debemus.
2. In intervallo inter initium sexti et finem septimi, testes plerumque circa annulum haerentes inveniuntur, ita quidem, ut in aliis supra annulum haereant, mox intra hiatum abdominalem lateant, mox ex eodem egressi inveniuntur.
3. Scrotum primis mensibus, ad sextum usque, respectu reliqui corporis nimis parvum, mox laxum et oedematosum, mox duriusculum et arte constrictum, semper tamen vacuum, et loco cavi, quod tandem comprehendere testiculum debet, molli cellulosa repletum, cujus fibris intermixtus est fasciculus fibrarum tenax latus et robustus, ligamentum testis constituens.
4. Penem ea aetate natura in proportionem grandiore fecit, quod exinde potissimum contigit, cum nulla peregrina particula, qualis in scrotum delabi debebat, penem ingreditur.
5. Eo tempore, quo testes sese in scrotum immerfere, canalis peritonaei versus abdomen apertura adhuc adest, <sup>u)</sup> ut testis facili negotio recedere in abdomen possit, vel v. v. delabi in scro-

<sup>t)</sup> Ipse olim testium in renem vicinitate situm depinxit in *Descript. Anat. Embryonis* fig. 4. V. T. et novissime

III. GIRARDI in *Santorini Tabulis G. Tab. II. fig. 2. ff.*

<sup>u)</sup> cf. III. CAMPERI *Tab. lib. cit. varj. germ. p. 138.*

scrotum; five id fiat pressione, flatu, motu peristaltico intestinorum, tussi, aliaque ratione. Id plerumque in cadaverulis inter septimum et nonum graviditatis mensem peragere potui: In natis et viventibus interdum diutius post partum contingere vidi.

### §. 2.

Consuetudo itaque naturae lex est, ut homo, iusto graviditatis termino finito in lucem editus, utrumque testiculum in scroto contentum simul afferat. Non defunt tamen exceptiones; *w)* quas, ut cum naturali ordine commodè comparare, et melius diiudicare possimus, qualem rationem natura hic observat, insignem partuum numerum ex adversariis obstetriciis aliam in tabulam redegi, de qua vero, antequam corollaria concinnamus, praemonenda quaedam sunt:

1. Illorum tantum partuum mentionem factam esse in tabula, qui in nosocomio obstetricio contigerunt, et de quibus in observatione, super decursu et conditione partus concinnata, sedulo annotatum est, qualem situm statim post partum testes habuerint, neglectis omnibus, in quibus non statim a partu testium situs observatus et descriptus est, quae aliqua saltem veri caligine turbarentur, alias longe major casuum numerus afferri potuisset. *x)*
2. Partus naturam et conditionem, an naturalis vel artificialis, facilis an difficilis fuerit; nec non pondus et longitudinem infan-

*w)* beat. TREU *de differentiis inter homin. nat. et nascent.* §. 14. et in *Commerc. litt. Nor. 1736. p. 3.* SAM. TH. QUELLMALZ *Pr. de scroto testium desensu;* in *Hall. Coll. Diss. V. pag. 3.*

*x)* beat. ROEDERERVS in *Pr. de Comment. Phys. T. I.*

*genitalibus virorum p. 12.* ex 40 observationibus de situ testiculorum corollaria promulgavit, ut Praeceptoris olim nostri asserta pluribus observationibus confirmarem, ultra centum casus in ordinem disposui, quibus nostra confectaria nituntur.

fantum simul adjeci, ut pateret, an hae conditiones testium situm mutare possent.

3. Tres ratione situs testium columnas feci, pro scroto nempe, inguine, et abdomine: omnes illos casus in ultimam collocavi, dum extra annulum nihil de testiculo promineret: in alteram vero eos retuli, dum testis annulum inter, et limitem superiorem scroti haereret.
4. Non superfluum tandem esse censui annotare, in quonam latere frequentius herniae invenirentur, si foetus congenitum hunc morbum simul afferret.
5. Notandum quoque est, omnes foetus, quorum in hac tabula mentio facta est, vivos in lucem editos esse: Dissert itaque a praecedenti tabula in eo, quod solo tactu exterius adhibito testiculorum situm explorare potuerim, cum in praecedenti, anatomico usus fuerim scrutinio.
6. Cum tandem in uno alteroque casu quaedam occurrerent momenta, quae tabulae ipsi ob prolixiorem sermonem inferi commode non possent, ea infra tabulam, quem locum notae occipere solent, indice numero, cui respondent, collocavi.

## TABVLA PARTVVM.

No- m. er.	Tempus.	Conditio et natura parvus.	Pon- dus.	Lon- giti. Libr. Poll.	Sedes testicul.						An hernia ad- foerit.
					In scroto.		In inguine		In abdomine.		
1	1766. Jan. 23.	Nat. et diffic.	8½	21	dext.	fin.	--	--	--	--	--
2	-- Febr. 10.	Nat. et fac.	6½	20	dext.	--	--	fin.	--	--	--
3	-- Mart. 10.	Nat. et fac.	5½	20	dext.	--	--	fin.	--	--	--
4	-- Maj. 16.	Diff. forceps	7½	21½	dext.	fin.	--	--	--	--	--
5	-- Sept. 12.	Nat. Lentus	6½	20½	--	fin.	--	--	dext.	--	--
6	-- --	Versio	7½	22	dext.	fin.	--	--	--	--	--
7	-- Dec. 7.	Nat. et fac.	4½	19½	--	--	dext.	fin.	--	--	--
8	-- -- 11.	Diff. forceps	7½	21	--	fin.	dext.	--	--	--	--
9	-- -- 26.	Diff. forceps	5½	19	dext.	fin.	--	--	--	--	--
10	1767. Jan. 8.	Nat. et fac.	7½	22	dext.	fin.	--	--	--	--	--
11	-- Febr. 16.	Nat. et fac.	6½	21½	--	--	--	dext.	fin.	--	--
12	-- Maj. 5.	Nat. et diff.	7½	22	dext.	fin.	--	--	--	--	--
13	-- Sept. 5.	Nat. praeceps	8	22½	dext.	fin.	--	--	--	--	--
14	-- -- 13.	Nat. praemat. octimestr.	6½	21	--	--	dext.	--	fin.	--	--
15	-- Oct. 18.	Praemat. fac.	4½	18	--	--	--	fin.	dext.	--	--
16	-- Dec. 9.	Nat. et diff.	5½	19½	dext.	--	--	fin.	--	--	--
17	1768. Febr. 13.	Nat. fac.	6½	21	dext.	fin.	--	--	--	--	--
18	-- Mart. 16.	Nat. fac.	7	20	dext.	fin.	--	--	--	--	--
19	-- Apr. 29.	Diff. forceps	6½	21	dext.	--	--	fin.	--	--	--
20	-- Maj. 5.	Forceps	6½	20½	dext.	fin.	--	--	--	dext.	--
21	-- Aug. 31.	Diff. forceps	7½	20	dext.	fin.	--	--	--	--	--
22	1769. Jan. 5.	Immaturus	3½	18½	dext.	fin.	--	--	--	--	--

F 2

Nro. 5. Altero post natiuitatem die, memet ipso intuenste, testiculus inter vehementem ejulatum delapsus est.

Nro. 11. Partu facto et scroto sollicito cum regione inguinali disquisitis, nullus testis inueniebatur, nocte inter tertium et quartum post partum diem uterque testis in scrotum delapsus tangebatur.

Nro. 14. Eodem die dexter testiculus ex inguine in scrotum descendit. Elapsus vero 21. diebus, cum mater nosocomio exiret, sinister nondum extra abdomen comparuit.

Nro. 15. Tercio die delapsus est.

Nro. 20. Primum erat exemplum herniae a natiuitate congenitae, quam puer mox in lucem editus afferret: Tumor in dextro inguine sua magnitudine herniam satis declarabat. Recedebant interdum intestina, et testiculus simul versus inguen elevabatur, applicato brachierio puer cum matre sua demissus est.

Nro. 22. Septimestris fere hic foetus, extra nosocomium natus, cum exiguuo sui corporis pondere utrumque testem jam in scroto continebat. Rarius id omnino contingit in vivente, frequentius in putridis.

## TARVLA PARTVVM.

Nu- mer.	Tempus.	Conditio et natura partus.	Pos- itus.	Len- gth.	Sedes testicul.				An hernia ad- fuerit.
					In scroto.	In inguine.	In abdomine.		
23	1769. Febr. 5.	Forceps	6 $\frac{1}{2}$	18 $\frac{1}{2}$	dext. fin.	--	--	--	--
24	-- Mart. 9.	Forceps	5 $\frac{1}{2}$	22	dext. fin.	--	--	--	--
25	-- 9.	Nat. et diff.	9 $\frac{1}{2}$	21 $\frac{1}{2}$	dext. --	--	--	fin.	--
26	-- 28.	Nat. et fac.	5	19	--	--	--	dext. fin.	--
27	-- Apr. 21.	Nat. sed lent.	7 $\frac{1}{2}$	19	dext. fin.	--	--	dext. fin.	--
28	-- Maj. 8.	Nat. facil.	6 $\frac{1}{2}$	22	dext. fin.	--	--	--	--
29	-- Jul. 4.	Nat. præc.	6 $\frac{1}{2}$	19 $\frac{1}{2}$	dext. --	--	fin.	--	--
30	-- 8.	Diff. Vectis.	8	22 $\frac{1}{2}$	dext. fin.	--	--	--	--
31	-- Sept. 29.	Difficillim.	7	19 $\frac{1}{2}$	dext. fin.	--	--	--	--
32	-- Oct. 12.	Natural.	6 $\frac{1}{2}$	20	dext. --	--	--	fin.	--
33	-- Nov. 10.	Natural.	7 $\frac{1}{2}$	19 $\frac{1}{2}$	dext. fin.	--	--	--	--
34	-- 27.	Diff. forceps	6 $\frac{1}{2}$	30	dext. --	--	--	fin.	--
35	1770. Mart. 11.	Natural.	7 $\frac{1}{2}$	21 $\frac{1}{2}$	dext. fin.	--	--	--	--
36	-- 26.	Nat. lentus	6 $\frac{1}{2}$	19	dext. fin.	--	--	--	--
37	-- Apr. 4.	Nat. et fac.	4 $\frac{1}{2}$	17 $\frac{1}{2}$	dext. --	--	--	fin.	--
38	-- 30.	Natural.	5 $\frac{1}{2}$	20 $\frac{1}{2}$	--	--	dext. fin.	--	--
39	-- Jun. 19.	Natural.	6 $\frac{1}{2}$	20	--	--	dext. fin.	--	--
40	-- Jul. 1.	Natural.	5 $\frac{1}{2}$	20	dext. --	--	fin.	--	--
41	-- Nov. 1.	Natural.	5 $\frac{1}{2}$	19	--	--	dext. fin.	--	--
42	1771. Jan. 3.	Nat. sed lent.	5 $\frac{1}{2}$	20	dext. fin.	--	--	--	dext.
43	-- Febr. 4.	Nat. sed lent.	6 $\frac{1}{2}$	20 $\frac{1}{2}$	dext. fin.	--	--	--	--
44	-- Mart. 31.	Natural.	6 $\frac{1}{2}$	21	dext. fin.	--	--	--	--
45	-- Apr. 7.	Nat. lentus	5 $\frac{1}{2}$	19 $\frac{1}{2}$	dext. fin.	--	--	--	--
46	-- Maj. 5.	Nat. lentus	7 $\frac{1}{2}$	21 $\frac{1}{2}$	dext. fin.	--	--	--	--
47	-- 8.	Lent. et Diff.	6 $\frac{1}{2}$	19 $\frac{1}{2}$	dext. fin.	--	--	--	--
48	-- Jun. 25.	Natural.	7	20	--	fin. dext.	--	--	--
49	-- 29.	Natural.	6	20	dext. --	--	fin.	--	--
50	-- Jul. 23.	Nat. sed lent.	6 $\frac{1}{2}$	21	dext. fin.	--	--	--	--
51	-- Oct. 30.	Natural.	6	18	dext. fin.	--	--	--	--

Nro. 25. In hoc puero, qui in dextro scroto facco suum continebat testiculum, de sinistro, in cavo abdominis adhuc latente nihil distingui poterat, altero post nativitatem die, celeri descensu in scroto inveniebatur.

Nro. 26. Post sextam demum a partu hebdomadem testes ex abdomine in scroto delapsi sunt.

Nro. 32. 34. 37. Quo tempore testicul. in tribus his exemplis abdomen egressi sint, experiri non potui, quare post partum hebdomade nondum aderant.

Nro. 42. Alter casus herniæ congenitæ. Exiguus modo tumor in inguine, pressioni facile cedens, et simul testiculum hujus lateris pauxillum elevans.

## TABVLA PARTIVM.

Numer.	Tempus.	Conditio et natura partus.	Pondus.	Longit.	Sedes testiculi.				Ubi herula fuerit.
					In scrot.	In inguine.	In abdomine.		
52	1771. Nov. 19.	Natural.	6½	20½	dext. fin.	--	--	--	--
53	-- 26.	Diff. sed nat.	7	19½	--	--	fin.	dext.	--
54	-- Dec. 20.	Natural.	7	19	dext. fin.	--	--	--	--
55	-- 29.	Nat. et fac.	5½	19½	--	--	dext. fin.	--	--
56	1772. Febr. 1.	Nat. fac.	6½	21	dext. fin.	--	--	--	--
57	-- Mart. 21.	Nat. fac.	6½	19½	dext. fin.	--	--	--	--
58	-- "	Nat. fac.	7	21	dext. fin.	--	--	--	--
59	-- 24.	Nat. diff.	7½	21	dext. fin.	--	--	--	--
60	-- Apr. 25.	Nat. lent.	6½	20	--	fin. dext.	--	--	--
61	-- Maj. 16.	Nat. lent.	7	20½	--	--	dext. fin.	--	--
62	-- Jun. 13.	Nat. fac.	6½	21½	dext. fin.	--	--	--	--
63	-- Jul. 8.	Nat. fac.	6½	20½	dext. fin.	--	--	--	--
64	-- Oct. 13.	Nat. lent.	4½	19	--	fin. dext.	--	--	--
65	-- Nov. 14.	Nat. diff.	6½	21	dext. fin.	--	--	--	--
66	-- Dec. 13.	Diff. forc.	5	19	--	fin. dext.	--	--	--
67	-- 27.	Nat. diff.	6½	19	dext. fin.	--	--	--	--
68	1773. Jan. 9.	Diff. forc.	7	21	dext. fin.	--	--	--	--
69	-- 17.	Nat. diff.	6½	21	dext. fin.	--	--	--	--
70	-- 25.	Nat. fac.	7½	21	dext. fin.	--	--	--	--
71	-- Jul. 9.	Diff. forc.	5½	21	dext. fin.	--	--	--	--
72	-- Aug. 3.	Nat. fac.	6½	22	--	fin. dext.	--	--	--
73	-- 3.	Nat. fac.	7	19	dext. fin.	--	--	--	--
74	-- Oct. 15.	Nat. fac.	7½	22	dext. fin.	--	--	--	--
75	1774. Jan. 14.	Nat. fac.	6½	23	dext. fin.	--	--	--	--
76	-- Febr. 3.	Nat. diff.	5½	19	--	--	dext. fin.	--	--
77	-- 9.	Nat. fac.	5½	17	dext. fin.	--	--	--	--
78	-- Mart. 12.	Diff. Vect.	6½	21	dext. fin.	--	--	--	--
79	-- 20.	Nat. fac.	7	22	dext. fin.	--	--	--	--
80	-- Maj. 25.	Diff. forc.	5	18	dext. fin.	--	--	--	--
81	-- Jun. 20.	Nat. fac.	6½	19	dext. fin.	--	--	--	--
82	-- Aug. 7.	Nat. fac.	5	20	dext. fin.	--	--	--	--
83	-- 23.	Nat. fac.	5½	20	dext. fin.	--	--	--	--

F 3

Nr. 53. Testiculus sinister altero die scrotum replevit. Dexter vero in abdomine adhuc reconditus primo Decembris, quinto itaque post nativitatem die scrotum intravit.

Nr. 61. Tertio post partum die dexter et quarto sinister inter vehementes agitationes infantis prodire.

Nr. 76. Quinto die sub ejulatu et celeri artuum motu testiculi delapsi sunt.

## TABVLA PARTVVM.

No- m. er.	Tempus.	Conditio et natura partus.	Pon- dus.	Lon- git.	Sedes testicul.			An hernia ad- fuerit.	
					In scroto.	In inguine.	In abdomine.		
84	1774. Sept. 15.	Nat. fac.	6½	20	dext. fin.	--	--	--	--
85	- - -	Nat. fac.	6½	22	dext. fin.	--	--	--	--
86	- - Nov. 20.	Nat. diff.	6	18	dext. fin.	--	--	--	--
87	- - -	Nat. fac.	6	21	dext. fin.	--	--	--	--
88	- - Dec. 14.	Nat. fac.	5½	21	dext. fin.	--	--	--	--
89	1775. Jan. 2.	Diff. fac.	7	21	dext. fin.	--	--	--	--
90	- - - 15.	Nat. diff.	7½	21	dext. fin.	--	--	--	--
91	- - -	Diff. forc.	8½	24	dext. fin.	--	--	--	--
92	- - Febr. 17.	Diff. fac.	7	20½	dext. fin.	--	--	--	--
93	- - - 22.	Nat. fac.	6½	20	dext. fin.	--	--	--	--
94	- - Apr. 22.	Nat. fac.	7	20	dext. fin.	--	--	--	--
95	- - Maj. 2.	Nat. fac.	5½	22	dext. fin.	--	--	--	--
96	- - Jun. 5.	Nat. fac.	7½	22	dext. fin.	--	--	--	--
97	- - Jul. 14.	Nat. diff.	5½	19½	dext. fin.	--	--	--	--
98	- - Sept. 5.	Nat. lent.	6½	20	dext. fin.	--	--	--	--
99	- - - 14.	Diff. forc.	6½	19	dext. fin.	--	--	--	--
100	- - - 15.	Diff. forc.	6½	23	dext. fin.	--	--	--	--
101	- - Oct. 16.	Nat. diff.	5½	19	dext. fin.	--	--	--	--
102	- - Dec. 4.	Nat. fac.	6½	20	dext. fin.	--	--	--	--
103	- - - 18.	Nat. diff.	7½	23	dext. fin.	--	--	--	--



## §. 10.

Summam argumentorum in tabula partuum conspirantium paucis complectemur verbis.

1. Ratio partuum praematurorum ad maturos et perfectos fuit uti 9: ad 94. vel uti 1. fere ad 10. Ex adversariis enim constat, omnes foetus quorum pondus quinque libras non excessit, praematurum partu in lucem editos esse: initio noni, sine octavi, medio initioque octavi, septimo mense. Ex his, in tribus scrotum utrumque testem comprehendebat, tribus testiculi in inguinibus restabant, tribusque aliis in abdomine mansere. Ex altera classe maturorum partuum, qui versus noni mensis finem editi in lucem sunt, 69 utrumque testem in scroto continebant, 17 quibus unus vel alter, vel uterque in inguine haerebat, 8 quibus unus testiculus in abdomine mansit, et 3, quorum pondera erant  $5\frac{1}{2}$ :  $6\frac{1}{2}$ : 7 librarum, quibus uterque testis in abdomine latuit.

2. Pondera horum foetuum masculini sexus ita comparata erant, ut, cum de maturis et perfectis foetibus tantum sermo sit, quorum pondus 5 libras civiles plerumque superat, ex quinque classibus, in tot enim commodè dividi poterant, sequens proportio enascebatur

- 1) inter 5 et 6 libr. 22 foet.
- 2) — 6 — 7 — 42 —
- 3) — 7 — 8 — 29 —
- 4) — 8 — 9 — 4 —
- 5) — 9 — 10 — 1 —

Natura itaque sibi semper constans manet, consuetum maturorum foetuum pondus esse inter 6 et 7 libras civiles medium:

ra-

rarius 9 libras excedere. Pondus vero diversum, ad sedem et locum testiculi mutandum non adeo multum conferre, ex eo patere potest, cum foetus 5 libris non graviore utrumque testem in scroto simul in lucem attulerint, et alio in exemplo infans 9 librarum pondus superans, sinistrum testem in cavo abdominis delitescentem gesserit.

3. Longitudinis respectu etiam observatur quaedam constantia, quae ex tabula proposita apparebit. Longitudinem enim

1)	inter 17 et 19 poll. rh. habebant	6 infantes.
2)	— 19 - 20 — —	25 —
3)	— 20 - 21 — —	28 —
4)	— 21 - 22 — —	25 —
5)	— 22 - 23 — —	14 —
6)	— 23 et ultra — —	4 —

Media itaque longitudinis proportio inter 19 et 23 poll. 21. pollices confirmat: singularem ad testiculorum descensum vel accelerandum, vel retardandum vicissim, relationem et influxum diversa infantis longitudo habere non videtur.

4. Quinque tantum in columna tertia, quae partuum conditionem et naturam exhibet, classes constitui, *Naturales et faciles*, dum brevi tempore, et absque molesto symptomate infans in lucem edebatur: *Naturales quidem sed difficiles simul*, cum partus quidem a solis naturae viribus perageretur, sed cum majori temporis dispendio, et pluribus fortioribusque opus esset doloribus: *Forcipe, Vecte, et Versone* peractos. Qua vero in proportionem successerint, ex tabula appolita patebit.

Par-

Partuum plane natural. erant 53.

— difficilium et lentor. 29.

— Forcipe finitorum 18.

— Veste — 2.

— Versione — 1.

5. Ultra dimidium itaque partuum, qui contingunt, plane sunt naturales; quarta circiter pars lentum assumerat genium, majore minoreque difficultate stipata; Sexta fere forcipis usum vel plane necessarium, vel utilem saltem requirit; inter quinquaginta casus, tantus occurrit obliquitatis gradus, cui vestis medetur; et unica vice inter plus quam 100. partus praeternaturalis infantis positus versionem poposcit. In determinando tandem testiculorum situ, partus conditionem nihil efficere, quilibet experietur, qui tabulam inspecturus est.

6. Duodecim inter 103 casibus, ubi vel unus vel uterque testiculus in abdomine adhuc latuit, natura talem observavit ordinem, ut uno in exemplo eodem nativitatis die testis, ex abdomine emergens in scrotum delaberetur, tribus vicibus altero die, totidem in infantibus tertio, duobus in casibus quinto die, uno ubi vigesimo primo delapsi sunt testes: In aliis casibus quarta et quinta a partu septimana nondum adfuerunt.

7. In insigni hoc casuum numero centum supergrediente, duo modo aderant exempla ramicis in dextro latere congenitae, quod partim probat, rarius contingere intestinorum, omentique descensum immediate post testis delapsum; partim ex eo patet, frequentius id in dextro latere fieri quam in sinistro, cum forsam anatomica quaedam corporis dispositio in dextro latere huic morbo plus faveat: qualis esse videatur, deinceps scrutaturi sumus.

*Comment. Physf. T. I.*

G

§. II.

## §. II.

Partium in abdomine comprehensarum situm, et ad peritoneum relationem intuenti, obscurum minime esse poterit, quidquid viscerum in infimo ventre continetur, in duas dispesci posse classes; *illorum nempe*, qui peritoneaei sacco inclusa sunt, ut omnia intestina ab oesophagi in ventriculū transitu ad infimam sere recti intestini partem, hepar, lien, testiculi in scrotum nondum delapsi, etc. *et totum tandem*, quae extra peritoneaei cancellos haerent, ut renes, capsulae suprarenales, ureteres, vesica urinae, et feminales vesiculae, nec non aorta, vena cava, vasa spermatica, canales deferentes, et infima recti pars versus exitum tendens.

Ita enim res apparet, si aperto abdomine, et soluto a musculis peritoneaeo ad illas partes respexeris, quae a peritoneaeo suam obtinent et nanciscuntur externam tunicam. Solutionem vero peritoneaei ulterius super viscera inclusa continuanti, facile in mentem venire posset, nullum proprie esse viscus peritoneaeo inclusum, sed omnia extra illud sita esse, cum super omnibus incedat, tunicis instruat et investiat. Verum enim vero, quamvis haec animadvertio aliquam veri speciem habere videatur, peritoneaei tamen in integrum quendam saccum conformatio, viscerum in eodem adeo manifesta inclusio, et distincti limites, quibus ab aliis abdominis regionibus istud peritoneaei cavum separatur, receptam viscerum abdominalium respectu peritoneaei distinctionem extra omnem dubitationis aleam ponunt. Ut vero intestinis quin ipsi lieni vasa sanguifera in duplicatura ex peritoneaeo orta asseruntur, ita testiculo, in cavo abdominis adhuc haerenti, spermatica vasa tenuis a peritoneaeo productae duplicaturae adminiculo communicantur, quae deinceps duplicatura super ipsum testiculum continuata, albugineam amicare solet, ceu mesenterium super intestina externam tunicam spargens. Vasa spermatica artissimo nexu cum exteriori peritoneaei superficie juncta sunt, ut incautum fallere facile possint, quodsi enim mollem cellulosa-

losam externam simul cum vasis spermaticis solveris, existimabis vasa peritonaei duplicaturae inclusa esse, cautione vero adhibita, peritoneum in tota vasorum spermaticorum longitudine talem in modum solvi potest, usque ad locum ubi testem ingrediuntur, ut certus esse debeas, extra peritonaei saccum incedere.

### §. 12.

In dijudicando situs testium argumento, bene distingui debent differentes partium status, illarumque ad se invicem relationes. Testiculus enim in infimo ventre adhuc supra anulum comprehensus, nudus est nullo alio velamine amictus, quam tenui peritonaei productione albugineam arcte complectente, nullum adest vestigium tunicae illius vaginalis propriae, qua in scroto amiciri solet. Vasa spermatica per peritonaei duplicaturam ad testem accedunt, ductus deferens ex epididymide in pelvim descendit, absque omni unius alteriusve vasis per anulum transitu. Ex margine inferiore testis producit latus ex cellulosa tela in membranam compacta fasciculus, fibras musculi creinaferis intermixtas habens, sensim in angustius spatium contractus, versus anulum tendens, et circa pubem finitus, quem, ob munus forsan, quo fungi videtur, basin vocavit Illustris GIRARDI. y) Peritoneum eo tempore in plerisque casibus nullo canale, nullaque memorabili productione per anulum edita abdomen egreditur, sed laeve et aequale cum exigua circa angustiores baseos partem ad anulum profunditate musculos abdominis obducit. Scrotum tunc vacuum, contractum, parvum, nisi in quibusdam exemplis hydropicum fuerit.

Quodsi vero testis in scrotum jam per aliquod tempus demersus est, omnes has enarratas partes longe alio in statu invenies. Scrotum enim nunc longius, amplius, et pro ratione magnitudinis testi-

G 2

culi

y) Lib. cit. pag. 89.

culi majorem expansionem expertum est. Peritoneum per musculorum abdominalium hiatum ad scrotum in canalem quendam productum est, qui statum stilumque admittit. Testiculus, qui abdominis cavum dereliquit, in scroto haeret, ad quem vasa spermatica nunc ex abdomine per anulum retro peritoneum descendunt, et canalis deferens ex eodem per anulum ascendit. Fasciculus ille cellulosus, *basis*, vel *cylindrus*, vel *gubernaculum* dictus, in abdomine plane disparuit. Reduci sub hoc rerum statu testis in cavum abdominis potest, adeoque prior status restitui, ita quidem, ut decursus fibrarum muscularium ex obliquo interno musculo nunc denuo ascendat et in abdomen redeat. Pluribus tandem septimanis mensibusque praeterlapsis, cum apertura canalis illius peritoneaei supra anulum haerens clauditur, si tunica vaginalis communis arctius cum propria vasorum spermaticorum conglutinatur, si reductio testis in abdomen fere impossibilis facta est, testem tunica propria praeter albugineam involutum cernis, cujus in priori statu nullum vidisti vestigium.

## §. 13.

Praemissa brevi hac narratione videndum nunc est, quid observationes de anno in annum ex cadaveribus collectae sensim docuerint,

In primo corpusculo foetus praemature partu nati 4 circiter librar. cum dim. scroti observabam, cum durante brevi sua vita, tum post mortem, memorabilem conditionem. Laxissimum erat in parte superiore inter inguina, ubi ex abdominis cute continuatur, sensim versus inferiora durius reddebatur, et conice in apicem descendebat quadratum. Ultimus hic apex durus, totus rugosus, renitens cuivis pressioni. Raphe medium, quod duo scroti cava separat, distincte a mentulae parte infima seu basi, tanquam fraenulum incipit, scroti saccum supergreditur, et in ipsa posteriore scroti parte finitur, nec in perinaeum continuatur. Uterque scroti saccus vacuus, ut duran-

te

te vita in inguine prope annulum duo exigua tubercula conspicerentur: post mortem vero in superiore scroti parte dextri lateris alter testiculus tangi poterat. Testis uterque laxa et humida cellulosa tela involvebatur. Tunica vaginalis satis crassa, robusta et tendinea fere, insisto foramine et flatu immisso, aequaliter circa totum testiculum elevatur, in spermaticum funiculum status etiam penetravit, totumque funem elevavit, quousque deferens ductus in fune continebatur: Nullam aliam habebat tunica vaginalis nec cum testiculo nec epididymide cohaesionem, quam illo in loco, ubi funiculus spermaticus testem ingrediebatur. Inflata tunica vaginali in sinistro latere aër non statim in funem penetravit, repetitis enim vicibus in ambitu testiculi tantum substitit, donec tandem majori vi adhibita aërem et in ipsum funem propulserim, et ultra duos pollices super annulum funem distendere potuerim. Transiens per annulum tunica vaginalis laxae cellulosae ope annuli marginibus neciebatur.

## §. 14.

In alio infante maturo, tertio a partu die mortuo, scrotum pariter erat parvum collapsum rugosum epidermide brevi post mortem facile separabili: interior scroti cellulosa fero scatebat. Testiculi sub primo examine aut nulli adesse videbantur, aut admodum exigui, cum tangi per scrotum non possent. Aperto dein dextro scroti sacco, exiguum testiculum inveni immediate infra annulum haerentem, ut superior ejusdem extremitas in ipso annuli limbo inferiore esse videretur. Sinistri testiculi plus quam dimidium annulo adhuc erat inclusum: mole dextrum superabat. Aperturae in cavo abdominis utriusque funiculi spermatici et tunicae vaginalis ad 3 lin. distincte habebant: per utramque stilus ad infimum cujuslibet testis marginem delabatur, et status per utramque aperturam immissus, circa testem tunicam vaginalem elevavit. In tertio cadaverulo maturi foetus, decima sexta vitae suae hebdomade variolis extincti, apertura tunicarum

G 3

vagi-

vaginalium utrinque erant oclusae, ut nec flatum, nec stilum leniter circa illa loca agitatum admitterent; Cum vero stilum globulo munitum paullo diutius in ambitu vasis deferentis super peritonaeum moverem, mollis peritonaei cellulosa cessit, et stilum ad infima tunicae vaginalis admisit.

Quantum cadaver pueri octo dies nati et convulsionibus mortui ratione aperturarum peritonaei sequentia momenta ostendit. Uterque testis sua in scroti capsula comprehendebatur, erant admodum mobiles et versus superiora pressiles. Hiatus peritonaei sinistri lateris perfecte clausus, ut tenuis stilus nullo modo, nisi violentiam adhibere voluisses, demitti ex cavo peritonaei in scrotum per anulum posset, distincta cicatrice apertura illa obturabatur. In dextro vero latere sine omni difficultate argenteum stilum, globulo pisi minoris magnitudine munitum, intrromittere ad integri pollicis profunditatem poteram, quo facto stilus in tunicam vaginalem funiculi spermatici delabebatur, et testis superiora attingebat.

## §. 15.

Quintam de testiculorum situ observationem paullo fusius descriptam exhibuit puer maturus 3. hebdomadae a partu mortuus. Multum sane cum contineat, quod vel uni vel alteri litis parti illustrandae inferviat, in eodem ordine rem narrabimus, quo calamo excepta est. Scrotum plane vacuum collapsum et rugosum erat, cutis facile hinc inde mobilis, laxam cellulosam telam inter cutem comprehendi, cuilibet tangenti inde probabile reddebatur. Peracta vasorum injectione regionem inguinalem curatius examinavi, et in vicinia annulorum musculi obliqui externi cujuslibet lateris, duplicem exiguum tumorem fabae magnitudinis observavi, quos statim pro testiculis agnovi, in cavum scroti nondum detrusis. Incisa cute externa utrumque testiculum deprehendi, qui 4 lin. infra anulum haerebant, et convergen-



gendo versus scrotum dirigebantur, ut vix pollicem distarent a se invicem, atque ligamentum penis suspensorium inter se comprehendere. Validam simul notabam in quolibet annulo vaginalem tunicam, quae cum tela cellulosa ipsius annuli confusa, ex ambitu annuli pendebat, super funiculum spermaticum ducebatur, testem ipsum comprehendebat, et in telam cellulosam scroti continuabatur. Eleganter funiculus spermaticus, ductus deferens, epididymis, et corpus testiculi ipsum per vaginalem tunicam pellucebant. Directio utriusque testis talis erat, ut corpus testiculi interius, epididymis versus exteriora dirigeretur. Vasa spermatica arteriosa et venosa distincte extra peritoneum locabantur; licet propter translucentiam fallere possent, ut credamus, intra peritoneum haerere, omnem vero statim dubitationem removel, si peritoneum a musculo transverso abdominis solvimus, itemque a vesica urinaria detrahimus, tunc enim luculenter apparet, inter vasa spermatica, et viscera in cavo abdominis contenta, mediam membranam intercedere, tam firmiter vero soluti peritonaei superficiei externae adhaerent, ut non nisi difficulter separari vasa spermatica a peritoneo possint. Tubulo ex cavo abdominis aperturae illi immisso, per quod testes egressi sunt, et flatu adacto, non solum tunica vaginalis funiculi spermatici, sed ipsius testis elevabatur, amplamque bullam repraesentabat, epididymidem vero intactam reliquit. Quodsi hae bullae tunicae vaginalis inciduntur, et stilus per aperturam illam ex cavo abdominis introducitur, illam immediate et vasa spermatica, et testem tangere cuilibet patet, et hoc modo nudus testis cum epididymide in conspectum venit. Non vero liber haerebat testis in tunica vaginali, sed prout in testibus adultorum hominum similis cum tunica vaginali ad ingressum funiculi spermatici coalitus firmus observatur, ut itaque necessarium sit, tunicam vaginalem communem, testem et funiculum spermaticum, nondum comprehensisse, cum testis adhuc in abdomine reconditus esset, sed tum demum illum amplexum esse, postquam abdomeni egressus, extra anulum musculorum obliquoꝝ scroto proximus haereret.

ret. Etiam integra tunica vaginalis, tam funiculi spermatici, quam testis, cum ipsis comprehensis partibus non ab omni adhaesione libera, sed laxissimae cellulosae ope distinctis et magnis vasis cera plenissimis perrepta cohaeret cum cute inguinis, et cum scroto; praecipue autem infima tunicae vaginalis testis pars firmiter cellulosae scroti adhaeret, ut mirum omnino sit, quomodo corpus antea tam alte haerens, et fere liberum, successive delapsum intra tam breve tempus tam firmam adhaesionem obtinere possit.

## §. 16.

Aliquoties periculum feci, an frustum proximi cujusdam intestini ope specilli obtusi in aperturam introducere, et hoc modo herniam artificialem parare possem, quod omnino felicissime successit sequenti modo. Plicatum frustum intestini successive in aperturam canalis depressi, quod deinceps interposito specilli capitulo profundius in canalem detrusi, ut hac ratione magnam partem intestini, in dilatatam tunicam vaginalem adigere potuerim. In aperto dein tunicae vaginalis cavo vidi intestinum esse in contactu cum testiculo, quodammodo inde possibilitas naturalium herniarum congenitarum elucescit: quodsi enim apertura illa vel plane sine omni operculo est, vel laxissima cellulosa clauditur, proxima intestini vel delapsi omenti pars paullo post descensum testis aperturam canalisi ingredi potest, vel cum teste simul prolabi, vel ante testis delapsum, cum ipso teste coalita esse potuit, diu hiantem illam aperturam eandem viam ingredi, et accedente dein aperturae obturatione intestinum simul delapsum, nisi vel reponatur, vel ex causis internis reductum sit, inclusa manet, et vel cum teste concrefcit, vel cum funiculo spermatico.

## §. 17.

Aperturas canalium, postquam repetitis vicibus obtusi specilli argentei immissi fuerint, accuratius examinavi. Successive in utroque late-

latere ad eandem diametrum et amplitudinem dilatatae erant, ut-  
pifum majus transmittere in tunicam vaginalem tuniculi spermat-  
tici poffem. Ellipticam habebant hae aperturae figuram, ut latior  
linea f. diameter, transversim ab uno latere ad alterum, brevior f.  
conjugata ab anterioribus ad posteriora dirigatur. Diameter haec erat  
= 3 lin. conjugata circiter 2 lin. habebat latitudinem. Tunica va-  
ginalis funiculi spermatici et testiculi, erat continuatio aperturae il-  
lius peritonaei, quae eo usque progreditur, quo usque testiculi in  
adulto homine descendere debent, et apertura saepius dicta, nil erat  
nisi introitus ex abdomine in canalem tunicae vaginalis.

Dedita dein opera in naturam canalis tunicae vaginalis inquisi-  
vi, ut experirer, an, ubi apertura invenitur, peritonaeum perfora-  
tum sit, ut ante descensum testiculi laxissima tela cellulosa pressioni  
testis cedenti claudatur, et post testis delapsum, fortiore validioreque  
cellulosa in cicatricem concreta obturetur; ut hac ratione tunica vagi-  
nalis et interior illius superficies ex peculiari tela cellulosa fabrefacta  
sit, quae per annulum sacco peritonaei accreta, non vero ex illo con-  
tinuata esset: an vero, num canalis vera continuatio peritonaei sit,  
quam processum satis commode appellare possemus. Ex omni am-  
bitu sinistri lateris circa aperturam peritonaei, quae versus annulum  
ducit, peritonaeum a partibus, quibus connexum est, detraxi, ut ex-  
plorarem, an ab apertura etiam solvatur, nec ne, facile autem in-  
cidit nectens cellulosa, et peritonaeum in angustum canalem conti-  
nuatur, et per annulum descendit versus scrotum.

#### §. 18.

Omni veritate in dextro latere evidentius hanc peritonaei con-  
tinationem in tunicam vaginalem super funiculum spermaticum et  
testem extensam, quam processum appellant, omnique jure appel-  
lant, vidimus. Praeparationis modus, et observata redeunt ad se-

*Comment. Phys. T. I.*

H

quen-

quentia momenta. Summa cum diligentia peritoneum primo loco ex parte cavi abdominalis separavi a musculo iliaco, a transverso abdominis, ab arteriis umbilicalibus, ab epigastrica, a vesica urinaria, ab ureteribus, et a ductu deferente, vasisque spermaticis, ut omnes dictae hae partes extra peritoneum manerent, vasa spermatica vero in duplicatura quadam peritonei haerentia, cum elevato peritoneo nexa manerent: sub hac praeparatione denuo, uti jam in sinistro latere videram, deprehendi, vasa sanguifera, uti art. umbilic. epigastrica, spermatica, crassiore et magis fibrosa cellulari tela peritoneo annecti, quod quodammodo duplicaturam repraesentat. Peritonei solutionem et separationem a dictis partibus versus hiatum musculorum obliquorum, qui annulus appellatur, successive continuavi, ut in omni ambitu brevissimam cellulosa telam, qua peritonei noster processus annulo adhaeret, percinderem. Enascebatur hoc modo tubulus quidam cavus, versus abdomen ampla apertura directus, quam aperturam testiculus in descensu ingressus est, et per quam aperturam in sinistro latere testem cum sua epididymide rursus in abdomen repuleram. Continuabatur tubuli apertura in canalem, nunc tunicae vaginalis funiculi spermatici, vasa spermatica et ductum deferentem comprehendentis, et testiculi nomine nota, per anulum musculorum obliquorum, et versus scrotum oblique dirigebatur. Ut eo melius naturam processus peritonei s. tunicae vaginalis communis indagarem, musculus obliquus externus, cum omnibus reliquis musculis abdominalibus in medio annulo percidi, ut totum annulum destruerem, relictis solis columnis, et dissecto toto annuli arcu.

Hoc modo vidi, integerrimum peritoneum in processum angustatum versus annulum transire, brevissimaque tela cellulosa cum fibris muscularibus connecti, unicum nec ulla ratione interruptum canalem, ab apertura usque ad nexum cum corpore testiculi constituisse; adeoque proprie illum canalem esse qui tunicae vaginalis funicu-

lo

lo spermatico et testis communi notus est, saltem intimum tunicae vaginalis parietem ex peritonaei hac continuatione constare, qui, quo usque progrediatur, an in ligamentum et gubernaculum testis Huntero dictum continuetur, tunc expiscari non poteram. Qui vero ab aliis partibus, ab exterius illi applicatis, eam crassam et firmam tunicam deducunt, vel etiam illam tunicam vaginalem, tanquam partem, quae cum peritonaeo nihil commercii haberet, considerant, in errore versari mihi omnino videntur.

## §. 19.

*Sexta* haec observatio ex puero partu praemature d. 5. Jan. 1769. in lucem edito, orta, partim illa, quae de situ testiculorum et de peritonaei processu dicta sunt, confirmavit, partim nova phaenomena ostendit. Quamvis uterque testiculus jam annulum muscutorum obliquorum supergressus fuerit, et in profundiores scroti partem se demerserit, quaedam tamen notata digna respectu processus peritonaei mihi obvenere. Nullum dubium superesse poterat, tunicam vaginalem communem esse peritonaei productionem, siquidem in sinistro latere peritonaeum denuo, uti alibi fecimus, ab interna muscutorum abdominalium superficie separavimus, et rursus confirmatum vidimus, infundibulum, ex peritonaeo formatum per hiatus obliqui demersum in saccum scroti, tunicam vaginalem communem constituere, cujus infundibuli apertura superior versus cavum peritonaei abdominale adhuc naturalis erat, minimi digiti apicem admittens, et in partem coecam ducens, qua testis et epididymidi annexa. Flatum et crassiores stilum, sine omni difficultate haec apertura admittebat: Tenuia vero intestina tam alte haerebant, et tam longe ab infundibuli apertura abdominali remota, ut, omnia licet fecerimus pericula, congenitam herniam imitari non potuerimus intrudendo frustulum intestini in eundem canalem.

## H 2

## §. 20.

Aliud tamen quoddam scitu et notatu dignius phaenomenon, nostram de processu peritonaei latam sententiam confirmans, in altero latere observavimus.

Nondum quippe ad eandem profunditatem, uti in sinistro latere, delapsus erat testiculus, sed medio in loco, inter annulum et imam scroti partem cum suo simul involucro haerebat, mollis cellulosa ope cum spongiosa scroti interna cellulosa coalitus: hiatus versus abdomen amplam adhuc monstrabat infimum ventrem respiciens portam, digiti apicem admittentem, et per integumenta ipsa tangibilem. Remotis integumentis cutaneis, et per cautam praeparationem nudato funiculo spermatico, nitidissimum vasorum rete tunicam vaginalem includens apparebat, ab epigastricis, obturatoris, coronariis pelvis et pudendis externis ortum.

Ex abdominis parte, ampla peritonaei apertura versus infundibulum ducens pariter in conspectum veniebat, flatu adacto per aperturam abdominalem ad pollicis crassitiem tunica vaginalis, seu processus noster peritonaei intumescerebat, longam diversae diametri bulbam referens, testem, epididymidem, ductum deferentem et vasa spermatica comprehendentem, quarum partium duae ultimae extra peritonaei processum pone illum locabantur, testis vero cum sua epididymide intra illum continebantur.

Cupidus, an totus funiculus cum teste et tunica vaginali seu processu peritonaei, per annulum in abdomen resumere possent, nescientem cellulosam imum testem inter et scrotum solvebam, et volsellae ope comprehensis in abdomine vasis spermaticis, arteriam et venam, testem attraximus, qui quoque sine omni difficultate sequebatur, et cum integro processu peritonaei inverso in abdomen resurgebat, adducto toto fune, testis infimum renis dextri marginem attingebat, ita

ita quidem, ut mesocolon transversum, ex peritoneao formatum, renem et testem intercederet.

Expanſa nunc quoad totam suam longitudinem tunica vaginali, nudus testis cum nuda epididymide extra peritoneaei processum in conspectum veniebant, cujus nempe epididymidis orae extremae tunica vaginalis seu peritoneaei processus erat accretus. Elegans visu erat spectaculum, dum inversum hunc peritoneaei processum inflatum intueremur: statum nempe per externam annuli musculi obliqui aperturam adegimus, quo facillimo negotio, eundem in modum processus peritoneaei inflabatur et elevabatur, ac si in situ naturali positus per aperturam abdominalem turgidus redditus fuisset: Dirigebatur nunc processus, intestini in modum turgidulus, ab annulo versus superiora, inflato sacco in altissimo loco agglutinatus erat testis per suam epididymidem.

#### §. 21.

Vasorum spermaticorum, et funiculi spermatici iter hac sub encheiresi satis bene intueri potuimus: Vasa nempe spermatica pone peritoneaeum super ipsam musculum descendentia, ad illum locum, ubi margini interiori annuli peritoneaeum accretum est, replicantur, cum huc usque externum peritoneaei latus occupaverint, huc delati internam faciem processus peritoneaei legunt, in situ vero naturali post testiculorum a nativitate delapsum exteriora processus servant; replicata nunc vasa via retrograda usque ad eorum in testem insertionem ascendunt, semper per tunicam vag. comm. conspicua et visibilia: Elegantissimas in tenello hoc teste videbamus vasorum per albugineam divaricationes. Ex cauda epididymidis proveniens ductus deferens intra processus peritoneaei duplicaturam descendendo progreditur, semper interiora processus legens. In inverso autem processu externo illius lateri applicatur. Ad angustiore partem

H 3

pro-

processus delatus ductus deferens, ipsum processum sensim derelinquit, angulumque acutum cum eodem constituit. Supergreditur nunc omnia vasa pelvis et ureterem dextrum, atque junctum cum eodem uretere semper exteriora peritonaei servans sese in profundiora pelvis partem demergit, et seminali vesiculae ejusdem lateris inferitur. Quaedam adhuc argumenta, cum de figura, tum de structura et conformatione inversi hujus peritonaei processus adjicienda sunt. Figuram circiter sifit coniformem, cujus basis est ille locus, ubi processus peritonaei seu tunica vaginalis communis utrique epididymidis extremo adhaeret. Sensim descendendo angustior redditur, talem quidem in modum, ut angustissima canalis pars sit pone originem ex ipso peritonaeo. Quoad structuram perfecte ejusdem fabricae est, qualem in peritonaeo deprehendimus, ut nullum superesse dubium possit, hunc processum veram peritonaei continuationem esse, cui duplex vasorum columna exterius applicatur, altera ex fasciculo vasorum spermaticorum orta, peculiari involucri ex cellulosa peritonaei orto inclusa. Haec columna quoad maximam partem a processu peritonaei separata est, in distantia vero dimidii pollicis a vasorum spermaticorum in testem ingressu, haec cellulosa peritonaei vasa spermatica involvens; se super processum conjicit, ejusdemque tunicam externam auget et quodammodo constituit. Quo etiam in itinere furculi quidam arteriae spermaticae non contemnendae elegans vasorum rete super processu formant. Altera columna deferentem ductum cum nonnullis nervis complectens, praecedenti inferior et magis interior, per similem cellulosam exteriori superficie processum agglutinatur, eundemque etiam in modum in externam tunicam processus degenerat, eoque proximior fit, quo ductus epididymidi propius accedit. In parte angustissima processus peritonaei imperceptibili modo in peritonaeum, internum latus musculorum abdominalium obliniens, degenerat. In hunc canalem recipiebatur fasciculus cellulosus, partim ex scroto, partim ex ambitu pubis ortus, quibus exterius et posterius admiscebantur tenerrimi fasciculi fibrarum



rum muscularium, ab obliquo interno ortarum; hi fasciculi versus superiora reflexi, una cum illa cellulosa per canalem ex peritonaeo a musculis abdominis versus testiculum recedentem, et qui in hoc cadaverulo artis ope inversus erat, ad testem accedebant, tunicae huic vaginali circumductae, et mediante eadem super testiculum sparfae. 2)

# §. 22.

*Septima, octavaque* in eundem scopum facta et descripta observatio, in quibusdam momentulis prioribus contradicere quodam modo videtur. Historice vero nunc, neglecto iudicio, quae vidi narraturus sum. In duobus foetibus versus quarti mensis finem, vel ab initio quinti, abortu elisis, scrota plane erant vacua, penes breves, praeputiaque admodum prominula, glandes perfecte absconditae. Musculo obliquo externo sua cute privato, exilissimus apparebat hiatus, inter duas tenellas columnas visibilis, qui olim anulum repraesentare debebat, teneri aliquot fasciculi ex annulo in scroti cellulosam descendebant, cavi cujusdam plane expertes. Aperto abdomine, testes in renum vicinia adhuc haerentes vidimus, qui ex limbo eorundem inferiore versus anulum ligamentum illud s. gubernaculum mittebant, quod per anulum egressum in dictos illos fasciculos desinebat. Peritonaeum circa illud ligamentum aliquam formabat profunditatem, et aliquantisper versus anulum protractam. Solutum in omni ambitu peritonaeum, intimum cum gubernaculo servavit nexum. Periculum feci, an stilum vel statum per gubernaculum ad testem transmittere, a) aut tractis illis fasciculis testem per

gu-

2) Nullo dubio subjectum est, quod Illustris HUNTERVS l.c. p. 79. asseruit. fibras cremasteris ex obliquo musculo interno, versus superiora reflexi. Haec, contradicente et dubitante Ill. LOUSTEIN Diff. cit. p. 19. not. b. suo assensu confirmat Cel. GI-

RARDI l.c. p. 195. Non tamen vidi ex transverso musculo cremasteri quidquam addi.

a) Etiam Ill. GIRARDI frustra neum expertus est successum, cum nec stilum nec statum adigere potuisset asserrat lib. cit. p. 192. 193.

gubernaculum inferum detrahare possem, sed nec unum successit nec alterum. Nihil etiā ex abdomine per annulum in scrotum urgere valebam. De cremastero ad ligamentum reflexo in tenera hac aetate nihil distinguere potui.

## §. 23.

Aliam et a praemissis observationibus plane diversam structuram ostenderunt *nonum, decimum, undecimumque* corpusculum. Erant omnes foetus quinquemestribus minores, recentes, nulla labe aut corruptela affecti. Scrota, ut in omnibus testiculos nondum comprehenditibus, parva, rugosa, cellulosa molli referta. Annuli latiore offerrebant hiatum, ex quo, in duobus exemplis in quolibet latere, in tertio foetu in dextro tantum tenerissimi sacculi in scroti mollem cellulosam descendebant. In hos sacculos ducebat ex peritonaei cavo apertura, per quam facili negotio demittere in scrotum obtusum capitulo munitum stilum poteram. Comprehendebant simul hi canales, qui certissime ex peritoneo continuabantur illa ligamenta seu gubernacula ad testiculum accedentia, quibuscum in solo margine posteriore erant coalita.

## §. 24.

Egrege confirmant illa, quae mox ex tribus foetibus de processibus peritonaei per annulum egressis et in scrotum delapsis, licet testis abdomen nondum egressus, et gubernaculum nondum inferum fuerit, retuli, *duodecima observatio* ex puerulo octimestri mense Januar. 1779. theatro anatomico tradito desumpta. Dexter testiculus in scrotum erat delapsus, et apertura canalis in abdomine jam perfecte occlusa. Cum sinistrum scroti saccum examinarem, ab annulo usque ad mediam scroti profunditatem descendit longa vesicula, intestinuli tenuis instar in obtusum mucronem finientis, vacua, pellucida, mol-

molli cellulosa cum scroto connexa. Testiculus sinister in abdomine adhuc super annulum haerebat, gubernaculo suo ex annulo in hunc canalem descendente. Ampla aderat pone gubernaculum apertura, per quam crassum stilum ad infima hujus canalis immittere et liberrime in illo movere poteram. Immo integer canalis continebat magnam injectionis materiae copiam, quae rupto quodam vase majore abdomen replebat. Hunc canalem immediatam peritonaei continuationem fuisse, instituta disquisitio docuit.

## §. 25.

Ex praemissis observationibus quaedam conclusiones ad dirimendam hanc vel illam litis particulam elici possunt.

1. Tunica vaginalis, communis dicta, quae funem et testem simul involvit, est ipsius peritonaei immediata continuatio per annulum in scrotum demissa, nec cellulosae ejusdem exterioris propago, *b*) nec gubernaculi externa superficies, quae facta post testiculi delapsum inversione, peritoneo interius obduceretur. *c*)
2. Adest omnino praeter peritoneum peculiaris et compositae fabricae fasciculus, qui ab exteriori annuli regione ad testiculum accedit, ejusque infimo margini inseritur, testem quasi fulcians  
et

*b*) Ex collatione variorum scriptorum patet, multos hanc in nostrum diem adhuc fovere sententiam. b. NEUBAVER in *Diff. cit.* p. 17. RIDLEY in *Assum. et hydroph.* p. m. 179. beat. KLINKOSCH *Progr. de herniar. divis.* p. 4. not. 1. b. MORGAGNI *de sedib. Epist. anat. med.* 43. Ill. GIRARDI l. c. p. 183. Olim vero jam

contrarium varios credidisse, patet ex BOHNIO *de officio medici duplici* pag. 523. SCHRADER *Obsev. anat.* 5. CHESLENDEN *the Anat. of hum. body* Edit. 6. pag. 263.

*c*) Clar. DE PANCERA *Diff. de testis humani in scrotum descensu.* Vindobae 1778. p. 10. Ill. GIRARDI l. c.

*Comment. Physf. T. I.*

I

et dum in abdomine adhuc continetur quodammodo sustentans. Hic fasciculus, sive illum basin, sive cylindrum, sive ligamentum, sive gubernaculum appellare volumus, sub testiculi descensu amplior redditur, et dum testiculus eundem intrat, elongatur et quasi invertitur: *d*) ut descendere testis in scrotum ad eam profunditatem possit, quam gubernaculi et processus peritonaei longitudo admittit.

3. Hunc testiculorum ex abdomine in scrotum descensum, in mutando involucrorum testis numero aliquid praestare, partim ex generali animadversione, partim ex observationibus constat. Id quoque confirmatum est, tunicam vaginalem testis propriam, quae vocatur, deficere, cum vel intestini, vel omenti pars testem immediate tangit. *e*) Non adeo facile est iudicium, quam ratione, et ex quam parte formetur tunica vaginalis testi propria, qua caret testiculus in abdomine. Nullo enim fundamento assumi potest, illam peritonaei productionem albugineae superinductam, arctissimo nexu eidem adhaerentem in tunicam vaginalem propriam abire. Probabile mihi admodum est, inversam basin, teste delapso super eundem cum tunica vaginali funiculi spermatici coalescere, et tunicam vaginalem testiculo propriam hoc modo componere.

#### §. 26.

Maxime consueta ortus herniarum congenitarum ratio est, ut post testiculi delapsum, apertura canalis ex abdomine in scrotum nunc parati, vel tam ampla maneat, vel tam mollis, laxa, et levissimo sui

*d*) Hanc inversionem procul omni dubio primum agnoverunt Perill. CAMPER lib. cit. p. 147. Ill. GIRARDI loc. cit. et p. 191. seq. Clar. DE FANCERA Diff. cit. p. 8 p. 10.

*e*) Illustres viri, HUNTER lib. cit. p. 84. et b. MECKEL de morb. hern. cong. pag. 32. id suis observationibus confirmant.

sui cedente cellulosa clausa sit, ut in hunc locum, vel plane non, vel iusto minus resistentem, sub quolibet fortiore nixu intestina omentumque facile ruere, cum teste tunicaque vaginali concreescere, et herniam congenitam formare possint. Cum mihi autem in variis cadaveribus, adutorum adeo hominum, exempla occurrissent canalium versus abdomen tam amplo foramine hiantium, ut commode pollicis phalangem immittere potuerim absque omni ramicis vestigio, licet tenuia intestina in vicinia fuissent, dubitare incepti, an haec superius dicta, herniarum congenitarum sola ratio sit. Ab eo tempore nulum cadaver, cujuscunque sexus et aetatis fuerit, aperui, quin rationem habuerim nexus, qui viscera abdominis et canalem tunicae vaginalis intercederet. Summa tandem omnium observationum duplicem ostendit mihi conditionem, quarum una alterave ad contestandam congenitam herniam suam conferre symbolam potest. Aut enim intestini omentive pars, durante graviditate cum teste in abdomine adhuc comprehenso concrevit, et eam ob causam delabente in scrotum testiculo cum eodem simul detrahitur; aut peritoneum, quod super vasa spermatica incescit in mesenterium abiturum, brevem duplicaturam, ligamenti instar, versus proxime adjacentem vel ultimi ilei partem vel coecum misit, cujus ligamenti ope in dextro latere, in quo frequentissimae ramices congenitae observantur, subsidebat testiculo intestina ex situ suo in inguina deturbantur. Prior causa in quolibet latere locum habere potest, haec altera praecipue dextro lateri familiaris, exinde quoque patet, cur in variis hominibus sub tussi, sternutatione, vomitu, aut sub quolibet alio cum vehementi expiratione conjuncto motu, testiculus ex scroto in abdomen reducatur, quod phaenomenon ipse saepius in pueris convulsionibus verminosis affectis observavi. Forsan, sed conjecturam propono, nulla observatione huc usque fultam, haec conditio inter causas pertinet, cum in monorchidibus vel etiam cryptorchidibus tam unus quam uterque testis in abdominis cavo retinetur.

## §. 27.

Enarrabo nunc quae ad illustrandum paragraphum praecedentem ab anno inde 1767. in cadaveribus vidi. Prima observatio sistit *Epiptocelen*, procul dubio *congenitam*, quam d. 30. Nov. 1767. in cadavere studiosi theologiae, viri dum viveret, moribus, ingenio, et doctrina omni amore digni, videre mihi contigit. Phthisi pulmonali diem tandem obiit supremum summae spei juvenis, qui, litterarum cultui, ut virum eruditum decet, deditus, ab ineunte aetate saepius molestissimo scroti, praecipue infimi ventris affectu, frequentique vomendi conatu, et interdum excruciante dolore, laboravit, sensim phthisico morbo, post diurnam molestissimae vitae querimoniam, oppressus periit. Sectione cadaveris mihi concessa, praeter herniam omentalem in infimo ventre visam, thorax et abdomen nonnulla momenta obtulerunt. Toti pulmones scirrulis minoribus durissimis repleti sunt, cohaerentque pulmones ubique pleurae et diaphragmati per lacinias praeternaturales, ut non sine magna difficultate avelli potuerint. Pleraque viscera abdominis etiam per ligamenta praeternaturalia cohaerent inter se, hepar durissimum, albicans, parca bilis in cystide copia. Colon praeternaturalem habebat decursum, dextrum enim colon in transversum abiturum, non transversum ex uno hypochondrio in alterum abit, sed ad lineam albam dum pervenit, subito ad angulum quendam ductu lineae albae descendit, dein reflectitur, denuo ductu ejusdem lineae ascendit, nunc fit colon sinistrum, in flexum iliacum et rectum mutatum.

## §. 28.

Illa omenti pars, quae a medio colo transverso pendet, super omnia intestina tenuia tanquam velamen extendebatur, versus dextrum annulum in rotundum funem contortum epiploon, cum vasis spermaticis per annulum egrediebatur, tunicam vaginalem in toto suo itinere naturali crassiores reddiderat, et eam ob causam medico, qui

qui ante meum, tertio ante mortem die accessum aegri curam gesserat, ansam dedit, ut malum hoc Circocelen appellaverit, et omnia inde pendentia symptomata, pro hypochondriacis affectibus declaraverit. Ratione hujus epiploceles sequentia momenta in testiculo adhuc observavi, cujus tunica vaginalis a chirurgo sectionem pathologicam administrante, vitiose jam aperta erat. Testiculus, epididymis, funiculusque spermaticus naturalem suam habebant conformationem, ut nihil plane a consueto naturae tramite aberrans deprehendere potuerim. Tunica vaginalis, quae a chirurgo, me incio et dolente, ad ipsum per annulum abdominis transgressum resecta, et secundum longitudinem ad epididymidis caput aperta erat, cum toto epididymidis dorso arcte cohaerebat. Peritonaei continuatio, intimum tunicae vaginalis funiculi spermatici et testiculi parietem constituens, satis crassa, robusta, valida, interius politissima. Exterius musculus cremaster, reliquaeque partes a musculis obliquis accessoriae, sive tela cellulosa, sive fibrae musculares et tendineae, sive vasa fuerint, crassius quaecunque involucrum adferant, supra tunicam vaginalem funiculi spermatici et testis expansum velamen constituunt. Extra hunc tunicae vaginalis internum parietem inter peritonaei processum seu continuationem, et velamen accessorium, quasi in duplicatura peritonaei funiculus spermaticus totus cum vase deferente continebatur. Tunica vaginalis funiculi spermatici et testis propria, non in hoc subjecto, prouti in plerisque hominibus distingui poterant, ita quidem, ut inflata tunica vaginali funiculi spermatici flatus non in tunicam vaginalem testis penetret et v. v. sed in hoc specimine unum continuum cavum referebant, solo quodam annulo divisum.

### §. 29.

Annulus hic intermedius ita comparatus fuit, ut perfectissimum quendam circulum repraesentet, calloso duro tendineoque margine praeditum, qui durus margo dein in tenuem peritonaei continuationem

nem degenerabat, quaeque ipsi vaginali tunicae adhaerebat eo praecise in loco, ubi in aliis hominibus tunica vaginalis funiculi spermatici a tunica vaginali testis separatur: ut hoc modo differentia hujus mei individui in eo consistat, ut saepimentum illud quasi perforatum sit propter frustum omenti delapsum, testisque accretum, quod in aliis hominibus e contrario clausum integrumque est. Multum similitudinis habere hic annulus videbatur cum valvulis intestinorum conniventibus, nisi quod perfectus non solum circulus, sed etiam validior fuerit: admodum probabile simul est, hunc anulum superiorem marginem inversi ligamenti seu gubernaculi fuisse, qui propter adhaerens testiculo omentum claudi in perfectam tunicam vaginalem testis propriam non potuit. In distantia 3 pollicum ab hoc descripto annulo versus superiora tunicae vaginalis funiculi sperm. aliud est annuli cujusdem vestigium, quod vero chirurgus secans in aperienda tunica vaginali simul perciderat, omnia vero habet veri annuli attributa, durum, callosum, tendineumque marginem internum; omnino convenit cum pyloro ventriculi, in dissecta enim annuli ora distincte videre potui elevatam et parumper arcuatam peritonaei in tunicam vaginalem continuationem et elevationem, quae interposita cellulosa, ab exteriori tunicae vaginalis involucri enascebatur. Credo hunc anulum fuisse aperturam peritonaei versus abdomen, per quod testiculus delapsus est, et quam immediate cum testiculo vitiose concretum omentum simul ingressum, per omnem vitam hominis ibidem mansit, et propter frequentem motum in ejusmodi callum duriusculum mutatum est, quod alias in plerisque hominibus peculiari quadam cellulosa clauditur, ut nullum vestigium nec annuli cujusdam, nec aperturae superstitis inveniatur. Diametri horum cingulorum: superior annulus apertus 1 poll. 3. lin. erat longus, inferioris vero integri diameter vix 4 lineas excessit, cum perfectum circulum formaverit. In hanc descriptam tunicam vaginalem funiculi spermatici et testiculi, duplici annulo septam, delapsum est magnum frustum omenti, quod utrumque anulum perforans conice descendit ad ipsum



ipsum testiculum, cui multis tam filamentis quam lacinis in supremo axeos extremo accretum est, tantoque robore testi coalitum, ut suspensio omento totus testis cum annexis partibus simul suspensus teneretur. *f*)

§. 30.

Omentum jam intra abdomen prima cohaesionis cum testiculo initia nactum esse, et cum descensu ejusdem simul in tunicam vaginalem detrusum esse, vix asserere ausus essem, nisi anno proxime sequenti 1768. altera observatio ex foetu fere octimestri desumpta iudicium meum tunc temporis jam latum confirmasset. Vixerat aliquot dies puer, qui unicum modo testiculum, eundemque dextrum, in scroto continebat, altero sinistro circa annulum haerente admodum mobili, et aliquantisper pro lubitu deorsum, facilius autem sursum reprimi in abdomen potuerit. Jucundum mihi omnino erat spectaculum, cum aperto abdomine, elegantissimum omentum super intestina tenuia expansum in sinistram os ilium descendere, et tribus filis albugineae testiculi accretum cernerem. Cum testiculo deorsum pressio, annulum simul ingrediebatur, dum vero omenta per Winslovii hiatus flatu expanderem, in ea proportionem omentum et testiculus in abdomen redibant, qua plus aëris in omentorum cava urgebam, donec rumperentur tenellae membranae. Tunica vaginalis com-

*f*) Nemo non videt, hanc herniae congenitae speciem in quibusdam momentis convenire cum illa, quae incomparabili ZIMMERMANNO creavit molestiam, quaque prudenti felicitate liberatus est operatione berolinensi. Major quidem pars omenti in tunicam vaginalem delapsa, aerumnaeque ex mutato viscerum abdominalium situ, et turbato sanguinis in infimo ventre itinere, nec noui systematis nervosi in

summum gradum evecta vellicatione ac sensibilitate, magnam diversitatem inter casum, amabilem et humanum ZIMMERMANNVM vexantem, et nostrum ostendunt; quodsi vero accuratam beat. MECKELII historiam, cum nostra comparamus, suspitioni locus est, ex hac, sub ipsis primordiis orta connata omentali hernia, tantum forsan malum productum fuisse, quod operationis chirurgicae eguisset.

communis seu peritonaei processus ultra inguen ad mediam circiter scroti partem jam erat elongata, recedente versus superiora testiculo, extremum hujus processus aliquam nanciscebatur foveam, brevi disparentem, cum testiculus deorsum urgeretur.

Similem forsan intestinorum cujusdam partis cum testiculo coalitum jam intra abdomen locum habere, et eam ob causam descensui intestini in tunicam vaginalem ansam praebere posse, non improbabile est, licet ipse talem accretionem nunquam in foetu viderim.

## §. 31.

Aliam in quibusdam cadaveribus observare mihi licuit structuram, quae intestinorum cum testiculo in scrotum descensum reddere omnino potest facillimum. In aliquot enim foetuum corpusculis, quorum duo ad hunc usque diem inter praeparata mea adservo, in dextro latere vidi strictum quendam fasciculum ex illo loco oriri, ubi vasa spermatica inter peritonaei duplicem laminam testiculum ingrediuntur, ascendendo mox appendici vermiformi, ejusdemque mesenterio, mox coeco intestino, mox ilei extremo in colon abeunti insertum deprehendi, tam breves erant hi fasciculi, qui ligamenta esse videbantur, ut vix aliquot lineas superarent, nunquam tam breves in sinistro vidi latere: ortum omnino capiebant ex peritoneo in duplicaturam mutato cum interspersa stipata quadam cellulosa. In quolibet latere semper aliquam plicam versus testes descendere, bene jam notavit Ill. LOBSTEIN, g) et quotidiana loquitur experientia. Insolita autem illarum brevis suspicionem movebat, periculo non vacare illos embryones futurae herniae, quibus talis esset conformatio.

g) *Diff. cit. de hern. congen. p. 11.* 17. not. d. plicas enim describit, a peritoneo formatas, alteram a colo, quo sigmoides figuram instituit, alteram a principio coeci sineque illi descenden-

tes. et in externa latera corporum testiculi sese determinantes; Ligamentorum vices supplere existimat, ne nimium in latera vagari testes possint.

tio. Id enim quilibet experiri, ut ego feci, potest, qui tales foetus videndi opportunitatem habet, prehenso intestino testem cum illo ex annulo elevari et attrahi, et depresso vicissim testiculo, intestinum simul versus annulum urgeri. Exinde sine dubio explicare possumus frequens in praxi phaenomenon saepe a me visum, sub sternutatione, tussi vehementiore, vomitu, convulsionibus in pueris diversae aetatis occurrentibus, *h*) testiculos ex scroto versus annulum attolli, quin visui subduci, et cessante illo motu, sensim rursus delabi. Forsan haec ipsa strictura inter causas pertinet, cur intestinis nullo modo cedentibus, aut viribus testiculum deprimentibus nimis debile agentibus vel unus vel alter in abdomine remaneat; aut annulum supergressus in scrotum perfecte descendere possit, quod quidem symptoma in canibus admodum frequens.

## §. 32.

Praecipue vero prolatam sententiam confirmavit hernia scrotalis dextri lateris insolitae magnitudinis, quam ante aliquot annos observavi. Cadaver hominis adulti 44 annorum Mense Jan. 1776. Ostroda ex principatu Grubenhagensi allatum, notabili scroti expansione, *i*) magnitudinem capitis superante, instructum erat, postquam vasa per carotidem cera tincta erant repleta, sequentia in illo deprehendi. Tangebatur per abdominis integumenta durities quaedam resistens,

*h*) Inter alios casus praepimis recorder me in epidemia morbillosa anni 1767. puerum vidisse, qui dum convulsiva fere tussi afficiebatur, sub vehementissima diaphragmatis inter expirationem in thoracem ascensu, quocum simul collabente abdomine intestina sursum movebantur, testiculos in instante ex scroto versus annulum attolli, subinde dein septo transverbo, et abdo-

mine denuo expanso, eosdem sensim in scrotum gliscere. In aliis quoque corporis humani affectibus non infrequenter esse testiculorum ex scroto versus annulum quin in ipsum abdomen retrocessionem, probat observatio Cel. MORGENSTERN in Nov. *Atz. At. Nat. Cur. Tom. III. p. 333.*

*i*) Tab. II, delineata.

*Comment. Phys. T. I.*

K

stens, omnem umbilici regionem occupans, multumque similitudinis habens cum indurata et in scirrhum mutata pinguedine. Scrotum, quod uti dixi ad magnitudinem capitis adulti hominis expansum erat, et aliquantisper duriusculum, in infima parte aliquid feri in parvo sacculo appendicem quasi majoris tumoris formante continebat. Pars praecipue scroti dextra maximam a tumore passa erat mutationem, sinistra naturalis, aut in minus volumen potius contracta. Penis ab expansione in sinistrum latus replicatus, laxus, flaccidus mille rugis opertus, praeputio ultra pollicem super glandem propendente. Hiatus abdominales in utroque latere adhuc erant aperti, ut digitus per ipsa exterius integumenta introitum in cavum abdominis tangere posset. Successive rem perquisivi, incipiendo a situ quem infimi ventris viscera servarent. Inciso itaque abdomine omnes membranae pinguedine mirum in modum fartae erant, mesocolon nempe, mesenterium, omentum, ligamentum hepatis teres, quin ipsae intestinorum tunicae variis in locis durissimo adipe refertae. Hepar grande, coloris pallidi, in hypochondrio dextro contineri non poterat, sed profunde in lumbarem regionem dextrum super renem descendebat. Ventriculi situs a naturali quidem non adeo multum recedebat, pinguedinis vero copia, qua omentum obsidebatur, eundem aliquantisper versus inferiora detrusit. Praecipuum vero ratione situs mutationem passum fuit colon, quoniam, uti ex sequenti relatione patebit, dextrum colon cum coeco in saccum herniosum erat delapsum. In naturali enim viscerum abdominalium et praecipue intestinorum situ, colon transversum oblique ex dextro lumborum cavo infra hepar et ventriculi curvaturam majorem, aliqua a ventriculo distantia versus sinistrum lumborum cavum transversaliter per mediam abdominis cavitatem incedit, ita quidem, ut tenuium intestinorum gyri ventriculum non attingant. In nostro autem casu profunde ex sacco hernioso dextrum colon fere ad dextrum renem ascendebat, mox vero ad inferiora usque ad umbilicum denuo descendebat, et intermixtis variis intestinorum tenuium gyris, multis faecis com-

complicationibus sinistram lumborum regionem attingens, in flexum illacum et sensim in rectum abiit. Maxima pars tenuium intestinorum infimum abdominis cavum occupavit.

§. 33.

Hernia ipsa speciale examen poscebat. Annulus in amplam portam erat expansus ellipticae figurae, cujus diameter 3 poll. cum dimidio, conjugata fere 2 poll., omnes fere digitos ad metacarpum usque ex abdomine per hiatum in saccum herniosum immittere poteram. Peritoneum omnem interiorem sacci parietem obducebat, testiculo in infima sacci parte haerenti, nudoque accretum. Descenderat in hunc saccum frustum intestini ilei  $1\frac{1}{2}$  ped. longum, pars coli cum coeco et appendice ultra pedis longitudinem habebat. Nullibi intestina cum testiculo, licet eundem immediate tangerent, concreta vidi, crassiusculus autem robustus dimidium pollicem longus fibrarum fasciculus ex coeco in peritoneaei quadam duplicatura ad testiculum descendebat, qui procul dubio a vitae primordiis cum testiculo descendente intestinum coecum, et mediante illo ilei et coli dextra partem detruisit. Singulare simul erat phaenomenon, hiatum abdominis in sinistro latere pariter fuisse apertum, ut digitum admitteret, nihil vero in tunica vaginali communi comprehendisse, pro uti testis sinister sua tunica vaginali propria cinctus fuit, qua dexter carebat.

§. 34.

Vix ulli in mentem veniret chirurgus, si anatomicam partium observaturus sit structuram, sequiorem sexum simili in eadem regione obnoxium esse morbo, cum simili canale orbatus esse debeat, per quem delabi intestina omentumque possint, cum viscere privetur, quod descendere naturaliter debet. Mentionem vero jam olim fecit AN-

K 2

TON.

TON. NUCK <sup>k)</sup>) canaliū, qui ad transmittenda rotunda uteri ligamenta, in nonnullis infantibus diu post natiuitatem aperti manent, quibusque *diverticulorum* nomen dedit. Passim illorum vestigia occurrunt apud recentiores, eosdemque chirurgos; qui vero curatius hos canales observaverit, eorundemque ad hernias in sequiori sexu congenitas relationem melius cognoverit, praeter III. CAMPERVM ego quidem scio neminem. Res ipsa diligentiore exāmine omnino dignissima est. Usus sum frequentiore occasione hunc canalem in puellis mortuis observandi, vidique ipse casum herniae per hoc Nuckii diverticulum congenitae in virgine 8 annorum egregiae indolis et optimae spei, quae brachierio ad retinenda intestina utitur, bene se sub illius usu habet, et, nisi ex ignorantia vitium committitur, brevi tempore ab imminente in posterum periculo libera erit. Plus quam 200 sequioris sexus cadavera intra 3 et quod excurrit annorum lustra eo scopo contemplatus sum, an per annulum obliquoꝝ musculorum canalis in inguina duceret, et in 19 individuis in infima abdominis regione, quae annulo respondet, aperturas mox in uno, mox in altero, ut plurimum utroque latere deprehendi, quae per ipsum annulum in cellulosum labiorum pudendorum canalem ducebant, peritoneaeo interius obductum, et obtuso fine mox altius in inguine, mox profundius in labiis finitum, qui ligamentum uteri rotundum comprehendebant. Peritoneaei in haec diverticula continuationem nemo negabit, qui, ut ego feci, annulum ab exteriori integumentorum abdominalium latere diligenter praeparavit, peritoneaeum deinceps ab interiore musculorum superficie solvit. Diversam omnino deprehendi horum canaliū amplitudinem, mox enim tenuem modo stilum capiebant, mox crassioꝝ pennam, mox integrum amplecti digitum poterant. Rarius omenti intestinorumque pars inea diverticula gliscit. Semel tantum intestinorum tenuium partem in

k) *Adenograph. curios. Cap. X. p. 133.* primum vidit in canibus femellis, et paullo post p. 134. seq. ex homini-

bus descripsit, figg. 35. 39. 40. delineare curavit.







in puella 7 annorum libere in illo comprehensam vidi, et hac hyeme mense Februar 1779. in vetula frustum ilei per anulum ultra pollicem dilatatum delapsum, et canali accretum, observavi, et probabilis ratio, cur herniae inguinales in sequiori sexu non tam frequentes sint, quam in potiore, quamvis similem canalem possideant, in defectu partis quaerenda est, quae descendere sensim per hos canales debet, et quacum vel omenti vel intestini pars connexa interdum esse potest.

### *Figurarum Explicatio.*

#### TAB. I.

Exhibet foetus corpusculum, cujus abdomen inferius eo scopo praeparatum, ut testiculorum situs, canalis peritonaei apertura et progressus, peritonaei in eundem continuatio, ejusdemque cum scroto connexio cerni possint.

- A. Renum margo inferior.
- B. Vena cava.
- C. Arteria Aorta.
- D. Vasor. spermaticorum origo, et pone peritoneum descensus.
- E. Ureteres.
- R. Intestinum rectum.
- V. Vesica urinaria.
- P. Mentula.
- S: Scrotum in utraque cavea apertum, ut
- L. Fasciam ligamentosam, peritonaei processum cum scroto infimo sacco conjungentem distincte intueri possis,

K 3

T. d.

- T.d. Testiculus dexter tunica sua vaginali inclusus, ex cavo abdominis per anulum jam egressus, medio autem in loco inter inguen et infimam scroti partem haerens.
- T.f. Testiculus sinister, cujus alterum dimidium adhuc in abdominis cavo cum sua epididymide e. remansit, alterum vero per annuli aperturam canalem peritonaei jam ingressum est.
- e. Epididymis sinistra.
- d. Ductus deferentes.
- abcqfgo. Peritoneum, cujus
- abcqo. pars, quae musculos abdominales interius obducit, ab illis soluta est, et vasa spermatica pellucunt: altera vero pars qfgo. est vera peritonaei immediata continuatio per anulum in scrotum producta, . canalem vel processum peritonaei formans, qui testiculum ambit, in quo
- qo. infundibuliformem hujus canalıs peritonaei aperturam designat, per quam testiculus descendit, et intestina simul, si hernia congenita hac in regione observatur.
- r. Introitus per dictam aperturam in canalem processum peritonaei, ih. tubulum comprehendens, quo facillime tunicam vaginalem in amplam vesticam inflare possumus.
- m. Externa annuli sinistri apertura, qua exit processus peritonaei cum contenta testiculi parte.
- o. Arteriae umbilicales rescissae.

## TAB. II.

Repraesentat depictam herniam scrotalem congenitam ex adulto 44. annor. homine, cujus abdomen apertum reclinatıs integumentis exhibet intestina et omentum in illo situ, qualem tunc vidimus.

A. Ro-



- A. Reflexa infimi ventris integumenta, cutis nempe, musculi, et peritoneum.
- B. Solum peritoneum a rescissis musculis abdominalibus solum et paullisper reclinstum, interspersis multis vasorum ramificationibus.
- C. Ventriculus prominens.
- D. Intestina tenuia, incerta et a naturali ordine plane recedente ratione, cum illorum tractus fere omnes in pelvim descendere videantur, omento permixta per infimum ventrem distribuuntur. Ex his
- D d. infimam illi portionem indicat. quae per annulum in sacco herniosum descendit, et in profundo illius faciei loco in crassa abit.
- Ee. Coli dextri pars, ex sacco herniae per annulum in abdomine denuo comparens, et variis flexionibus factis
- E. in reliquam coli dextri portionem versus hepar tendit.
- F. Exigua pars coli transversi.
- G. Principium coli sinistri.
- H. Flexus iliacus, seu curvatura sigmoidea coli sinistri, quae
- H h. in rectum mutata versus pelvim descendit.
- I. Omenti pinguissimi et indurati variae portiones.
- K. Amplus herniae scrotalis saccus ex peritoneo insigniter expanso factus, et
- L. dextro scroti cavo in eandem amplitudinem aucto inclusus.
- MNO. Latissimus annuli musculorum abdominalium hiatus, per quem complicatissimus intestinorum tenuium, aequae quam coli, et omenti descensus factus est.

P. Co-

P. Columna musculi obliqui majoris anterior et interna versus pubis ossium symphysin tendens.

Q. Columna ejusdem musculi posterior et externa ramum ossis pubis dextrum petens.

a b. Fasciculus quidam muscularium fibrarum arcuatus, ex columna exteriore super saccum herniosum versus symphysin migrans, respectu situs superior nominandus.

cf. Similis arcus inferior.

gilm. Variæ laminae, tam cellularis membranae cutem inter et darton mediae, quam ipsius tunicae dartos, saccum herniosum amplectentis, et cultri ope in diversas laminas, et strata separatae

R. Penis, sacci herniosi amplitudine multum ex situ suo naturali distortus.

S. Funiculus spermaticus sinister.

n op. Apertura annuli naturali longe amplior.

o. Columna anterior.

q. Columna posterior.

T. Femora.





IO. ANDREAE MURRAY  
OBSERVATIONES  
IN  
PLANTAS ALIQUOT MINVS  
COGNITAS.

PRÆL. D. XIV. MARTII A. MDCCLXXVIII.

**A**cerbissimam et irreparabilem intra paucos menses res herbaria jacturam fecit, Sodales honoratissimi, obitu trium virorum, quibus in hac disciplina primas deferre nemo bonus reique gnarus dubitavit, illustrium virorum, BERNARDI JVSSEVI, HALLERI, et denique, quem, dum vivam, lugere non desinam, summi LINNAEI. Horum prior, si quis unquam, in scientia stirpes secundum cognationes naturales dispertiendi sagacissimus et peritissimus, adjutus ad id ditissimo stirpium horto, in quibus communicandis cum amicis facillimus fuit, numerosa eaque immortalia ingenii et industriae monumenta praestare potuisset, si in voluminibus vulgandis eadem ac in naturae vestigiis tacite premendis illi infedisset sedulitas. Alter, cuius memoriam facundissimo pariter ac scientissimo interprete nuper recoluit Societas haec Regia, ad quaelibet magna perpetranda idoneus, eodem procul dubio successu universam Botanicen prosequutus fuisset, quo Anatonem et Physiologiam, nisi studium, inter hominis et herbarum naturam divisum, impetum restrinxisset potissimum ad schema novi systematis, quod tamen non in seriora inventa produxit, et ad scrutinium stirpium sibi patriarum, Helvetiae, in quo observationum accuratorem ac copiam et criticum ejus acumen merito ad-

*Comment. Phys. T. I.*

L

mira-



miramur. LINNAEVS igitur unus, post TOVRNEFORTII tempus, ipsa annuente et secundante natura, gravissimum audaci consilio opus aggressus est, non solum condendi novum systema, quod omnium fere recentiorum botanicorum plausum tulit, sed in huius loculos, quotquot detectae ante sua tempora essent plantae, et quotquot vel ipsius vel iuncta coaevorum solertia investigaret, transferendi, omnesque et singulas, nisi scrupulus quidam incideret, suis characteribus instruendi et denominandi. Si indicem potius stirpium rerumque reliquarum naturalium eum in medium protulisse, quam commentarium in easdem absolutum, objicias, per me licet; modo memineris, numero, compage, forma, mixtione partium aliisque momentis multipliciter variantem naturam, et felici plerumque casu non otio contemplandam, non tam facile indicem comprehendi posse, ac per librum dispersas cogitationes vel librorum titulos; et huncce, quem praestitit, naturae indicem clavis instar esse, quae, quicquid in scientia naturali vel ab eo ipso alibi luculentius et ad vitae communis varia munia accommodatius, vel ab aliis doctè traditum est, aperit et revelat. Hocce oraculum sciscitari olim, dubiis enatis, clari aliquin viri non veriti sunt. Hic stirpes, (ut me inter hasce unice continentem) instar novarum a minus peritis propositas ad pristina sua nomina revocavit, hic alias, recenter variis locis detectas variaque et definitione et denominatione insignitas, una eaque aptissima complexus est, varietates, quibus tanquam inventores novarum specierum inelarescere tot alii tentarunt, ad suas species redegit, ex longis multorum descriptionibus brevissimam ingeniose efformavit, ut ne fatigaretur legendo animus notaeque, quae distinguerent stirpem, eidem mox sese offerrent. Hic aequa laeae aliorum merita librans, quicquid ad augendam vel perpoliendam scientiam conduceret, in usum lucemque publicam cum honorifica auctorum commemoratione evexit, et, ad continuandum studium aliosque ad simile alliciendum nominis perennitatem, hocce ipsum stirpibus tribuendo, procuravit.

Inci-

Incidit ejus mors in ea tempora, quibus naturae scrutatorum per remotissimas terras peregrinantium vigilantia et laboribus Botanice mirifice locupletata est. Dolendum maxime, ex FORSKÄHLII sagaci industria nonnisi posthuma quaedam fragmenta exstare, ex quibus tamen varias erui posse plantas definitas satis nec antea cognitae, palam est. Quantos vero et quam numerosos herbarum thesauros ex Guiana Gallica et insula Isle de France novissime reportavit AVBLÉTIUS! quot, licet pauciores, non tamen spernendos, ex nova Guinea SONNERATUS! Quanta ubertate novarum stirpium, ut reliquorum inventorum, clarent opera PALLASII et ceterorum celeberrimorum virorum, qui Russiae ditiones haud ita pridem historiae naturalis causa peragraverunt! Quot novas accessiones ex maris australis terris generatae FORSTERO, patre, edita complectuntur! quanto adhuc plures optimo jure a SOLANDRO, ad easdem oras antea iter dirigente, expectantur! Quae paucae a binis aliis LINNAEO dignis discipulis, SPARRMANO ex itinere ad Africam australem et comitatu FORSTERORUM ad polum antarcticum reduce, et a THUNBERGIO, Africae eandem partem, Japoniam, proximeque Javam visente, observationes hactenus proditae sunt, praegustandam dederunt largissimam inventorum messem, quae horum in scriniis latent. Multas alias plantas serius GOVANUS et JACQVINUS in medium protulerunt, aliae in novissimos commentarios Societatum litterarum translatae sunt; aliae non satis notae hinc inde in scriptis botanicis inter reliquas abditae reperiuntur: ut nihil dicam de numerosis hortorum botanicorum proventibus, quorum notitiam a futuro praefectorum studio fas est sperare.

Haec omnia eheu! post LINNAEI mortem projecta, dispersa, et quasi derelicta, jacent; nam post annum 1774, quo meae curae ultimam Systematis vegetabilium editionem commiserat, nihil spicillegi evulgavit. Jam metus est, ne quilibet novae plantae inventor pro lubitu stirpem denominandi et collocandi licentiam sibi sumpturus sit, quolibet eadem auctoritate se frui, ac alterum, existimante, Jam

species in nova genera, et varietates in species impune transmutantur. Nec, qui sumtus pretiosis istis operibus botanicis impendere nequeunt, scient, quousque Florae pomœria pateant. Et hæc quidem anarchia, pro dolor! per plures annos perdurabit, donec alius vir, naturæ arcana non libris sed viva ea et spirante edoctus, nec juvenili strepitu triennique gloria, sed factis clarus, isque a superioribus, LINNÆI instar, honoratus, remuneratus et quocunque suppetiarum genere suffultus, exsurgat, telamque ab eo fausto omine inceptam, et ultra dimidium seculum feliciter continuatam, ad recentissima usque tempora protrahat et perficiat. Ulterius per epochas extendere, res erit, qua ventura aetas cum honore et communi fructu per secula occupabitur.

Interea fas est, quemlibet suam stationem diligenter et pro virili tueri, quod jam occidit fidus tanquam præsens radiansque adhuc et refocillans animo concipere, et ad magnum illud opus, quod exorsus illud est, tot symbolas conferre, quot opportunitas, in qua unusquisque versatur, finit.

Harum haud paucas Vobis, Sodales, ex horto botanico offerendi copia mihi præteritis annis data fuit. Plures omnino in eo hospites adfunt, simili scrutinio dignæ, et inter hæc multæ, quæ ad ditiora speciebus genera simulque explanatu difficiliora pertinent, ut genus Solidaginis, Asteris, Senecionis, Cucurbitæ, Salviæ, Rosæ, Amaranthi, Graminumque varia genera, reliqua, quorum et colo plures species, quas aliorum botanicorum opera nondum definivit. Sed horum cognitioni, quum sine iconum commodarum, quin coloribus suis veris pictarum adjumento, vix satisfieri possit, despero ferre, quod in hisce pro merito persequendis opera mea unquam collocari queat.

Seligam igitur jam, ut antea, ex ultimis horti proventibus aliquot stirpes, quoad sciam, excepta ultima, nondum neque rite descri-

scriptas neque delineatas, et utrique defectui supplendo operam dabo. Priores tres ad elegantissimum *Salviae* genus ampliandum facient, cujus haud paucis speciebus ea formae similitudo competit, ut limites inter eas ponere maxime arduum sit. Laboraverat jam in hisce per singulas partes perquirendas b. ZINNIVS, pluresque ad 26 usque a), species delineandas curaverat. Ita vero post ejus tempora crevit earum numerus, ut in ultima systematis editione species triginta novem, varietatibus omisiss, censerentur, quibus recentius aliquot ill. JACQVINI studio accefferunt b), aliaeque et hisce in supplementum addi possunt. Quas LINNAEVS uno genere comprehendit species in plura divisa olim exstiterunt, ita ut a vetustioribus Botanicis, sicuti BAVHINIS, MORISONO, RAIO, RIVINO in duo, tria, quatuor genera divellerentur, *Salviae*, *Hormini*, *Gallitrichi*, *Aethiopis*, nomine, et insuper quaedam verae *Salviae* in alia absimilia genera transferrentur, aliae rursus plantae discrepantes omnino a *Salviis* perperam cum iisdem combinarentur, quoniam ad verum characterem genericum, qui in trabecula, cui stamina bina antherifera et mobilia adhaerent, continetur, non attenderunt. TOVRNEFORTII harum in tria genera distinctio speciosa quidem est, nec aliorum quorundam celebriorum Botanicorum approbatione destituta: sed in examine *Salviarum* bene multarum nihil adjumenti affert. *Horminum* nimirum vocat plantam, cujus labium superius exiguum et galeatum, inferius medio cochlearis instar excavatum est; *Sclareae* suae labium superius falcatum, inferius medio excavatum, adscribit; *Salvia* denique illi est, quae labium superius mox fornicatum mox falcatum gerit, inferius autem extuberans nec cochlearis instar excavatum. Verum ex ipsis hisce definitionibus apparet difficultas discriminum,

L 3

et an-

a) V. Epist. ad HALLERVM Vol. 4 p. 195.

b) Hanc commentationem quum Regiae societati praelegerem, nondum mihi innotuerat *Diff. inaug.* cl. ET-LINGERI, Erlangae 1777. quae et

commentationis titulo serius prodit; lectu omnino digna tam ob omisiss aliquot alias in *Systemate* species, quas in lucem produxit, quam descriptionem singularum, scil. numero 49, et totius generis considerationem egregiam.

tantoque magis, dum in plantas ipsas vivas inquirendi animus est, quandoquidem saepe ambigere oportet, cuinam tribui species praesens sit accensenda. Hinc non mirum illustrem a LINNÉ discrimina haecce plane non curasse, quin ne fili quidam instar ad species congeneres subdividendas cum ZINNIO usurpasse. Quod iste vero non aliis commodioribus notis, ut solet alias, in compendium subdivisionis ampli hujus generis subvenerit, non exiguo argumento est, quanta haec res difficultate adhuc prematur. Nec levius facessit negotium, Salvias recens detestas compendiosa ista descriptione, quam olim nomen specificum dixerunt, differentiam autem specificam vocare praestat, instruere, tanto magis, si et ad id inventor teneatur, ut, quod in specierum antea jam cognitarum characteribus ob novarum accessiones mutandum occurrat, mutet et corrigat. Licuisset igitur mihi ill. virorum JACQUINI in posterioribus operibus et PALLASII exemplum sequi, qui absque differentia specifica stirpes a se primum significatas nobis obtulerunt: tentabo tamen, an haec quoque concinnari hic possit.

### SALVIA COCCINEA Juss.

*SALVIA foliis cordato-oblongis obtuse serratis, calycibus tripartitis, labio corollae inferiori amplissimo c).*

Altero post stationem anno ex seminibus a cl. AITON ex horto Kewensi mihi missis emerfit, floresque medio Augusto tulit. Nomen triviale unice in capsula adscriptum fuit. Alius postea amicus semina offerendo addidit a B. JUSSEVO ita denominatam. Nec sane perperam, quum inter Salvias hactenus detestas unica sit, cujus flos colorem coccineum prae se ferat, ejusdem omnino nitoris, qui in Geranio fulgido vel Lobelia Cardinali vel Ipomaea Quamoclit tantopere nos delectat. Magnitudo ejus autem est, quae Dracoccephali

c) Est Salvia foliis cordatis acutis serratis, verticillis subnudis. ETLINGERI *Comment. de Salvia* p. 13. n. 11.

phali Sibirici LINN. Patria ejus Aethiopia fertur. Certe in caldario servari debuit per hiemem, et quum aestate, licet austrum versus idque prope parietem, in aream horti transferrem, fuscus ejusdem, ut in aliis calidiori aurae assuetis plantis, evasis habitus. Perennat facileque per furculos abscissos ob corticem succosum propagari se sinit.

*Planta herbacea, habitus tomentosi.*

*Caules* numerosi ex una radice, ascendentes, bi- vel tripedales, infirmi, ut ligamine opus habeant, quo contineantur, recti, obtuse quadrangulares, tomento griseo deorsum verso praesertim ad latera testii, ramosi.

*Rami* elongati, subinde divisi, utrinque oppositi, patentes.

*Folia* cordato-oblonga, obtuse ferrata, acuta, rugosa, varie flexa, horizontalia vel dependentia, subinde recurva, profunde viridia, supra pubescentia, infra praecipue ex venis tomentosa, decidua, ut caules infra nudi appareant, in summo caule approximata, propaginibus axillaribus, petiolata.

*Petiolus* folio dimidio brevior, linearis, canaliculatus, fuscus, inter tomentum pilis longis rarioribus rectis conspersus, patentissimus.

*Spica* terminalis caulis et ramorum, elongata, constans verticillis sexfloris infra remotis.

*Pedunculi* utrinque tres, reflexi, teretes, exigui, decidui, quorum medius longior, fusci, tomentosi.

*Bracteae* sub quolibet verticillo duae, oppositae, lanceolato-ovatae, acuminatae, integrae, calyce cum pedunculo paullum longiores, lineatae, apice fuscae.

*Calyx* sulcatus, supra et ad apices fuscus, pubescens, ex basi angusta sensim amplior, labio superiori erecto, indiviso, ovato, compresso, acuto, labio inferiori bipartito, laciniis latis acutis.

*Corol-*

*Corolla* coccinea, magna, extus tomentosa, *tubo* pallidiori, calyce duplo longiori, basi cylindrico, dein sensim ampliato, angulato, striato, limbo bilabiato, labio superiori erecto, bifido, ovato, concavo, labio inferiori prominente lato tripartito laciniiis lateralibus exiguis obliquis, media ampla bipartita.

*Stamina* duo fertilia, ultra galeam prominentia, filamentis coccineis, trabibus transversalibus albis longis inserta, antheris luteis; rudimenta staminum duo exigua, tubi fere medio oblique inserta.

*Pistillum* unum, staminibus ultra corollam paullo brevius, stylo albo, stigmate bifido laciniiis oppositis setaceis reflexis, altera majori.

*Explicatio iconis Tab. I.*

Fig. 1. Caulis florens et foliiferus.

2. Calyx.

3. Corolla a latere conspecta.

4. Corolla cum apicibus staminum per laciniam mediam labii inferioris discissa.

aa. Stamina fertilia.

bb. Stamina sterilia.

5. Pistillum.

*SALVIA NILOTICA* Juss.

*SALVIA* foliis finuatis angulatis crenato-dentatis, calycum dentibus spinosis, angulis et margine faucis ciliatis.

Semina hujus tam ab ill. SPIELMANNO, quam ab experientissimo Brunsvicensium medico POTTIO, sub praefixo nomine, diversis annis obtinui. In cognitionem B. JUSSIEVI videtur inter primos venisse; nam et hinc, ut aliarum plantarum quarundam mox recensendarum, seminibus mihi ab amicis missis vel ejus vel horti Paris.

*Tab. II.*



*Comment. nov. Tom. I.*













Parisiensis nomen adjectum inveni. Primo anno floruit, idque, postquam in vaporario germinasset, in aream translata, medio et exeunte Julio.

*Planta* bipedalis, annua, habitus hirsuti, coloris profundius viridis, odoris Stachydum instar ingrati.

*Radix* fibrosa.

*Caulis* herbaceus, erectus, obtuse quadrangularis, lateribus canaliculatus, angulis hirsutioribus, inde a basi compositus, brachiatus.

*Rami* infimi brevissimi, reliqui longi, omnes patentes, internodiis caulis ramorumque longis.

*Folia* firma, rugosa, hirsuta, crenato-dentata, subundulata, patentissima, infima maxime oblonga, versus basin sinuata vel sublyrata, obtusa, palmaria, petiolata, petiolo ejusdem fere longitudinis, canaliculata; media ovata, sinuato-angulata, pariter obtusa, petiolo brevissimo, complanato; suprema cordata, sessilia, mucronata, recurva.

*Spicae* terminales, verticillares, vel simplices vel compositae, ante anthesin fuscae et tetragonae, insertae pedunculis longis. *Verticilli* remoti, horizontales, floribus utrinque ternis, quibus subjacent

*Bracteae* ovatae, acuminato-mucronatae, hirsutae, fusco-virides, calycem aequantes et *setae* utrinque binae dimidio breviores, patentes.

*Calyx* quinquangularis, angulis et margine faucis ciliatis, supra planiusculus et fuscus, bilabiatus, labio superiori tridentato, inferiori bidentato, dentibus in spinam desinentibus.

Comment. Phyf. T. I.

M

Co-

*Corolla* exigua, coerulescens, fauce subangustiori, galea brevi, erecta, bifida, labio tripartito laciniis lateralibus oblique ovatis, intermedia majori emarginata.

*Stamina* galea breviora.

*Pistillum* ultra illam prominens, apice styli inclinato.

*Explicatio iconis Tab. II.*

Fig. 1. Integra stirps.

2. Calyx.

3. Corolla.

*SALVIA NUBIA Juss.*

*SALVIA* foliis lanceolato - ovatis duplicato - crenatis, tubo corollae incurvato.

Varii amici suppeditarunt mihi ejusdem semina, simul notantes, in horto Parisiensi Nubiam vocari. Aliquis et indicaverat Abyssiniam patriam esse. Apud nos in vaporario primum culta eodem anno sub dio floruit, idque Septembri ad finem vergente.

Habitus tomentosi, annuae durationis.

*Radix* perpendicularis, attenuata, epidermide fulva, ad latus copiam fibrillarum spargens.

*Caulis* sesquipedalis, basi pollicem dimidium crassus, sensim gracilescens, erectus, strictus, quadrangularis lateribus excavatis, angulis obtusis, hirsutus pilis brevibus horizontalibus, inde a basi ramosus, internodiis infimis subpalmaribus.

*Rami* decussatim oppositi, praeterquam infimi, qui ex angulis non lateribus caulis prodeunt, stricti, crassi, patentés, versus basin

CRU-

caulis longiores, unde figura stirpis pyramidalis enascitur, compositi, ceterum caulem referentes.

*Folia* lanceolato-ovata, cordata, rugosissima, pubescentia, inaequaliter duplicato-crenata: *radicalia* multa, obtusa, sesquipalmaria, petiolata, petiolo folio paulum longiori, supra canaliculato, infra convexo basi latiori; *caulina* latiora, sessilia, amplexicaulia; *ramosa*, infra petiolata, petiolo folio longiori, supra sessilia, amplexicaulia, acuminata.

*Spica* decomposita, terminalis caulis et ramorum, pilosa, viscosa. *Spiculae* ovatae, constantes ex verticillis sexfloris approximatis, insidentes pedunculo aequali, quadrangulari, cujus anguli obtusi, coerulescentes.

*Bracteae* latae, cordatae, acuminatae, virides, pedunculorum inferiorum basi serratae, superiorum integrae, patentissimae; verticillorum pariter integrae, oppositae, tribus utrinque floribus subiectae, calyce aequantes. *Pedicelli* exigui, virides.

*Calyx* striatus, hirsutus, supra coeruleo-viridis, bilabiatus, labio superiori latiori, subtiliter tridentato, dente medio minimo, margine inflexo, labio inferiori prominulo, bipartito, lacinii lanceolato-spinulosi.

*Corolla* calyce longior, magnitudine corollae *Salviae sylvestris* vel nemorosae, tubo calycem aequante, albo, incurvato (prout in *Lycopside*), limbo pallide coeruleo, galea falciformi, labio inferiori lacinii lateralibus lanceolatis divergentibus, media maxima obcordata retracts, margine saturatori, fauce lineis tribus profunde coeruleis picta.

*Pistillum* ultra faucem prominens.

Reliqua, ut in genere.

M 2

Expli.



*Explicatio iconis Tab. III.*

Fig. 1. Stirps integra, sed omnibus partibus magnitudine naturali inferior.

2. Ramus resectus naturalis magnitudinis.

3. Corolla cum vestigiis staminum et pistilli.

4. Calyx.

Addo Salviis aliam plantam verticillatam, quam apud illos auctores, quos consulere mihi suppetiit, uno excepto, frustra quaesivi. Est illa

*SIDERITIS ELEGANS Mihi.*

*SIDERITIS herbacea ebracteata villosa, caule diffuso, calycum laciniis subaequalibus, spinulosis.*

*MAPPIA foliis ovatis tomentosis, corolla alba, cum limbo nigro. FABRIC. Hort. Helmst. Ed. 2. pag. 106. qui autem eam cum Sid. Romana LINN. confundit.*

Nomine Marrubii cujusdam ad me pervenit haecce stirps, vera Sideritis, quam, ob sericeum colorem pilorum, quibus vestitur, et florum venustatem, elegantem nuncupavi. Colui illam primum in vaporario, dein per aestatem in area annuis plantis dicata.

*Planta igitur annua, pedalis, habitus villosi.*

*Radix exilis, attenuata, ad latera fibrosa.*

*Caulis herbaceus erectus, quadrangularis, lateribus paulum profundioribus, strictus, hirsutissimus pilis albis horizontalibus, jam a basi divisus.*

*Rami compositi, ascendentes, elongati longitudine fere ipsius trunci, angulis purpurascens lateribus substriatis, plerumque oppositi, subinde solitarii, ramulis similibus.*

*Folios*



*I. A. Murray: Observ. bot.*



*Folia ovata, rarius infra ovato-oblonga, rugosa, ferrata, ferraturis obtusis, nonnisi versus basin folii deficientibus, horizontalia, tam in superficie quam margine hirsuta, sesquipollicaria, superiori sede breviora, opposita, petiolata.*

*Petiolus inferiorum foliorum longior eademque fere aequans, superiorum brevissimus et latissimus.*

*Verticilli sexflori, dispositi per totam longitudinem caulis et ramorum; suffulti foliis binis ovato-cordatis, dependentibus, internodiis circiter pollicaribus.*

*Bracteae sub verticillis nullae.*

*Calyx ovatus, villosus, lineis decem prominentibus notatus, quinquefidus, laciniis omnibus lanceolatis, patentibus, spinula alba terminatis, quarum suprema longior, duae infimae reliquis breviores.*

*Corolla calyce paululum longior, ochroleuca, extus hirsuta, tubo cylindrico, fauce ampliata, labio superiori brevi erecto apice nigro, bifido, inferiori tripartito plane nigro, lacinia media latissima emarginata, lateralibus ovatis minoribus.*

*Stamina didynamica, tubo inserta eoque recondita.*

*Pistillum unum, tubo corollae brevius, stigmate duplici, quorum brevius alterum amplectitur.*

*Semina quatuor, nuda, ovata, nigra.*

#### *Animadversiones.*

Odor hujus est Stachydum. Corolla refert *Sideritidem montanam*, facie *Romanam* L. inter quas medio loco commodissime collocatur. *Sideritis montana* vero hirsuta quidem, sed pilis remotioribus, longiores gerit ramos, decumbentes internodiis brevioribus, folia lanceolato-ovata, lineata, quorum superiora integra, inferiora parce

et obsolete serrata, apice spinula aucto, calycem infundibuliformem labio superiori trifido laciniiis latis, in longiores firmasque spinas abeuntibus, intra quem corolla calyce minor, flava margine ferrugineo (non ut in *Sideritide* supra descripta calyce major nec ochroleuca apice labii superioris et labio integro inferiori nigro). *Sideritis Romana* eo discrepat, quod pilosa modo est, ramos edit magis elongatos, decumbentes, vix nec nisi basi compositos, foliis habet oblonga, versus apicem modo serrata, ferraturis acutis, extima spinosa (non ut in *Sid.* elegante ovata, obtuse et per totum fere marginem serrata), in longos petiolos desinentia, quibus et instruuntur folia verticillis substrata, verticillos ad basin adeo ramorum descendentes, calycem lacinia solitaria ovata pro labio superiori et longis spinis distinctum, corollam ultra calycem prominentem, albam.

*Explicatio iconis Tab. IV.*

Fig. 1. Stirps integra naturalis magnitudinis.

2. Calyx corollam includens.

3. Corolla.

4. Calyx.

Figs. 2-4. repraesentant partes, ultra naturam ampliatas.

Sequuntur duae aliae species, quae neque cum distis nec inter se cognatione junguntur.

**PLANTAGO EXIGVA** *Juss.*

**PLANTAGO** caule ramoso herbaceo, foliis subulatis integerrimis, capitulis foliosis.

A cl. POTTIO sub nomine specifico significato mihi missa ejusdem femina. Ad *Plantaginem Indicam* LINN. (*Syst. veg. p. 132.*) simili-

similitudine accedit proxime, adeo ut pro minori ejus varietate primo aspectu unice haberi possit. Patria etiam utrique communis, orientalis India. Sed haud paucis notis majoris momenti differt.

*Planta* annua tenella et fragilis omnibus partibus, spithamaea.

*Radix* exigua, descendendo gracilescens, ad latera fibrillosa.

*Caulis* erectus, varie flexus, teres, gracilis, infra compositus ramis decussatim oppositis, patentibus, sesquipalmaribus, internodiis circiter bipollicaribus.

*Folia* subulata, canaliculata, patentissima, apice reflexa, opposita, superiora subinde terna vel quaterna, subpalmaria, margine pubescentia vel ciliata.

*Capitula* foliosa foliolis sive *bracteis* setaceis, hirsutis, duabus infimis capitulo duplo fere longioribus, incurvis, reliquis, palearum instar, flosculis interjectis rectioribus, insidentia

*Pedunculus* solitariis filiformibus hirsutis terminalibus et axillariaribus, foliis paullum brevioribus, patentibus.

*Calyx* ad basin fere usque quadripartitus, corollae aequalis, regularis, foliolis setaceis erectis apice distantibus, canaliculatis.

*Corolla* monopetala tubo ventricoso-cylindrico, rugoso, collo angusto, limbo quadripartito, laciniis lanceolatis acuminatis patentibus.

*Stamina* quatuor, corolla longiora.

*Pistillum* unum corollae longitudinis, stigmate bifido.

*Capsula* ovata, basi circumscissa, bilocularis, dissepimento undique soluto.

*Semen* in quolibet loculo unum naviculare, brunum.

*Ani-*

*Animadversiones.*

*Plantago Indica* L. omnibus partibus firmior est, folia fert linearia, hinc inde denticulo notata, non subulata, capitula quidem foliosa, sed brevioribus et latioribus foliolis suffulta et paleis inter flosculos cuneiformibus retulis non setaceis distincta. Me igitur iudice, ob accessionem novae plantae, sequente modo hujus descriptio emendari debet:

## PLANTAGO INDICA L.

PLANTAGO caule ramoso herbaceo foliis linearibus subintegris, capitulis foliosis.

*Explicatio iconis Tab. V.*

- Fig. 1. Plantaginis exiguae integra imago.  
 2. Capitulum naturali majus.  
 3. Flos singularis cum subiecto foliolo arte pariter ampliat.

## SOPHORA ALBA Linn.

SOPHORA ALBA; foliis ternatis petiolatis, foliis ellipticis glabris, stipulis subsubulatis brevibus LINN. *Syst. veg.* p. 325. *Mant. plant.* 2. p. 440. Varietas flore coeruleo.

ANONIS caroliniana perennis non spinosa, foliorum marginibus integris, floribus in thyrso candidis MARTYN *stirp. varior.* p. 44. *Tab.* 44.

CROTALARIA alba; foliis ternatis lanceolato-ovatis caule laevi herbaceo, racemo terminali LINN. *Spec. pl.* p. 1006. MILL. *Gardener's Dictionary* Ed. 8. EHRET. *plant. select.* edit. 2. TREW *Tab.* 79.

Quae

Quae haftenus prodierunt de hac planta descriptiones vel juxta breviores sunt, vel vitiis quibusdam laborant. Unde et difficilior ejus evasit cognitio. Jure suo in ultimis editionibus librorum b. LINNAEI ex Crotalariae genere ad Sophoras transmigravit, etenim staminum ejus filamenta basi perfecte disjuncta sunt. Icon Martyniana ex planta effoeta adornata videtur, nam et racemi et ramorum foliiferorum apex nutat; quam et imposuisse optimo LINNAEO arbitror, ut racemum pendulum (*Mant. l.c.*) vocaverit. Stipularum et bracteatum nulla in ista imagine vestigia (quoniam sine dubio prius deciderant) apparent, pauca bracteatum, scilicet in summis unice floribus, in Ehretiana icone, idque subulatarum. Folia insuper in neutra cuneiformi-lanceolata depinguntur. Praeter MILLERUM nemo est, qui varietatem flore coeruleo memorat. Ex uno eodemque semine utramque emergere pluries se expertum refert. Ornat coerulea ista lucos varios arte instructos Germaniae, ut Schwöbberianum, istum arcis Weissenstein prope Casellas, ex quo et in hortum nostrum pervenit. Bene et hic hiemis injurias per aliquot annos fudit tulit, florens medio Junio. Carolina patria assignatur.

*Radix* perennis, copiam surculorum vere emittens.

*Caulis* bipedalis majorque, teres, infra calamum cygneum crassus, glaberrimus, oblique ascendens, strictus, subglauco, inde a basi dichotomus.

*Rami* patentissimi, cauli similes, virgati, uno eodemque plano dispositi, internodiis tam in trunco quam ramis longis.

*Folia* terna, lanceolato-cuneiformia, impari majori, pallide viridia, glauca, vena media prominente distincta, sublineata, glaberrima, plana, subulata, quorum maxima ultra sesquipollicem longa.

*Petiolus communis* canaliculatus, duas vel tres lineas in maximis foliis longus; *partialis* brevissimi.

*Comment. Phys. T. I.*

N

*Stipu-*



*Stipulae* ad exortum ramorum utrinque duae, magnae, ensiformes, quarum inferiores latae, superiores angustae, horizontales, subamplexicaules, pallide virides, deciduae.

*Racemus* summo ramo foliifero oppositus, obliquus, distichus, una cum pedunculo pedalis.

*Pedunculus communis* teres, glaber, dimidium floribus obitus, infra rectus, superius flexuosus ibidemque fusco-maculatus, subangulatus; *pedicellus* brevibus, subteretibus, alternis, fuscis.

*Braeae* sub singulo pedicello una, lanceolata, ascendens, concava, pedicello longior, decidua.

*Flores* paullum majores, quam in Lupino hirsuto.

*Calyx* monophyllus, campanulatus, ventricosus, basi supra gibbus, quadrifidus, lacinia superiori maxima emarginata, reliquis tribus sibi similibus, glaber, sordide coeruleus, glaucus.

*Corolla* papilionacea, profunde coerulea. *Vexillum* ungue brevi angusta, lamina subrotunda, obcordata, lateribus reflexis. *Alae* binae, obliquae, angustiores, vexillo longiores, deorsum divaricatae basi lineari. *Carina* diphylla, alis brevior, singula parte ceterum figura illis simili.

*Stamina* decem, *filamentis* ad basin usque disjunctis, deorsum flexis, carinae longitudinis, subulatis, pallidis, pellucidis; *antheris* totidem oblongis, incumbentibus, luteis.

*Pistillum* unum, deorsum, ut stamina, flexum, ejusdemque cum his longitudinis, *germine* oblongo pedicellato, *stylo* subulato, *stigmate* obtuso, vix conspicuo.

*Legumen* oblongum, sesquipollicare, ventricosum, rugosum, nodosum, erectum, sutura altera prominula, altera immersa, apice in fetam aduncam ex persistente stylo degenerans, basi pedicellatum.

*Semi-*



*Semina* numerosa, oblique ovata, vel subreniformia, respectu habito leguminis parva, affixa duplici serie tuberculis papillaeformibus, quae suturae immergae inferuntur.

*Animadversiones.*

Sunt omnino quaedam in *Sophora australi* LINN. (*Syst. veg. l. c. et Mant. 2. p. 378.*) notae, quae et ad hanc spectant, sed nunquam in hac caulem decumbentem inveni, nec brevissimum possem dicere petiolum, nisi forsitan de summis maximeque tenellis foliis. Pluribus comparare *S. australem* et jam a me descriptam vetat paucitas de illa traditorum, item defectus synonymorum et iconis.

*Explicatio iconis Tab. VI.*

Fig. 1. Stirps ipsa.

2. Calyx a parte superiori visus.

3. Vexillum.

4. Alae.

5. Carina.

6. Stamina.

7. Pistillum.

8. Legumen a latere visum.

a. Calyx discissus.

b. Pedicellus leguminis.

c. Seta adunca ejusdem.

9. Idem a sutura immerga conspectum.

10. Idem secundum longitudinem discissum, ut semina cum tuberculis papillaeformibus appareant.

11. Semen.

AVGVSTI GÖTTLIEB RICHTERI  
OBSERVATIONES

DE

## FISTVLA LACRYMALI.

PRAEL. D. IX. MARTII MDCCLXXVIII.

**F**alsam fuisse Veterum de natura et indole fistulae lacrymalis opinionem, melius nos jam intelligere et causam hujus morbi, et, quam poscit, medelam, recentiorum plurimi sibi persuadent: et, egregie illos falli, persuasissimum habeo. Causam scilicet nisi solam, certe frequentissimam fistulae lacrymalis obstructionem in ductu nasali esse, qua iter lacrymarum ad nares intercipitur; facile inde omnia, quae in hoc morbo apparent, explicari phaenomena; respicere itaque, qui mederi huic morbo vult, Chirurgum eo inprimis debere, ut aperiat ductum nasalem, tollatque obstaculum, quod, quominus ad nares pertingant lacrymae, impedit, omnes fere uno ore adfirmant. Plurima inde recentiores Chirurgi, inprimis vero Galli invenerunt varii generis instrumenta, nitida certe et elegantia, quibus commode obstaculum illud in ductu nasali tolli posse, sibi, et si possunt, aliis persuadent; quae vero etsi in omnibus fere libris chirurgicis descripta et depicta, et in ipsis Actis Academiae Regiae Chirurgorum Parisinae laudata sint, lusui potius inserviunt, quam usui chirurgico. Tantum enim abest, ut his instrumentis facile et commode obstaculum illud tollatur; ut paucissimi sint, etiam inter dexterrimos Chirurgos, qui legitime illa adhibere possint. Fac tandem commodum illorum usum esse, salutaris tamen effectus illis ob-  
tine-

tneri rarissime poterit; rarissime enim, me quidem iudice, caussa fistulae lacrymalis in obstructione ductus nasalis quaerenda est; id quod jam probabo. Rarissime occurrunt caussae, quibus vere vis inest occcludendi ductum nasalem. Pluribus inesse dicitur, quibus certe non inest. Frequentis autem morbi caussa rara esse nequit. Jure e. g. dubitabis mucum crassum, lacrymas acres aliasque ejusmodi caussas, quas hic arguunt, obstructionem aut coalitum hujus ductus parere posse. Parere illum posse vulnera, fracturas ossium vicinorum, ulcera in cavo narium, cariemque, non negabis, rarissime autem harum causarum unam vel alteram fistulam lacrymalem praecedere, observabis. Frequentem itaque illum morbum fistulam lacrymalem ex obstructione ductus nasalis haud oriri, cum raro occurrant caussae ejusmodi obstructionis, ego quidem persuasum habeo.

Facile porro ex sinistro remedium illorum, quibus ductus nasalis aperitur, effectu intelligere Chirurgi poterant, et haud intellexisse plurimos mirum est, raro fistulam lacrymalem ex obstructione ductus nasalis oriri. Quilibet enim candidus et probus, qui hunc morbum observavit, fatebitur, et ego ipse, qui saepius illum observavi, fateor, fidam et constantem illius sanationem raro esse; plerumque illum, postquam sedulo et dextere via per ductum nasalem aperta est, redire; plerosque aegrotos post operationem non minus ac ante illam lacrumarum defluxione, et tumore facci lacrumalis vexari, et parum, immo nihil operatione peracta obtinuisse auxilii. Immo vidi, quibus aliquot tempus post dexterrime peractam operationem faccus lacrumalis non solum intumuit, sed etiam inflammatione vehementi correptus et peresus est. Intelligi sane vix potest, quomodo fieri possit, ut quotidie haec observent Chirurgi, et nihilominus tamen de obstaculo in ductu nasali tollendo unice et semper adhuc cogitent; ut eodem illi semper currant tramite, quo toties a scopis aberrarunt.

Habere quidem illi sibi videntur, quod respondeant; recidivum enim morbum recidivae causae tribuunt. Putant scilicet, facile post operationem coalescere iterum et ocludi ductum nasalem; ideoque inciso Sacco lacrumali usum chordarum, specillorum vel setaceorum, quibus aperitur ductus nasalis et apertus servatur, tam diu protrahi jubent, donec omnis metus recidivae obstructionis absit. Ast, quamdiu etiam protrahas, redit tamen plerumque morbus; et redit quidem me iudice, quia operatione causa illius sublata non est, haud oritur ex nova obstructione, quae non adest, nec adsuit. Aliquoties sane usum specilli per octo vel decem hebdomades, bis per dimidium annum continuavi, et nihilominus tamen conglutinato sacco morbus rediit. Bis operationem jam semel perpeffis ob morbum recidivum operationem iterum peregi. et obstructionem in ductu nasali haud inveni, facile enim specillum ad cavum narium pervenit.

Fistulam lacrymalem ex obstructione ductus nasalis raro oriri, inde quoque patet, quod raro morbus idem semper maneat, et quocunque tempore aegrum vexet. Plerumque scilicet observabis, modo redire morbum modo evanescere. Observavi non raro, illum per aliquot menses penitus obfuisse: vidi, quos non nisi verno vel autumnali tempore vexabat; immo vidi, quibus abiens morbus rediensque signum erat secundae vel adversae valetudinis. Manifestum inde est, ex obstructione ductus nasalis in his casibus morbum natum haud fuisse; quomodo enim, quae, ex causa, quae constans est, et eadem semper permanet, morbus oriri potest, qui modo apparet, modo evanescit, modo vehementior est, modo mitior?

Saepe ego operationem fistulae lacrumalis peragens, inciso sacco lacrymali facile specillum per ductum nasalem descendere ad nares observavi, raro, ut descenderet, vi opus fuit; plerumque ne vestigium quidem obstructionis, contra patulam plerumque viam inveni.

Ad-

Addo, si tumido sacco digitus ita imponitur, ut comprimat ductus lacrymales, et deorsum premat tumorem sacci, non raro per nares effluere, quicquid saccus muci vel lacrymarum continet. Haec itaque, nisi fallor, probant; obstructionem ductus nasalis raro fistulae lacrymalis causam esse.

Tres esse species fistulae lacrymalis, quarum quaelibet ab altera, et ratione causae, ex qua oritur, et ratione medelae, quam maxime differt. Prior, rariorque ex obstructione ductus nasalis, altera frequentissima ex metastasi materiae morbosae ad vias lacrymales, tertia denique ex atonia sacci lacrymalis oritur. De singulis jam seorsim.

Atque primum quidem de illa, quae ex obstructione ductus nasalis oritur; hunc enim ductum vere aliquando obstructum esse, non nego; rarius autem obstructum esse, quam plerique credunt, contendendo. Hanc quidem causam subesse, persuasum habeas, si idem semper et constanter morbus adest; si, quotiescunque tumidum saccum lacrymalem comprimis, nihil eorum, quae continet, ad nares defluit; si in primo semper stadio, quam hydropem sacci lacrymalis vocant, morbus versatur, i. e. si saccus lacrymalis neque dolet, neque rubet, et quicquid ex illo per ductus lacrymales exprimitur, pellucidum est et clarum, sine labe, mucosum et aquosum; et tandem, si morbum causa quaedam praecedat, cui vera vis est, ductum nasalem occludendi.

Constans causa et permanens est obstructio ductus nasalis; constans itaque et idem quovis tempore morbus sit, necesse est, qui ex illa oritur. Nihil, quomodocunque saccum comprimas, ex illo ad nares defluere potest, occlusa enim via est, qua defluat. In primo stadio morbum versari, quando prioris speciei est, affirmavi: nihil enim hic vitii est in viis lacrymalibus, nisi obstaculum illud, quod  
du-

ductum nasalem occludit. Unde itaque hic dolor? Unde rubor? Nihil saccus continet, nisi mucum, quem secernit, et lacrymas, quas absorbet. Nil in his humoribus vitii est; regurgitant itaque per ductus lacrymales, quales secernuntur, et resorbentur, clari, pellucidi. Raro transit morbus ex hac causa ortus ad stadium secundum, quo saccus lacrymalis frequenter inflammatur, et liquidum, quod continet, puriforme est. Subinde quidem ex culpa aegroti parum attenti, et saccum tumidum vel tam raro exprimentis, ut praeter modum distendatur et doleat, vel ex alia quavis levi et fortuita causa interna vel externa inflammari saccum posse, non negam; ideo vero morbus haud in secundo stadio versatur, in quo illum non esse arbitror, nisi permanens sit causa, et morbo ipso propria et peculiaris, quae frequentes excitat inflammationes.

Semper haec morbi species operationem requirit, quam sequenti modo ego quidem perago. Spreta inutili instrumentorum, quae Galli commendant, farragine, neglectisque injectionibus illis, quae ope tubuli Anelliani fiunt, quibus vero nulla omnino vis est, tollendi in ductu nasali obstaculum, saccum lacrymalem incisione aperio, sollicite cavendo, ne posteriorem illius parietem cultelli cuspidae laedam. Sanum illum plerumque reperi et omnis vitii expertem, ideoque sollicite cavendum esse puto, ne qua illi praeter necessitatem inferatur injuria, quae inflammationem et exulcerationem parere possit. Incisum saccum linteis carptis molliter impleo, et emplastro obtego. Reliquum, quod peragendum adhuc est, jam peragi vetat haemorrhagia, et inflammationis ratio habenda, quae ex vulnere imminet.

Hac dissipata, plerumque autem quarto vel quinto die, alteram operationis partem sequenti ratione perago. Specillum tenue, argenteum, flexile, illud plerumque, quod cl. МЕЯН invenit in ductum nasalem per vulnusculum inflicto immitto, et in cavum

na-



narium propello, quo pervenisse persuasum habeas, si una alterave guttula sanguinis ex naribus profluit. Vim plerumque satis insignem, ut ad nares descendat, specillum requirit, dumque descendit, acerbum plerumque dolorem parit. Hoc facto tenuem chordam immitto, illamque per aliquot dies intactam relinquo. Quarto vel quinto die illam extraho, aliamque, et jam quidem quotidie aliam ejusdem crassitie, secunda hebdomade paullo crassiore, tertia iterum crassior, quarta tandem crassissimam, talem scilicet, quae crassitie aequat fere capacitatem ductus nasalis; omni mane immitto chordam. Antequam immitto, quotidie liquorem emollientem, decoctum e. g. hordei cum melle injicio. Chordam per vulnus immissam altero mane per nares extraho. Pars scilicet chordae, quae in narium cavo haeret, sicca, dura, mucosissima plerumque obstita, dum sursum per vulnus extrahitur, dolorem acerbum plerumque parit: melius itaque chorda per nares extrahitur. Ut extrahi possit, paullo longius semper chordae frustulum immitendum est ita, ut insignis illius pars in cavo narium haereat, quae dein sub fortiori ore clauso expiratione cum spiritu ex naribus prorumpit, et facile prehenditur ac extrahitur.

Quatuor ut plurimum hebdomadibus praeterlapsis quovis mane liquorem exsiccantem, aquam e. g. calcis vivae, aut liquorem vegeto-mineralem Goulardi injicio, et spicillum plumbeum immitto, cuius usum per duos plerumque menses, aut potius tam diu continuo, donec nil amplius puris appareat, liquor in saccum injectus libere et copiose ad nares defluat, et spiritus ore naribusque clausis impetuosae per ductum nasalem prorumpat.

Sunt quidam, inter quos eminet Cl. WARNER, qui pristinam lacrymarum per ductum nasalem viam restitui, etiam si saccus lacrymalis omnis vitii expers sit, vetant, et osse unguis perforato novam lacrymis parari viam jubent. Observarunt scilicet, parum plerum-

*Comment. Phys. T. I.*

O

que

que praestare remedia illa, quibus ductus nasalis aperitur, et redire plerumque morbum, ob redeuntem, uti putant, ductus nasalis coactum, sperantque igitur, fore, ut patula magis per diffractum os unguis via haud iterum claudatur. Falluntur autem illi; non solum enim, ut superius jam monui, morbus haud redit post operationem, si vere ex obstructione natus est, sed uti in hoc casu, ita et in illo ubi ob cariem os unguis perforatur, parum auxilii obtineri puto. Non enim me iudice potest non operatio, qua superior sacculus lacrymalis pars insigni perfoditur vulnere, inferior autem penitus destruitur, inflammationem et coactum internorum orificiorum ductum lacrymalium plerumque parere, et ita quidem vias lacrymales hic aperire, ibi claudere. Docet etiam observatio, plerumque lacrymationem sequi hanc encheirisin, quam ego quidem ductibus lacrymalibus clausis plerumque tribuo.

Ex metastasi morbosae cujusdam materiae ad vias lacrymales fistulam lacrymalem subinde oriri superius monui. Fit scilicet aliquando ut acris et morbosus humor ex sanguinis massa huc deferatur, sedem figat, et vitium sensim inferat. Sedes illius inprimis in glandulis sacculi lacrymalis esse videtur. Cum autem acrimonia illa non vellicare partes adfectas non possit, saccus lacrymalis plerumque, modo magis, modo minus doleat, necesse est: cumque humor ille acris in glandulis sacculi inprimis haerere videatur, non potest non mucos, quem illae secernunt, morbosus esse. Intelligitur inde, cur haec fistulae lacrymalis species nunquam in stadio primo, semper in secundo vel tertio versetur, ubi saccus frequenter inflammatur, et quod continet liquidum, puri simillimum sit. Patet quoque falli illos, qui quamcunque fistulam lacrymalem primam semper, dum oritur, in stadio primo esse, et sensim alia stadia percurrere ajunt.

Constans et eadem semper non est fistula; quae ex metastasi oritur, mitius aliquando, aliquando vehementius aegrum adfligit,  
do-

dolet, plurimumque materiae puri simillimae eruat. Subinde vero adeo mitescit, ut praeter lacrymationem nil fere superfit molestiae; immo vidi non raro per aliquod tempus penitus evanuisse. Cum ductus nasalis obstructus hic non sit, materia, quam continet saccus, ope digiti in nares deprimi potest; quod tamen nec fit sine difficultate, nec fit semper ob causas dein exponendas.

Varia autem acrimoniae, ad vias lacrymales delatae, natura est. Cum animus hic non sit, fusius enarrare quaecunque enarrari jure possent, breviter tantum dicam, quae expertus sum. Variolosum morbum saepissime sequitur fistula lacrymalis. Putant pustulam variolosam in cavo narium orificio ductus nasalis infedissee, illudque cicatrice nata occludisse. Falluntur autem, non enim fistula lacrymalis nisi post morbum variolosum apparet, et certissime ex metastasi materiae variolosae in corpore relictae eadem penitus ratione oritur, qua oriuntur tussis illae pertinaces, ophthalmiae rebelles, ulcera aliaque mala. Difficillima autem hujus fistulae medela plerumque est.

Inter varia illa mala, quae ex cacochymia scrophulosa oriuntur, notari inprimis meretur, quamvis a paucis notetur, fistula lacrymalis. *Scrophulosam* illam voco; frequens est, et rebellis; aliquoties tamen illam ulceribus artificialibus, cortice peruviano, mercurio dulci et cicuta sanavi.

Frequens quoque est tertia species, quam arthriticam voco. Saepius illam observavi, aliquoties sanavi ulceribus artificialibus, acnito, antimonio, cortice. Facile vero revertitur, inprimis verno et autumnali tempore.

Venerem venenum vias lacrymales non raro adficit, et fistulam lacrymalem parit, mercurio sanandam. Vidi profluere ex sacco lacrymali, quoties illum comprimerem, materiam viridem flavam illi simillimam, quae ex urethra gonorrhoea adfecta destillat. Du-

plici vero plerumque haec fistula oritur modo, scilicet vel post suppressam gonorrhoeam. vel a veneno venereo massam sanguinis inficiente.

Tandem in infante post tineam exsiccatam bis vidi fistulam oriri lacrymalem, evanescentem iterum redeunte post aliquod tempus tinea.

Plures hujus generis observari posse fistulas non negem, illorum vero mentionem hic tantum facio, quas observavi.

Atque jam quidem si quaeris, qua ratione ex ejusmodi metastasi fistula lacrymalis oriri possit, libenter me nescire fateor.

Interim credere me iudice fas est, ductum nasalem fibris motricibus instructum, motuque peristaltico praeditum; immo fuerunt, qui sphinctere superius illius extremum instructum esse putant. Neque ego penitus negem; certo enim insigni superiorem ductus nasalis partem vi, se contrahendi et occludendi, praeditum esse, sequens, quod centies institui, experimentum docet. Scilicet si, aliquot dies post operationem chordam vel specillum, quod in ductum nasalem immisisti, extrahis, et paullo post iterum reponis, facile illud reponi, facile ductum nasalem intrare et ad nares descendere, senties. Si vero extracto specillo liquorem quandam adstringentem per vulnusculum in saccum lacrymalem injicis, eoque injecto specillum reponere vis, reponi nullo modo posse clausumque penitus esse ductum nasalem invenies. Elapsis aliquot momentis patere iterum ductum, et facile specillum admittere observabis. Hoc vero experimentum certissime probat. insigni vi, ad stimuli cujusdam contactum, se constringendi praeditum esse ductum nasalem.

Facile inde ortum et naturam fistulae lacrymalis, quae ex metastasi nascitur, explicare poteris. Scilicet non irritare non potest acris

acris illa ad saccum lacrymale delata materia, irritare etiam necessario debet mucus ille morbosus puri simillimus quem glandulae sacci fecernunt, ductum nasalem ad fortio rem contractionem, unde spasmo excitato clauditur via, qua ad nares perveniunt lacrymae, et oritur fistula lacrymalis. Et ita quidem me iudice omnium saepissime oritur fistula lacrymalis: spasmo scilicet, non materia obstruente ductus nasalis occlusus est.

Facile jam intelligitur, cur nec constans sit, nec eadem semper haec fistulae lacrymalis species. Prouti enim modo acrior est, modo mitior materia illa ad saccum delata, vehementior est, vel mitior, quem parit illa, morbus. Intelligitur, cur aliquando evanescat penitus, redeatque morbus. Ita penitus aliquando evanescent, redeuntque, ophthalmiae venereae, scrophulosae, arthriticae. In primis vero arthritica fistula aestivo praecipue tempore penitus evanescit, autumnali et verno tempore reddit. Intelligitur, cur compresso sacco lacrymali materia contenta non raro ad nares defluit. Cum autem vi opus sit, quae comprimendo saccum vim constringentem ductus nasalis superet, haud sine difficultate defluit; nec, ut superius monui, semper defluit, tam violens enim aliquando spasmus est, qui occludit ductum nasalem, ut vinci non possit. Intelligitur tandem absonum esse, instrumenta adhibere, quibus ductus nasalis aperitur; neque mirum esse, illis adhibitis, morbum redire. Cum autem haec fistulae species, de qua jam loquor, omnium frequentissima sit, patet, raro ad medelam fistulae lacrymalis operatione et instrumentis opus esse. Opus esse aliquando, non negam. Fieri enim potest, ut neglecta penitus, vel sinistra adhibita morbi curatione exulceretur sensim sacculus lacrymalis, et quod subjacet, os unguis, ubi incidi saccum debere, nemo negabit.

Ultima fistulae lacrymalis species ea est, quae ex atonia sacculi lacrymalis oritur. Vi se contrahendi praeditum esse saccum lacry-

malem, resorptasque per ductus lacrymales lacrymas eodem illum modo in nares exprimere, quo exprimit vesica urinaria urinam per urethram; eadem itaque ratione ex atonia sacci lacrymalis retentionem lacrymarum oriri, qua ex atonia vesicae oritur ischuria, credere fas est. Raro vero haec species fistulae lacrymalis morbus primarius est; plerumque ita sequitur priores duas species. Scilicet sive oritur fistula lacrymalis ex obstructione ductus nasalis, sive ex metastasi, lacrymarum ad nares iter interceptum semper est, unde retentae lacrymae distendunt sacculum lacrymalem et debilitant. Sublata prioris morbi causa, metastasi vel obstructione, remanet sacci atonia, cui, quicquid mali jam superest, jure tribuis. Semper autem haec fistulae lacrymalis species in primo stadio versatur, perpetuo adest, clarum est et omnis vitii expers liquidum, quod sacculus continet, et facile illud ad nares deprimitur. Requirit morbus roborantia et usum instrumentorum, quae sacculum perpetuo comprimunt. Parum autem aliquando, si insignis est, et inveterata sacci atonia, efficitur.

IOHANNIS BECKMANNI  
COMMENTATIO  
DE  
HISTORIA ALVMINIS.

RECITATA D. XXIII. MAII MDCCLXXVIII.

Fuit hoc fatum historiae naturalis, ut doctores medii aevi solis e libris majorum ea haurirent, quae lectoribus propinabant, recentiores autem, qui ipsum fontem, id est naturam adibant, negligerent ea, quae veteres et Graeci et Latini de rebus naturalibus litteris mandarunt. Hoc in causa est, cur libri veterum, qui ad historiam naturalem spectant, nondum ita explicati sint, ac libri eorum historici, vel qui omnes fere caeteras eruditionis partes complectuntur. Non equidem inficior, viros eruditos, quibus optimas editiones librorum Plinii, Virgilii, auctorum rei rusticae et caeterorum, qui historiae naturalis aliquam partem tractant, debemus, multa et magna contulisse ad explicationem earum rerum, quas de animalibus, plantis ac mineralibus praeceperunt veteres. Grata mente haec omnia et ego admiror atque veneror, neque is sum, qui vel tantillum de meritis horum virorum detrachere velim. At qui est iste polyhistor, qui hoc sibi sumat, ut omnia ista, quae Plinius, quem exempli gratia nomino, habet, explicare solus velit! Nullum equidem inter viros vere eruditos esse credo, qui eam philologiae, mythologiae, historiae, astronomiae, medicinae, agriculturae variarumque artium notitiam sibi arrogare velit, quae ad intelligendum et explicandum totius eruditionis veteris thesaurum, quem Plinius reliquit,

quit, omnino necessaria est. Meo quidem iudicio, si unquam sperare licet librum, in quo res omnes a Plinio traditae lectoribus explicantur, debent ad eum viri docti cujusque classis et ordinis, et historici et medici et physici et mathematici, pro ea eruditionis parte, quam quisque callet, conferre symbolas. a) Quae cum ita sint, atque cum propter temporis angustias istis experimentis, quae commentationi meae subjicere in animo habebam, vacare non potui, non dubito jam ad historiam naturalem veterum offerre obolum, quem vel hanc ob causam, Auditores, fastidire nolite, cum aluminis historia non parum facit ad historiam mineralogiae, materiae medicae atque commerciorum.

Duo sunt sales maxime sibi affines, *Vitriolum* et *Alumen*. Habent enim utrique eandem fere vim adstringendi, unde quoque *styptici* vocantur. Possunt utrique ad eosdem fere vitae usus adhiberi. Inest utrisque idem sal acidus, qui vitriolicus vocatur chemicis. Gignit etiam utrosque natura non raro iisdem in locis, quin etiam interdum ex iisdem terris vel lapidibus vel mineris eos ars elicere potest; b) quas ob causas nemini mirum videri potest, majores non semper satis recte eos distinxisse. Interest nihilo minus magnum etiam inter utrosque discrimen. Vitriolicae nimirum indolis sales usque terram aliquam metallicam vel ferri, vel cupri, vel zinci cum acido illo conjunctam habent, cum e contrario alumini semper inest propria terra quaedam, quae *terra aluminis* propterea nominatur.

Jam ut statim, quae collectis ac diligenter inter se et cum ipsa natura collatis iis, quae veteres de alumine litteris mandarunt, didici, brevi exponam, res, mea quidem sententia, quam argumentis gra-

a) Videlicet quae nuper hac de re disputavit ill. von Born in Abhandlungen einer Privatgesellschaft in Witten II. p. 1; et vel ea, quae ipse disputavi in libro de historia naturali veterum. Göt-

tingae 1766. 8, quem mendis typographicis scaterere et fere deformatum esse, doleo.

b) *Wallerii* systema mineral. II. pag. 38, 142.



gravissimis demonstratum eam, ita se habet. Sal, nobis qui *alumen* dicitur, Graecis et Latinis prorsus fuit ignotus. Quae illi *συμπνῆσις* seu aluminis genera vocabant, erant tantum substantiae vitriolicae. Neque salem purum et in crystallos formatum cogitabant veteres, de alumine quando iis sermo erat. Sed idem nomen indiderunt variis admodum substantiis salinis, sponte quas natura praebebat, stactiticis et terris, sale quae divites erant. Ars sales e rebus fossilibus educendi, deliquandi atque particulas alienas ab iis disjungendi, eosque in crystallos cogendi perlucidas, eo tempore vix nota, saltem non satis culta et usitata erat. Etsi enim e Plinii libro intelligitur, c) vitriolum caeruleum jam tunc in Hispania esse decoctum atque in crystallos redactum, tamen id veteribus isto in sale ita visum est singulare, ut nullius aequae miram esse naturam dixerint. Quam ob rem qui solum nostrum alumen vult cogitare, is profecto vix verbum Dioscoridis vel Plinii poterit intelligere. Alumen quod hodie dicitur, primum in terris orientalibus recentiori aëvo inventum est. Nequeo equidem statuere saeculum, cui hoc contigit, quodsi tamen conjectura assequi licet, duodecimum illud esse credo. Inventa arte hunc salem e minera elixandi, purgandi et crystallificandi, non potuerunt veteres non videre, melius illum posse adhiberi ad varios vitae usus, in cortis potissimum lanisque perficiendis, quam impuras istas substantias salinas, olim quibus usi erant, atque melius etiam quam vitrioli genera, quae paulatim et ipsa ab artificibus puriora praebebantur. Quod in causa fuit, ut alumen per aliquot saecula e regionibus orientalibus ad artem inprimis tinctoriam fuerit advectum in Europam. Constat etiam inter omnes, artem hanc in oriente esse inventam, vel certe primum excultam, eamque in Europa primos Italos felici solertia exercuisse. Hoc modo *συμπνῆσις* et aluminis nomina, quae omnibus fere indita erant salinis substantiis stypticis, soli alumini adhaeserunt, vitrioli autem genera satis diu nominibus chal-

c) Plin. lib. 34. cap. 12.

Comment. Phys. T. I.

chalcitidis, misy, sory, chalcanthi et atramenti futorii signata sunt, usque dum, repudiatis iis tanquam non satis commodis, nova *vitrioli* vox venerit in usum, quod quidem vix ante saeculum duodecimum factum esse suspicor. d) Tandem cum ars verum alumen perficiendi traducebatur in Europam, et lapides vel terrae, unde illud elici poterat, ipsis istis in locis inveniebantur, quae veteribus alumen suggesserant, in eam majores nostri adducti sunt fidentiam, interesse vix ullum discrimen inter alumen novum; quod ex oriente acceperant, et alumen Plinii vel *συρραγία* Dioscoridis, praesertim cum eodem fere sapore styptico et colore albo splendido illud erat, quo praecipua veterum aluminis genera fuisse, relatum legerant. Ita factum est, ut majores crediderint, artem aluminariam, sit venia verbo, nam in arte nova novitatem nominum nemo doctus mirabitur, non tunc demum primum in Europa esse adhibitam, sed esse eam tantum postliminio quasi in nostrum orbem reductam. Factum est etiam inde, ut nostro adhuc tempore in pharmacopoliis quibusdam reliquae sint substantiae terrestres sale vitriolico gravidae, a veteribus olim adhibitae et a Galeno, Hippocrate, Dioscoride laudatae, e. c. misy, sory, caet. Facile etiam inde conficitur ratio, cur ad nostram usque memoriam ipsi mineralogi, atque adeo diligentissimi, substantiam quandam *alumen* et nominaverint et crediderint *nativum ac plurimum*, quae sine controversia magis vitriolicae, quam aluminosae indolis sit, atque ita impura, ut salis nomine vix digna possit censerī.

Ita

d) Primus, quod scio, qui *vitrioli* vel *vitrioli* nomine usus est, est *Albertus Magnus*. Vid. Alberti Magni opera omnia. Lugduni 1651. (21 vol. in fol.) tom. 2. in libro quinto de mineralibus cap. 3. p. 270. *Viride etiam, quod a quibusdam vitreolum vocatur. Georgius Agricola* in libro III de natura fossilium, Basileae 1546. pag. 219: *atramentum futorium variis coloribus praeditum est; — candidum potissi-*

*um stiriae figura reperitur Gofelariae, translucentum crystalli instar; nec caeruleum. nec viride caret perspicuitate; unde superior aetas atramento futorio vitrioli nomen imposuit.* Eandem denominandi rationem attulit *Vossius* in Etymol. pag. 779, et probata est ea jam quodammodo a Plinio lib. 34. c. 12. *color et caeruleus, perquam spectabilis nitore, vitrumque creditur.*

Ita aluminis historia in epitomen redacta atque brevi praemissa; veniamus jam ad ista argumenta, quibus ea comprobatur. Στυπτηρίας mentionem jam Herodotus injectit, latinum vero nomen, ni fallor, in Columellae et Plinii libris primum occurrit. De graeci nominis origine disputationi locus relinquitur nullus; haud dubie enim a στυφόν dictum est, propter summam adstringendi vim, quod Dioscorides, Plinius, Galenus *e*) atque alii jam statuerunt. Sed de latini etymo difficilior est quaestio; sunt qui a graeco ἄλμη, sunt etiam qui ab ἄλμιμα volunt deducere, ut taceam sententias Isidori aliorumque, quae magis etiam a vero abhorrent. *f*) Mea quidem sententia, illud a graeco non est deductum. Quodsi Romani nomen a Graecis mutuare voluerunt, quidni στυπτηρίας nomen suum fecerint, cum hoc tantum, neque ullum aliud, per omnia saecula usque ad nostram memoriam Graecis fuerit usitatum? Mallem conicere, aluminis et alutae *g*) voces ex Aegypto, unde optimum alumen copiose olim advectum est, venisse. Sed hac de re penes alios sit iudicium, ne falcem meam in alienam messem immittere videar.

Veterum alumen a nostro prorsus fuisse diversum, facile cuique, qui mineralogia imbutus est, intelligitur, modo veterum libros attente legere velit. Primum enim quae ibi nominantur genera, ea omnia non arte fuerunt producta, sed genita ab ipsa natura. Atqui vix unquam vel raro admodum, et in solis tantum fodinis nostris occurrunt parvae crysalli nostri aluminis nativae, ita ut sint etiam nunc

P 2

mine-

*e*) Galenus de simplic. medicam. facultatibus lib. 9. c. 3. 30. Τούτου τοῦ Φαρμάκου καὶ τὸ ὄνομα προκύπτει τῇ στυφνεί, σφοδρωτάτην γὰρ αὐτὴν ἔχει. — Ed. Renati Charterii tom. 13. p. 269.

*f*) Conf. *G. J. Vossii* etymologicon linguae latinae. Neapoli 1762. fol. pag. 30.

*g*) *Alutae* nomen pro corio, quod

alumine subigitur ac tingitur, deducunt plerique ab alumine, quae sententia, etsi meam facere nolim, tamen vel eo probari potest, quod aluta interdum, at raro admodum, synonymon aluminis est, et glosarium vetus alutam reddit στυπτηριανόν ἄλμη, quem ad modum Marcellus Empir. c. 25. *aluminatam pellem* dixit.

mineralogi, qui nativum omne negant. *h*) Deinde neque Dioscorides, neque Plinius, neque ullus alius auctor iis aequalis, quidquam retulit de officinis aluminariis, et de modo alumen perficiendi et de ejus crystallis, cum ejusmodi tamen multa tanquam singularia de vitriolorum caeruleo, quod in officinis Hispanorum fiebat, memoriae mandarunt. Denique etiam quidquid de alumine legitur, illud convenit omne in substantias vitriolicas, ipsa natura quas gignit.

Complura aluminis genera nosse sibi visi sunt veteres, quibus in finiendis et explicandis non multum profecit docta commentatorum sollertia. Equidem nolo commemorare atque multis conficere argumentis errores ab aliis commissos hac in re, quam perplexam et ancipitem esse non inficior. *i*) Minime mirum id quidem. Nam cum veteribus non de sale puro et in crystallos densato, sed de substantiis vitriolicis, quae sponte gignuntur, sermo erat, atque cum harum magnam vel potius innumerabilem varietatem invenire potest, qui, quod olim moris erat, ad omnes differentias vel levissimas et coloris et faciei externae et texturae internae attendere velit, cumque olim historiae naturalis doctrina nondum eo erat deducta, ut certis et propriis notis posset res quaelibet a similibus dignosci, neque veteres operae pretium putabant, res naturales, praesertim quae usu vulgares erant, sedulo finire, debebunt omnia, quae possunt asferri, in conjectura esse posita. Quae equidem efficere possum, haec sunt.

Tria aluminis genera vere diversa statuit Dioscorides, *k*) nimirum *σχιστὴν συστρεφίαν*, id est *scissile alumen*, *ρογγύλῳ* seu rotundum, atque

*h*) Ex. c. *Scopoli*, *Sage* in *Examen chymique de différentes substances minérales*, cujus interpretationem germanicam dedi: *Sage chemische Untersuchungen einiger Mineralien*. *Göttingen* 1775. p. 148. Crystallum nativum in fodinis invenit *Linne* *Schenische Reise*

p. 291. et *Morand*. *Conf. Physikal. bloßnom. Biblioth.* III. p. 469.

*i*) Qui omnia, quae veteres de nostro sale scripserunt, collecta legere velit, adeat *Bernardi Caspi mineralog.* Lugdani 1636. fol. p. 334.

*k*) *Libro V. cap. 123.*

que *σφῆδρ*, quod genus *liquidum* dicebatur Latinis. Plura nomina, quae apud Hippocratem, Galenum aliosque occurrunt, jam omitto, quippe quae genera notabant, levi nota quae vix differebant. *Sciiffle* Dioscoridis alumen fuit sine controversia sal nudus et stalaëticus, qui sua et minera non raro efflorescit et aqua elixatur, quo facto aqua vitriolica guttatim destillat, et concrevit in filamenta parallela capillaria splendentia et vix pellucida, vel etiam in frustra magis solida, sed quae et ipsa facili negotio in fibras seu filamenta comminuuntur. Hic est sal ille, qui a Cronstedio, Wallerio atque aliis mineralogis alumen vocatur *nativum seu plumosum*; neque ille differt ab eo sale, cui novum nomen *Halotrichi* nuper indidit Scopoli. 1) Comprobatur haec sententia nostra a Tournefortio potissimum, m) qui sciiffle hoc alumen in ipsa insula Melo, quae olim id genus ferebat, vidit atque examinavit. Est notatu dignum neque Dioscoridi non honorificum, quod, cum plurimi mineralogi atque etiam recentiores quidam, sciiffle alumen seu halotrichum non distinxerunt a variis lapidibus in

P 3

capil-

1) De Halotricho seu alumine plumoso egit copiose Scopoli in Tentamine de Hydrargyro Idriensi, et in Principiis mineralogiae p. 81. Quaedam de me observata videlicet in annotationibus ad *Sage Chémische Unterfuchung* p. 149. Primi, qui illud vitriolae indolis esse, docuerunt, fuerunt Henkel in Pyritologia p. 856, ubi nomine Nitras Vitriol usus est, et Carthuser in Elementis mineral. pag. 43. Conf. *Halleri* syst. min. II. p. 32.

m) Relation d'un voyage du Levant. Amsterdam 1718. 4. tom. I. pag. 63. „Ce sont des voutes hautes seulement de quatre ou cinq pieds. — incrustées d'alun presque partout; cet alun vient en pierres plates de l'épaisseur de huit ou neuf lignes jusqu'à un ponce. A mesure qu'on en détache quelques-unes,

„on en trouve de nouvelles. — La solution de cet alun naturel et non préparé est aigrelette et stiptique; elle ferme et coagule l'huile de tartre comme l'alun purifié, du quel il ne diffère que par une plus grande quantité de matière pierreuse. — L'alun de plume, qui s'y trouve aussi, fait les mêmes changements avec les essais. — Il vient par gros paquets composés de filets, d'éciez comme la soie la plus fine, argentée, luisants, longs d'un ponce et demi, en de deux, de même goût et de même caractère que l'alun en pierre. — L'alun de plume est un véritable sel qui ne diffère de l'alun ordinaire qu'en ce qu'il est partagé en petits filets; les pierres au travers des quelles cet alun s'échappe, sont très-legères.

capillamenta quaedam canescentia debilescentibus, ille jam recte praecepit, posse illud vel gustu internosci, quippe qui in lapidibus est nullus.

*Rotundum* etiam Dioscoridis genus esse stalaeticum contendo, ei nimirum non absimile, quod in metallifodinis Goslarieusibus con-  
 crescit et ibi vocatur *Jökel*. n) Hoc prorsus refert stirias albas vel  
 cylindricas vel complanatas, et quae eminentias habere solent, quasi  
 bullis turgentes. Non arte, sed natura formatum esse alumen ro-  
 tundum, expressis verbis dixit Dioscorides. Neque nomen ob stare  
 potest sententiae nostrae, cum *σφαιρόν* non globulum tantum, sed  
 et teres corpus significat. *Πομφολυγώδης* dicitur, quia superficies  
 bullis, uti dixi, turgere solet, ita ut nodulosa dici possit, secundum  
 Linnei aliorumque loquendi morem. *Λιπαρόν* vero hocce genus di-  
 xit, quoniam superficies maxime glabra, polita et quasi oleo uncta  
 videtur. o) Eodem modo Linneus Quarzo nobili scripsit esse corti-  
 cem quasi oleo illinitum.

De *liquido* quidem genere vix quidquam statuere mihi licet; ita  
 manca et ambigua sunt omnia, quae de eo relata leguntur; etsi e  
 verbis Dioscoridis suspicor, nec illud fuisse fluidam falsuginem vel li-  
 quorem aliquem. Nam quae de *ύγρᾷ συπτηρίᾳ* leguntur, magis in  
 corpus solidum quam fluidum convenire videntur.

Verum multo difficilior est explicatio eorum, quae de alumine  
 conscripsit Plinius. p) Is enim ita rem egit, uti agere solent, qui  
 hodie de rebus mineralibus spissa contextunt volumina, etsi ne primis  
 quidem mineralogiae elementis imbuti sint. Hi enim corradunt e  
 quolibet libro, quaecunque de re quadam minerali offendunt, et  
 cum

n) Confer. praeter alios *Cancrinus*  
 Beschreibung der vorzüglichsten Bergwer-  
 ke. Frankfurt. 1767. 4. p. 93.

o) Eadem ratione scripsit Dioscori-

des lib. 5. c. 85. ἡ δὲ πομφολυγώδης λιπαρὴ  
 ὑπόστασις.

p) Histor. nat. lib. 35. cap. 15. edit  
 Harduini II. p. 716.

cum putant diversa esse, diversis nominibus quae forte appellantur a variis auctoribus, eadem autem aut certe similia, quae eadem nomina acceperunt, etsi vel maxime diversa sint, ita omnia turbant et miscent, ut labor foret improbus, ea discernere, emendare et explicare, si vel omnes adessent libri, quorum pennis, inani superbia, graculi isti se exornarunt. Non sine voluptate lectito insignem Plinii historiam naturalem, neque gratias non ago viro, qui summa assiduitate et diligentia fere incredibili multa nobis utilia servavit e libris, qui perierunt; sed venia est tamen danda ei, qui adhibito ad explicationem omni labore, tandem id, quod verum invenit, confitetur, conscripsisse Plinium multa de multis rebus, quarum notitiam ipse habuerit nullam. Quae cum ita sint, ad hunc Plinii locum explicandum vix quidquam possum asserre.

Possent quis istius verbis eo adduci, ut credat, fuisse jam tunc temporis officinas aluminarias, quae terram aluminosam elixassent, et falsuginem ita paratam in crystallos, ope frigoris et radiorum solis, coëgissent, praesertim cum illo tempore sal communis non alio modo, quam solis ope perficiebatur; et fuerunt etiam, qui ita rem cogitarunt. Sed hoc non docuit Plinius, qui tantum rationem, quae natura alumen scissile perficere ipsi videbatur, voluit indicare. Viderunt nimirum veteres, e limo seu terra aluminosa aquam vel falsuginem destillantem, quam frigus hiemale et solem densare in salem siccum credebant. Praecox vocavit Plinius illud, quod in stalactite primum indurescit, quodque omnino candidius et solidius fieri solet.

Quae de probatione aluminis sinceri scripta reliquit noster, ita intelligo. Omne alumen veterum non potuit non inficere colore nigro succum quemcunque adstringentem, eodem modo quo fit atramentum, quo hodie utimur. Est vero et succus punici mali et aqua gallis infusa liquor adstringens, etsi vis in illo quidem debilior deprehendatur. Quodsi itaque aliud aluminis genus nigrescere videntur

runt fucco mali punici, aliud vero gallis, caussa in eo fuisse mihi videtur, quod sincerum genus jam debiliori adstringendi vi, quae succo mali inest, nigritiam efficiebat, cum adulteratum quidem genus, quod paraphoron vocabant, fortiori tantum gallarum vi nigrescere putabant.

Prorsus aliud est, quod de rotundo genere legitur. In hoc enim damnatur nigritia, qua manus tangentium possit infici. Et enim non raro adhaeret stiris vitriolicis terra nigra et mollis, quae facile manus inquinat, neque usui hujus aluminis potest non officere.

Sudorem lapidis in spumam coagulatum nominavit Plinius halotrichum propterea, quod sponte efflorescere solet. Nescio equidem, an ejusdem sententiae sint verba, quae leguntur in Dioscoridis libro: ἡ γὰρ σχιστὴ, οἰονὶ τῆς βολιτιδος ἄνθος. Meo quidem iudicio ista non sunt verba Dioscoridis, sed e scholio quodam in librum irrepisse mihi videntur, cum mediam locorum, ubi alumen inveniebatur, narrationem male intercipiunt. Vel transposita sunt ista, incuria cujusdam, qui codicem transcribebat. Quodsi verum videbitur viris doctis, mallem equidem cum Jano Ant. Saraceno χαλκίτιδος ἄνθος, quam βολίτιδος, vel βολίτιδος (variatur enim lectio) legere et ita intelligere, uti Plinii verba mihi intelligenda videntur.

Varia enumerarunt loca veteres, quae olim alumen praebuerunt, atque propterea celebritatem acceperunt, quam quidem non potuerunt non amittere, postquam verum alumen ex oriente, et vitriola puriora ex Hispania apportari coeptum erat. Rediit tamen iisdem locis major celebritas posteriori aeo, postquam fuerant, qui ibidem artem verum recentiorum alumen perficiendi exercere coeperant. Ita enim affines sunt sales vitriolici et aluminosi, ut loca, quae illo abundant, neque alumine carere soleant.

Aegy-



Aegyptii aluminis mentionem jam Herodotus injectit *q*), et fuit Plinii etiam tempore laudatissimum. Non ignoro, inter merces, quas mittit Aegyptus, adhuc numerari alumen nostrum, sed neminis meminisse, qui de locis, ubi gignitur, atque de ratione illud conficiendi, quaedam retulisset *r*).

Melinum alumen, seu quod insula Melos ferebat, laudarunt Diodorus Siculus, Celsus, Plinius et alii, cujus tamen Diodori tempore non magna reliqua fuit copia. Hanc quidem insulam, hodie quae *Milo* dicitur, idem illud alumen scissile etiam nunc habere, quod olim celebratum erat, e Turnefortii itinerario constat, quamquam jam tunc, cum is insulam peragrabat, nemo esset, qui vel alumene vel vitriolum conficeret *s*).

Insulae Lipara, et Strongyle, quae ei adjacet, tantam aluminis vim habuerunt olim, ut, quod memoriae mandavit Diodorus Siculus *t*), et Liparensibus et Romanis magnum inde fuerit vestigal. Tunc enim temporis monopolio fruebantur Liparaei, ausisque pro arbitrio pretiis, incredibiles inde quaestus faciebant. Nostra memoria istae insulae, quemadmodum etiam Sardinia, Macedonia, Hispania, veri aluminis nostri feraces sunt *u*).

Sed

*q*) Tanta aluminis copia erat in Aegypto, ut Amasis mille talenta Delphis, dona undique ad templi instaurationem colligentibus dederit. Herod. lib. 2. cap. 180. edit. Francof. 1608. pag. 159.

*r*) Vide catalogum mercium Aegyptiacarum in *Nouvelle relation d'un voyage fait en Egypte par le P. Vansleb*. Paris 1677. 12. pag. 204.

*s*) Diod. Sic. lib. 5. edit. Weselingii I. pag. 338. Tournefort I. p. 63.

*t*) Diodor. Sic. l. c.

*Comment. Phys. T. I.*

*u*) De alumine Hispanico conf. *Introduccion à la historia natural y à la geografia fisica de España par D. Guil. Bowles*, 1 discursu preliminar p. 39. ubi de eo alumine sermo est, quod in vicinia urbis Alcañiz Aragoniae invenitur, et impurum admodum ab Hispanis venditur, quod Galli solvunt, defaecant, et iterum vendunt ipsi Hispanis. Hujus libri interpretationem germanicam jam jam editurus est amissimus *Dietz*, cui pro singulari studio, quo

Q

Sed historiam veterum aluminis missam faciam, et veniam ad illud, quod hodie ita vocatur omnibus. Etsi nullum novi auctorem, qui expressis verbis dixerit, esse hoc inventum in oriente, tamen hac de re vix dubium relinquitur ullum. Primum enim alumen quod norunt Europaei, apportatum iis est ex oriente, qua in re consentiunt omnes istius aevi historici. Inde etiam didicerunt usum huius salis ad artem tinctoriam, et postquam omnes terrae orientales in ditionem venerant Turcarum, coacti erant Europaei per multos annos, emere alumen ad istius hostibus, quod male illos habuit, ut multi, qui eo tempore scripserunt, hoc de casu tanquam acerbissimo sint conquesti. Tempus inventionis prorsus ignoratur, sed mihi dubium non est, quin ignotum fuerit nostrum alumen saeculo adhuc duodecimo. Namque Iohannes Serapionis filius, junior, qui post Rhazeum vixit, non aliud novit, nisi trichitem, rotundum et liquidum Dioscoridis, quod tunc e Babylonia afferebatur x). Quae loca, unde primum alumen verum fuit apportatum in Europam, mihi invenire contigit, haec sunt.

Inter eos, qui de inventionem officinarum aluminariorum, quae in nostro orbe primae fuerunt, quaedam memoriae mandarunt, sunt qui perhibent, inventorem, quem magnis laudibus ornarunt, didicisse artem suam *Roccae Syriae*, quod nomen Augustinus Iustinianus *Roccho di Soria* scripsit. Sed quatenam est ista urbs Syriae? Equidem hoc nomen neque apud Geographos, neque in ulla charta geographica invenio. Quam ob causam in eam tandem incidi opinionem, esse vel urbem *Raccam* ad Euphratem y), vel potius urbem *Edeffam*, quae *Roha*, *Raha*, *Ruha*, atque adeo adhuc *Roccha* vocatur, quarum

utra.

quo mihi notitiam librorum rariorum, quibus hac in commentatione usus sum, impertitus est, meritam gratiam memori mente perfolvo.

x) *Joan. Serapionis* arabis de simplicibus medicinis opus; edit. *Othonis Brunfelsii*. Argentorati 1531. fol. cap.

410. pag. 276.

y) Vid. ven. *Büschingii* geograph. V. p. 214 itemque *Beschreibung der Regg Leonbardi Haumvolffen*. Frankfurt. 1582. in 4. P. 2. pag. 36. et *Naukeurige beschryving van Aſie*, — door *Dapper*. Amsterdam 1680. fol. p. 23.

utraq̃ue ad Mesopotamiã, non ad Syriam pertinet z). Quænam sententia vera sit, videant alii; sed neutri deest omnis auctoritas; cum altera Büttnero nostro, altera ill. Michaili probabilis videtur. Accedit eo, quod in ea regione ac vicinitate res quædam minerales observatæ sunt, e. c. bitumina, quæ suspicionem aliquam possint asserre, offendi ibi etiam terras aluminosas a).

Liceat hic quædam addere de origine usitatæ atque triti nominis, quod hodie alumini Romano plerumque datur: *Alumen Roccae*, *Alun de roche*, unde nostrates quidam fecerunt *Roßalaun b)*. Variæ de ea sunt sententiæ. Plurimi deducunt nomen a *Rocca*, qua voce græcæ originis rupes notatur. c) Hoc qui credunt, mutant nomen in *alumen rupeum*. Sunt qui a *Rocca* seu rupe propterea alumen invenisse nomen, credunt, quod rupes in agro Tolsano, quæ illum falem fert, *Rocca di alume* appellatur. d) Sunt alii, qui ita appellatum esse volunt, quo melius ab alumine, quod non e lapide, sed e pyrite elicitur, possit distingui. e) At sunt etiam, quibus nulla ex his rationibus probatur, et Biringoccio se etymon, cui natione Italo illud notum esse potuit, ignorare distitavit. f) Leibnitius quidem omnes istas rationes damnans, contendit esse illud appellatum a *Rocca* Syriæ, qua de vrbe nihil modo sermo fuit, atque hæc est sententia, cui et ego assentior. g)

## Q 2

## Fue-

z) *Büfching* l. c. p. 212. *Niebuhrs* Reisebeschreibung vol. II. pag. 408, 409. *Dapper* l. c. pag. 26.

b) *Büfching* l. c. p. 200.

c) Hoc nomen germanicum offenditur in *Valentini* histor. simplic. et *Martini* Lexicon der Naturgeschichte, et alibi.

d) *Jul. Caesaris Scaligeri* exoticarum exercitationes. Francofurti 1612. 8. p. 385. „Valgo audis alumen ro-  
„chæ, quæ græca vox maximæ Eu-  
„ropæe servit parti ad rupem signifi-  
„candam.

e) Ita putavit *Mercati* in metallo-

theca p. 54.

f) Ita visum est viro docto *Maziar*,  
cujus dissertationis de alumine romano  
interpretationem inferendam curavi in  
*Naturforscher* II. p. 217.

g) *Pirotechnia* — composita par *Van-*  
*nuccio Biringoccio*. In Venegia 1559.  
4. lib. 2. cap. 6. p. 30, b.

h) *Leibnitii* protogæa pag. 47:  
„Cum constet, ejus coquendi artem vix  
„trecentis abhinc annis a *Rocca* Syriæ  
„in Europam rediisse, ( unde aluminis  
„*Roccae*, non intellecta vulgo, appel-  
„la-

Fuerunt saeculo decimo quinto etiam in vicinitate urbis Constantinopolis officinae aluminariae, ubi Petrus di Castro confectio- nem salis didicisse fertur, sed ubinam locorum istae fuerint, mihi saltem nondum constat. Urbi proximae sunt, quod scio, eae, quas Bellonius visitavit in pago vel oppidulo Thraciae, *Cypsella* vel *Chypsilar* dicto, *h*) unde tunc temporis alumen apportabatur in Italiam, ubi *Leibium* vel *de Metelin* cognominabatur. *i*) Ex hac officina est fortasse alumen, quod etiam nunc Constantinopolitani mittunt Euro- paeis, quamquam hac de re nihil statuum. Neque huius oppiduli situs satis constat, cuius neque ven. Büfching I. pag. 1116. mentio- nem fecit. Sunt chartae geographicae, ubi *Tpsala*, *Chipsilar*, legi- tur ad occidentale littus fluvii hodie *Marizza* vel *Maritz* vel *Mericheh*, olim vero *Hebrus* dicti, non longe ab ejus ostio. *k*) Sunt aliae, in quibus nomen *Scapsiler* reperitur ad occidentalem ripam lacus *Bouron*, dicti. *l*) Diversum videtur hoc oppidulum ab alio, quod longius a mari Aegeo distat, et magis ad septentrionem vergit, cui in char- tis quibusdam idem fere nomen *Ipsala* alias *Cypsala* adscriptum legi- tur; *m*) sed nescio equidem, an geographi eidem oppidulo duo assi- gnaverint et nomina et loca.

Deni-

„latio) atque in Italia primum exerci- „tam, serius in Germaniam penetrasse; „ — Huc quidem non pertinet Leib- nitiil disputatio de alumine Lunebur- gensi, attamen liceat monere, in agro saltem Dannebergensi omnino fuisse officinas aluminis, de quibus vid. *Taube* *Beiträge zur Naturkunde des Herzogs- thums Lüneburg*. Etüd 2. pag. 215.

*h*) *Petri Bellonii* observationes *Cuspi* *Exoticis* adjectae cap. 61. pag. 64.

*i*) Hoc nomen occurrit apud *Bellonium* et *Vannuccio Biringoccio* *pyrotech.* p. 31, a.

*k*) *Carte de la Grece dressée sur les mé- moires de M. Wheeler, Tournefort*, — par G. De L'Isle. *A Amsterdam*

*chez Ottens*. Hac in tabula legitur *Tpsala*, *Chapsilar*, *mines d'Alun*. Idem loci situs est in tabula geographica Thra- ciae et Graeciae, quae Angli *R. Pocke* itinerario inserta est, ubi legitur: *Ipsala*, *Cypsela*.

*l*) E. c. in charta edita a *T. C. Lotter*, quae inscribitur: *Graecia nova*. Nomen ibi scriptum est *Scapsiler*.

*m*) Utrisque locis legitur hoc nomen adscriptum in charta *Lotteri* modo lan- data. In charta, quae Graeciam et Ro- maniam exhibet, inserta atlanti Berolin- ensi edito 1760, legitur nomen *Ipsala* alias *Cypsala*, non ad ostium Hebr, nec ad lacum *Bouron*, fere loco multo remotiori a mari Aegeo.

Denique maxime celebrata erat saeculo decimo quinto officina, quae Phocaeae novae erat, in urbe Natoliae occidentalis, quae hodie Foya nova dicitur, non longe ab ostio fluvii Hermus dicti, nec longe ab illustri emporio Smyrna. n) Hujus quidem officinae historiam, atque rationem, qua ibi alumen perficiebatur, diligenter admodum exposuit Ducas, qui in urbe ista domum possidebat, cujusque e relatione constat, tunc temporis, id est imperante Michaelle Palaeologo, primo suae gentis imperatore, Italici quibusdam, pro pensione annua concessam fuisse istam officinam, unde magnam aluminis copiam quotannis Itali, Germani, Galli, Hispani, Angli, Arabes, Aegyptii, Syri emebant. o) Hasce officinas jam diu omisissae esse, nec hodie alumen Phocaeae novae confectum in occidentem advehi, re-

Q 3

fert

n) Conf. Büschingii geogr. V. p. 74.

o) Ducas Michaelis Ducas neopolis Historia Byzantina res imperio Graecorum gestas complectens: a Joanne Palaeologo I ad Mehemetem II. — Studio et opera Ismaëlis Bullialdi. Venetiis 1720. Pag. 71. „In Phocide, quae Joniae adjacet, monserat metalli aluminis ferax (ὄρος ἔν τῷ μέταλλον τυττρίλας ὀνάρχα), cunctique lapides, qui in vertice montis, in ignem primum, postmodum in aquam missi, in arenam comminuuntur. Haec ex istis, lapidibus collecta in escabum aqua mixta demittitur, ac ubi parum aqua injecta servit, arena liquefit, quod densum est ejus ossae simile, ad modum lactis in caseum coagulati, servatur; quod durum et terrefre, ut inusitate abijcitur. Ossa vero illa in aqua defusa per quatuor dies in eis subfidit; posteaque circa oras summas vasorum concreta, splendensque ad instar crystalli reperitur; fundi etiam vasorum similibus segmentis et frustis

„replentur. Exhaustum deinceps liquorem, qui post hoc quadriduum non coeuit et induruit, in lebetem defundunt, eique aquam recentem miscunt, rursusque arenam injiciunt, eam bullore faciunt, et modo jam descripto in scaphas defundunt, alumen hac arte confectum in reconditoriis asservant, metallum quidem tinctoribus necessarium. Omnes etiam nautae, qui ab oriente in occidentem navigant, convenientes onus ac utile navium carinis, oneranda alumen existimant. — Dum regnabat Michael Palaeologus ex sua gente primus imperator accesserunt quidam Itali, qui hunc montem sibi concedi petierunt, pensionem annuam, quam passi fuerint, solvere polliciti. — — — Romae Lactulique Phocaeam novam ad maris litus, et illius montis radices edificaverunt. Obijcitur ei ab ortu mons ille; ab occasu insula Lesbos; a septentrione finitimum habet Elaeae sinum; meridie versus Joniae sinum respicit,

fert Bullialdi. p) Attamen etiam nunc Smyrna mittit alumen in Europam, quod in vicinitate urbis confectum dicitur. q)

Atque hae sunt aluminis officinae, quae paulo ante quam ars illud conficiendi Europaeis innotuit, maxime erant celebratae. Jam de primis officinis Europaeis, quas habuisse Italiam confirmant historici omnes, etsi statuere non possum, quatenam regio omnium primam acceperit. Maxime est verisimile, pluribus in locis, et iisdem fere annis saeculi decimi quinti esse institutas officinas. Neque mirum, tunc innotuisse artem aluminis, cum frequentes jam officinae essent in oriente, quae vel Italici pro pensione concessae erant, vel saltem omnibus Europaeis, qui eo tempore terras orientales frequentissime peragrabant, patebant; cumque varia Italiae loca insulaeque adjacentes mineralibus indolis aluminosae abundent, quorum affinitas cum ejusdem generis mineralibus Asiaticis non poterat non incurere in oculos, eo praesertim tempore, quo Christiani omnes lucro et vestigali Turcarum ex alumine, novo et acerbissimo odio, vehementissime invadebant.

Insula olim *Aenaria* et *Pitecusa*, hodie vero *Ischia* dicta, fertur primam accepisse officinam. *Bartholomaeus Perdix*, quem alii *Pernicem* appellant, civis ac negotiator Genuensis, vir follertis ingenii rerumque naturalium diligentissimus investigator, postquam saepius Syriam peragraverat, artemque alumen coquendi in Roccho Syriae didicerat, primus ibi invenit lapides aluminosos, primumque in occidente alumen perfecit. Qua in re consentiunt historici gravissimi Joh. Jov. Pontanus, r) Pe-

p) In annotationibus ad Ducae historiam p. 186.

q) *Observations sur le commerce et sur les arts par Flachat.* Lyon 1766. vol. II. pag. 431, 331. Illud alumen Smyrnense nosse videtur *Banmi*, qui ejus mentionem fecit in *Experimental*

*Chemie* I, p. 458.

r) *Joannis Joviani Pontani Historias Neapolitanae, seu rerum suo tempore gestarum libri sex.* In Gravii *Thesauro antiquitatum et historiarum Italiae.* T. IX. P. 3. P. 88. „Quoniam  
„lo-

Petrus Bizarus, 1) Augustinus Justinianus, 2) et illis multo recentior

„locus admonet, insulae situm ac foli  
„naturam paucis exponam. Aenariam  
„a continente tractu motu terrae ali-  
„quando avulsam multa docent, exe-  
„scae rupes, solum cavernosum, soli na-  
„tura continenti perfimilis, arida, et  
„calidis fontibus scatens, nutrit inte-  
„stina incendia, unde alumine pluri-  
„mo abundat. Quin etiam his ipsis  
„annis Bartholomaeus Perdix, Genuen-  
„sis negotiator, Neapolim petens,  
„cum insulam praeterveheretur, animo  
„advertit aluminosos quosdam spar-  
„sas, foas in ora maris scopulos. Annis enim  
„circiter centum ac sexaginta tribus,  
„antequam haec geruntur, ruptis re-  
„pente terrae visceribus, ex anhelato  
„incendio, non modica sui parte Aena-  
„ria conflagraverat; quae eruptio et vi-  
„sculum igne absumptum post voragine  
„absorpsit, et qua Cumanum spectat lit-  
„tus, provolutis ingentis magnitudinis  
„in sublime faxis, fumo, flammis, pul-  
„vereqe immixta, postque per agros  
„sparsim impetu suo iactatis, maxime  
„uberem atque amoenam insulae regio-  
„nem vastavit. Qua tempestate quae-  
„dam etiam faxa scopulorum instar in  
„alitus provoluta cum essent, ea Bar-  
„tholomaeus fornacibus post excussa,  
„in alumen dissolvit, fuditque, revo-  
„cata arte ea, e Roccho Syriac ab se  
„allata, ubi ipse plures annos negotia-  
„tus esset, quae multis antea saeculis in  
„Italia jacerat.

1) *Sentius populi que Genuensis re-  
rum gestarum historiae atque annales;  
auctore Petro Bizaro Sentinati. Ant-  
verpiae 1579. fol. Pag. 302. „Neve-  
ro et illud a me silentio involvatur,  
circa hoc tempus, Bartholomaeus Per-*

„nix, civis ac negotiator Gennensis,  
„ubi in Syria aliquandiu, mercium ul-  
„tro citroque cummutandarum gratia,  
„commoratus esset, atque in patriam  
„rediisset, brevi post, in insulam Enea-  
„riam, sitam in mari Tyrrheno et an-  
„tiquitus Pythaculam, nunc e vulgari  
„Graeco Iacra, sive Ischia, nuncupatam  
„enavigavit; et cum esset sollertis in-  
„genii, rerumque naturalium dili-  
„gentissimus investigator, observavit  
„iuxta illius orae tractum, complures  
„scopulos aptissimos ad conficiendum  
„alumen, adeo ut, parte illorum defum-  
„pta, et in fornace decocta, optimum  
„ac praestantissimum alumen inde con-  
„flaverit; suitque primus, qui hanc ar-  
„tem, diu in Italia et plerisque aliis re-  
„gionibus intermissam, ac ferme ex-  
„stinctam, cum incredibili multorum  
„beneficio, in usum tanquam postli-  
„minio reduxerit, dignus profecto, ca-  
„jus nomen ab omni interitu vindic-  
„cetur.

2) *Castigatissimi annali con la loro co-  
piosa tavola della Repubblica di Genova,  
da fedeli et approvati scrittori, per Mon-  
signore Agostino Giustiniano Gesofe,  
Vescovo di Nebio. Genoa 1537. fol.  
Lib. V. pag. 214, a. „Per questi tem-  
pi (1459) Bartholomeo pernice mer-  
„cadante Genoeze navigando in cerco  
„l'isola di Enaria o sia d'Ischia cognob-  
„be, che nella spiaggia erano molti sco-  
„gli aluminosi cioe atti per fare alume,  
„et piglio parte di quelli et li fece co-  
„cere in la fornace, et riuscite alume  
„ottimo, et così Bartholomeo dalla cit-  
„ta di Roccho di soria, dove haveva  
„negociato piu anni riveco i Italia l'ar-  
„te*

tior Dominicus Bottone. u) Annus inventionis secundum Bizarum fuit 1459, de quo non multum dissentit Pontanus. Is enim inventionem contigisse scripsit regnante Alphonsi filio naturali, Ferdinando I, qui imperium accepit 1458. Deinde terrae motus, quem insulam annis circiter centum ac sexaginta tribus ante aluminis inventionem vastasse scripsit, fuit anno 1301, quare inventionis tempus fuerit circa annum 1464. Bottone vero ad annum 1465 refert inventionem, quod e Pontani verbis, qui quidem tempus non accurate, sed e conjectura modo determinaverat, coniecisse videtur.

Nulla vero e primis vel potius omnibus officinis maiorem nasci est celebritatem et diuturniorem, (nam nostra adhuc memoria durat,) quam *Tolsana* non procul a Centumcellis et Urbe vetula (hodie *Civita vecchia*), quae plerumque vetustissima creditur. Hujus inventor fuit vir suis ipsius et patris meritis clarus Johannes di Castro, filius istius jurisconsulti Pauli di Castro, cujus honos etiam nunc viget. Didicerat iste Johannes confectionem aluminis Constantinopoli, ubi per multos annos mercandi causa, circa tempus, quo urbs a Turcis expugnabatur, commoratus est, rediitque post triste hoc factum in patriam, id est in oppidum Faliscorum. Ibi enim natus erat, non Castri, quod oppidum est regni Neapolitani, etsi ita falso relatum sit in Joecheri Lexico eruditorum. x) Post reditum cum montes collesque omnes percurrerat, resque naturales patriae notas sibi reddiderat, offendit in montibus agri Tolsani herbam, quam in Asiae

te di fabricare l'alume, la quella già per gran spazio di tempo era morta, et stata intermessa.

u) *Dominici Bottone* Pyrologia topographica, id est de igne dissertatio. Neapoli 1692. 4. pag. 313, qui inventorem *Perdicem*, non *Pernicem* appellavit.

x) De vita Petri di Castro vid. *Fabricii biblioth. latinae mediae et infimae*

aeclis V. pag. 617; *Ioh. Eichardi vitae illorum*, qui liber insertus est *Panzviroli libris de claris legum interpretibus*, Lipsiae 1721. in 4. p. 186. Fuit Paulus di Castro, olim Faliscorum oppido oriundus, vir infimae conditionis, ut nec familiae nomen habuerit. Ibi de fati filii Angelo di Castro, et filiae etiam, quae doctore medico nupsit, legitur, nihil autem de postro Iohanne.



Asiae montibus, qui Turcarum aerarium alumine ditabant, crescere sciebat. Inde primum coniecit aluminis mineram, quam scite gustu agnovit. Prima experimenta novi consilii, a Johanne pontifici maximo Pio II. de instituendis officinis dati, facta sunt ab artificibus et Genoa vocatis, qui antehac in Asia alumina tractaverant. Hoc modo instituta est officina nobilissima, quae paucos annos nata, magnam jam aluminis vim vendidit et Venetis et Florentinis et Genuensibus in primis, quaeque paulo post Asiaticum alumen e mercatura extraxit fere omne. Ita inventionis historiam litteris mandavit ipse pontifex Pius II, cujus verba digna sunt, quae legantur. y)

Sunt

y) *Pii secundi commentarii rerum memorabilium, quae temporibus suis contigerant, a Joanne Gobellino compositi, a Franc. Bandino Piccolomineo ex vetusto originali recogniti; quibus hac editione accedunt Jac. Piccolominei rerum gestarum sui temporis commentarii.* Francfurti 1614. fol. Pag. 185. „Paulo ante id temporis Romam venerat Ioannes de Castro pontifici jam pridem notus, cum Basileae negotiaretur, et locum teneret papae Eugenii depositarius; huic pater fuit Paulus iureconsultus sui temporis clarissimus et qui cathedram multos annos Patavii rexit, atque omnem Italiam consiliis implevit. cum frequentes ad eum litigatores concurrerent, et iudices ejus auctoritati multum tribuerent, cujus doctrina solida et sine dolo esset. Reliquit moriens plurimas opes, et duos filios jam aetate provectos, quorum senior patris studia sectatus est, non illaudatus iuria interpres; alter ingeniosus fuit, et qui litteris melius quam caeteri studisset; didicit grammaticam et historias pervolvit; sed variis peregrinationibus deditus, in civitate

„Constantinopolitana permansit, et magnas opes in ea contraxit ob pannorum tincturam, qui sub fide sua Italiae confectos illuc asportabantur propter aluminis mineriam regionis illius foecundissimam, quam quotidie perspiciebat, et aluminis confectiohem, et ex qua petra vel gleba extrahi posset, facillime didicit. Et cum Dei iudicio in direptione et excidio urbis illius a Maumethe Turcarum imperatore sub anno MCCCCLIII omnia amississet, satis exultans quod gladium et ignem immaniissimae gentis aufugisset; post tandem Pii assumptionem ad eum venit, cui esset compaternitatis foedere junctus, a quo cum praemia et commissariatum generalem super omnibus redditibus camerae Apostolicae tam in urbe quam extra, et in provincia partimonii obtinuisset; dum montes collesque omnes percurrit, atque in viscera terrae naturae secreta rimatur, nec glebam nec saxum reliquit intactum. Tandem in agro Tolsano aluminis lapidem reperit. Tolsa vetus oppidum est duorum fratrum ecclesiae

Comment. Phys. T. I.

R.

Sant vero historici, qui rem paulo aliter narrant. Sant qui perhibent, Johannem fuisse per aliquot annos mancipium Turcae cujusdam,

„Romanae subditorum, non procul a  
 „Centumcellis et Urbevetula. Hic  
 „montes alti a mari introrsus recedunt,  
 „silvia et aquis foecundi, per quos dum  
 „Ioannes ambulat, novam herbae fa-  
 „ciem offendit; miratur, inquit; de-  
 „inde certior sit similem nalcii herbam  
 „in montibus Asiae, qui Turcarum ae-  
 „rarium alumine ditant. Videt lapides  
 „albos, et qui minerales apparent,  
 „mordet, falsedinem reperit, excoquit,  
 „experimentum facit, alumen produ-  
 „cit, accedensque pontificem: hodie,  
 „inquit, tibi victoriam de Turca assero;  
 „aureorum supra trecenta millia quot-  
 „annis ille a Christiania extorquet pro-  
 „pter alumen, quo diversis coloribus  
 „lanas inficimus, quia non reperitur  
 „apud Latinos, nisi paululum apud in-  
 „sulam Hisciam, quae olim Aenaria  
 „dicebatur, Puteolis vicinam, et in Li-  
 „pareo Vulcani antro, quod a Roma-  
 „nia olim exhaustum propemodum de-  
 „fecit. At ego septem montes inveni,  
 „adeo hujusmodi materiae foecun-  
 „dos, ut septem orbibus sufficere pos-  
 „sint; si jubes accerfiri artifices, ap-  
 „parari fornaces, excoqui lapides,  
 „Europeis omnibus alumina ministra-  
 „bis, et omne Turcae lucrum deficiet,  
 „quod tibi additum duplicato damno  
 „illum afficiet. Materia et aqua abun-  
 „de suppetit, et portum habes propin-  
 „quum in Civitatevetula, in quo naves  
 „onerentur in occidentem navigaturae;  
 „licebit jam tibi adversus Turcas bel-  
 „lum instruere. Haec tibi minera ner-  
 „vos belli administrabit, et auferet Tur-  
 „cae, hoc est pecuniam. Deliramentis  
 „similia visa sunt Ioannis verba; Pius

„somnia existimavit, et inanes astrono-  
 „morum fabulas, idemque cardinales  
 „omnes arbitrati sunt. Ioannes, quam-  
 „vis saepe rejectus esset, a proposito  
 „tamen non recessit, nunc hunc, nunc  
 „illum interposuit, qui sibi pontificis  
 „aditum iterum atque iterum aperirent,  
 „coram quo posset experimentum in-  
 „venti lapidis facere. Pontifex rerum  
 „peritos advocavit; illi veritatem alu-  
 „minis probare. De lapide quae-  
 „sum est, ne fraus inesset. Missum ad  
 „mineram, et inventa ejus lapidis in-  
 „gena vis. Vocati sunt artifices ex  
 „Genua, qui aliquando in Asia Turcae  
 „alumina tractavere. Ille cum loci na-  
 „turam per omnia inspexissent, simi-  
 „lem esse dixerunt Asiaticis montibus  
 „alumen ferentibus, et prae gaudio  
 „illacrimati ter quaterque genua fle-  
 „ctens, Deum adoravere, ejusque pie-  
 „tati benedixere, qui tantum donum  
 „nostrae contulisset aetati. Decedere  
 „lapides, et alumen multo praestantius  
 „nec pulchrius exiit, quam illud Asiati-  
 „cum. Missum est et ad Venetos et  
 „ad Florentinos; factum periculum,  
 „res ipsa opinionem superavit, et pri-  
 „mi Genuenses pro viginti millibus au-  
 „reis mercatum fecere. Postea Cosmas  
 „Medices quinque et septuaginta millia  
 „auri nummum in eam rem contulit,  
 „atque tantum prior annus contulit  
 „praeter omnium opinionem. Propter  
 „quod Pius Ioannem censuit dignum,  
 „quem singularibus prosequeretur ho-  
 „noribus, et cui status erigeretur in  
 „patria, in qua scriptum esset: Ioanni  
 „de Castro aluminis inventori; nec sine  
 „par-

dam, qui mercaturam aluminis fecisset. 2) Sunt recentiores etiam qui Johannem in fodinis aluminariis opus facere coactum esse dicunt. a) Sunt denique alii, qui Johannem di Castro artem didicisse narrant a cive quodam urbis, cui hodie nomen *Corneto* est, in Patrimonio,

R 2

quod

„parte lucri dimissus est. Fratribus „Tolfae dominis, in quorum fundo mi- „nera reperta est, immunitates datae, „et pars quota emolumenti concessa. „Haec divino munere sub Pio pontif. „max. ecclesiae Romanae accessio con- „tigit, quae si, ut par fuerit, tyran- „norum manus evaserit, et caute in- „dies administraretur, auferret, et Ro- „manos pontifices ad ferenda Christia- „nae religionis onera non parum ad- „juvabit.

2) *Discorsi delle famiglie estinte, so-  
versiere, o non comprese ne' Seggi di  
Napoli, imparentate colla casa della  
Marra. Composti dal signor Don Fer-  
vante della Marra duca della Guardia,  
dati in luce da Don Camillo Tutini Na-  
politano.* In Napoli 1641. fol. pag. 178.  
„Tornarono la terza volta i Frangipa-  
„ni ad habere stati nel Regno di Napoli,  
„quando possedendo essi in Maremma  
„di Romo, la Tolfa, Castello, e giuri-  
„dictione, che hoggi rende alla Chie-  
„sa ottanta mila scudi l'anno. succe-  
„dette, ch' un figliuolo di Paolo di Ca-  
„stro Dottore celebratissimo, e Vassallo  
„d'essi Signori, il quale era stato schiauo  
„di Turchi molti anni a' servigi d'un  
„mercante d'alume di rocca, tornato  
„libero alla patria, s'avvide, che nel  
„territorio della Tolfa era una gran mi-  
„niera d'alume, e datone notizia a Lo-  
„dovico Frangipani suo signore, fu cau-  
„sa di far crescere notabilmente l'en-

„trate dello Tolfa. Perloche papa Pao-  
„lo II pretendendo, che le miniere sof-  
„fero de' regali del feudo, e che però  
„pettasse quella d'alume alla sede  
„Apostolica, come diretta Signora del  
„feudo, non hauendo potuto con le  
„ragioni, e pratiche disporre Lodouico  
„co à rilasciarla alla Chiesa, li mosse la  
„guerra, nella quale oppositi vigorosa-  
„mente Lodovico, e Pietro suo fratello,  
„Signori della Tolfa, con l'ajuto de gli  
„Orsini lor parenti, fu costringito papa  
„Paolo col mezzo di Re Ferrante I di ve-  
„nir con esso loco ad accordo, e pagar-  
„li per lo prezzo della Tolfa diecesette  
„mila scudi d'oro; de' quali pagatone  
„Ludouico 12 mila al Re, ei ne fu in-  
„vestito l'anno 1469. del dominio di  
„Serino in Regno, tolto con altre ter-  
„re” - - - *His verbis*: nel territorio  
della Tolfa. *adscriptis Frangipani in  
istoria di Civita vecchia haec*: „oggi  
„detto luogo, nominato de Lumiere,  
„ove a poco a poco vi si è fatto un Ca-  
„stello d'otto cento anime in circa”.  
Vid. *Istoria dell' antichissima città di  
Civita vecchia scritta dal Marchese An-  
tigono Frangipani.* In Roma 1761. 4.  
p. 119, 120, 121 et 182. *Platina in vi-  
ta Pauli II.* nihil de memorabili ista in-  
ventione habet, praeter haec verba:  
Fodinas invenit (Pius II.), tum pri-  
mum aluminis apud Tolfam instituit.

a) Confer Serbers Briefe über Wälsch-  
land p. 246.

quod dicunt, Petri, et a cive quodam Genuensi, quorum uterque eam apud Turcas accepisse dicitur. Felicianus Bussi, qui hoc retulit, prodidit etiam diligenter modum, quo prima minerae Tolsanae experimenta facta sint, quae Viterbii facta ei dicuntur. b) Sed ista missa facio omnia, sicut etiam rixas taceam de possessione fodinarum inter pontificem et familiam Frangipani, quae agrum Tolsanum ut praedium beneficiarium eo tempore tenebat.

Tempus inventionis accurate annotatum non invenio, sed e commentariis Pii II. intelligitur, fuisse circa annum 1460. vel 1461; illud quidem visum est Feliciano Bussi, hoc vero auctori historiae urbis vetulae.

Planta, quae Johanni indicio fodinarum fuisse dicitur, fuit haud dubie *Ilex aquifolium*, cum etiam nunc operarii Itali eam certissimum indicium credant. Verum est quidem, et apud omnes pervulgatum, posse non raro terrarum genera agnosci e plantis, quas alunt, sed aquifolium crescit, ubi ne gleba quidem aluminosa occurrit, et desiderat-

b) *Istoria della città di Viterbo di Feliciano Bussi*. In Roma 1742. fol. pag. 262. „In questo stesso anno (1460.) feci „gui alla Tolfa vecchia il ritrovamento „dell' alume, non essendocene avuto „fino ad ora nessuna cognizione; e ciò „avvenne per opera di un certo Messer „Giovanni di Castro, che ne prese lume „da un giovane Cornetano, e da un Ge- „novesi, i quali in Turchia ne avevano „acquistata tutta la pratica. Il prenominato „Giovanni adunque avendo offerto, „vato, che i travertini della Tolfa erano „no indubitatamente una vena di detto „alume, incominciò a farli cavare, e „le prime esperienze ne furono fatte in „Viterbo in tale maniera. Da princi-

„pio la detta pietra si faceva cuocere in „fornace, come appunto la calcina; „dopo di che gittavi sopra quantità „grande di acqua, qualora la medesima „riscontravasi ben disfatta, si faceva „bollire in gran caldaje di piombo, e „bollito ch'ella avea, si passava con tutta „l'acqua in alcuni tini di legno, dove „poco a poco disseccandosi, ne risultava „un' alume di tutta perfezione; ond' è „che vedendo il Pontefice Pio l' utile „grande, che da tal miniera poteva provenire „venire alla camera apostolica, tenne „in appresso alla detta Tolfa più di ottocento „cento persone impiegate nello scavo „lavoro del medesimo.

deratur in locis, quae alumen ferunt, quod diligenter annotarunt Boccone c) et Tozzetti. d)

E numero fodinarum antiquiorum fuit haud dubie ea, quam habuit vicinitas urbis *Volaterrae* olim dictae, hodie *Volterra*, quae territorii est Pisani. Instituta ea dicitur circa annum 1458. inventa a quodam Genuense. e) Sunt qui inventorem fuisse perhibent *Antonium* quendam Senensem architectum, sed verisimile videtur, hos inde errasse, quod primi, qui officinam pro pensione annua conduxerunt, cives fuerunt Senenses. f) Et si *Volaterranae* officinae pri-

R 3

mae

c) *Museo di fisica e di esperienze — di Don Paolo Boccone.* In Venetia 1697. 4. Pag. 152. „E opinione in Ita-

„lia, che dove nasce l'Agrifolium ivl  
„si trovi sovente la miniera dell' Alu-  
„me; a questa osservazione aggiunge-  
„rei, che ogni volta vicino a questa  
„pianta fosse qualche miniera sulfurea,  
„acque termali, e simili, in questo ca-  
„so havrei per contrasegno l'Agrifolium  
„più probabile a indicare, e a trovare  
„essa miniera di Alumc, atteso che  
„questo fossile non suole prodursi guari  
„distante del vitriolo e dal Zolfo. Pag.  
„249. Da qualche persona pratica del-  
„le miniere di Alumc di Rocca è stato  
„osservato, che questo mezzo minerale  
„si trovi sovente in quelle contrade,  
„ove nascono spontaneamente gli alberi  
„di Agrifolium Martii, five Ilex aculea-  
„ta baccifera folio linnato B. Pin. sarà  
„però espedito riconoscere il territo-  
„rio della Tolfa, e visitare ancora l'  
„isola di Lipari, ove parimente si tro-  
„va, e si fabbrica l'alume di Rocca, se  
„tale mezzo minerale fortifica i navali,  
„ove anche venghino prodotte dalla  
„natura gli alberi di Agrifolium per  
„confirmarli, o per distinguerli. E  
„verisimile, che in vicinanza delle

„miniere di solfo nelle provincie meri-  
„dionali si generi ancora l'alume sudetto.

d) *Targioni Tozzetti viaggi VII.*  
p. 234. „In vetuna delle Allumiere da  
„me vedute si trova Agrifoglio, nep-  
„pure qui a Monteleo, nè alla Mallo-  
„nica; ne ho vedute delle piante nel  
„monte del Romitorio di S. Croce die-  
„tro a Monterotondo, ma non ho no-  
„tizia che li vi sia Allume.

e) *Supplementum supplementi chroni-  
carum — editum et castigatum a patre  
Jacobo Philippo Bergonate.* — Venetiis 1513. fol. Pag. 299. a. „Ad an-  
„num 1458. Alumen etiam rochiue,  
„quam Graeci pharno appellant, hac  
„tempestate, a quodam Genuense pri-  
„mum in Italia inventum in Volatera-  
„no agro est, quo optime decoctio et  
„probato, postmodum in Italia multis  
„in montibus effodi coeptum est. An-  
„tea etenim Itali nostri in praesentia us-  
„que ejusmodi fodinas nullatenus in-  
„usum habebant; sed ex Turcia a ne-  
„gociatoribus alumen nobis vehebatur;  
„quae res non parum certe emulu-  
„mentum nobis praestitit.

f) *Giovanni Giovanninense Manar-  
chia medica.* p. 51. 58. „Antonius qui-  
„dam

mae in Italia quibusdam visae sunt, tamen iis assentior, qui Tolsanas priores credunt, quorum in numero fuit etiam Brutus, qui anno 1572. contexuit historiam Florentinam. g) Ob insignae lucrum, quod istae officinae praebebant, magnam conslarunt Volterani seditionem circa annum 1472, quae diu duravit, quamque Florentini damno Volteranorum sedarunt. Hodie quidem ista regio nullum praebet alumen, et ne locum quidem fodinarum invenire potuit Tozzetti. h) Certum est autem, tempore Bruti, quem modo laudavimus, Volteranos alumen adhuc coxisse, etsi, quando Baccius scribebat de thermis, officinae istae dimissae jam fuerint omnes.

Ita arte alumen coquendi evulgata, plures subinde in Italia eodem saeculo institutae sunt officinae, quarum tamen magnus numerus cito periit; e. c. officina, quam urbs Massa habuit, i) et quae enumeratae sunt a Baccio, k) et in libro magnae aestimationis, quem medio saeculo decimo sexto de Pyrotechnia contexuit Vannuccio Biringoccio.

Ex

„dam Senensis architectus, haud longe  
„ab ea urbe (Berignone, jam diu de-  
„leta), ad eum prospectum qui vergit  
„ad Cecinae fluvium, aluminis tolpham  
„(mineram fortasse voluit dicere) com-  
„peruit, in publico usu, atque in ve-  
„tigalium censu neutiquam spernen-  
„dam.

g) Jo. Michæl. Bruti historia Florentina, cujus nova et nitida editio prodit Petrus 1764. 4. Lib. 5. p. 244.  
„In agro Volterrano cum aliarum rerum est fertilitas summa, quae maxime usui sunt ad hominum vitam; tum metallorum omnis generis ingens vis, et quod tunc inventum magno cum quaestu ad hunc usque diem incolae effodiunt, Aluminis in primis. Is quidem, quoniam veteres eruditi et magni nominis inveniri aluminis fo-

„dinas in Italia negarunt, nunquam ante nostris hominibus compertum, per multa jam saecula latuerat. Atque cum ita inveterata opinio penitus animis hominum haesisset, veterem auctoritatem superante nostrorum hominum industria, cum illam certa ratio traeretur, jam et Pii III. pontificatu ad Forum Claudii, quae urbs aliquando non ignobilis in Faliscis fuit, et postremo in Volaterrano agro magna aluminis vis inventa, posse salis doctissimos saepe viros, atque falsos adeo quandoque esse ostendit.

h) Relazioni d'alcuni viaggi fatti in diverse parti della Toscana; ediz. seconda. In Firenze. tom. III. p. 117-122.

i) Tozzetti IV. p. 186.

k) Andreas Baccius de thermis. Vennetii 1588. fol. p. 293. a.

Ex his, quae hactenus retuli, facile probatur cuique, artem coquendi alumen venisse in Italiam non ante saeculum decimum quintum, seu non ante an. 1458. l) Quam ob rem non potest falsum non esse documentum illud, quod scriptum creditur anno 1284, in quo quippe jam *alumifodinae* nominantur. Atque Tozzetti, qui ejus mentionem iniecit, de veritate ipse non temere dubitavit. m)

Quaestus, quem Itali ex alumine tunc temporis fecerunt, eo major fuit, quo minus exteri Europaei ipsi illud poterant conficere, quare omnem adhibuerunt operam artem celandi, quod in primis a pontificibus factum esse constat, quorum eo plus intererat, quo citius reliquae officinae, quae in Italia existerant, perierunt. Hujus rei documento sunt severae admodum leges contra eos, qui alumen a Turcis emerent et in Italiam importarent, latae a Paulo II, Julio II, Julio III, Paulo IV, Gregorio XIII. n)

Hae

l) *Anderfon in An historical and chronological deduction of the origin of commerce*, Lond. 1764. 2 vol. in fol. facit tempus inventionis annum 1460.

m) vol. VII. p. 51. verba documentum haec sunt: „vendo montem rotundum cum balneis — et cum aurifodinis, argentifodinis, erisfodinis, cretifodinis. susfodinis et allumifodinis et alluminibus ceteribus (fortasse legendum: *veteribus*)

n) *Nicol. Rodrig. Fermoſini tractatus criminalium*. Lugduni 1670. 2 vol. fol. ubi Tom. II. pag. 63. haec leguntur: „Cum Pontifex Pius II. hujusmodi inventi aluminis in Tuscia redditus et proventus in fidei defensionem dedisset et consecrasset, meritoque Julius II. veterit alumina ex infidelium terris adduci. et Christianos ea mercari, ut ita solum venderetur et emeretur inter Christianos, quod in terris

„Romanae ecclesiae in sperato fuerat adinventum, ut constat ex Leon. X. *bul.* „*la* 36, et Pauli III. n. 48. Ideo Julius III. imitatus dictum Julium II, qui „primus hoc prohibuit sub excommunicatione, et Paul. III, qui eam renovavit, in *alio sua constit.* 42. in *Bulla.* „*rio veteri* edita anno 1553, quae incipit: *Etſi ea*, cujus contextum adducit Scortia in *constit. pontif. epist.* 66. „Theor. 173. ubi explicat ipse Julius III. „renovat atque confirmat contra facientes et complices vectores, ementes, „vendentes, laborantes sese in his im- „miscentes, naves et alumina assecutantes Julius II. et Pauli III. excommunicationem, et aggravando poenas, „eosdem redditu inestabiles et incapaces haereditatum, officiorum publicorum; „eisque omnes actus legitimos interdicit, et oppida ac civitates, ad „quas

Hae leges minaeque etsi severae et terribiles erant, eo quippe tempore, quo superstitionis inanis omnium animos opprimebat, atque hominum imbecillitatem occupabat, cavere non potuerunt, quo minus ars ista paulatim innotesceret exteris. Saeculo enim decimo sexto jam alumen conficiebatur in Hispaniae oppidulo, quod non longe distat a Carthagena, et Alcamaron vocatur, cuius mentionem iniecit Vannuccio Biringoccio, qui tamen se nondum plures extra Italiam novisse officinas profitetur. o)

Cito etiam in Germania exstiterunt officinae aluminis, quod vel ex Agricolae libro 12. de natura fossilium constat. p) Is enim, qui scripsit an. 1544, jam varias commemoravit, e quibus non nullae etiam nunc sunt superstites. Ex. c. quae jam tunc fuit in *Misens Zuenici* in ericeto, eam suspicor eandem esse, quae etiam nunc est ad pagum *Schweinsel* in Misnia, qui non longe distat ab urbe *Duben*, quae regio non immerito ericetum vocatur. q) Etiam celebrata ea officina ad *Commotau* Bohemiae instructa erat tempore Agricolae, Neque Brafevolus mentionem aluminis Germanici non iniecit.

In Anglia vetustissima creditur officina, quam instruxit *Thomas Chaloner*, regnante Elisabeta, ad pagum Eboracensem, cui *Gisborough*

„quas declinaverint, nisi inde eos expellat intra diem unum, post habito tam de his notitiam, supponit interdicto Ecclesiastico, ut Leo X. *Bulla* 12, et alii in rebus gravibus fecerant, et reservat tam absolutionem illius, quam relaxationem huius excommunicationis pontifici Romano; et hanc eandem constitutionem confirmasse postea Paulum IV. in *Bulla* 43, quae incipit: *Ex Apostolica*, et Greg. XIII. *sum.* 21, quae incipit: *muneris*, quarum Bullarum ratio ex *textu nostro* colligitur in *vers.* ibi: *Dummodo in mer-*

„*cibus suis* (vel alio modo) aliquod „*commodum, vel subsidium provenerit*; „ut revera contingeret, si Christiani emerent alumen a Turcis, pro illo pecunias argenteas et aureas darent, quibus ditiores et potentiores fierent, ad Christianos debellandos, et ex *vers.* „bis d. c. olim 12 hic.

o) Pyrotech. p. 31, a. Ibidem etiam nunc officinam esse superstitem, refert Büsching in Geogr. II. p. 206.

p) Edit. Basilicae 1546. fol. p. 216.

q) Büschingii Geogr. pag. 2742.



rough nomen est, r) quamquam alii factum hoc esse demum an. 1608. perhibent. s) Inventorem primos operarios e pontificis officina clam arcessisse, eosque non redituros a pontifice execrante frustra esse revocatos, memoriae traditum est. Nihil profus nocuerunt bruta ista fulmina, quae contra officinam Anglicanam jacuerunt subinde pontificis; quin etiam mercatores Angli conductores officinae Eboracensis ipsam adeo Tolfanam pro pensione annua susceperunt ab ipso pontifice, quo magis et aluminis paterni pretium pro arbitrio possent augere. t)

r) *A tour in Scotland 1768. Third edition. Warrington 1774. 4. Pag. 23.* „The alum works in this country are „of some antiquity; they were first „discovered by sir Thomas Chaloner, „in the reign of Queen Elizabeth, who „observing the trees tinged with an unusual color, made him suspicious of „its being owing to some mineral in „the neighborhood. He found out that „strata abounded with an aluminous „salt. At that time, the English being „strangers to the method of managing „it, there is a tradition that sir Thomas was obliged to seduce some workmen from the Pope's alum-works near Rome, then the greatest in Europe. „If one may judge from the curse „which his holiness thundered out „against sir Thomas and the fugitives, „he certainly was not a little enraged; „for he cursed by the very form that „Eruolphus has left us, and not varied „a little from that most comprehensive „of imprecations. The first pits were

„near Gisborough, the seat of the Chaloners, who still flourish there, not „withstanding his holiness's anathema. Confer. *A political survey of Britain by John Campbell. London 1774. 2 vol. in 4. I. pag. 75. et II. pag. 20.* Pertinent huc quae leguntur in *Britannia, or a chorographical description of Great Britain, — by W. Camden. The third edition by E. Gibson. London 1753. 2 vol. fol. tom. 2. pag. 910.* „This (alum) was first discover'd a „few years since (an. 1607.) by the „admirable sagacity of that learned naturalist Sir Thomas Chaloner, Knt. „(tho whose tuition his Majesty [King James the first] committed the delight „and glory of Britain, his son prince „Henry,) by observing that the leaves of trees were of a more weak sort „of green here than in other places, etc.

s) *Anderson ad hunc annum.*

t) *Taube Beschreibung der Englischen Handlung. Wien, 1777. 8. I. pag. 86.*

Comment. Phys. T. I.

S

Post-

Postquam haec commentatio recitata erat, revocavit in memoriam vir praeclariss. mihiq.ue amicus *M. C. Sprengel*, nostras tunc temporis, nunc professor Halensis, librum quem olim non satis attente pervolveram, qui inscribitur: *Della decima e di varie altre gravzze imposte dal comune di Firenze. Libona e Lucca 1765. 4 vol. in 4.* Huius libri volumen tertium conscriptum medio saeculo XIV a *Francesco Balducci Pegolotti* u) exponit rationem mercaturae istius aevi, et pag. 368, ubi auctor merces tunc venales enumerat, agit etiam diligenter admodum de alumine. Jam admonitus ab amico, quaedam, quae ad historiam falsis faciant, inde excerpo, et tempore excludar omnia bene concoquendi.

Nullum novit italus alumen aliud, quam quod e Turcia petebatur; erant itaque nondum officinae aluminariae in Italia. Loca enumerat varia, quae alumen tum mittebant, sed quae hodie vix constant.

*Allume di rocca di Colonna ene il migliore allume, che si lavori, e lavorasi in Turchia dentro al mare, e sae scala a chifenda di Turchia dentro al mare alla marina presso di Trabifonde, e viene 7 giornate infra terra. — Colonna videtur nomen loci esse, quod ad ripam orientalem Euphratis legitur in chartis quibusdam geographicis.*

*Allume di Foglia, — presso die Foglia a mezzo miglio. Totam rationem, qua Phocenses alumen tunc conficiebant, exponit auctor pag. 368.*

*Allume Lupai si sae in una terra in Turchia di qua dal mare maggiore, e nel mare Marmora, e sa icala alla marina a una terra, che ha nome Triglia, — e viene di fra terra 4 giornate. — Nescio Lupai si sit Lupat, cujus oppiduli notitiam dedit Büfching V. p. 68.*

*Allu-*

u) De hoc auctore confer. vol. 2. pag. 61. et 74.

*Allume di Cottai di Turchia* fa iscala ad *Altoluogo*, e alla *Palattia* in *Turchia* — — e alcuni lo chiamano *Cottam*, ma il suo diritto nome si è *Cottai*, perocche viene della contrada del *Cottai di Turchia*. — Videant alii, si *Palattia* sit *Palatschia* apud *Büfching*. V. p. 80.

*Allume Cassico* viene, e si fa dell' iscola del mare, cioè d' una isola del *Marmoro*. — — E discende anche da 4000 cantara d' allume del *Cottai a Setalia* in *Turchia*, e viene 14 giornate di vetturali per terra dal *Cottai a Setalia*.

*Allume di Castiglione*, che si dice in *Firenze* allume di piuma, si viene de *Barbaria*, ed è una minia di terra, — — — etc.

---



# COMMENTATIONES

SOCIETATIS REGIAE SCIENTIARVM

GOTTINGENSIS

CLASSIS MATHEMATICAE

TOM. I.

AD A. MDCCCLXXVIII.

*Commentat. Mathemat. T. I.*      A



---

F A S C I A R V M  
QVIBVS GLOBI OBDVCVNTVR, EX CONIS,  
SPHAERAE CIRCVMSCRIPTIS,  
CONSTRVCTIO.

D. IV. JVL. MDCCCLXXVIII

EXHIBVIT

ABRAH. GOTTH. KAESTNER.

---

**C**oeli terraeque, convexae imagines, quas quilibet paulo cultior manibus volvit, efficiuntur, figuris in charta ex aerea lamina expressis, excissis, superficiei globosae debite impositis.

Hae figurae, quomodo in plano describi debeant, videtur ad ipsa elementa pertinere, ejus doctrinae quae mundum adspectabilem contemplatur, cum illius studiosus nemo facile globis carere possit. Imo ipsius geometriae esse videtur, sphaerae constructionem tradere.

Itaque tum geometrae, tum cosmographi, haec perficere docuerunt. Ex quibus excito Wolfium in elementis astronomiae latinis *a)* Liebknecht in elementis geographiae generalis *b)* Sturmium filium, in compendio matheeseos *d)* Varenium *d)*.

A 2

Sed

*a)* §. 300.

*b)* §. 260.

*c)* *Kurzer Begriff der ges. Mathef.*

III. Th. 2. Hauptst. §. VI. pag. 173.

*d)* Geogr. gen. L. III. cap. 32.

Prop. V.

Sed qui praecepta illorum inter se contulerit, videbit, alia cum aliis pugnare, unum eundemque auctorem, sibi convenientia non docere, nullum vero causas legum quas fert reddere. Superest igitur, quod veritati et certitudini studens, vel sententis non ita inter se dissidentibus faciat, ut ipsam rei naturam considerando, quid tenendum sit investigetur.

Cogitemus Triangulum Sphaericum, terminatum duobus meridianorum quadrantibus, et arcu aequatoris, qui angulum meridianorum metiatur. His tribus arcubus, aequales fiant in plano aliquo, tres lineae, una quidem recta, arcui aequatoris, duae curvae, inter se aequales, et quaelibet aequalis quadranti meridiani.

Harum trium linearum, quamlibet, a reliquis sejunctam, curvari posse in latus aliquod trianguli sphaerici certum est.

Componantur vero, ut velut latera, inter se contineant, trilineum aliquod planum, aequicrurum.

Ejus trilinei basis, applicari potest arcui aequatoris, vertex vero, non potest polo imponi, nisi quae in plano trilineo recta est, perpendicularis a vertice in basin, ea curvetur, in quadrantem meridiani, bissecantem angulum quadrantum qui crura sunt trianguli sphaerici.

Est autem recta illa perpendicularis, minor crure trilinei plani.

Igitur si horum crurum quodlibet aequetur quadranti meridiani, illa quidem, quanta sunt, flecti possunt in quadrantes, recta vero intermedia extendi debet, ut alterum ejus extremum, commune ipsi cum crurum sectione, in polum incidat.

Si vero rectam illam ipsam aequalem faceres quadranti, latera trilinei, longiora fiunt quadrantibus in quos curvari debent.

Ergo



Ergo non potest, trilineum in plano delineatum, inflecti in superficie triangulo sphaerico contentam, nisi ejus trilinei, vel extendatur medium, vel contrahantur extrema.

Ex quo intelligitur, geometrico rigore, impossibile esse figuram planam, qua tegi queat pars superficiei sphaericae.

In praxi sufficit, talem delineare, ut extremis congruentibus lateribus trianguli sphaerici, media possint extendi, quod quidem pati chartam, dum inflecti debet madefactam, vix opus est ut moneatur.

Extendi debent media, non contrahi extrema. Haec enim si contrahantur, trilinei superficies super sphaericam inflexa, non laevis evadet, sed rugis aspera.

Igitur locus esse non potest constructionibus, Varenii et Sturmii, qui perpendicularum quod dixi trilinei, quadranti aequale faciunt, Magis adhuc a vero aberrant, Wolfius sequutus Schottum <sup>e)</sup> et Liebknecht, qui perpendicularum illud, ipso quadrante maius obtinent.

Ceterum Schotti et Wolfii constructio, jam traditur in Glareani poetae laureati, libro de Geographia, adjiciturque monitum <sup>f)</sup>: in partibus papyri ita formatis, superne propter sphaerae coarctationem nonnihil superaturum, quod exercitatus, non magno negotio corrigat, Haec cum legerem, miratus sum, quem mathematici neglexerant errorem, eum indicari, a poeta laureato. Is igitur poeta, severiorem mathefin non horruit, ut, qui nostra aetate chartis illinunt, versus inopes rerum, nugaeque, saepius ne quidem canoras.

## A 3

## Doppel-

<sup>e)</sup> P. Gasp. Schott Curf. Math. Lib. XII. P. 4 C. 1.

<sup>f)</sup> Henrici Glareani Helvetii, Poë-

tae Laureati, de Geographia liber unus, ab ipso authore jam tertio recognitus. Ap. Friburgum Brisgoiae 1533. c. 19.

Doppelmayerus *g*) perpendicularum aequale facit triplae chordae triginta graduum, basin, duplae chordae quindecim graduum, unde facile computatur, rectam, quae curvo trilinei cruri subtenditur, quatuor fere radii millesimis excedere quadrantem circuli maximi; itaque ipsum crus curvum, adhuc magis excedere quadrantem in quem flecti debet. Adeo contra primam harum delineationum regulam peccat et haec Doppelmayeri constructio.

Ut extensionem ferre possit charta, absque diruptionis periculo, non magnum esse oportet angulum meridianorum, quo enim is minor est, eo minus crura trilinei excedunt perpendicularum.

Vulgo hunc angulum XXX graduum faciunt, ut basis trilinei sit pars duodecima peripheriae circuli maximi. Id videtur a globis coelestibus sumtum, in quibus, antiquioribus praefertim, Stellarum loca per longitudes et latitudes definiuntur, et adeo trianguli sphaerici basis est dodecatemorion, vertex, eclipticae polus.

Minorem angulum, pro globis majoribus jam suavit Varenius. Graduum XX habituri erant, illi globi, omnium optimi et maximi, quorum molem, mente saltim agitabat, Societas cosmographica, Norimbergae nata, Gottingae emortua.

Dividitur autem trilineum, a perpendicularo suo in partes duas similes et aequales. Quarum alterutram construere suffecerit.

Hoc dimidium, terminatur curva, quadrantem aequante, et rectis lineis duabus, angulum rectum continentibus. Illarum brevior, aequalis est dimidiae basi trianguli sphaerici a quo exorsus sum, longior, est illud trilinei perpendicularum.

Haec

*g*) Dritte Eröffnung der neuen mathem. Werkchule Nic. Bions . . . v.

Joh. Gabr. Doppelmayer, Nürnberg. 1765, cap. I.

Haec longior, sumatur pro linea abscissarum, curvae figuram terminantis, ordinatae sint demissae in illam ex curvae punctis perpendiculares.

Quaevis curvae pars, inde a basi figurae, aequatur arcui meridiani, definienti datam quandam, latitudinem geographicam, aut declinationem astronomicam.

Ejusmodi pars indefinita, sumitur pro variabili primaria, et jam computandae sunt, illi respondentes, ordinata et abscissa.

Ordinata facile datur, considerato cono recto, sphaeram in data ab aequatore distantia tangente. Scilicet ejus coni basis, est parallelus habens illam ab aequatore distantiam, et, si nota methodo describatur rete coni, habetur in plano arcus circuli, qui, figura plana in superficiem sphaericam inflexa, curvetur in arcum paralleli.

Abscissae vero, immediate non habetur, nisi differentiale, et id quidem per seriem infinitam, cujus quilibet terminus, continet sinus potentiam exponentis paris, ductam in differentiale arcus. Hinc intelligitur, quae series abscissam exhibens, integratione obtineatur.

Igitur, cuius latitudini, aut declinationi, respondentes computari possunt coordinatae, et sic curva per puncta construi.

Series, vel pro angulo adhiberi solito, XXX graduum, satis convergit, celerius tamen datura valores vero propinquos, si uteremur angulo minore.

Pro hoc angulo, rectam lineam quae in quadrantem meridiani curvari debet, reperi, illo quadrante minorem, tribus semidiametri partibus centesimis. Ea quantitate extendenda est, dum figura plana in sphaericam inflectitur.

Ita,

Ita, fasciae, quibus pars aliqua globi tegatur, termini definiuntur. Quae intra illos designanda sint, ut in superficie sphaerica debitis locis appareant, etiam ostendi.

Principia quibus nititur tota haec disquisitio, nemo quod sciam distinctius exposuit Batavo cui nomen Petro Smit, in cosmographia vernaculo sermone scripta *h*). Utor editione anno vicesimo saeculi quo vivimus facta, Hafius laudat priorem anni 1689 *i*). Rarior tamen est liber.

Auctor hic non potuit adhibere artificia integrandi, Euleri aevo reperta. Sed curvam divisam cogitat, in partes, quae singulae X gradibus aequales sint. Quamvis harum partium, pro linea recta sumit, errore non valde magno, et computat respondentem abscissae partem. Haec licet operosius fiant, et minus exacte, tamen cum sine analysi infiniti peragantur, digna mihi visa sunt quae Prop. XI. explicarem.

Quae cum absolvissem, libuit inquirere, quantum veri inesse possit, praeceptis, fascias arcubus circularibus circumscribentibus. Et horum ratio pendet, a cono sphaerae ita circumscripto. ut basis coni, sit perimenter meridiani. Vidi vero, quemlibet horum arcuum, inde ab aequatore ad polum, longitudine quidem, aequalem esse debere quadranti meridiani; Metiri vero ad centrum suum, angulum, qui definiatur ex illa peripheriae aequatoris parte, in quam basis fasciae curvari debet. Is angulus datur aequatione inter partem sui aliquotam, et cosinum, quae quomodo resolvi debeat ostendi. Est graduum XVIII et minorum primorum fere XVII (Lemm. V. 30)  
pro

*h*) Cosmographia, of: Verdeelinge van de gehele Wereld; Als mede het maken van de Hemelsche en Aardsche Globe, En alderhande Kaarten, zo Platte als Ronde, zuykender wyse

uyt de grond op ontdeekt. . . door Pieter Smit.

*i*) Scigraphia tractat. de constructione mapparum, . . §. ult.

pro fasciis ut vulgo fit angulo meridianorum XXX graduum aptatis. Arcus vero fascias terminantes, describendi sunt radio, qui plus quam quater globi radium contineat (Prop. XI. 11.) Hac lege constructae sunt fasciae pro globis minoribus quos Lowizius, anno saeculi XXXXVII ab solvit.

Quem virum dum nomino, uni alterive vestrum auditores, in mentem venire potest, ab eo, id omne quod tracto, diu esse occupatum.

Is jam Noribergae, scripto, uno illorum quibus majores globi promittebantur, inseruit formulas pro delineandis segmentis quibus globos illos esset obdukturus <sup>k</sup>). Fontes formularum tunc non aperuit.

Nostrae autem Societati, anno LVI methodum qua ad illas pervenisset exhibuit. Scriptum, e scriniis Societatis mihi commodatum vobis trado. Smitii librum, ex Lowitzii bibliotheca emi. Igitur non latuit illum Batavi methodus. Ipse tamen longe aliud principium adhibet.

Triangulum sphaericum etiam considerat, trilineo vero quo illud obducit basin dat, non arcum aequatoris ipsum, sed ejus chordam, crura, curvas quadrantibus meridiani aequales. Suam figuram, intra cavum sphaerae positam, cogitat, a viribus velut ad singula puncta normalibus versus exteriora prementibus, in superficiem globosam extendi. Hac virium quae extrorsum premant similitudine, usus est, ipse Lowizius, aut qui de ejus invento retulit in novis nostris litterariis <sup>l</sup>), nihil addens, unde perspicui possit, vel quomodo utatur principio suo Lowizius, vel, quod caput rei est, quid faciat illa vis extrorsum pre-

mens,

<sup>k</sup>) Description complète ou second <sup>l</sup>) Götting. gel. Anzeig. 1756. 104  
 avertissement sur les grands globes . . Stück.  
 Nurem. 1749. §. 12, 15.

mens, ad planam figuram ita extendendam, ut superficiei sphaericae congruat. Id memini, tunc me non intellexisse, cum Lowizium ipsum differentem audirem, et Gesnerus idem explicari sibi peteret.

Post, Lowizii scriptum, sollicite legi, calculos vidi magno artificio et labore subductos, sed quomodo pertineant ad figuram planam in superficiem sphaericam extendendam, fateor nondum me perspicere. Qua in re alii forte me essent magis perspicaces, si posset Lowizii dissertatio edi, quod opto, nam omnia quae ex ejus sententia ad segmenta sua delineanda faciunt subtiliter explicavit, tabulis etiam computatis: Et jam quaedam segmenta globi terrestris, ex aereis laminis in quibus scalpata habentur, exprimi curavit bibliopolium Vandenhöckianum. Haec, ne quis, expilatae hereditatis Lowizii crimen mihi intendat.

Est vero inter figuram quam Lowizius sphaerae circumflectit, et illam, qua ego cum Smitio utor, hoc inprimis discriminis, quod nostrae, tres termini, singuli, jam in plano, aequales sint arcubus in quos debent flecti, Lowizius, planae suae figurae basin det, chordam ejus arcus, quem sphaerae imposita exhibere debet. Ea re quid efficiatur, ad finem propositum vel exactius vel facilius attingendum fateor, me non intelligere. Itaque mihi supervacuum visum non est, theoriam exponere, ejus methodi, qua forte, secundum Smitii praecepta, ab artificibus theoriae ignaris, globi constructi sunt, cum nulli essent ad Lowizii leges facti.

### Lemma I.

$$\sin \eta = \eta - a, \eta^3 \mp b, \eta^5 - c, \eta^7 \mp b, \eta^9 - e, \eta^{11} \text{ ubi } a = \frac{1}{2.3};$$

$$b = \frac{a}{5.4}; \quad c = \frac{b}{7.6}; \quad d = \frac{c}{9.8}; \quad e = \frac{d}{11.10} \text{ et sic porro.}$$

Haben-

Habentur haec in quovis libro elementari analytico infiniti aut facile ex eo deducuntur. Methodum, quae legem progressus, breuiter et perspicue doceat, dedi *Anfanggr. der Analyf. des Unendl.* §. 285.

Cor. Hinc habentur

$$\log. a = 0,2218487-1$$

$$\log. b = 0,9208187-3$$

$$\log. c = 0,2975694-4$$

cet.

### Lemma II.

Differentialis  $\sin \phi$  d $\phi$  integralia, alia non correcta, alia evanescentia pro  $\phi=0$ , haec sunt

n	int. non corr.	evan. pro $\phi=0$
0	$\phi$	$\phi$
1	$-\cos \phi$	$1 - \cos \phi$
2	$-\frac{1}{2} \sin \phi. \cos \phi \mp \frac{1}{2} \phi = A$	A
3	$-\frac{1}{3} \sin \phi.^2 \cos \phi - \frac{2}{3} \cos \phi = B$	$\frac{2}{3} \mp B$
4	$-\frac{1}{4} \sin \phi.^3 \cos \phi \mp \frac{3}{4} A = C$	C
5	$-\frac{1}{5} \sin \phi.^4 \cos \phi \mp \frac{4}{5} B = D$	$\frac{2.4}{3.5} \mp D$
6	$-\frac{1}{6} \sin \phi.^5 \cos \phi \mp \frac{5}{6} C = E$	E
7	$-\frac{1}{7} \sin \phi.^6 \cos \phi \mp \frac{6}{7} D = F$	$\frac{2.4.6}{3.5.7} \mp F$
8	$-\frac{1}{8} \sin \phi.^7 \cos \phi \mp \frac{7}{8} E = G$	G
9	$-\frac{1}{9} \sin \phi.^8 \cos \phi \mp \frac{8}{9} F = H$	$\frac{2.4.6.8}{3.5.7.9} \mp H$
10	$-\frac{1}{10} \sin \phi.^9 \cos \phi \mp \frac{9}{10} G = I$	I

cet.

Haec facili deducuntur ex Euleri inst. calc. integral. Vol. I. § 242.

B 2

1) ibi

1) Ibi non habentur integralia correctæ, nec compendium illud, valores calculo repertos integralium præcedentium, adhibendi in sequentibus.

3) Qui his uti vult, facile inueniet calculi compendia. Ego, quomodo me gesserim pro  $\phi = 10^\circ$  paucis ostendam.

$$\begin{aligned} 4) \text{ Ex tabulis Gellibrandi sumsi sin } 20^\circ, \text{ cuius partem quartam} \\ = 0,0855050358 \\ \text{subd ex } 5^\circ = 872664626 \\ \hline A = 0,0017614268 \end{aligned}$$

5) Pro C computando, feci

$$\begin{aligned} \log \sin 2 \phi + 2 \log \sin \phi + \log 0,125; \text{ hoc est} \\ \log (\frac{1}{4} \sin \phi^3 \cos \phi) = 0,1103021-3 \end{aligned}$$

Unde colligitur

$$\begin{aligned} \frac{1}{4} A = 0,00132106 \\ \frac{1}{4} \sin \phi^3 \cos \phi = 0,0012891 \\ \hline C = 0,0000319 \end{aligned}$$

### Lemma III.

Construere rete partis datæ, dati conĩ aequilateri.

1) Sit fig. 1. EF arcus circuli centro H, radio EH = b, descripti, qui arcus metlatur angulum EHF = K

2) Plano circuli, per centrum, recta sit HG = c altitudo et axis conĩ aequilateri, cuius latus GE = GF = a.

3) Centro g fig. 2. radio ge = gf = a, descriptus sit arcus ef cui ad centrum respondeat angulus egf =  $\gamma$

4) Sit vero sector fig. 2. ita comparatus ut congruentibus sibi ge, GE, possit sector curuari in partem superficiei conicæ EGF.

5) Igitur cum arcus ef; EF, longitudine aequales sint, est (1; 3); a.  $\gamma = b. x$

6) Ita,



6) Ita, datis conī aequilateri, latere, et radio basis, construitur in plano sector, datam conī partem obtegens.

7) Dimidii anguli EGF, sinus est  $\frac{b}{a}$ , sin  $\frac{1}{2}x$  ut facile intelligitur, cogitando chordam EF, basin communem, triangulis aequicruris EHF, EGF.

*Rete conī integri.*

8) Pro illo  $\gamma = \frac{1}{2} \cdot 360^\circ$ .

9) Igitur, si detur rete conī integri, et adeo  $\gamma$ , a; habentur b, et hinc c (2)

10) Relatio inter tres rectas ad conum pertinentes commode exprimitur introducendo lateris inclinationem ad basin HEG = s. Tunc  $c = b \cdot \tan s$ ;  $b = a \cdot \cos s$  cet.

*Obiter de coniglobiis.*

11) Zimmermannus, et qui illum in coniglobiis edendis sequuti sunt, sumserunt  $\gamma = 300^\circ$  vt reti ad circulum integrum deficiant  $60^\circ$ .

12) Hinc (8);  $b = \frac{2}{3}a$ , et (10)  $\cos s = \frac{2}{3} = 0,8333333$  unde  $s = 33^\circ 34' -$

13) Hinc  $a \cdot \sin s = c = a \cdot 0,5529 \dots$

14) Conus vero cuius altitudo aequetur radio basis, poterit basin habere congruentem circulo maximo dimidiaē sphaerae, eius autem hemisphaerii summum punctum, sublimi vertici feriet.

15) Hic conus habebit  $s = 45^\circ$ , itaque  $\frac{b}{a} = \cos 45^\circ$  Unde (8)  $\gamma = 254^\circ, 559 = 254^\circ 33' 32'', 4$ ; ut reti eius conī ad circulum integrum deficiant  $105^\circ 26' 27'', 6$ .

16) Hunc conum, patet aptissimum esse exhibendo hemisphaerio, cum quo communem habet basin et altitudinem (14).

B 3

17) Po-

17) Ponatur oculus in centro baseos coni, et hemisphaerii, et facile, pro hoc oculi positu reperiuntur, stellarum in hemisphaerio positarum, proiectiones in coni superficiem, vt et hac re possit conus, dimidium globi coelestis exhibere.

18) Talia (10... 17) sunt coniglobia praestantissima, quae 1777 edidit Christlieb Bened. Funk; Vir Clar. Phys. P. P. O. Lipsiens. v. eius librum: *Anweisung zur Kenntniß der Gestirne auf zwey Planiglobien und zween Sternkegeln. Leipz.* Aliquot annis ante, ediderat coniglobia lege (11) constructa. *Anweisung zur Kenntniß der Gestirne vermittelst zweener Sternkegel nach Doppelmayers Himmelscharten. Leipz. 1770.*

19) Facile intelligitur coniglobium etiam terrae repraesentandae posse adhiberi. Id praestitisse videtur Balthasar Conradus S. I. cuius memoratur; „Nova Tabular. chronographicarum ratio, edita ad specimen tabulae vtriusque Hemisphaerii, in cono recto rectangulo, cuius basis est aequator terrae vertex vero polus. Pragae 1650.“ Desumsi haec ex Stanislai Wydra, *historia matheos in Bohemia et Moravia cultae* (Prag. 1778) pag. 43. Tabulas scriptor nominare voluit sine dubio: *chorographicae* non: *chronographicae*. Forma coni Conradus vsus est, eadem omnino qua Funkius.

### Lemma IIII.

Describere conum aequilaterum qui datam sphaeram, dato loco tangat.

Fig. 3

- 1) Sit KFB quadrans descriptus centro A, radio  $AB = 1$ .
- 2) Angulus BAF quem metitur arcus BF sit  $= \beta$ .
- 3) Tangens ad F, productae AK occurrat in G.
- 4) Ductum in AK ex F perpendiculum FH  $= \cos. \beta$ ; item AH  $= \sin. \beta$ .

§) FG

5)  $FG = \cot \beta$ ; ex triangulo  $GAF$ ;

6)  $HG = \cot \beta \cdot \cot \beta$ ; ex triangulo  $HFG$ .

7) Volvatur haec figura circa axem  $AKG$ , et quadrans obtineat situm  $KEC$ ; ut sit angulus sphaericus ad  $K = x$ , quem metitur arcus aequatoris  $BC$ .

8) Huic arcui aequatoris similis est, arcus paralleli  $FE$ , longitudinem vero habet  $= \cot \beta \cdot x$

9) Pro angulo  $EGF$  quem tangentes continent, est  $\sin \frac{1}{2} EGF = \sin \beta \cdot \sin \frac{1}{2} x$

Nam arcus  $EF$ , chorda  $= \cot \beta \cdot 2 \sin \frac{1}{2} x$ , et ejus chordae dimidium; divisum per  $GE = \cot \beta$ , dat  $\sin \frac{1}{2} EGF$

10) Jam  $FE$  est pars perimetri conii recti, sphaeram tangentis. Ejus conii vertex est  $G$ , basis, circulus radio  $HE$  descriptus.

11) Quae si comparentur cum Lemm. III. perspicuum est, pro parte superficiei conicae lateribus  $GE$ ,  $GF$ , contenta, rete describi modo qui sequitur.

12) Sit fig. 2;  $ge = \cot \beta$ ; angulus vero  $egf = \frac{\cot \beta \cdot x}{\cot \beta} (8) = x \cdot \sin \beta$

13) Unde 9; 13;

$$\frac{\frac{1}{2} \cdot egf}{\sin \frac{1}{2} EGF} = \frac{\frac{1}{2} x}{\sin \frac{1}{2} x}$$

14) Hoc rete ita applicari poterit sphaerae ut arcus  $fe$  fig. 2 curvetur in arcum  $FE$  fig. 3. Tunc plana superficies fig. 2 inflectetur, ut congruant sibi  $eg$  et  $EG$ ; item  $fg$  et  $FG$ .

15) Praeter arcum  $ef$ , superficiei planae fig. 2, nihil commune erit cum sphaerica fig. 3.

16) Nisi

16) Nisi cogites arcui ef fig. 2. concentricum infinite propinquum, inter quem, et ipsum ef, contineatur pars zonae elementaris superficiei conicae, quae congruere possit, parti zonae elementaris superficiei sphaericae.

17) Sed hae zonae elementares, ipsae quidem describi non possunt, et quae, quasi ad illas accedentes, substitui illis possent, zonae latitudinis exiguae, in praxi cui haec destinantur, non possent commode adhiberi.

### Lemma V.

Si sit  $n$  positivus integer, quaeritur  $\cos t \mp \frac{2}{n} t = 1$

1) Primo patet: quaesito satisfacere  $t = 0$ ; sed ad hanc solutionem problematis non attendi.

2) Igitur, ut habeatur arcus realis, quadrante minor, praestans quod desideratur, inuestigentur conditiones tentaminum pro hoc arcu reperiendo instituendorum.

3) Sit arcus variabili  $t$ , et  $\cos t \mp \frac{2}{n} t = 1 \mp u$

4) Sumo vero  $u$  positivum.

5) Hinc  $(\frac{2}{n} - \sin t) \cdot dt = du$

6) Sit  $\frac{2}{n} > \sin t$

7) Tunc crescunt simul  $t$  et  $u$

8) Igitur ad quaesitum (2) propius acceditur minnendo  $t$ .

9) Sit  $\frac{2}{n} < \sin t$

10) Tunc decrescit  $u$ , crescente  $t$ .

11) Et propius acceditur ad quaesitum augendo  $t$ .

12) Jam sit  $\cos t \mp \frac{2}{n} t = 1 - u$

13) Hic  $(\sin t - \frac{2}{n}) \cdot dt = \mp du$

14) Ponę  $\sin t > \frac{2}{n}$

15) Tunc

15) Tunc crescente  $t$ , crescit  $u$

16) Ergo propius acceditur ad quaesitum minuendo  $t$ .

17) Pone sint  $\zeta = \frac{2}{n}$

18) Crescente  $t$  decrescit  $u$

19) Propius acceditur augendo  $t$ .

20) Ponatur haberi  $t$ , quaesito satis propinquum, vt sit  $t \pm \zeta = \tau$  existente  $\zeta$  angulo exiguo.

21) Est  $\cos \tau = \cos t - \zeta \cdot \sin t$

$$\frac{2}{n} \tau = \frac{2}{n} t \pm \frac{2}{n} \cdot \zeta$$

$$1 = 1 \pm u \pm \zeta \cdot \left( \frac{2}{n} - \sin t \right)$$

22) Igitur  $\zeta = \frac{\pm u}{\sin t - \frac{2}{n}}$

*Exemplum I;  $n = 12$*

23) Igitur  $\cos \tau \pm \frac{1}{6} \tau = 1$

24) Sume  $t = 19^\circ 16'$  ut  $\frac{1}{6} t = 3^\circ 12' 40''$

$$\begin{array}{r} \frac{1}{6} t = 0,0560444 \\ \cos t = 0,9439931 \\ \hline 1,0000375 \end{array}$$

25) Antequam progredere ad hunc ipsius  $t$  valorem, tentavi alios 19 gradibus maiores, et ex (4; 9) intuli ad quaesitum accedi augendo (11).

16) Compendia calculi, qui in eo instituendo operam collocat, facile reperiet; v. c. augendo  $t$  perpetuo minuto primo, ad sextas partes ante repertas continuo addi debet longitudo arcus  $10''$  in partibus radii. Tabulas adhibui quae habentur in: *Sammlung astronomischer Tafeln*, unter Aufsicht der K. Pr. Ac. d. W. Berl. 1776. III. Band. p. 258.

*Commentat. Mathemat. T. I.*

C

sequ.

sequ. In arcu 12': figura ordinis — 2 esse debet o loco 6; et in arcu 23; figura ordinis — 4; esse debet 6 loco 3.

27) Ponendo  $t = 19^\circ 17'$ , obtinui 0,9999900

28) Ergo cadit  $\tau$  inter limites (24; 27)

29) Sumo  $u = 0,0000375$  (24) Unde sint —  $\frac{1}{t} = 0,1632986$  et ex (22)

$$\begin{aligned} -\log 1'' &= \mp 5,3144251 \\ \mp \log u &= 0,5740313 - 1 \\ \hline &0,8884564 \\ \log(\text{sint} - \frac{u}{n}) &= 0,2129862 - 1 \\ \hline \log \zeta \text{ in secund} &= 1,6754702 \\ \zeta &= 47'', 16 \end{aligned}$$

30) Ita  $\tau = 19^\circ 16' 47''$

31) Reperi vero, adhibito canone majore in Pitisci thesauro,

$$\cos \tau = 0,9439178658$$

$$\frac{1}{t} \tau = 0,0560824386$$

$$1,0000003044$$

32) Ut hic ipius  $\tau$  valor adhuc sit paulo minor quam verus.

### Exemplum II; $n = 18$ .

33) Hic  $\cos \tau \mp \frac{1}{t} \tau = 1$

34) 10  $\mp \log \frac{1}{t} = \log \sin 6^\circ 22'$

35) Sumto  $t = 18^\circ$  fit  $\cos t \mp \frac{1}{t} t = 0,986 \dots$

36) Itaque minuendum est  $t$  (16)

37) Posito  $t = 12^\circ 47'$  prodit 1,000038

38) Et ex (22) habetur  $\zeta = 6'', 954$

39) Ergo  $\tau = 12^\circ 47' 7''$

*Prop.*

*Prop. I.*

Examinare quae requirantur, si debeat in plano figura describi, quae inflexa partem superficiei sphaericae obtegat.

1) Sit pars obtegenda, dimidia superficiei trianguli sphaerici CKB fig. 3. Quod dimidium habetur, ducto per K quadrante, qui bissecet CKB angulum.

2) Huic dimidio obtegendo, describatur in plaeco figura PECO fig. 4. terminata rectis CO, OP, angulum rectum ad O continentibus, et curva CEP.

3) Haec figura, fingatur dimidio (1) ita imponi posse, ut CO recta, curvetur in arcum ipsius CB fig. 3 dimidium, captum inde a C, OP in quadrantem, angulum CKB fig. 3 bissecantem, CP in quadrantem CK.

4) Cur de dimidio (1) quaeram, facile intelligitur. Nam, si detur figura plana, quae inflexa tegere possit integram superficiem CKB fig. 3. certum est, eam figuram ut in plano descripta est, in partes similes et aequales dividi, linea sua illa, quae curvatur in quadrantem angulum CKB bissecantem, dum tota figura inflectitur in CKB superficiem.

5) Jam, perspicuum est, quae in (3) desiderantur, simul obtineri non posse.

6) Nam si OP fig. 4. ejus est longitudinis, ut inflexa in arcum circuli maximi sphaerae, quadranti congruat; utique curva PC, longior est quadrante CK fig. 3.

7) Contra si PC longitudinem habeat quadranti suo aequalem, erit OP, suo quadrante brevior.

8) Itaque, sumta OC fig. 4; aequali arcui  $\frac{1}{2}$  CB fig. 3. reliquorum duorum terminorum fig. 4; non nisi alteruter justae magnitudinis sumi potest.

C 2

9)

9) Posito (6) contrahi debet PC; posito vero (7) debet OP extendi. Facilius vero obtinetur extensio, neque impedit ut singula puncta fig. 4, applicari possint singulis punctis superficiei sphaericae, quod quidem non permetteret contractio.

10) Sumamus igitur rectam  $OC = \frac{1}{2} x$ ;

11) Et curvam integram  $CP = \frac{1}{2} \pi =$  quadrant.

12) Et ejus partem indefinitam  $CE = \beta =$  arcui CE fig. 3.

13) Demisso perpendiculo  $EM = y$ . dic  $OM = x$ .

14) Quaeritur igitur curvae CEP ex conditionibus adsumtis constructio.

15) Cogitetur in plano fig. 4; EQL esse arcus circuli, qui inflectatur in arcus EF fig. 3. dimidium captum inde ab E.

16) Itaque arcus hic EQL in plano descriptus, semidiametrum habet EG fig. 3. (Lemm. IIII. §. 11) metitur vero angulum  $\frac{1}{2} x \sin \beta$  (ibid. §. 12).

17) Ejus arcus vero centrum G fig. 4. erit alicubi in recta OP ducta.

Habet enim hic arcus similem et aequalem sibi junctum ad alteras rectae OP partes, qui flectatur in arcus EF fig. 3. alterum dimidium terminatum in F fig. 3. Totius igitur arcus ex his duobus dimidiis compositi centrum, non potest esse nisi in recta, figuram planam quae in superficiem EKF flectitur, in partes similes et aequales dividentem. Haec vero recta est OP (4).

18) Itaque si cogitetur in fig. 4; ducta EG; erit  $EG = LG = \cot \beta$ ;

$$EGL = \frac{1}{2} x. \sin \beta = \mu$$

$$EM = y = \cot \beta. \sin \mu$$

*Prop.*



*Prop. II.*

Invenire aequationem differentialem, inter coordinatas curvae CEP.

1) Datur  $\mu$  et adeo  $y$  (Prop. I. §. 18) per  $\beta$ . Unde, per eandem unicam variabilem, ejusque functiones, datur  $dx^2 = d\beta^2 - dy^2$

2) Scilicet ex Prop. I; 18

$$dy = -\frac{\sin \mu}{\sin \beta^2} \cdot d\mu \mp \cot \beta \cdot \cos \mu \cdot d\mu.$$

Item  $d\mu = \frac{1}{2} x \cdot \cos \beta \cdot d\beta$ .

$$\text{Unde } \frac{dy}{d\beta} = -\frac{\sin \mu}{\sin \beta^2} \mp x \cdot \cos \beta \cdot \cot \beta \cos \mu.$$

3) Hic  $\sin \mu$  eliminari potest per angulum suum adhibita serie infinita Lemm. I. Simile quid effici potest respectu  $\cos \mu$ .

4) Aut quod concinnius videtur, quadratum ipsius  $\frac{dy}{d\beta}$  praeter  $\beta$ , continebit  $\sin \mu$ , et  $\sin 2\mu$ , qui eliminabuntur ope serierum.

5) Cum igitur non carere possimus seriebus, brevissimum erit, ad illas rem omnem statim ab initio referre.

*Prop. III.*

Exhibere  $\frac{dy}{d\beta}$  per seriem secundum  $\sin \beta$  progredientem.

1) Posito  $\frac{1}{2} x = \theta$ ; est  $\mu = \theta \cdot \sin \beta$  (Prop. II. 18).

2) Itaque ex Lemm. I. datur  $\sin \mu$  per seriem, cuius quilibet terminus continet aliquam ipsius  $\theta \sin \beta$  potentiam gradus imparis, ductam in coefficientem.

3) Hac serie multiplicata per  $\cot \beta$  (Prop. II. 18) datur  $y$  per seriem, cujus quilibet terminus, habet potentiam ipsius  $\sin \beta$  exponentis paris unitate minoris exponente potentiae ipsius  $\theta$ , ductam in  $\cos \beta$ , et praeterea in coefficientem.

C 3

4) Sci-

4) Scilicet  $y =$ 

$$\begin{aligned} & \theta. \cos \beta - a. \theta^3. \cos \beta. \sin \beta^2 + b. \theta^5. \cos \beta. \sin \beta^4 \\ & - c. \theta^6. \cos \beta. \sin \beta^6. \dots \end{aligned}$$

5) Factor variabilis cujusvis termini, est  $\cos \beta. \sin \beta^{2n}$ 

6) Eius differentiale, calculo debite subducto reperietur

$$2n. \sin \beta^{2n-1} - (2n + 1). \sin \beta^{2n+1}$$

7) Fac

$$\theta + 2 a. \theta^3 = \mathcal{A}$$

$$3 a. \theta^3 + 4 b. \theta^5 = \mathcal{B}$$

$$5 b. \theta^5 + 6 c. \theta^7 = \mathcal{C}$$

$$7 c. \theta^7 + 8 d. \theta^9 = \mathcal{D}$$

$$9 d. \theta^9 + 10 e. \theta^{11} = \mathcal{E}$$

cet.

8) Reperietur  $\frac{dy}{d\beta} =$ 

$$-\mathcal{A}. \sin \beta + \mathcal{B}. \sin \beta^3 - \mathcal{C}. \sin \beta^5 + \mathcal{D}. \sin \beta^7. \dots$$

9) Sunt vero valores litterarum gothicarum, tum minuscularum, tum maiuscularum, singuli positiui, igitur, quae quanta valores negativos nanciscantur, ex signis praefixis intelligitur.

### Prop. IIII.

Quotientis differentialium Prop. III; exhibere quadratum.

1) Est illud ex Prop. III; 8;

$$\begin{aligned} & + \mathcal{A}^2. \sin \beta^2 - 2. \mathcal{A}. \mathcal{B}. \sin \beta^4 + \mathcal{B}^2. \sin \beta^6 \\ & \quad \quad \quad + 2 \mathcal{A}. \mathcal{C} \} \\ & - 2 \mathcal{B}. \mathcal{C} \sin \beta^8 + \mathcal{C}^2. \sin \beta^{10} \\ & - 2 \mathcal{A}. \mathcal{D} \} \sin \beta^{12} \\ & \quad \quad \quad + 2 \mathcal{B}. \mathcal{D} \} \\ & \quad \quad \quad + 2 \mathcal{A}. \mathcal{E} \} \end{aligned}$$

Prop.

*Prop. V.*

Exhibere  $\frac{dx}{d\beta}$  per seriem.

$$1) \text{ Fac } \frac{dx}{d\beta} = 1 + a \cdot \sin \beta^2 + b \cdot \sin \beta^4 + c \cdot \sin \beta^6 + d \cdot \sin \beta^8 \dots$$

$$2) \text{ Eius seriei quadratum est} \\ = 1 + 2a \cdot \sin \beta^2 + a^2 + 2b \sin \beta^4 \dots$$

$$3) \text{ Est vero } \frac{dy^2 + dx^2}{d\beta^2} = 1$$

4) Unde, comparando coefficientes, prop. hujus, et praecedentis, est

$$5) a = -\frac{1}{2} \mathcal{A}^2$$

$$b = -\frac{1}{2} (2 \mathcal{A} \cdot \mathcal{B} + a^2)$$

$$c = -\frac{1}{2} (\mathcal{B}^2 + 2 \mathcal{A} \cdot \mathcal{C} + 2 ab)$$

$$d = -\frac{1}{2} (2 \mathcal{B} \cdot \mathcal{C} + 2 \mathcal{A} \cdot \mathcal{D} + b^2 + 2 ac)$$

$$e = -\frac{1}{2} (\mathcal{C}^2 + 2 \mathcal{B} \cdot \mathcal{D} + 2 \mathcal{A} \cdot \mathcal{E} + 2 b \cdot c + 2 a \cdot d) \\ \text{cet.}$$

*Prop. VI.*

Exhibere  $x$  per seriem.

1) Retineantur litterae seriei Prop. V. 1, quarum valores computati sunt (ibid. 5).

2) In Lemmate II, scribatur  $\beta$  loco  $\phi$ .

3) Habetur

$$x = \beta + a \cdot \mathcal{A} + b \cdot \mathcal{C} + c \cdot \mathcal{E} + d \cdot \mathcal{G} + e \cdot \mathcal{I} \text{ cet.}$$

*Prop. VII.*

Curvam CEP. describere per puncta.

1) Pro

1) Pro  $\beta$  adsumto, computentur

$x$ ; Prop. VI.

$\mu$  et hinc  $y$ ; Prop. I; 18.

*Prop. VIII.*

Describere arcum EQL,

1) Is arcus Prop. I. 15. curvatur in sphaera, in parallelum cujus singula puncta ab aequatore distant quantitate  $\beta$ .

2) Est vero  $ML = GL \cdot (1 - \cos \mu)$  (Prop. I. 16; 18)

$$= \cot \beta \cdot 2 \cdot \sin \frac{1}{2} \mu^2$$

Hanc quantitatem dicam  $v$ .

3) Ita datur  $OL = OM - ML$  (hic, et Prop. VI)

4) Ergo capta LG, magnitudinis Prop. I. 18, definitae, centro G, describi potest arcus.

5) Sed punctis E, ipsi C propinquis, respondent EG valde magni, igitur pro his punctis praeceptum (4) praxi non est idoneum.

6) Superest igitur, ut, saltem pro casibus (5) describatur arcus per puncta.

7) Sit  $OS = \zeta$ , ejus scilicet longitudinis ut curvetur in arcum aequatoris  $\lambda$

8) Sit in plano fig. 4; SQP curva, quae, dum fig. 5 inflectitur in superficiem sphaericam, ipsa curvetur, in quadrante meridiani, qui, cum eo in quem curvatur OP, contineat angulum sphaericum  $= \lambda$

9) Ea curva, arcui EL occurrat in Q.

10) Igitur curvae pars SQ, curvatur in arcum meridiani, aequalem illi in quem curvatur CE.

10) Arcus vero QL curvatur in arcum paralleli, similem arcui aequatoris  $\lambda$ .

11) Igi-

11) Igitur, cum omnia hic sint ut in Prop. I. 16; 18, nisi quod arcus paralleli alius sit, computetur angulus aliquis  $\zeta = \lambda \cdot \sin \beta$ , Eum continent ad G fig. 4; ductae rectae QG, LG.

12) Demissum vero in OP perpendicularum

$$QR = \cot \beta \cdot \sin \zeta \text{ et}$$

$$LR = \cot \beta \cdot 2 \cdot \sin \frac{1}{2} \zeta^2$$

13) Quibus computatis, capi possunt LR, RQ, et adeo definiri Q.

### Prop. VIII.

Colligere, quae requirantur ad describenda, quae in fascia pertinent ad datum  $\beta$ .

1) Computetur x Prop. VI.

2)  $\mu = \theta \cdot \sin \beta$ ; Prop. I. 18.

3)  $y = \cot \beta \cdot \sin \mu$  ibid.

4)  $v = \cot \beta \cdot 2 \cdot \sin \frac{1}{2} \mu^2$  Prop. VIII. 2

5)  $x - v$ ; Prop. VIII; 2.

6) Ita per  $L_1$ , ratio  $GL = \cot \beta$  describitur arcus EQL.

7) Quod, si fieri potest, omnia absoluta sunt.

8) Si vero fiat GL valde magnus,

9) Sumatur  $\lambda$ , ipso  $\theta$  minor:

10) Hinc  $\zeta = \lambda \cdot \sin \beta$  (Prop. VIII; 11)

11) Et  $LR = \cot \beta \cdot \sin \frac{1}{2} \zeta^2$

$$QR = \cot \beta \cdot \sin \zeta$$

12) Ita datur arcus EQL punctum quodvis.

### Prop. X.

#### Exemplum calculi.

1) Sit  $\theta = 15^\circ$ . Eum arcum exprimo in partibus radii; item, eo modo expressi quaero logarithmum, qui logarithmus est  $= 15 \cdot \log 1^\circ = 0,4179687 - 1$ .

Commentat. Mathemat. T. I.

D

2) Hunc

2) Hunc logarithmum multiplico per quemlibet numerorum imparium.

3) Praxi sufficit, quantitates computare veris proximas; v. c. in centum millesimis radii partibus exactas. Unde intelligitur quousque calculi urgendi sint.

4) Ita in (2) reperietur

$$11. \log 15^\circ = 0,5976557 - 7$$

5) In hoc igitur logarithmo subsistere licebit, imo experiemur, ne illo quidem opus esse.

6) Jam, pro quantis Prop. III. 7; adhibendo logarithmos cor. Lemm. I.

$$\begin{array}{r} \log a = 0,2218437 - 1 \\ 3 \log 15^\circ = 0,2539061 - 2 \\ \hline \log (a \theta^3) = 0,4757548 - 3 \\ \text{hinc } 2. a. \theta^3 = 0,0059812 \\ 15^\circ = 0,2617994 \\ \hline \mathcal{A} = 0,2677806 \end{array}$$

Hoc modo computavi

$$\mathcal{B} = 0,0090128$$

$$\mathcal{C} = 0,00005134432$$

$$\mathcal{D} = 0,00000011716736$$

$$\mathcal{E} = 0,00000000014339$$

Ultimas figuras addere libuit licet non satis exactae sint; sed illis care omnino possumus.

Pro quantis Prop. III.

8) Ex Ludolfi Tetragon. tabular. sumfi

$$\mathcal{A}^a = 0,0717061605$$

$$9) \log \mathcal{A} = 0,4277781 - 1$$

$$\log \mathcal{B} = 0,9548597 - 3$$

$$\log \mathcal{A} \mathcal{B} = 0,3826378 - 3$$

10)

10) Ita, calculos logarithmorum ope continuando reperi

$$\begin{array}{rcl}
 2 \text{ N. B} & = & 0,0048268 \\
 \text{B}^2 + 2 \text{ N. C} & = & 88726 \\
 2 (\text{B. C} + \text{N. D}) & = & 98825 \\
 \text{C}^2 + 2 (\text{B. D} + \text{N. E}) & = & 4825
 \end{array}$$

Pro coefficientibus Prop. V. §.

$$\begin{array}{rcl}
 11) \text{ Ex (8) est } a & = & -0,0358530802 \\
 \text{cujus quadratum} & = & +0,00128544... \\
 \text{ex (10) } 2 \text{ N. B} & = & 48268 \\
 \hline
 \text{Summa} & = & 0,0061122 \\
 \text{hinc } b & = & -0,0030561 \\
 \text{similiter } c & = & 15393 \\
 d & = & 106635
 \end{array}$$

12) Propter causam in (3) redditam non computavi e.

$$\text{Sume } \beta = 10^\circ$$

13) Conjungendo hic reperta, cum Lemm. II; habetur

$$\begin{array}{rcl}
 \log A & = & 0,2458580 - 3 \\
 \log a & = & 0,5545255 - 2 \\
 \hline
 \log a.A & = & 0,8003835 - 5
 \end{array}$$

$$\begin{array}{rcl}
 \text{Ita reperitur; } a.A & = & -0,000063152 \\
 b.C & = & 9748 \\
 \hline
 \text{quorum Summa} & = & 63249 \\
 \beta & = & 0,174532925 \\
 \hline
 x & = & 0,174469676
 \end{array}$$

Pro longitudine rectae OP fig. 4.

13) Tunc  $\beta = 90^\circ = \frac{1}{2} \pi$ . Ita acceptis integralibus lemmatis II; logarithmorum ope reperi

D 2

a. A

$$\begin{array}{rcl} a. A & = & -0,028224 \\ b. C & = & 16808 \\ c. E & = & 9479 \\ d. G & = & 5765 \end{array}$$

$$\begin{array}{rcl} & & -0,0300053 \\ \beta & = & +1,5707963 \\ \hline OP & = & 1,5407910 \end{array}$$

15) Computetur  $\mu$  et  $y$  pro (13).

Calculus ducitur ex Prop. I. 18.

$$\begin{array}{rcl} \log 15 & = & 1,1760913 \\ \log \sin 10^\circ & = & 0,2396702 - 1 \\ \hline \log \mu & = & 0,4157615 \\ \text{Unde } \mu & = & 2^\circ, 6047 \end{array}$$

16) Adhibui tabulas quas edidit Wingate (v. *Astronomische Abhandlungen* II. Sammlung pag. 7 et 14) et ope partium proportionalium reperi

$$\begin{array}{rcl} \log \sin \mu & = & 0,6574347 - 2 \\ \log \cot 10^\circ & = & 0,7536812 \\ \hline \log y & = & 0,4111659 - 1 \end{array}$$

Unde  $y = 0,25713$

ML; Prop. VIII.

17) Ex (15) est  $\frac{1}{2} \mu = 1^\circ, 3023 = 1^\circ 18' 8''$ , 28 ubi neglexi partes secundorum, et adhibito  $\log \sin (1^\circ 18' 8'')$  ex tabulis Avenionensis reperi  $ML = 0,0058580$

$OL = OM - ML$ .

18) Id ex (13; 17) fit  $= 0,168611$

Pro puncto Q arcus EQL Prop. VIII. 6.

19) Finge  $\lambda = 5^\circ$

20) Est  $\zeta = 1^\circ 18' 8''$  et  $\frac{1}{2} \zeta = 39' 4''$

Unde



Unde reperi (Prop. VIII; 12)

$$QR = 0,12888; LR = 0,0014646$$

*Prop. XI.*

Reperire  $x$ , respondentia datis  $\beta$ , vero proxime, nulla adhibita analysi infiniti.

1) Sint OP, OC, CP eadem fig. 5 ac fig. 4.

Fig. 5

2) Cogitetur curva CP divisa in partes aequales  $CD = DE \dots = LM \dots$  quarum quaevis sit  $= \psi$ , arcui quadrantis in quem curvatur CP.

3) Sit  $CL = m \psi$ ;  $CM = (m \mp 1) \cdot \psi$

4) Ex D, E, ... L, M, ... demissa perpendiculara ipsi OP occurrant in d, e, ... l, m, ...

5) Patet, si ordine computari possint  $Od$ ;  $de$ ; ...  $lm$ , ... et deinde addi, haberi  $Om = x$  pro  $CM = \beta$ .

6) Sumatur  $\psi$  satis parvus, ut absque magno errore haberi possit pro recta.

7) Agatur, ipsi  $ml$  parallela et aequalis  $= z$

8) Si computari possint  $Mm$ ,  $Ll$ ; dabitur illarum differentia  $LN = t$

9) Et hinc (6)  $z = \sqrt{(\psi^2 - t^2)}$

10) Ita computato  $z$  pro quovis  $\psi$ , habebuntur inde a C ad M; quanta  $z$ , numero  $m \mp 1$  quae addita efficiunt quod (5) quaeritur.

11) Calculus qui in (8) desideratur ita potest peragi.

12) Computentur

$$\theta. \sin(m \cdot \psi) = \mu \text{ pro } m \cdot \psi$$

$$\theta. \sin(m \cdot \mp 1) \cdot \psi = \mu \text{ pro } (m \mp 1) \cdot \psi$$

13) Deinde

D 3

cot

$$\cot(m, \psi), \sin(\mu \text{ pro } m, \psi) = y \text{ pro } m, \psi = Ll$$

$$\cot((m \mp 1), \psi), \sin(\mu \text{ pro } (m \mp 1), \psi) = y \text{ pro } (m \mp 1), \psi = Mm$$

$$13) \text{ Igitur habetur } Ll - Mm = t$$

$$14) \text{ Sit } \sin \sigma = \frac{t}{\psi}$$

$$15) \text{ Est } z = \psi \cdot \cos \sigma$$

*Exemplum.*

16) Sumatur  $\psi = 10^\circ$ . Illum arcum quo consilio adhibeam, in sequentibus intelligetur.

17) Sit  $m = 0$ , ut LM cadat in ipsam CD, et quod quaeritur  $z$ , fit = Od.

18) Ergo in (11) fit

$$\mu \text{ pro } m, \psi = 0$$

$$\mu \text{ pro } (m \mp 1), \psi = 2^\circ, 6047 \text{ (Prop. XI. 15)}$$

19) Et in (12)

$$y \text{ pro } m, \psi = OC = 0,2617993 \dots$$

$$y \text{ pro } (m \mp 1), \psi = 0,25713 \text{ (Prop. XI. 15)}$$

20) Hinc  $t = 0,00466$

21)  $10 \mp \log t = 7,6683859$

$$\text{Subduc } \log \psi = 0,2418774 - 1$$

$$\log \sin \sigma = 8,4265085$$

$$\sigma = 1^\circ 32' -$$

$$\log \cos \sigma = 0,9998445 - 1$$

$$\log \psi = 0,2418774 - 1$$

$$\log z = 0,2417219 - 1$$

$$\text{unde } z = 0,17447$$

22) Huic satis bene convenit cum Prop. X; 13. Cujus rei ratio facile inde intelligitur quod chorda arcus decem graduum = 0,1743114: deficiens ab arcu quantitate 0,0002215. Eam vero in-

pri-

primis ob causam, praeceptum (9) a veritate recedit, quod chorda arcu minor est. Itaque parum recedit, si chorda non multo minor sit arcu.

23) Similiter, posito  $m = 1$ ; quaeratur de fig. 5.

Est vero  $\mu$  pro  $2\psi$ ;  $= 15^\circ$ .  $\sin 20^\circ = 5^0,1333$ .

24) Reperi  $\cot 20^\circ$ .  $\sin 5^0,13$  seu  $y$  pro  $2\psi$ ;  $= 0,24566$

Id subduco ab  $y$  reperto in (19)

25) Habetur  $t = 0,01147$

26) Et  $\frac{t}{\psi}$  dat (14)  $\sigma = 3^\circ 46'$

27) Vnde  $z$  vel  $de = 0,17415$

28) Ita ex 21; 22;  $Oe = 0,34860$

quod esset  $x$  pro  $CE = 20^\circ$ .

29) Methodo hac Prop. explicata, utitur Smit pag. 22. Progredditur per singulas graduum decades. Itaque duas quantitates  $z$  (21; 27) etiam habet. Sunt vero ipsi 17448; 17414, ponit enim radium centum mille partium.

30) Patet, vel singula quanta, hac methodo non ad centummillimas radii exacta haberi, multo minus, quae ex pluribus collectis oriuntur.

31) Ita, novem sua  $\zeta$  colligendo, reperit Smit  $OP = 154403$ ; cujus valorem vero magis consentaneum exhibet Prop. X; 14.

32) Complectitur vero Smit, quibus ad fasciam delineandam opus habet, tabula, sex columnis constante. Prima graduum decades continet, reliquae, quae ad singulas decades pertineant. Suntque columnarum tituli, qui sequuntur.

I. *Brete in de kromme in graden*

arcus  $\beta$  per singulos graduum decades in gradibus exhibiti.

II. *Brete in de rechte in delen*

quan-

quanta  $z$  (g) in centum millesimis radii.

*Latitudines* appellat I; II; ut sunt revera vel *geographicae* in globo terrestri, vel *fixarum* si globi coelestis faeciae ita delineentur, ut apices coeant in polo eclipticae.

III. *De kromme parallel, dele*

arcus paralleli, arcui aequatoris graduum 15 similis, in partibus radii.

IIII. *De rechte van de parallel in delen*

quod mihi est  $y$

V. *De halve middellyn van de parallel*

mihi EG; Prop. I. 16.

VI. *'t nederhangende parallel.*

mihi quantitas ML Prop. VIII, 2

33) Numeri ejus in ultimis figuris plerumque a meis differunt, sed me, calculum accuratius subduxisse persuasus sum.

*Prop. XI.*

Sit CB fig. 6. recta quae curvari possit in partem aliquotam perimetri aequatoris sphaerae. Bisseetur in O, et captis OK = OL, centris K, L, describantur in plano figurae, arcus circulares CP, BP. Horum quilibet, ponatur ejus esse longitudinis, ut fig. 6; superficiei sphaerae imposita, et CB curvata in arcum suum aequatoris, possint CP, BP, curvari, in quadrantes meridianorum.

Quaeruntur: angulus CKP =  $\tau$

et semidiameter KP =  $h$

1) Perpicuum est, factis quae desiderat Prop. triangulum planum CKP, flecti in partem superficiei conicae, cujus vertex sit K; pars perimetri baseos, arcus CP, sed ita curvatus, ut fiat quadrans circuli cujus radius aequalis est radio sphaerae =  $r$

2)

2) Igitur et hoc pertinet, ad conum sphaerae circumscriptum, differt vero ab iis quae docentur Lemm. IIII. ea re quod hic non detur latus coni.

$$3) \text{ Sit jam } CB = \frac{1}{n} \cdot 2\pi; CO = \frac{1}{n} \cdot \pi$$

$$4) \text{ Est } \frac{KO}{KP} \text{ seu } \cos \tau = 1 - \frac{\pi}{n \cdot h}$$

$$5) \text{ Arcus CP longitudo} = h \cdot \tau = \frac{1}{2} \pi$$

$$6) \text{ Ergo } \cos \tau \pm \frac{2\tau}{n} = 1$$

$$7) \text{ Ita res redit ad Lemma V.}$$

$$8) \text{ Quo adhibito, est } h = \frac{\pi}{2\tau}$$

$$9) \text{ Et } OP = h \cdot \sin \tau = \frac{1}{2} \pi \cdot \frac{\sin \tau}{\tau}$$

10) Unde dijudicari potest, quantum extendenda sit OP, ut curvetur in quadrantem meridiani dum figura CPB applicatur globo. Est hujus extensionis quantitas  $= \frac{1}{2} \pi \cdot (1 - \frac{\sin \tau}{\tau})$

*Exemplum I; n = 12*

11) Ex Lemmate V. 30. expressis angulis in minutis secundis, est

$$h = \frac{648000}{69407} = 4,66812$$

quod reperi ex log h infra ponendo.

$$12) \log h = 0,6691418$$

$$\log \sin \tau = 0,5187512 - 1$$

$$\log OP = 0,1878930$$

$$\text{hinc } OP = 1,54132$$

$$\frac{1}{2} \pi = 1,57079$$

$$\text{extensio (10)} = 0,02947$$

*Commentat. Mathematic. T. I.*

E

*Exem-*

*Exemplum II. n = 18*

13) Ex Lemm. V. 39;

$$h = \frac{324000}{46027} = 7,03935$$

14)  $\log h = 0,8475324$ 

$$\log \sin \tau = 0,3449774 - 1$$

log OP = 0,1925098

$$OP = 1,55779$$

$$\text{Extensio} = 0,01300$$


15) Quoniam datur tum radius quo descriptus est arcus CP, tum angulus quem metitur, computari potest et integri ejus arcus chorda, et chorda partis CE quae habeat ad integrum rationem datam CE: CP =  $\beta$ : 90°

16) Quo facto, dum figura globo applicatur, CE curvabitur in partem meridiani graduum  $\beta$ . Et similiter ipsi aequalis BF

17) Per E, F, radio = cot  $\beta$ , centro in OP producta sumto, descriptus in plano fig. 6. arcus, imposita figura globo, curvatur in arcum paralleli, arcui aequatoris COB similem.

18) Noribergae prodierunt 1747, globuli a Lowitzio delineati diametro 5 digitorum parisiensium *m*) qui pertinent ad exemplum I (" ) Itaque pro illis  $h = 2,5.4,66812 \text{ dig par} = 11,6703 \text{ dig par}$ . Cui convenire cum retibus globorum, reperturus est, qui illa possidet.

*m*) Troisième Avertissement sur les grands globes. Nurenb. 1753.









DE

# QVIBVSDAM OLEI AQVAE SVPERFVSI EFFECTIBVS OPTICIS ET MECHANICIS.

D. XXIV. OCTOBR. cldccclxxviii

RECITAVIT

ALB. LVD. FRIED. MEISTER.

Quae Franklinus circa aquae, cui oleum est superfusum, motus observavit, sunt ex numero illarum rerum, quarum, primo obtutu, ratio in aperto esse videtur, quo autem accuratius investigatur, eo magis se a quaerentis aspectu subducit. Per multa illam quaesivi, et deprehendisse mihi videor, experimenta. Haec, sive ipsius phaenomeni causa, sive ob alias observationes, quibus occasionem dederunt, non indigna, spero, reputabuntur, quae in hoc confesso exposuerim. Non illam dico, sive observationem seu opinionem, a veteribus traditam et hoc ipso aevo nostro inter nautas denuo gliscentem, cujus patrocinium suscepit, spemque, experimentis etiam captis, apud multos ingentem fecit, fieri posse, ut, qua fortuna usus vir audacis ingenii Jovis fulmina comescuit vitro, eadem et Neptuni iram delinuat oleo a). Fateor enim, hanc rem adeo mihi videri incredibilem et ab omni mechanica ratione alienam; ut, si maxime maris et na-

E 2

vium

a) Experiments and observations made by Benj. Franklin. Lond. 1769.

4. p. 438.

Philos. Transact. Vol. LXIV. P. II.

XLIV. Of the stilling of waves, by means of Oil.

Memoire sur l'usage des huiles, pour diminuer les dangers sur mer. 1775. 8.

vium nobis opportunitas esset, vix tamen a me impetraturus forem, ut illius experimentum caperem.

Est et alia olei aquis adfusi natura, quod lucem in maris profundum deportare dicitur. Hujus quoque fides et ratio stet apud auctores, tum veteres tum recentes, qui illam nobis ad magnas utilitates commendarunt. Et si enim non tam difficile, hujus phaenomeni aliquam explicationem invenire, quam prioris; consultius tamen est, de rei modo non prius quaerere, quam de rei veritate, aliunde quam ex nudis veterum allegationibus, constet. Multa enim sunt, eaque nemini obscura, quae impediunt, quo minus tantum apud nos valere debeat veterum auctoritas in rebus physicis, quantum merito valet in aliis. Verum et hoc subinde accidit, ut quae recte observaverant veteres, ab eorum compilatoribus perperam tradita sint, aut describentium vel legentium vitio minus recte intelligantur. Adde, quod constans fama, et fides illi late habita, raro omni fundamento careat, ut, si res eo quo narratur modo sit vana atque falsa, saepe tamen in se retineat veritatis sensum oblitteratae vestigia, quibus insistentes non raro meliora consequantur iis, quae ab initio quaerebant. Veterum imprimis relationibus hic dandus est honor, ut in illis latere semper aliquid sapientiae, a nobis nondum perceptae, arbitremur. Hinc non refugi laborem, loca, quae a recentioribus olei admiratoribus excitantur, Plinii et Plutarchi, denuo recognoscendi; et quandoquidem a Plutarcho Aristotelis etiam fit mentio, hujus quoque de oleo placita perlustravi eo diligentius, quod illi dumviri, ab hoc hausisse sua, videri poterant. Et sane a primo aditu jam hoc notabam, Aristotelem non oleo peculiariter illam virtutem tribuere, ut mare pacatum reddat, sed rebus omnibus, quae in mare jaciuntur. Movet enim *b*) quaestionem: quam ob causam, cum aliquid in mare undabundum et aestuans jactum sit, ut anchora, unda resideat et quiescat? Ratio, quam affert, subtilis est et mechanica: pondere illapso ori-

*b*) Problem. Sect. XXIII. 4.

oriri vertiginem, cujus oram attingentes fluctus, per summa versantes ad lineam rectam, deinde oblique ferantur; praeterea ipsam vertiginem ad fluctus accedere, et suo impetu circum undique illos depellere. Addit, aërem qui cum pondere illo delapso descendit, mox sese referre undamque sursum compellere et bullam excitare; omnem autem bullam laevem esse serenamque. De oleo, quod mare tranquillum reddat, in Aristotelis perlustratione mihi se obtulit nihil; ne in eo quidem loco *c*), ubi, inverso rei ordine, disputat, cur mare, cum est tranquillum, oleum reddat. Refert enim, ut rem notam, die tepidiore oleosum quiddam secerni; eumque succum tranquillo tepidiorique mari, sua levitate, per summa pandi. Quae si vera sunt, nec alia fraus intervenit experimento, facile inducere poterant vanas et superstitiosas, hominum de sua salute anxiorum, mentes, ut, quod in rebus innumeris factum est, causa et effectu inter se permutatis, non oleum a maris tranquillitate, sed tranquillitatem ab oleo derivarent.

Plutarchus in locis pluribus diserte affirmat, oleum fluctibus inspersum tranquillitatem in mari facere. In libello, de primo frigido, causas hujus phaenomeni duas aëfert. Alteram, quam Aristoteli placuisse dicit, quamque Franklinum etiam adoptasse et ornasse apparet, ipse negat: ventum scilicet per lubricam olei laevitatem labi, neque exasperare eandem et prima quasi fluctuum elementa excitare posse. In quaestionibus naturalibus, iisdem fere verbis, hanc Aristotelis sententiam proponit: spiritum a laevitate delabentem, istum nullum inferre, neque fluctum ciere. Fateor, illum Aristotelis locum mihi, diligenter quaerenti, sese subduxisse; neque tamen, si se obtulisset, in istam me sententiam perductum fuisse. Etenim maris fluctus a tam parvis initibus procedere, quibus, olei tenuissimo indumento obducta et munita, illius superficies resistere possit, tum maxime, cum a saeva hyeme et incumbentibus procellis agitur, (contra haec enim

E 3

ab

*c*) Problem. Sect. XXIII. 9.

ab oleo praesidium sperant,) meam quidem fidem superat. Taceo, ita quidem rationem reddi, cur nulli fluctus oriantur, neutiquam vero, quomodo orti jamdum et saevientes deliniantur.

Altera causa, quam Plutarchus affert et ut meliorem alteri substituit, haec est: quod fluctus, a quovis humore ictus, discutiatur et subsidat. Ergo negat, peculiarem hanc esse oleo virtutem. Et statim subjungit, illud autem olei proprium esse, quod claritatem in profundo aquae facit. Ergo non tam modum explicavit, quo oleum fluctus sedet, quam, quae de oleo praedicabatur, cum reliquis humoribus communicavit. Si fas erat, argumenta ex culina petere, poterat hic allegare, lactis ebullientis, forte etiam aliorum jurium, nimium fervorem, injectis aliquot aquae guttis posse compesci. Mirum vero accidit, ut non ista, quam auctoris nomine addito refutaverat, sententia videatur esse Aristotelis, sed potius haec, quam ipse amplexus est. Nisi, quod suspicor, allegatio ab aliena manu, et alieno loco inserta fuit.

A Plinio hujus effectus mentio obiter facta est *d)*, inter varia naturae opera, permira ut videbantur scriptori, jam vero quod mireris vix amplius habentia: Mare omne oleo tranquillari.

In omnibus illis testimoniis merito quis desideret, modum rei, hoc est olei quantitatem et fluctuum illius inspersu sedatorum magnitudinem, non fuisse additum. Ut non habeam, quod respondeam, si quis totam rem non de fluctibus accipiat, qui navibus periculum creare possint, sed de iis qui piscatoribus et urinatoribus obesse, exasperata superficie et inde turbato visu. Et sane notatu dignum est, haec duo ab auctoribus jungi: oleum pacatum reddere mare, et, aspera maris natura mitigata, visum juvare urinatoribus. Id, quod clarius patebit ex iis, quae de altero hoc olei beneficio statim asseram.

Ari-

*d)* Nat. hist. L. II. C. CVL.

Aristoteles, qui *e*) multus est in ratione reddenda, cur, si aqua lapsa in aurem sit, oleum, quo humor effluat, instillemus, arbitratus scilicet, aquam oleo adhaerere et ab hoc effluente appendicem trahi; aut cur minus aures urinantibus rumpantur, si oleum instillatum habeant; de oleo, ad visum eorum juvandum utili, nihil refert. Neque in iis locis *f*) urinatorum mentionem facit, ubi disputatio de maris pelluciditate hoc requirere videbatur. Quid? quod in altero loco, quo disputatur, cur mare minus dilucidum sit Austro flante, quam Aquilone; observationi et sententiae, quam veteribus tribuunt, plane contraria adest. Nempe pinguedinem, quae in aqua marina infit, causam esse, cur mare minus translucidum fiat, quando Austro flante, tepidiorique mari, succus iste sua levitate per summa panditur. Diserte addit, aquam translucidiorē esse quam oleum; hoc enim colore obduci, illam vero, ut coloris expertem, apertiorē sui inspectionem praestare. In altero loco, inter varias causas, ob quas mare pellucidius videri possit, quam aqua potui idonea, cum tamen gravius sit, quaerit etiam: utrum inde hoc accidat, quod pinguius sit? Nam si oleum assusum efficere possit, ut melius per aquam incernere sit; merito dilucidius fieri mare, quod in se habeat pinguedinem. Ecce istam, de oleo, aliorum opinionem; minime vero ab Aristotele receptam. Is enim repetit, oleum non esse perspectius, quamvis levius, aqua; et hac ipsa instantia ostendit, non usque quaque verum esse, quod leviora sint quoque pellucidiora. Quid, quod in dubium videtur revocare observationem ipsam, quod aqua marina pellucidior sit potabili: opinione scilicet inde nata, quod aqua falsa purior est, arena facile subsidente, aqua vero dulcis, sive a fonte fuerit seu a flumine, terram et faecem admixtam habet, quae visum turbat. Eidem solutioni acquiescit etiam in tertio loco.

Haecenus Aristoteles. Cujus mentem minus perspexisse, aut perperam expofuisse, videtur Plutarchus *g*); nisi alium ejus locum, mihi

*e*) Problem. Sect. XXXII. 10 et 11.

*f*) Ibid. Sect. XXIII. 8, 9 et 38.

*g*) Quaeq. nat. XII.

hi non lectum, forte omnino deperditum, ante oculus habuerit. Dum enim quaestionem movet, cur mare oleo conspersum pellucidum fiat et tranquillum? an, ut Aristoteles inquit, spiritus a laevitate delabens istum nullum inferat neque flustum cieat? respondet, hoc quidem probabiliter dictum esse, si sermo sit de iis, qui extra aquam constituti per illius superficiem inspiciant; verum de urinatoribus non posse hanc causam allegari, cum hi oleum in os sumere, eoque efflato lucem in fundo habere, ac perlucidam reddere aquam dicantur. Cogitandum itaque esse de alia explicatione. Quae, si recte eam percepi, huc redit: Oleum vi perrumpere aquam maris terrenam atque inaequalem, et in illa efficere meatus luci magis pervios; aut etiam laevigare et ad aequabilitatem reducere aërem mari permixtum, qui sua quidem natura perlucidus, turbato mari inaequalis et obscurus evaserat. Idem fere repetit in altero loco *h*). Ceterum ex aliis humoribus oleum pellucere maxime, plane non dubitat hic auctor, ut multo infectum aëre: cuius rei argumentum sit levitas, qua omnibus, ab aëre sublevatum, innatat. Et huic ipsi aëris, in oleo, copiae hoc loco acceptum fert, quod, dispulso humore, lucem copiosius admittat in maris profundum.

Plinii locus paullo ante a me allegatus est: Mare oleo tranquilli; et ob id urinantes ore spargere, quoniam mitiget naturam asperam, lucemque deportet. De sola tranquillitate quae urinatoribus lucem praebeat, non quae navibus securitatem praestet, sermonem hic esse, verborum nexus suadet. Deinde novam subindict rationem, qua oleum lumini admittendo inservierit. Non eam, quam Aristoteli tribuerat Plutarchus, scilicet, ut per superficiem introspicere volentibus, aequabiliorem et planiorem praestet; quid enim opus fuerat ore spargere, cum nondum ingressis aquam, licuisset ex vase commodius: neque alteram quae ipsi placuerat, ut per mare perrumpens vias luci faciliores aperiret; tum enim asperitatis mentio non fuisse.

*h*) De primo frigido.

fuiſſet loco: ſed tertiam, inter illas mediam, ut mare jam ingreſſi oleum ore ſpargere, quo ſuperficie partem laevigatiorem efficerent et lumini admittendo quaſi fenestram aperirent. Quae ſi ita ſe habebant, oleum in ſuperficie natans non conſpicilii, ſed laternae, vel lentis illuminantis vicem gerebat.

Utrumque in parvis profunditatibus et in aqua admodum quieta fieri poſſe, experimenta fidem faciunt. Quod ſi enim ſcapho, aquae pleno, olei una alteraque gutta inſtilletur; videbimus illam, in ſuperficie, in lentis magis minusve convexae elegantem formam coire, et reſpectu eorum quae in fundo jacent, vel, ſi is nimium abſit, ope aliqujus inſtrumenti ad juſtam profunditatem ſubjiciuntur, microſcopii non ſpernendi uſum praeflare. Veteres, qui quomodo haec fierent, ab optica ſcientia non ſatis inſtructi, explicare vero modo non poterant, falſam rationem, ſed quae magis obvia eſſet, ſunt ſecuti, diſtinctionemque, quem oleum praeflare obſervarent, viſum, non auctiori obſectorum imagini, ſed majori olei pelluciditati, acceptum ferebant. Plane ut multos novi, eosque non ex vulgo homines, ſed litteras et pene dixerim phyſicam et mathematicam doctos, quibus, mira judiciorum et ſenſuum confuſione, neque a teleſcopii neque a microſcopii uſu obſecta auctiora, ſed tantum diſtinctiora fieri videantur: quique, ſi obſecta in juſto majorem imaginem diſfuſa, parca luce ſplendere animadvertant, praeter vitri polituram parum exquisitam nihil habeant, quod ob lucis defectum accuſent.

Utrum illud experimentum, cum aliquo ſucceſſu, ad profundiores minusque quietas aquas, et ad ipſius maris fundum perluſtrandum, traduci poſſit, aut unquam traductum ſit; de hoc quidem jam non laboro: et viderint, quorum viſus in remotiora magis valet. Certum eſt enim, oleum in maris ſuperficie effuſum, ob convexam in quam coit figuram, non tantum myopibus profuturum eſſe, quantum preſbytis. Etenim, utriſque quidem prodeſt ad diſtantias mi-

*Commentat. Mathematic. T. I.*

F

nores,

nores, quam quo visus eorum perfecta acies se extendit. Atqui haec apud istos saepe vix ad unum alterumve pollicem pertingit; apud hos autem ad spatia immensa. Et urinatores, quantum scio, non observationes microscopicas venantur in proximo, sed praedas in profundo. Consentaneum autem est, si unquam, vel apud veteres vel a nostris hominibus, oleum ad tales usus adhibitum fuit, eo potius modo fuisse, quem paullo ante exposui, quam quem autorum veterum verba indicare videntur: dum de urinatoribus mare jamdum ingressis, de fluctibus sedatis, de maris aspera superficie vel tota adeo natura laevigatis, de majori olei perspicuitate, referunt. Quamquam ne hoc quidem negaverim, superficiem spuma, pulvere et aliis sordibus levioribus obsitam, purgari eo loco quo oleum insidet, et pellucidior fieri eodem fere modo, quo chartae, ligna et similia oleo inuncta, partim pellucidiora fiunt, partim coloribus multo vividioribus enitescunt. Verum, si ita res erat comparata, ut ego arbitror; non est, cur veterum industriam, in efformandis ex materia fluida conspiciis, imitemur: quandoquidem paratis ex firmiori, et cujusvis oculi naturae, desiderio vel vitio accommodatis, abundamus. Quid, quod telescopiis uti, ad maris fundum penitus inspicendum, didicimus. Quae insuper hoc commodi habent, ut ne ab inquieta quidem, aut turbulenta, maris superficie, quae nudum oculum, vel lente simpliciter armatum, nullo modo admitteret, usus eorum cesset.

Redeo ad mechanicos olei, aquis superfusi, effectus. Duos esse volunt: alterum, quod fluctus ab alia causa in aquis prius excitatos sedet, vel, ne excitentur omnino, caveat: alterum, quod fluctus in aquis excitet, cum antea essent pacatae. Illum, ut mihi suspectum, statim ab initio missum feci, neque attigissem, nisi illius mentio, apud veteres, cum narratione de effectibus olei opticis conjuncta esset. Hunc jam uberius exponam.

Franklinus, navi vestus, calicem vitreum, infusa aqua et superfuso oleo, addito ellychnio in lampadem extemporariam et motuum pati-



patientem adornatum, filo suspenderat ex summo conclavi. Qui, cum a navi nutante hinc inde vibraretur penduli more; cetera quidem non habuit, quod mireris, in hoc autem philosophi mentem in admirationem rapuit, quod videret, olei quidem superficiem in vase neutiquam moveri, aquae autem superficiem continuis motibus et fluctibus agitari. Et ne quis autemet, diversam olei et aquae naturam hoc effecisse, ut idem motus navis in hac quidem fluctus excitaret, in illo non excitaret: ecce aquam etiam ad quietem redire, postquam oleum lucernae consumptum esset et aquae superficies ab eo liberata. Hinc videbatur merito concludi posse, aquae fluctus esse ab oleo incumbente; modus autem, quo oleum istos fluctus produceret, et ratio, quid ita produceret, eo obscurior et impeditior esse debebat iis, qui scire se arbitrantur, idem oleum, rebus paullo mutatis, in aquam effectum plane contrarium habere. Paradoxon erat, oleum eodem modo adhibitum, aquae fluctus qui adessent sedare, qui non adessent, excitare. Erant, qui haec uno eodemque modo fieri arbitrantur: ut scilicet eadem actio olei, pro diverso aquae statu, effectus haberet in se similes, nomine tantum diversos. Et sane nihil frequentius accidit in rebus mechanicis, quam ut eadem vis corpus in motu offendens sistat, quae idem in quiete offendens moveat. Sed aliter tum visum est ingenioso observatori: mihi vero, de altero illorum phaenomenorum jam non quaerenti, ne dicam plane non credenti, neque de eo est laborandum, utrum ista lex generalior aliquid facere possit, ad illa concilianda, nec ne.

Antequam vero de explicatione phaenomeni omnino quaerem, videbam observationem ipsam mihi esse repetendam, saepius quidem, et singulis illius momentis et conditionibus per omnes modos variatis; ut scilicet ex mutato effectui, appareret, quid quaelibet earum, ad illum producendum, faciat. Quorum experimentorum utilitas, non in sola observationis Franklinianae explicatione subsistere videbatur, quamquam nec haec spernenda esset scientiae hydraulicae studio;

F<sup>o</sup> 2

sed

sed ad alias etiam res, partim majores, quin ad ipsos aestus et fluctus marinos, aliquam posse habere applicationem; quamvis non eam, quae a multis, vereor ne frustra, speratur, ut fluctuum natura perspecta, eorum impetum oleo frangas; sed fortasse hanc, ut praevidere, ut cavere, ut cedendo non nunquam declinare possis.

De motu penduli, ex gravibus diversae indolis compositi, quaeri videtis, auditores. Hinc primo materias ipsas, deinde earum compositionem, denique motum, a me variari aequum erat, qui vellem deprehendere, quae cujuslibet sint partes in illo effectu producendo. Quandoquidem autem multo facilius est, cognoscere leges motus in corporibus solidis, quam in fluidis, ubi, propter subtilitatem molliamque, ratione facilius quam usu deprehenduntur: in rigidis facilius quam in flexilibus; ab istis quoque initium feci. In compositione penduli huc etiam respexi, ut corpora vel solida vel fluida, in pendulis vel rigidis vel flexilibus, postremo pendula ipsa in pendulis haerentia, hoc est, pendulorum systemata, experirer; et ut varias ubique pendulorum longitudines adhiberem. Motus varietas, partim in majoribus et minoribus circulorum portionibus, quas pendula describerent, partim in rotationibus circa axes, vel horizontales vel perpendiculares, quaerebatur.


Haec omnia satis diligenter egī; experimenta ad calculos revocavi, et singula momenta suo loco in tabulas retuli. Cum autem in fine laboris appareret, bonam illius partem non proxime facere ad olei motus explicandos; ne extra oleas, aut justos commentationis limites evagarer, seposui pleraque ad alios usus, et jam unice referam ea, quae circa fluidorum in vasis oscillantibus motum observavi.

Sit vasculum, cujuscunque formae, pendulo rigido firmiter junctum, ex parte repletum fluido aliquo, cujus hic sola gravitas spectetur. Pendulo utcumque inclinato, fluidi superficies collibratum horizon-

rizonti situm sibi vindicabit; hinc priorem in ipso vase situm mutabit, et alias aliasque illius cavitates occupabit. Ex quo autem pendulum vibrationes suas edere inceperit, fluidi in vase situs non amplius mutabitur, superficie constanter eundem locum obtinente, quem in vase libere dependente occupasset. Nempe omnibus fluidi particulis, prout a centro motus magis minusve absunt, impressa vi centrifuga majori vel minori, dubium non est, quin, si nulla ipsis esset gravitas, nulla inertia, in vibrati vasis fundo eodem modo consisterent, quo per gravitatem in vase immoto consistunt: nisi quod in hoc superficies fluidi convexa, in illo concava est. Et lentissima quidem oscillatio huic rei sufficeret in fluido perfecto. Cum autem vis tum gravitatis tum inertiae, relata ad vim centrifugam ab oscillatione oriundam, major esse possit, quam ut illius effectus negligatur; gravitatis tum maxime, cum vis centrifuga cum ipso motu penduli, in fine cujusvis vibrationis, sensum deficit; inertiae vero, ubi contraria ratione pendulum ab aliquo percussu concitatur: hinc merito quaeritur, quae mutatio superficiei fluidi, vel in figura vel in situ, inde eveniat? Videtur autem haec esse, ut fluidum magis magisque restagnet, tantoque aegrius sequatur penduli motum, quo magis ille vel remittit circa extrema arcus descripti, vel concitatur ab aliquo impulsu subitaneo. Ita quaevis penduli vibratio, et quaevis subita illius concitatio, cum aliqua superficiei fluidi oscillatione contraria conjuncta est. Potest autem adeo levis vel adeo brevis esse, ut in ipsis experimentis non percipiat. Sed ne tum quidem, cum pendulum a nullo externo impulsu urgetur, sed haecenus libera est ejus vibratio, ut a sola fluidi gravitate procedat, vasis adeo pondere seposito, ideo ab omni fluctuatione cessat. Cum enim partes fluidi, centro oscillationis superiores, ex penduli compositi formula celeriores vibrationem affectent, inferiores autem tardiores, quam quae est ipsius vasis, et partium in ipso centro constitutarum; urgebitur hinc vasculum a fluido, inde fluidum a vasculo. Ex utroque motu componitur, ut in corpore solido conversio circa punctum penduli in quo haeret, ita in fluido con-

versio circa centrum oscillationis. Istum tamen vorticem, non magis necesse est, fluctus in superficie, per vim centrifugam collibrata, excitare, eamque veluti perrumpere, quam necesse est hoc fieri in fluido stagnante, cujus interiora saepe diu multumque moveri videmus, cum superficies a gravitate collibratur et plana est. Iste motus internus inprimis contigerit in vasis majoribus et centro motus propriioribus. Ceterum, cum sic quoque oculos effugeret, experimenta ita erant instituenda, ut, si omnino aliquis esset, eo usque augetur, ut superficiei situm turbaret. Hinc quovis modo augenda erat differentia inter longitudinem penduli simplicis, cujus celeritatem aequabat compositum, et inter distantiam fluidi a centro motus. Quod commodè fieri poterat, vasculo locum suum servante, adhibito autem novo pondere satis magno: quod junctum pendulo inter vasculum et centrum motus, celeritatem ita augebat, ut major esset celeritate fluidi sigillatim oscillantis, hoc est, ut centrum oscillationis esset omni fluido superius: junctum autem pendulo, ultra vasculi distantiam, vel etiam ultra centrum motus, productum, celeritatem penduli ita retardabat, ut minor esset celeritate fluidi sigillatim oscillantis, hoc est, ut centrum oscillationis esset omni fluido inferius. Consequens erat, in utroque casu, ut fluidum juxta periodos penduli undularet; verum alio, quam expectaveram, ordine. Nam ubi tradior erat oscillatio libera fluidi, quam vasis, superficies tamen antrorsum exundabat et motum vasis quasi praecurrebat; ubi velocior erat oscillatio libera fluidi, quam vasis, superficies tamen retro exundabat, seu restagnabat. Cujus phaenomeni ratio ab impulsu repetenda est, quem liquor tardius descendens a vase celeriori patitur: cujus effectus adhuc durat et fluidum ultra limites evehit, dum vasculum in ascensu citius pigrescit moxque relabitur. Hujus enim motus pendulo adstrictus est. Sed, si in media vibratione pendulum subito sisteretur, et rigorem, inter vasculum et pondus additum, perderet; videmus etiam vasculum continuare motum suum et ampliorem arcum describere, quemadmodum jam fluidum, quousque licet, evagatur.

Vide-





Videtur quidem, primo intuitu, res aliter comparata esse, quando motum suum non repente, sed sensum, perdit; fluidumque aliam non habere celeritatem, quam vasis ipsius, quo continetur et cujus motu vegetatur. Verum haec dubitatio facile tollitur.

Nempe vasculum et fluidum, a, cum a dextris descendendo ad Fig. 1. situm verticalem e a, pervenit pendulum, urgente pondere  $\alpha$ , quod in descensu arcum aequalem arcui  $\alpha$  descripsit, eandem celeritatem acquisiverunt, ac si a majori altitudine essent delapsa, et majorem arcum, aequalem arcui d a, descripsissent, quam is est, quem revera descripserunt, aequalis arcui c a. Ita ut, si eo momento auferretur pondus additum, vasculum nihilo secius ascendendo descripturum esset arcum a d, aequalem illi, per quem descendere debuisset, ad hanc celeritatem obtinendam. Et fieri potest, ut haec celeritas tanta sit, quantam ne quidem lapsus per totum semicirculum produxisset; quo casu vasculum, si jam sibi permetteretur, motum non reciperet, sed continuaret. Verum impeditur a penduli, cui junctum est, angustioribus oscillationibus. Fluidum vero, paullo liberius agens, ab eo tempore, quo vasis celeritatem aequavit, illam praeire incipit; ideoque in hanc partem, in quam utrumque fertur, exundat. Quo puncto b ascensus hoc accidat, pendet a legibus, juxta quas pendulum  $\alpha$  e arcum  $\alpha x$ , et pendulum a e arcum a d describunt i). Cum enim

i) Problema huc redit, ut datis radiis a e = r, a e = R, arcu  $\alpha x$  five a c, et arcu a d; quaeratur arcus a b, in cujus extremo b, sint aequales celeritates, hinc fluidi debita descensui per h b, inde vasis debita partim descensui ponderis per  $\gamma \beta$ , partim radio e  $\beta$  in b producto. Dicatur c, celeritas ponderis in  $\beta$ ; C, celeritas fluidi in b;  $\mathcal{C}$ , celeritas vasis in b. Erit

$$C^2 : c^2 = h b : \gamma \beta$$

$$c^2 : \mathcal{C}^2 = r^2 : R^2$$

$$\text{hinc } C^2 : \mathcal{C}^2 = r^2, h b : R^2, \gamma \beta$$

Erit igitur  $C = \mathcal{C}$ , ubi  $R^2 : r^2 = h b : \gamma \beta$ .

Est autem  $r : R = \gamma \beta : g b$

Ergo etiam  $C = \mathcal{C}$ , ubi  $R : r = h b : g b$

vel  $R - r : R = (h b - g b) : g h : h b$ .

Quoniam itaque datum est  $g h = l k$  per sinus versos datorum arcuum; hinc quaeritur  $h b = l m$  per simplicem regulam proportionum. Quo subtracto a sinu verso l a, superest a m, sinus versus arcus a b quaesiti.

enim arcus  $\alpha$   $\times$  celerius absolvatur, quam arcus  $a$   $d$ , pendula autem eodem momento utrumque describere incipiant: necesse est, ut ab aliquo inde puncto arcus  $a$   $c$ , celeritas fluidi superet celeritatem vasis, per hunc arcum ascendendis. Ab eo puncto fluidum incipit vasis latus versus  $d$  premere. Quoniam autem supponitur, fluidi vim parum posse contra ponderis, a quo vasculum movetur; hinc illa pressio non accelerabit vasis oscillationem, sed efficiet, ut fluidum versus eam partem exundet, quemadmodum in descensu restagnavit in alteram partem, a tergo urgente vase. Simili modo fieri potest, ut primus flatus, qui maris fluctum excitat, prius languecat, quam fluctus ille impulsus; hinc etiam evenire, ut fluctus ante interdum ad nos veniant, quam venti  $k$ ). In reditu penduli perinde est; et fluidi relapsus jam quoque vehementior, quo altius fuit evectum.

Contra, ubi vasis oscillatio lentior est, quam fluidi; hoc quidem vibrationem suam jam absolvit, dum illud suam adhuc continuat. Vel, quod similem habet eventum, penduli lentitudo fluido permittit, ut ad genium suum redeat et superficiem fere horizontalem servet; quod fieri alio modo non potest, quam ut margo anterior in vase descendere videatur. Vi centrifuga, ob parvitatem, parum impediens istum situm.

Similem rhythmī diversitatem, qua fit, ut fluidum in vase celeriori exundet, in tardiori resuat et restagnet, observavi etiam in corporibus solidis; nempe in veste, qui pendulo iungebatur, et in duorum gravium, ex eodem filo pendentium, varieque dispositorum, oscillationibus.

Praeterea similis est fluctuum ratio, si vasculum centro motus superius collocetur. Aut si super horizontale planum motus reciprocet;

$k$ ) Aristot. Probl. Sect. XXIII. 2, et nisi fallor meliores, rationes asserit. 12 et 28. Ubi tamen alias quoque,



cet; aut manu prehensum motu utcumque oscillatorio succussum fuerit.

Oleum olivarum, eadem quantitate, eodem modo adhibitum, perinde addici videbatur atque aqua.

Ab his transeo ad experimenta in duobus fluidis, oleo scilicet aquae insidente, capta. Ut effectus ratio eo luculentius se proderet, experimentorum conditiones varie mutavi; non tamen repente, sed, quantum fieri poterat, per lentos gradus. Ex filo pendens vasculum, ope ductarii filii, cujus caput alterum priori filo nectebam, alterum in manu tenebam, per leves admodum succussus sensim concitabam, dum vibrationibus suis arcum propositum describeret, quo scilicet omnes fortuitos et irregulares impulsus averterem; qui vix caveri satis possunt, ubi vasculum, ad propositam altitudinem sublatum, ex manu emittitur. Exin liberrime genio suo permissum, in fluidis sequentia constanter ostendebat.

In olei summa superficie nullus motus, nulla succussio, observabilis erat; sed locum illa suum in vase tenebat.

Summa aquae superficies, vel, quod perinde est, inferior olei basis, fluctuabat veluti media haerens in axe aliquo horizontali, utrinque in cardinibus versatili.

Inter istas fluctuationes non plana erat; sed ea fluidi portio, quae in oppositum fluidum concitabatur, impressione sua, sinum seu vasculum in eo efficiebat.

Fluctuatio eo major erat et sinuosior, quo ampliorem arcum describerent pendula ejusdem longitudinis. Si autem arcus essent similes, fluctuatio major erat in mediocri pendulorum longitudine: Ita ut, ad septem aut octo pedum longitudines, vix ullam observarem, nisi arcus esset triginta aut amplius graduum.

*Commentat. Mathemat. T. I.*

G

Rhyth-

Rhythmus illius fluctuationis haftenus quidem respondet oscillationis rhythmico, ut totidem contingant fluctuationes, quot penduli oscillationes; verum uterque motus non eodem temporis instanti incipiunt vel desinunt, sed varie tempora inter se dividunt, pro varia penduli longitudine et celeritate.

Fig. 2. Cujus rei jam distinctius rationem reddam. Notabit N alteram oram basis vasculi cylindrici, in plano oscillationis existentem; n, oram basis communis inter oleum et aquam; v, oram superficiei summae olei. Similiter, in parte opposita, notabunt M, m,  $\mu$ , illis respondententes oras.

In filo brevissimo liberas oscillationes peragente vasculo, n, infimum (n N minimum) pertinet ad N, altissimum. Hoc est, quo momento N, ascensum suum peregit, eodem n, descensum suum peragit. Punctum autem v, servat distantiam suam a puncto N.

Filo paullulum producto, descensus olei n, jam maximus ante fuit, quam vasculum N, ascensum suum finiit.

Filo porro crescente, n, infimum pertinet ad N, infimum; nempe ad situm penduli rectum.

In filo adhuc longiori, maximus olei descensus n, contingit antequam vasculum N, descensum suum peregit.

Tandem n, imum locum occupat eo ipso momento, quo N, a summo descensum inchoat. Quod sane perinde est, ac si dicam, eo momento m, et M, occupare locum summum.

Idem in reditu accidit punctis M, m,  $\mu$ , quod in itu punctis N, n, v. Ut, si in fine itus punctum n, altissime ascendit; in reditu sine punctum m, quantum potest ascenderit. Ita typus A, transit in typum B. Breviter haec ita exprimuntur: In pendulo brevi olei

olei celeritas major est, in longo aquae. Nam istos descensus et ascensus puncti n, esse, illum ab olei, hunc ab aquae, versus istas partes congestione et exundantia, palam est. Hanc vero exundantiam ita intelligi volo, quemadmodum huc usque usurpata est, ut vasculum eodem feratur. Et si enim, quamdiu summa superficies locum suum tenet, congestio unius fluidi in unam partem fieri non possit, sine congestione alterius fluidi in partem oppositam; illam tamen exundationem appellare fas sit, quae fit secundum motum vasis, alteram restagnationem, quae fit contra motum vasis. Ergo in brevibus pendulis oleum exundat maxime in fine ascensus; in longioribus in medio ascensu; deinde in principio ascensus seu in fine descensus; in medio descensu; statim ab initio descensus. Si ultra hanc longitudinem crescat pendulum, oleum non amplius exundat, verum restagnat; aqua vero, quae hucusque restagnaverat, et quidem eodem typo, quo oleum exundavit, ab hac inde longitudine exundat. Hoc est, non olei amplius, sed aquae maxima congestio porro fit juxta motum vasis. Non enim observavi, rem ad priorem typum redire; sed et tota exundatio sensim ita languescit, ut oculos fallat denique. Figura adjecta rem totam melius declarabit. Areolae A, B, C, D, Fig. 3. E, F, G, H, ostendunt fluidorum aspectus, in tota aliqua oscillatione sibi succedentes. In brevissimo pendulo pertinent A, B, C, D, E, ad itum, E, F, G, H, A, vero ad reditum. In paullo longiori, descensus in itu incipit a B, et ascensus finitur in F; descensus in reditu incipit apud F, ascensus finitur in B, nempe hoc ordine F, G, H, A, B. Denuo producto pendulo, ordo successione in itu is est C, D, E, F, G; in reditu G, H, A, B, C. Porro iste D, E, F, G, H; et H, A, B, C, D. Postremo itus fit per figuras E, F, G, H, A; reditus per A, B, C, D, E: utrasque eodem quidem ordine sibi succedentes, quo in pendulo brevissimo, verum ad vasis motum e diametro oppositum pertinentes.

Fig. 4.

Ceterum iste motus nihil aliud est, quam fluidorum conversio circa horizontalem aliquam axem: nam et sinus et decerptae hinc inde, in motu vegetiori, a fluidis laciniae, circularem incessum affeçant: fluidorum interim limite communi e a c, fortius adhaerente ad vasis latera, et motus impressionibus difficilius cedente, quam in mediis partibus a nexu vasis liberis. Superficies enim, quae oleo obducta est, aquam admittere recusat, et vicissim quae aqua obducta est, oleum. Inde olei plenus sacculus a d e, in aquam descendit; aquae plenus a b c, in oleum ascendit. Ista utriusque humoris convolutio, in brevissimis pendulis fit tota, respectu olei, antrorsum; in longissimis respectu aquae, antrorsum. In mediis primas partes habet, ab initio oscillationis oleum, in fine oscillationis aqua; ita quidem, ut quo magis crescit pendulum, eo magis illa praerogativa in oleo minuatur, in aqua augeatur. Ut si, in campana celerrimas oscillationes edente, pistillum oris partes in summo versantes feriret; in lentissimis oscillationibus partes imas; in mediocri celeritate alterutras quidem, verum neque in summo, neque in imo tum versantes, sed in media aliqua sive descensus seu ascensus altitudine.

Haftenus vasculum pendebat ex filo. Ubi autem pendulo rigido appensum esset, eadem quidem, quae in filo, eveniebant, quamdiu libero motui permetteretur, ipsiusque vestis pondus in censum non veniret. Verum ubi, ingenti pondere addito, penduli celeritas, pro vasculi distantia, notabiliter major fieret vel minor; fluidorum quidem communis superficies easdem fere mutationes patiebatur, quas in superioribus experimentis a fili longitudine mutata; sed adjugebant se novae undationes summae olei superficiei, quales experimenta in fluidis sigillatim consideratis ostenderant. Nempe, horum respectu, perinde erat, sive unicum vibraretur fluidum, seu in vase communi duo. Ergo jam non puncti n, m, modo, sed et alterius r,  $\mu$ , distantiae a puncto N, M, variables sunt.

Ut

Ut distinctius pateret, quomodo effectus a conjunctis illis causis pendeat, et quid quaeque in eo variet; experimenta eo ordine institui, quem adhibent in solvendis problematibus, una plures quantitates variabiles continentibus: ut scilicet videant, quid futurum sit, singulis per omnes valores mutatis, dum interim ceterae suos retinent. Nempe vasis, quod fluida continebat, distantiam a centro motus, per justa intervalla, ita mutavi, ut certus essem, ab uno conversionis fluidorum modo ad alterum me transisse: ab olei exundatione, ad exundationem aquae; a brevi (hujus respectu) pendulo, ad longum.

Ac primo quidem in longo pendulo, cum, pondere addito, oscillationes, quantum fieri licebat, accelerarem; aqua in fine ascensus exundabat, tum et olei superficies ibi elevabatur: haec tamen minus, illa magis; ut altitudo  $n$ , olei tum minor esset, quam in quiescente pendulo, et oleum restagnaret. Retardato amplius motu, pergebat aqua exundare in fine ascensus, oleum autem restagnare, superficie vel quiescente vel antrorsum descendente. Ergo  $n$ , iterum minus erat in fine ascensus, quam in quiete; verum obscurius: quia tam exundatio, quam restagnatio, fluidorum languescebat. Ceterum in his duabus observationibus nihil praeter expectationem accidebat. Fig. 5.

In brevi pendulo, cum, pondere addito, oscillationes quoad Fig. 6. liceret accelerarem; et oleum exundabat in fine ascensus, et totum fluidum compositum exundabat: ita, ut  $n$ , et  $N$ , esset majus quam in quiete. Verum, ubi pendulum manu prehensum adhuc magis accelerarem; eventus erat varius, prout istae succussiones magis minusve aequabiliter, in arcu amplo vel angusto, fierent. Interdum accidit, ut aqua plane quiesceret, oleum autem vehementissime conqussaretur; eventus, qui Franklinianae observationi e diametro esset oppositus.

Retardato modice motu, oleum pergebat in fine ascensus exundare vehementer, totum autem fluidum obscurius. Quo magis autem retardaretur oscillatio, eo magis olei motus ad typum longorum pendulorum transibant: penduli scilicet tarditate sensim compensante iusto minorem fluidorum, a centro motus, distantiam.

Fig. 7.

Denique oleum restagnabat, totum fluidum restagnabat, aqua autem exundabat: vel, quod perinde est,  $Nn$ , erat majus,  $n\gamma$ , et  $N\gamma$ , autem minus, quam in quiete. Quid? quod  $n\gamma$ , saepe evanescit, oleo omni in partem oppositam coacto, aut ibi relicto. In lentissimis oscillationibus, oleum et aqua a situ, inter se et ad horizontem, parallelo proxime aberant. Ceterum in his quoque observationibus nihil praeter expectationem accidit. Nempe, quae circa diversas longitudoines, et circa oscillationes vel acceleratas vel retardatas, theoris observata fuerant, junctim etiam valere et indolem suam retinere visa sunt. Ut, qui effectus simplicis causam reddiderit, possit etiam compositi reddere.

Fig. 8.

Ut experimentorum compositorum ratio uno obtutu perspiciatur; eorum schemata, juxta duplicem mutationum seriem ordinata, exhibeo in figura adjecta. Cujus respectu notanda sunt, quae sequuntur.

1) Situs fluidorum depictus est, qualis erat in summo, eoque dextro, penduli ascensu.

2) Hic situs est referendus ad fundum vasis, non ad horizontem; ita, ut quaelibet areola quadrata vasculi ipsius cylindrici sectionem sistat.

3) Figurae non semper exprimunt maximas fluidorum exundationes aut restagnationes; sed quales erant in fine oscillationum. Sic pendulo  $M$ , summa altitudo  $n$ , non illa erat, quam figura exprimit; contingit enim demum in relapsu penduli.

4) Quae-

4) Quaelibet series horizontalis ad eandem vasculi, a centro motus, distantiam, seu penduli simplicis longitudinem, celeritati fluidorum libere oscillantium respondentis, pertinet: summa series ad minimam, deinde descendendo ad majores, infima ad maximam.

5) Series perpendiculares pertinent ad diversas pendulorum simplicium longitudes, respondentium celeritati fluidorum, a pondere addito coactae oscillantium. Nempe series quaelibet pertinet ad eandem longitudinem: sinistra ad minimam, dextra ad maximam.

6) Exempli causa, areola B, ostendit fluidorum, in fine ascensus, situm, eo casu, ubi naturales eorum oscillationes respondent celeritate pendulo simplici F B; coactae autem, pendulo simplici C B. Ubi ergo  $AB = CB$ , libera oscillatio celeritate aequalis est coactae, et pondus superadditum pro non adjecto reputandum, ita nempe adjectum, ut locum centri oscillationis non mutet. Idem est dicendum de omnibus areolis in diagonali D E.

Porro  $FG < CG$ ; hinc celeritas naturalis fluidorum impeditur a pondere addito. Idem valet de toto triangulo D E O. Vicissim  $HI > KI$ ; hinc ostendit I, quid futurum sit, ubi vasculum ad celeriores oscillationes concitatur, quam quas libere obiturum esset. Similiter ceterae in triangulo D E L, areolae.

7) Fluidum in vasculo conclusum, in istis etiam, quas liberas dixi, oscillationibus non liberum est, et eo minus, quo majus est ipsius volumen, respectu distantiae a centro motus. Hinc non est mirum, quamquam pondere alieno non superaddito, easdem tamen mutationes, modo obscurius, ostendere haec pendula, quas ostendunt luculentius, a pondere alieno coacta. Ita in diagonali D E, licet fluida ab alieno pondere non cogantur, coguntur tamen a suo; quandoquidem non in uno puncto collecta, sed per vasculi cavitatem diffu-

diffusa sunt. Hinc liberior esse non potest eorum motus, quam si ex filo penderet; et tanto minus liber est, quanto minus pro simplici haberi potest pendulum; hoc est, quo propius a centro motus vasculum, respectu ad magnitudinem habito, abest. Inde est, quod figurae, quae in diagonali D E, situs fluidorum mere parallelos ostendere debere videbantur, non ostendant, nisi satis remotae a puncto D. Propiores totius fluidi situm satis servant; partium vero, ex quibus constat, olei et aquae, situs mutant, quemadmodum de suspensis filo ostensum fuit. Minus mutarent, sine dubio, si ad minores distantias adhiberentur etiam vasa minus profunda, vel minus lata, vel in genere minora.

Duo sunt, praeter ipsam oscillationem, motus fluidorum in his experimentis genera: undatio et jactatio totius fluidi in vase: jactatio et conflictus partium fluidi inter se. Illa est a differentia inter celeritates fluidi et vasis; hic a differentia inter celeritates partium fluidi. Prior accedit, quia fluidum distat a centro oscillationis; posterior, quia fluidi partes non aequaliter distant a centro oscillationis. Ad quod accedit, in duobus fluidis, inaequalitas lentoris ac specificae gravitatis et immiscibilitas.

Uterque motus vehementior est, ubi in isto distantia, in hoc distantiarum discrepantia, ad pendulum simplex, magnam rationem habet.

Separatim isti motus existere nequeunt. Nam neque fluidum distare potest a centro oscillationis aliter, quam ut partes inaequaliter distent; neque partes inaequaliter distare possunt ab illo centro, nisi fluidum ipsum distet.

Verum uterque motus vel juxta crescunt ac decrescunt, vel contra. Hinc prior fere solus obtinet apud O; posterior apud D, et sequentes areas diagonales, quae continent observationes Franklinianas; neuter apud E ultimum; uterque plus minus in ceteris.

Item:



Item: apud E, neutra summarum superficierum situm suum in vase mutat; apud O, utraque mutat; apud D, aquae; apud L, olei.

Ex D, in O, olei superficies magis magisque deficit a motu vasis. Ex O, versus E, sensim ad motus aequalitatem iterum ascendit. Ex E, in L, eadem magis magisque eundem praecurrit. Ex L, in D, sensim ad aequalitatem motus iterum descendit. In diagonalibus D E, servat motus aequabilitatem. In diagonalibus L O, eundem ex summa concitatione in L, ad summum languorem in O, mutat.

Aquae superficiei summae haec contingunt: Ex D, in O, remissa est, et sensim planior fit. Ex O, in E, iactum vasis sensim aequat, mox superat, deinde languescit, et denique in eodem subsistit; a principio plana, deinde dupliciter flexa, postremo iterum plana. Ex E, versus L, primo concitatur, deinde remittit ad aequabilitatem; ab initio et in fine plana est. Ex L, in D, sensim magis remittit, et ex plana flectitur.

In toto phaenomeno nihil est, quod praeter opinionem fieri videatur, nisi rhythmus, quem in motu suo communis olei et aquae basis observat. Nam moveri quidem, non est mirum; et moverentur partes fluidi adeo homogenei, quamquam alio modo. Motae enim partes fluidi homogenei, in cedentes inferuntur motumque continuant, dum, sensim debilitatis viribus, quiescant eo loco, quo vires defecerunt. Verum aliter est comparatum cum fluidis diversae gravitatis et immiscibilibus. Postquam enim unius fluidi pars in alterum impressionem fecit, viresque sensim deposuit, non manet in isto loco, sed redit ad reliquam massam homogeneam, et in locum specificae suae gravitati debitum.

Neque in hoc phaenomeno quidquam est, quod ad oleum magis pertineat, quam ad corpus quodcunque innatans et difficulter miscibile fluido. Ligni, cerae orbis, aquae insidens, similiter move-

*Commentat. Mathemat. T. I.*

H

tur

tur ut oleum, neque differt, nisi defectu fluiditatis et adhaerentiae ad vasis latera. Nam ab hac, certum est, oriri illos fluidorum sinus et saccos: quia aqua et oleum fines, quos in vase tenuerant, difficulter inter se permutant. Ceterum oleum ambienti aquae innatans, et vasi nusquam adhaerens, nihilo secius primum vibrationes sequitur, et aquam praecurrit. Fig. 10 A et B.

Videtur autem is potius rhythmus expectandus fuisse, qui in areola D, finiret ascensum penduli, non maxima altitudine, non, sed minima. Verbo, non A, sed B, figurae nonae inferenda videbatur in angulum D, figurae octavae. Etenim, cum centrum oscillationis hic sit in regione aquae; consentaneum esse videbatur, aquae partem inferiorem concitari et, sensim retardato pendulo, exundare debere; id quod in filo, ad certam longitudinem producto; utique accidit. Ergo oportet, ut alia causa accedat, quae istam, in brevi filo, vincat. Videtur autem simpliciter haec esse, quod citissimis et brevissimis oscillationibus paret corpus specificè levius, idemque modo pars, et quidem pars superior, fluidi; tardioribus et amplioribus paret totum fluidum funditus *f*). Illa quoque prius languescit; hoc, ubi semel vires collegit, durat et vincit. Ubi aliter evenire videtur, ut si, ex tormento missilibus diversae gravitatis projectis, aut in descensu gravium, corpus gravius praecurrat; partim aëris resistentia, partim diversa virium indoles, conditiones mutant. Hinc in celeri jactu penduli, olei portio summa et sensim totum oleum conjicitur in illam partem, in quam se movet pendulum. Cum autem vis centrifuga superficiem in situ collibrato servet, fieri non potest, quin oleum congestum descendat in aquam ex hac parte, eidemque spatium liberum praebeat ex opposita. In reditu idem obtinet. Et sic oritur totius fluidi conversio circa aliquem axem horizontalem, modo, quem areola D, exprimit.

Au-

- f*) Fluctus uti primo coepit cum albescere vento,  
 Paullatim sese tollit mare et altius undas  
 Erigit, inde imo confurgit ad aethera fundo.

Virgil. Aen. VII. 528.

Auget, nisi ipsam conversionem, certe illius apparentem magnitudinem, inclinatio penduli et vasis, et ab ea deficiens aquae superficies. Nempe oscillatio vasis in pendulo rigido, (sejungam enim ejusdem in filo mutationes,) componitur ex conversione circa aliquem axem horizontalem, et ex motu parallelo. Illa conversio si lente fiat, dubium non est, quin limes inter fluida persistat in horizontali situ, oleique versus N, descendens speciem referat, ut in areola O. Si cito fit, cedent quidem circuli fluidi, primum majores deinde et reliqui, verum non in tantum, in quantum vasculum fuit conversum; hinc limes fluidorum, jam quoque, situm horizontalem parum mutaverit, hoc est, oleum adhuc in summo natabit, ejusque pars maxima, vel ob hanc causam, erit a latere penduli ascensum finientis superiori. Quod habet rationem areolae D, qualem figura et experimenta ostendunt.

Ubi oscillationes sensim lentiores fiunt, pars major fluidi, sufficiens spatium temporis nata, penduli celeritatem aequat.

Postquam nimis lentae factae erunt oscillationes et conversiones; hae quidem nullum amplius exercebunt jus in fluida circumagenda; et sola supererit vis centrifuga, quae ex situ horizontali, quem, ut gravia, occupatura forent, ad situm pendulo rectum ea fere evehit.

Easdem rationes, paullo aliter instructas, in scenam reducam, si cui forte ita magis arrideant. Fluidorum revolutio seu undulatio habet suam celeritatem, pro varia illorum mole, figura, gravitate et visciditate, variam. Quam si excedit oscillationum penduli celeritas, hoc est, si crebriores sunt penduli quam fluidi vibrationes; illius jam absoluta est vibratio, et pendulum redire incipit, cum hujus adhuc durat et vegeta est exundatio. Contra, ubi fluidi vibrationes crebriores sunt, quam penduli; illius aliqua undulatio jam absoluta est et residet, quando penduli ascensus nondum finitus est.

H 2

Cum,

Cum, huic explicationi stabiliendae, varios circumspicerem et experirer fluidorum motus, Frankliniano analogos; incidi in experimentum satis jucundum et aequè paradoxon, cujus descriptionem et explicationem breviter addam.

Postquam enim vasculum, oleo et aqua repletum, oscillationum in plano verticali obeundarum gratia, toties ex filo suspendissem; proximum erat quaerere, quid ostenderet ex eodem filo pendens, circa axem suum verticalem circumactum. Nam, ea ratione, motus multo aequabilior et liberior obtineri posse videbatur, quam in machina figulinis orbibus simili, aut in rota manubrio circumacta. Accedebat, quod, pendens ex filo, motum reciperaret et, fere juxta legem descensus gravium, aut pendulorum, acceleraret et retardaret. Hanc ipsam legem, non me piguit, innumeris experimentis tentare, in filo ex varia materia varie contorto institutis, fortasse alia occasione in ordinem redigendis et recensendis. Ergo, cum vasculum cylindricum, ex filo contorto suspensum, liberae conversioni permitterem, accidit id, quod nemo ignorat: in fluido oriebatur vortex, inversi conoidis forma excavatus; sensim altior, quo celerior fiebat conversio; hac autem relanguescente, sensim iterum obtusior et planior; dum filum, quod ab initio helices suas explicaverat, deinde se in alias prioribus contrarias involverat, dexteras suas conversiones finiret, mox versuram faciens, eodem successu, sinistras inceperet, a quibus nova vasculi rotatio et novi vortices in fluidooriebantur. Ita, toties redeuntem ad principia, vasis motum liquor consequitur, sed multiformi ambage torquet ingenia contemplantium. Cum enim attentius considerarem, quas mutationes subirent isti vortices, quaeque olei in illis essent partes, quae aquae; fecus quidem omnia fieri vidi, quam expectaveram, et ad quandam similitudinem eorum, quae in oscillationibus verticalibus expertus fueram.

Fig. 11. Nam 1), post primum conversionis initium, statim existebant in oleo duo coni concavi, alter erectus, alter inversus: summa nempe et

et ima olei basis concava erat: vel, quod perinde est, summa olei basis concava, summa aquae convexa A.

2) Aucta conversionis continuatae celeritate, vertices illorum conorum sensim propius ad se invicem accedunt, sese contingunt, et tandem, ad certam usque altitudinem, destruunt: conis truncatis, altero aëreo, altero aqueo, in basi minori ex opposito constitutis: oleo autem in annulum prismaticum converso, et intervallum inter aquam et aërem occupante B.

3) Inde conoides aqueus, sensim obtusior factus, denique in planam superficiem explicatur, quae conum aëreum non amplius tangit, olei circulo iterum coeunte et medium foramen excludente C.

4) Post haec aquae superficies plana transit in concavam; oleo menisci formam induente, ad vasis latus a margine a b, parum alto terminata D.

5) Porro summa olei superficies plana fit; hoc est, conus aëreus inversus, sensim obtusior factus, evanescit E. Aqua concavam superficiem aliquamdiu retinet.

6) Postremo haec quoque plana est, F. Et deinde eadem series mutationum repetitur.

Oleum est ab initio plano-planum; deinde concavo-concavum A, et B; concavo-planum C; concavo-convexum D; plano-convexum E; plano-planum. Nunquam vero convexo-convexum.

Aqua primo plana; deinde convexa A, et B; plana C; concava D, et E; plana F.

Aër primo planus; deinde convexus A, B, C, D; et iterum planus E, F; nunquam concavus.

H 3

Com-

Comparatae, ad haec phaenomena, vasis celeritates, hanc rationem tenent:

1) Lentos gyros agit vasculum A.

2) Omnium celerrime gyratur B.

3) Remittit a celeritate C; jamjam enim filum, postquam a violenta contorsione, in unam partem facta, liberatum fuerat, aequè violenter in oppositam contorquetur. Perinde itaque est comparatum, ac in pendulo, postquam hoc descensu maximam celeritatem acquisivit, et jamjam ascensu remittere incipit.

4) Pergit languescere D.

5) In transitu ex D, in E, vas siltitur.

6) Inter E, et F, jam novos gyros, prioribus contrarios, agere incipit.

7) Quibus sensim invalescentibus redit fluidorum facies A.

Explicatio phaenomenorum haec est. Primis vasis rotationibus solum oleum, quod est levius et superius et viscidius, paret; saltem celeritatem satis magnam jamdum adeptum est, cum vix sentias aquam a vasculi motu affici. Hinc solum oleum, a vi centrifuga, ad latera vasis conjicitur, ibidemque exundans, in medio exhaustum sinit. Perinde, ut in pendulo, a brevibus vibrationibus, oleum solum in latus coniectum fuit. Aquae, nondum a motu affectae, superficies plana foret, nisi ab oleo congesto deprimeretur. Qua enim vi oleum, in vasis latera congestum, illis non cedentibus, sursum urgetur, eadem quoque deorsum in aquam impellitur; quae in media regione ab olei onere levata, eodem ascendit: similiter, ut in pendulo ad latus oppositum accidit. Hinc oritur figura A, et B.

Inte-

Interim aqua etiam, spatium temporis naſta, in gyros concitatur et centrum fugiens extrema petit. Qua ſurſum urgente, cum vaſis fundus non cedat, olei vis deorſum agens ſenſim minuitur, aequatur et tollitur in C, et ſuperatur in D. Jam enim remittente et poſtremo ceſſante vaſis celeritate, oleum etiam citius languet quam aqua. Similis penduli ratio, poſtquam in rhythmum oppoſitum mutata, non olei pars craſſior extrema motus occupat, verum ſenſim pars tenuior. Etenim, quae tum oſcillationum extrema erant, ſinis ſcilicet aſcenſus, commodè comparari poſſunt, in praefenti negotio, extremis oris ad vaſis latera. Ut quaelibet harum figurarum quaſi junctim contineat ea, quae utrinque in penduli aſcenſu contingunt.

Olei gyri ſenſim adeo pigreſcunt, ut illius vis centrifuga ceſſet, aut non amplius compareat; cum interim aquae vis centrifuga continet, ut in E. Tandem in utroque fluido motus ſiſtitur, a nova vaſis, in partem oppoſitam, gyratione ſuborta. Quod accidit inter E, et F; et efficit, ut fluidi utriusque ſuperficies ad ſitum planum et collibratum paullulum redeat, F; donec fluida denuo cedant vaſi.

Cum motus, maxime variabiles et plures inter ſe comparati, difficile nudis verbis deſcribantur, difficilius, vel ex luculenta deſcriptione, intelligantur; addam figuram, quae, more geometricarum Fig. 12. conſtructionum, iſtas celeritatum mutationes, per linearum flexus et intervalla, ob oculos quaſi ponat. Linea craſſior pertinet ad vaſculum, tenuior ad oleum, tenuiſſima ad aquam. Abſciſſae ſignificant circuloꝝ extimorum celeritates, areae inter curvas et axem comprehenſae itinera emenſa, dum vel deſcendit, vel curvatis fertur ſpatiis, contorto dependens viſcere turbo. Haec omnia tamen mutationum rationem non ad numeros exprimunt, ſed ex aliquali tantum ſimilitudine. Tranſitus curvarum per axem, mutationes converſionum, a dextris, intercedente quiete, in ſiniſtras, et viciffim, indicant; vel, quod perinde eſt, celeritates poſitivas et negativas. Utriusque

usque generis maximae contingunt, in tribus gravibus, ad easdem abscissas O, A: quia conversiones fluidorum a sola vasis conversione procedunt, hinc accelerari porro nequeunt, ex quo illa causa decrefcere incipit.

Curvarum interfectiones in femiordinatis B, C, D, ostendunt, in quavis oscillatione primo oleum et aquam, deinde vasculum et aquam, postremo vasculum et oleum, ad celeritatis aequalitatem pervenisse. Qui tamen ordo mutari potest, mutata fluidorum visciditate. Neque repugnat, tria gravia, in una alterave oscillatione, ad aequalem celeritatem pervenire posse; quo facto puncta B, C, D, coincidunt.


Interfectiones E, F, G, inter axem et curvas, demonstrant, primo vasculi, deinde olei, postremo aquae motum sisti et in contrarium mutari. Haec quoque tria puncta, pro varia fluidorum et filorum natura, congruere tum inter se, tum alteris tribus possunt.

Quomodo ab his fluidorum celeritatibus, eorum gravitate et visciditate specifica, pendeant effectus virium centrifugarum et hinc figurae superficierum, in genere facile perspicitur; ad numeros haec revocare arduum est, et praeter rem.

Duobus etiam plures liquores, in eodem vase contentos, qui specifica gravitate differrent, et concussionibus satis validas, antequam miscerentur, perferrent, experimentis subjeci, tum in pendulo oscillantes, tum in filo gyròs describentes. Effectus fere in omnibus peculiari aliquo phaenomeno conspicuus est; quae, si nihil aliud, facere possint ad naturam fluidi, ut fluidi, penitus cognoscendam.







*Lichtenberg nova Exp. electr. T. 1.*

GEORG. CHRISTOPH. LICHTENBERG

COMMENTATIO POSTERIOR \*)

SVPER

NOVA METHODO MOTVM AC  
NATVRAM FLVIDI ELECTRICI  
INVESTIGANDI.

RECITATA D. XIX. DEC. MDCCCLXXVIII.

Ex quo Vestro iudicio, *Sodales*, nova quaedam experimenta circa figuras, quas in corporibus idioelectricis gignit electricitas communicata, subjeci, Vobisque ea adprobare mihi contigit, operam dedi, ut leges generaliores eruerem, quas sequuntur figurarum illarum formae, modum originis indagarem, illarum in investiganda fluidi electrici natura utilitatem exemplis declararem, methodumque ipsam denique emendarem. Experimentorum a me hunc in finem institutorum satis amplius quidem est numerus, sed quorum vel minus aperta et obiter tantum facta enarratio, ne et Vestram et meam patientiam sit superatura merito mihi sit verendum, inprimis cum illorum plurima ita sint comparata, ut sine majori, quam huius commentationis ratio ferret, delineationum operarum numero, vix possint intelligi. A consilio itaque ab initio a me suscepto, integram experimentorum seriem illorumque quodammodo historiam Vobis tradendi, jam ex consulto declino, ejusmodi quippe relationem cum,

vt

\*) Prior T. VIII. Comment. Nov. S. R. continetur.

Comment. Mathemat. T. I. I


vt molesta foret, sic et minime necessariam esse videam. Etenim non prolixè ea omnia in praesentia disputandi animus est, quae e methodo nostra ad varia physicorum circa materiam electricam dogmata aut refutanda aut stabilienda derivari forte possent, et multo minus novas illi theorias superstruendi. Promissis itaque me utique stetitse arbitrabor, ubi paucis quidem, sed iis luculentissimis exemplis monstravero, me methodum antea propositam emendasse; ubi illius veritatem ab objectionibus quorundam vindicavero, illiusque denique utilitatem in investigandis ac detegendis novis materiae electricae adfectionibus adseruero.

Sed antequam hoc aggrediar, ea erunt praemittenda, quae circa tam corporum idioelectricorum ad recipiendas figuras, quam pulverum ad eas formandas aptitudinem observaverim. Non omnia corpora idioelectrica, cum quibus communicatur Electricitas, eam aequè facile recipiunt, neque pulvis quilibet a communicata ista Electricitate aequè fortiter allicitur. In genere figurae paullo melius quidem efformantur et longius diffunduntur in tabulis originaria Electricitate, et quidem communicatae isti contraria, praeditis, sed nihilo tamen minus et in iis succedunt, quae omni sua originaria orbata, immo vero ejusdem cum communicata generis Electricitate imbutae sunt. Quod si vero jam omnia ponantur aequalia, ipsius tam tabularum quam pulverum materiae differentia notabiles in figuris ipsis gignit differentias. Sequentes corporum idioelectricorum catalogi ea continent, quae me pluries repetita experimenta docuere. Ita autem disposita sunt, ut, quo quid aptius est ad experimenta, eo distet propius ab initio.

*Corpora recipiendis figuris inservientia.*

- 1) Gummi Laccae purissimum.
- 2) Refina Burgundica purissima.
- 3) Refina communis.
- 4) Lacca sigillatoria rubra.

*Tab. II.*



*a. Exp. electr. T. 1.*



- 6) Sulphur stalacticum Goslar.
- 6) Idem Cinnabari tinctum.
- 7) Sulphur commune.
- 8) Saccharum.
- 9) Vitrum subviride commune admodum tenue.
- 10) Lignum piceum probe tostum.
- 11) Chartulae lusoriae siccissimae.
- 12) Charta alba communis siccissima.
- 13) Vitrum coeruleum crassius.
- 14) Vitrum subviride crassius.
- 15) Gummi elasticum.
- 16) Vitrum album Mundenfe.

*Pulveres generandis figuris opti a nobis adhibiti.*

- 1) Pulvis picis Burgundicae subtilissimus.
- 2) - - sulphuris purissimi.
- 3) - - succini.
- 4) - - Gummi Laccae.
- 5) - - sulphuris cinnabari tincti.
- 6) Semen Lycopodii.
- 7) Cinnabaris.
- 8) Pulvis sacchari.
- 9) - - Vitri albi subtilissimus.
- 10) - - Pigmenti viridis Brunfw.
- 11) - - Laccae in globulis.
- 12) Smiris.
- 13) Pulvis amyli.
- 14) Farina communis.
- 15) Limatura orichalci subtilissima.
- 16) - - ferri seu chalybis subt.

Haec potiora sunt, quae ratione diversae aptitudinis materialium ad figurarum generationem observavi. Tabulas has facile augeri posse et multa utilia experimenta in hoc campo adhuc supersesse, quis non videt, cum major aut minor harum figurarum perfectio tanquam mensura considerari quodammodo possit mutuae pulverum et corporum idioelectricorum ad se invicem propensionis, quae nequam a materiae in pulverem redactae gravitate specifica aut pulveris subtilitate *sola* pendere videtur? Quae vero quum ad applicationem et usum huius methodi pertineant, et ego catalogos hos eum tantum in finem adjecerim, quo ratio habiti infra in pulveribus et electricis delectus pateat, plura addere nolui.

Inter omnes, quos iam recensui pulveres, resinosos et sulphureos experimentis quippe aptissimos ubique fere adhibui, loco autem tabularum e solido Gummi laccae fusarum semper usus sum orbiculis lamineis resina ad variam crassitiem vtrinque obductis. Hi omnibus quos adhuc experiri contigit praestant, ubi enim damni aliquid ceperint facile reparari, et ad vernicis crassitiem tantum resina obliti, omni vel debilissimae electricitati fere parent, et praeterea utramque Electricitatem, modo quem jam tradidi, exhibent, positivam nempe in altero latere, in altero negativam.

Cum vocibus positivi ac negativi in Electricitate pluries sim usus, non inutile erit quaedam de illarum significatione et notione quam illis verbis comprehendam praemittere, ne quis, quae pro incertis a me habentur et quae per ipsam hanc methodum forte aut futuri denique aut stabiliri posse censeam, pro certis et extra omnem dubitationem positis me habere autumat. Voces positivi ac negativi in hac doctrina a recentioribus quibusdam philosophis deferri incipi video, phlogisti scilicet ac acidi terminos illis substituentibus. Sed vereor, ne huiusmodi alterationibus doctrina de Electricitate, quam omnibus viribus eniti deberent philosophi, ut calculo



lo subijciant, a mathematicis scientiis longius iterum dimoveatur. Etenim sitne phlogiston id quod *Franklinus* Electricitatis positivae nomine insignit, acidum vero quod electricitatem negativam appellat, saltem dubium est. Voces autem theoriis adhuc vacillantibus superstruere errores propagare, et in multis omnis ulterioris investigationis progressum aut penitus sufflaminare aut non parum saltem obstruere, non est quod hic demonstrem. At dari aut duas Electricitates, aut unicae materiae duas modificationes diversas se mutuo destruere secundum regulas quantitatum positivarum ac negativarum, extra omnem dubitationem positum esse, et inter paucas quae in hac doctrina ad mathematicam certitudinem sunt elatae, propositiones primum hancce locum obtinere persuasum habeo. Quid igitur linquamus appellationem ab idea maxime stabilita petitam, eamque, qua nulla Theoria carere, et sine qua ne cogitari quidem ulla possit, et tam unicae isti *Franklini*, quam duabus *Symmeri* materiis aequae convenientem, quaque denique et hujus et illius philosophi affecta sine noxae ac rixae periculo uti possit. Ideae negativi et positivi plurima et summa jam debet haec doctrina incrementa; phlogisto et acido si non omnino nulla tamen paucissima, et mihi quidem probabile esse videtur, et in posterum ulteriorem physicos huius scientiae amplificationem non tam a signis pharmacopolarum quam mathematicorum expectare debere. In hoc lubentissime cum Ill. Viris *Symmero* ac *Kratzenfincio* sentio, valde probabile, at probabile tantum esse, duas dari materias electricas, ac omnibus, quae a physicis, Anglis inprimis, in contrarium prolata sunt, argumentis, alia, si non fortiora, at aequae fortia tamen opponi posse. Sed hoc non obstat, quominus aptissimis positivi ac negativi notionibus utamur, eam nempe Electricitatem, quae per vitrum politum excitatum cum corporibus propagantibus communicatur, positivam, et huic oppositam negativam appellantes, magis, quo signorum  $+$  et  $-$  significatum stabiliamus, quam illis vocibus abundantiam materiae in altera, in altera vero defectum significaturi: sed jam ad propositum revertor.

Quidam rei physicae peritissimi Viri de meis experimentis audientes crediderunt electricas illas figuras non designare materiae electricae ex orbiculo resinoso aut prorumpentis, aut in illum intrantis vestigia ac tramites, sed esse potius pulvisculorum minimorum quassatione et frictione excitatorum se mutuo aut trahentium aut repellentium systemata. Hoc autem esse dubium de experimentis tantum audientis, non vero suis oculis ea conspicientis ac repetentis physici, sequentibus rationibus indoctus palam esse credo. Primo enim non video, quomodo scobs ferrea, smiris ac varia pigmenta linteolis inclusa, facta succussione, per solam frictionem tam notabilem electricitatem acquirere possint. Deinde figurae variis modis generari possunt, e. g. orbiculum resinosum tenui strato pulveris imponendo; et saepissime pulvis post expurgationem cubiculorum subdiuus elegantissimas ultro genuit figuras; sed haec mitto. Nonne autem figurae tam positiva quam negativa Electricitate genitae eandem semper formam, ubi leniter abstersus fuerit orbiculus, resumunt, ne minimo quidem ramuli cujusdam furculo, ut hoc utar, pereunte? Nonne hoc phaenomenon solum evidentissime monstrat formas figurarum non ab Electricitate pulvisculorum sola saltem pendere, sed pendere ex parte posse, non est quod nunc disputem. Hanc autem Electricitatem pulvisculi non adquirunt per istam linteoli succussione et in transitu per illius interstitia, sed in ipsa orbis resinosi a quo trahuntur atmosphaera. Probabile mihi videtur pulvisculos istos, dum atmosphaeram orbis resinosi per communicationem electrici attingunt, separationem pati fluidi sui, ita, ut, secundum notam hujus separationis legem, illorum — E sit aduersum orbi  $\mp$  electrico, et versis vicibus illorum  $\mp$  E  $\tau\phi$  — E orbis — electrici, ideoque vehementius ad ista loca cum quibus electricitas fuit communicata, rapiantur. Quae quo facilius intelligantur, descriptionem experimenti subjungam, quod et simul ea illustrabit, quae modo contra objectiones quorundam disputavi.

Lage-

Lagena Lugdunensis imponatur orbi resina obducto et tenui strato resinosi aut cujuslibet alius pulveris subtilis cooperto, et oneretur ✕ E, tunc ✕ E e vestimento lagenae exteriore expulsum in resinam orbis transiens partem pulveris in orbe reddet ✕ electricum, quae quia jam eadem cum orbe electricitate gaudet; in vestimentum — electricum repelletur, ramulos nitidissimos pulvere suo orbatos in orbe relinquens. Adspargatur deinde orbi pulvis sulphuris cinnabari tincti, et videbis ramulos modo denudatos pigmentum rubrum rapere, neque amplius in vestimentum lagenae rejicere. Si loco phialae Lugdunensis imponatur orbiculo vas metallicum exterius resina vestitum, iidem in orbiculo cui insistit ramuli effingentur, sed pulvis a resinoso vestimento allectus hinc inde in figuras coibit, quas oculus exercitatus negativas esse cognoscet. Eorum quae modo dixi applicatio ad modo prolata expedita est, nec ulteriorem explicationem requirit.

Quod si autem illae contra hanc methodum objectiones, quae sine dubio meae ad figuras, quas magnes scobe ferrea conspersus gignit, allusioni originem suam debent, summi essent momenti, cum sint omnino nullius, usum tamen harum figurarum in detegendis novis materiae electricae affectionibus non tollerent. Enimvero ponamus, non esse ramulos, radios ac circulos istos veros materiae electricae tramites, tamen nemo attentus negaverit eos esse illius quodammodo functiones, quae mutata illa, analogicas subeant mutationes, ita ut alias gignat figuras positiva electricitas, alias negativa, et utraque alias in vacuo quam in aëre nos ambiente. Ceterum non negaverim originis figurarum explicationem, in primis negativarum multis, laborare difficultatibus, quas dilucide expediti nondum potui. Quas enim de origine positivarum supra tentavi conjecturae, non sola signorum mutatione ad negativas adplicari possunt, quarum mira conformatio, praeter illam, quod se mutuo destruant, affectionem, essentialem quandam inter negativam ac positivam.

sitivam Electricitatem indicare videtur." Non leve impedimentum his disquisitionibus infert illud, quod nobis adhuc deest, Electroscopium, quo genus Electricitatis non tam summae partium electri alicujus aut frictione excitati aut per communicationem electrificati, quam ipsarum partium singularum explorari possit. Quod autem si nobis esset, non dubito, quin comparando partes figurarum pulvere obductas cum denudatis, multas adhuc ignotas proprietates tam corporum originaria electricitate, quam communicata praedictorum detegi posse. Quo ego usus sum Electroscopio, et qua cum fortuna, infra indicabo. Jam de usu horum experimentorum sum dicturus.

Electroscopia, seu quae vulgo dicuntur, Electrometra genus Electricitatis non nisi *mediate* indicare notum est, et praeter penicillos ac stellulas, cuspidibus corporum electrificatorum adhaerentes, certissima quippe  $\tau\bar{u}$   $\mp$  E et — E signa, nullum, quod nunc recorder, instrumentum, nullaque methodus inter physicos adhuc usitata fuit, quibus *immediate* de genere electricitatis corporum electricorum certiores fieri potuerint. Sed figuras has eiusmodi methodum suppeditare perspicuum esse arbitror, et quidem modo dictae, quippe quae in locis obscuratis tantum adhiberi potest, longe anteponendam. Quantum subsidii autem in illa sit, praecipue in Electricitatem atmosphaerae ope Draconum inquisituro, ultima aestate d. 19. Julii sum expertus. Nam, spirante Favonio, non quidem vehementi, eo tamen a cujus injuria Electroscopia communia defendere in loco aperto, difficillimum fuisset, tabulam e gummi Laccae fusam filo ferreo Draconis admovebam, quae postea pulvere resinoso insperso, distinctissima Electricitatis positivae, coelo quippe sereno, signa edebat. Postea *Joh. Bapt. Beccariae*, Summi viri, Librum \*) evolvens, vidensque, quanto et quam operoso usus sit appa-

...\*) Lettere dell' Eletticismo, fol. Bologna 1758. p. 107.

apparatu, quo penicillos ac stellulas supra dictas, eorumque ope electricitatem draconum *interdiu* cognosceret, usus sit, de machina cogitare cepi, qua non solum draconum Electricitas, quae coelo nubilo saepissime mutatur et quandoque ✠ E quando — E est distincte, sed et sine omni periculo cognosceretur. Constructionem, in quam incidi, nondum quidem sum exsequutus, at quum de illius aptitudine nullum mihi jam supersit dubium, eam paucis describam, proxima aetate effectum, volente Deo, Vobis, *Sodales*, significaturus.

Ex lamina paretur cylindrus seu tympanum pedis unius diametro, altitudine autem quatuor aut quinque pollicum, exteriusque resina obducatur ad membranae Pergamenae communis crassitiem. Hoc machinae cuidam, v. c. horologio communi ligneo aut veru auto- to perinde est, ita affigatur, ut circa axin noto tempore, aut verticali aut horizontali motu feratur. Ponamus porro hanc machinam in arcula inclusam ita collocari, ut stilus insulatus cum filo ferreo Draconis conjunctus indumento tympani resinoso ita obvertatur, ut illud tantum non radat, revolutione facta, ac pulvere insperfo, omnes mutationes Electricitatis in aëre interim factas distinctissime repraesentabit, et sine vilo observatoris periculo. Plura in praesentia non addo, nam caetera a quolibet harum rerum gnaro intelligentur.

Secundum experimentum, quod Vobis jam sum traditurus, licet ratio effectus sit adhuc dubia, attentione utique non indignum esse videtur. Notissimum atmosphaerarum electricarum effectum in corpora illis immersa aliquando perpendiculari mihi in mentem venit, annon corporis cujusdam v. c. digiti, centro disci resinosi fortiter excitati admoti materia ✠ E ita a — E totius disci trahi possit, ut post factam denique explosionem centrum orbis resinosi signa ederet positivae Electricitatis, cum ✠ E digiti, quod ab omnibus disci punctis secundum rationem distantiarum trahitur, post explosionem, quia resina materiam aegre propagat, a parte tantum illius forte reciperetur, lapi-

*Comment. Mathemat. T. I.*

K

dis

dis instar e turri decidentis, qui celeritatem suam ac vim, qua solum percutit, non illi, quem demum obtegit loco, sed toti globo terraqueo debet. Quod quo experirer, centro tabulae e gummi laccae fusae et pelle leporina attritae, ut foliolum chartae inauratae e filo ferico pendulum et — E imbutum ad trium vel quatuor pollicum distantiam repelleret, admovi acum. quam manu tenebam. Insuper deinde pulvere resinoso figura apparebat positiva, admoto digito similes generabantur at elegantiores figurae, quae Electroscopia — electrica alliciebant, ✕ electrica autem respuebant. Simili modo digitus generavit figuras negativas in plano ✕ electrico.

Quo itaque certior fierem, utrumne id, quod repulsioni tribuerim, attractioni partium vicinarum debeatur, attractioni contra, quod aut partium adjacentium repulsioni aut illarum ab omni tum a ✕ E quam — E inanitate tribuendum fuisset, an ramuli habeant realem quandam Electricitatem, variis modis tentavi. Mirabimini, fortasse, me rem adeo perspicuam, quaeque e theoria sine ullo negotio explicari possit, tot ac tantis ambagibus aggressum esse, patere nempe, figuras istas esse loca — E suo orbata, seu, ut cum *Franklino* loquar, a naturali sua quantitate materiae electricae ante vacua jam iterum impleta, in quas partes vicinae pulverem, quem ipsae repudiascent, secundum leges notissimas rejecissent. Verosimillimas has esse conjecturas nullus negaverim, at quum abundet adhuc haec doctrina phaenomenis, quae Physicos torquent, quorumque causa latet, Vos et meam ad hoc, quod singularitatis speciem saltem prae se ferre videtur nimiam fortasse attentionem excusatos, neque rem ipsam ad minutias electricas relsturos esse credidi. Etenim figuras radiantis semper cum generosa Electricitate positiva conjunctas vidi, quidni ergo et modo dictas Electricitatis positivae signa esse credidissem? In illius causam sic inquirere studui: Electroscopium mihi construxi simplicissimum his et similibus disquisitionibus prae caeteris aptum. Plumulae subalaris fibrillas subtilissimas duas vel tres apici calami scriptorii

ptorii cera agglutinavi at Electricitate sive  $\oplus$  sive  $-$  perfudi. Hae fibrillae, quarum Electricitas semper nota esse poni potest, super tabula resinosa in cuius partium Electricitatem inquirendum est, hinc inde in unius lineae circiter distantia ductae apicibus suis nunc sursum nunc deorsum tendentibus indicant qualis ibi lateat Electricitas. Accidit quidem, ut fibrillarum Electricitas interdum mutetur, et altera ab eodem tabulae puncto nunc rapiatur nunc repellatur, sed haec cautum experimentatorem in errorem deducere nequeunt. Fibrillas has  $-$  E imbutas semper a figuris modo commemoratis rapi vidi,  $\oplus$  E perfusas rejici, licet partium vicinarum Electricitatem, quantum potui, destruxerim illas aut linteo aut charta madefacta obtegens. Quinimo electricitatem partium intra excitationem sitarum variis modis sustuli, sed neque pulvis neque Electroscopii fibrillae ab his tam avidè rapiebantur, quam a figuris. Verumtamen etsi hae figurae signa  $\oplus$   $\oplus$  E edunt, tamen difficillimum erit extra omnem dubitationem ponere, sintne revera  $\oplus$  E imbuta loca ista nec ne, quia Zero electricum inter  $\oplus$  E et  $-$  E quippe medium, et hujus et illius signo afficitur, ideoque in plano, maximam partem  $-$  electrico positivam in  $\oplus$  electrico negativam Electricitatem mentiri potest. At illud, quod objici potest argumentum: si figurae istae forent positivae, hoc modo tabulam resinosam excitatam non posse non contraria tandem electricitate imbui, speciosum magis est, quam grave, ita enim integrae tabulae excitatae effectus sensim destrui posset, ut, dum nihilo sit aequalis, singulae tamen partes signa ederent, tam negativae quam positivae Electricitatis. In Electrophoris simile quid saepe observavi. Sed linguamus haec, unicum addentes, quo methodi hujus certitudo porro arguitur: transitum materiae  $\oplus$  E semper manifestari figuris radiantibus, siye abundet postea sive tantum non deficiat.

Tertium experimentum, quod circa materiae electricae in vacuo Guericiano expansionem et ipsius cum effectu in aëre nos ambiente comparationem versatur, Vobis hujus methodi usum in dete-

gendis novis materiae electricae qualitatibus ulterius sistet. Docet autem hoc experimentum quaedam, quae sine microscopio, si illius usus multo plus in electricis valeret, quam reapse valet, detegi vix potuissent. Tabulae aeri incisae huic commentationi annexae potissimas figuras a me hunc in finem obtentas ob oculos ponit. Tabula

Tab. I. I. quatuor figuras sistit, binas positivas interposito signo  $\oplus$ , et binas negativas signo  $\ominus$  notatas. Duae minores, in aëre nos ambiente, majores in vacuo fuerunt inscriptae. Amborum autem parium constructionis rationem, quantum in me fuit, aequalem reddere studui, quo, quid soli aëris rarefactioni deberetur, eo certius appareret. Vtrumque nempe par sub campana generatum, majus autem, uti jam monui, post exantlationem aëris; utrumque iisdem cuspidibus, quarum alteram ad superius, alteram ad inferius orbiculi latus adplicaveram inscriptum est; vtrumque denique unica tantum scintilla, et quoad ejus fieri potuit, eadem materiae positivae quantitate, quam ope Electrophori, cuius descriptionem priori dissertationi inserui, obtinere mihi facilius licuit, quam si tubo vitreo aut machina electrica

Tab. II. usus fuisset. Tabula II. figuram continet in vacuo genitam itidem negativam, sed, uti videre est, non cuspidem sed cylindro laminco inscriptam. Positivam (alteram quippe e geminis) eadem scintilla productam hic praetermisi, cum quia illius radii parum a radiis figurae positivae tabulae prioris differebant, tum quia pars illius ob causas mihi ignotas imperfectior apparebat.

Videtis hic figurarum in vacuo generatarum non solum notabilem expansionem totarum, sed et praeterea singularum partium eam distensionem, quae a sola peripheriae dilatatione nemo facile expectasset, minorem tamen in negativis quam in positivis. Ramificationes albae positivarum linea nigra, nigrae vero negativarum alba distinctae apparent, ita ut positiva figura ad formam negativarum in aëre effectarum, negativa vero ad positivarum speciem appropinquare videatur. Fere crederes, eodem modo quo corpora electrificata in aë-

re



re atmosphaeras concentricas diverforum nominum generant, sic radiolos ipsos penicillorum esse thallarum cepae instar conformatas. Sed a conjecturis circa haec phaenomena in praesentia jam mihi est abstinentum, minus quippe, quam XI ab hinc mensibus cogitaveram, in illis prosequendis et ad certitudinem elevandis felici. Haec quoque causa fuit cur plura experimenta non descripserim, nam quo propius ad veram phaenomenorum horum causam accessero, eo in describendis illis esse potero brevior. Attamen pauca adhuc erunt adjicienda eorum gratia, qui ea ulterius prosequi volent.

1) Pulveres diversi coloris, v. c. sulphuris puri et sulphuris cinabari tincti, in plurimis experimentis commode adhiberi possunt, praesertim ad diversos effectus diversarum aut Electricitatum aut operationum in eodem experimento cognoscendos.

2) Cuspides insulatae pro diversa sua a plano resinoso distantia circulos elegantissimos effingunt.

3) Cubus ex lamina fabrefactus et exterius resina obductus et cuius quinque latera tubulis deducantibus instructa erant, infuso sexto lateri  $\pm$  E, quinque ostendit figuras negativas unumque positivam. Idem in cubo solido ex resina fuso vidi; negativae autem figurae erant admodum debiles.

4) Figura negativa ante insersionem pulveris, si aequali portione positivae Electricitatis imbuatur, non penitus destruitur, sed utriusque electricitatis remanent vestigia.

5) Decussationes figurarum contrariarum Electricitatum omnem attentionem merentur.

6) Si binae dantur materiae electricae diversae, annon methodus inveniri posset corpus quoddam utraque privandi, ac adeo tertium electricitatis genus verae scilicet negativae constituendi.

7) Omnes Aurorae borealis formas, lucem radiantem, tranquillam, tremulam ac arcus obscuros per istas figuras imitatione expressi, de quibus alio tempore pluribus agam. At, quam potero brevissime quasdam circa hoc phaenomenon coniecturas tradam, attentione, licet nondum sint maturae, physicorum ut opinor non indignas. *Wilhelmum Cantonum* Turmalinum vidisse et positivam et negativam lucem emittens notum est. Nonne igitur globus terraqueus cum atmosphaera ambiente esse magnum quoddam Turmalinum posset, cuius poli cum polis mundi fere coinciderent, polus positivus cum boreali, negativus vero cum australi? Sed quia haec nimis temerarie sumta quibusdam videri possent, quid sub Turmalino isto intelligam, paucis sum significaturus. Sub Turmalino in terra latente non intelligo gemmam quandam solidam immensae magnitudinis, sed summam omnium corporum hinc inde disperforum, et aëris ipsius, quae aut per calorem subterraneum aut solarem electrificata omnibus corporibus Electricitatem communicant. Sic *EVLERO* magnes subterraneus est summa omnium corporum magneticorum hinc inde disperforum. Atqui dari praeter Turmalinum corpora, quae calore electrificari possint, negari nequit, et quae nobis in corporibus parvae molis vix perceptibilis est, Electricitas in aliis magnaemolis ac in toto globo terraqueo admodum sensibilem affectum edere potest. Sic magni mei Electrophori clypeus strenuam saepe ostendit electricitatem, quum ipsius baseos resinosa partes singulae vix ulla gaudere videntur. Polum medium huius Turmalini positivum versus centrum arcus obscuri aurorarum borealium directum esse pono, eodem quo polus medius borealis corporum magneticorum in terra versus eandem regionem situs est. Fortasse illud Turmalinum et hunc magnetem unum idemque corpus esse detegent posterius, et sicut chalybs fricando magneticus redditur, sic frictione vitrum electricum seu turmalineum reddi. Porro circa aequinoctia auroras boreales frequentissimas esse videmus, at quis non videt eo tempore integrum globum terraqueum intra 24 horas a Sole illuminari ideoque et calefieri, et in situ ad electrificationem

nem aptissimo esse, eo nempe quo effectus ignis subterranei promoveri possit? Magnum ac intensum calorem hic non esse necessarium, sed contra impedire Electricitatem et corpora idioelectrica anelectrica reddere constat. Paucissimae nobis sunt observationes aurorarum australium, pauciores saltem quam a tanto navigatorum numero hemisphaerium australe adeuntium exspectari posset. At quum versus polum australem polus negativus Turmalini situs sit, cujus penicilli multo minores sint penicillis poli positivi ac borealis, id theoriam hanc tantum abest ut evertat, ut potius firmet. In hemisphaerio deinde boreali videmus omnia vegeta esse in iis latitudinibus, sub quibus in hemisphaerio australi omnia continuo fere frigore horrent, et aut inhabitata jacent, aut ab hominibus tantum non veris brutis incoluntur. Sed jam inter Physicos vulgatissimum est, electricitatem positivam eodem modo evolutionem corporum organicorum promovere, quo negativa eam retardat ac obstruit. In nostro porro hemisphaerio aer serenus semper invenitur esse positivus, et si nobis essent observationes circa Electricitatem atmosphaerae in latitudinibus australibus, forte negativum inveniretur coelum serenum. Quod si ita se haberet, huic theoriae magnum probabilitatis gradum tribuere non dubitarem. Sed jam nimis lufimus conjecturis.

---

COM-



# COMMENTATIONES

SOCIETATIS REGIAE SCIENTIARVM

GOTTINGENSIS

ANTIQUIORES.

TOM. I.

AD A. MDCCCLXXXVIII.

*Commentat. Antiq. T. I.*

A



# COMMENTATIONES

SOCIETATIS REGIAE SCIENTIARVM

GOTTINGENSIS

ANTIQUIORES.

TOM. I.

AD A. MDCCCLXXVIII.

*Commentat. Antiq. T. I.*

A





---

DE  
LOWIZII  
METHODO  
SEGMENTA GLOBIS OBVCENDIS  
CONSTRVENDI  
VT HIC EDITVR  
MONITVM.  
ABRAH. GOTTH. KAESTNER.

---

*Lowizius* utebatur scriptis mathematicorum latinis, ipse latine scribendi facultate non pollebat. Igitur commentarius suus vernacula scriptus, curavit ut in latinum sermonem verteretur. Incidit vero in interpretem, qui in mathesi ultra elementa non saperet, latini sermonis ignoraret non solum, quod condonari potuisset, elegantiam, sed ipsas grammaticae leges.

Ejus interpretamentum cum edi omnino non posset, rogatus a me C. F. *Hindenburgius* A. M. Vir Clariss. ut potiores saltim maculas abstergeret, plura, quam petere ausus essem, praestitit, omnia ex barbaris latina fecit, sensum, quem pluribus in locis non adsequutus erat interpres, restituit, quaedam vidit magis perspicue explicari posse, sive in textu sive in figuris, itaque notas adjecit, quae vel ad ipsum inventum *Lowizii* illustrandum facerent, vel ad ejus historiam.

Figuras *Lowizius* ipse delineaverat, nitidas ut solebat, sed quartam, lineis et punctis, nimium sibi propinquis, aliquantum etiam perturbatis, vel exercitato geometrae negotium faceffituram. Cui malo ut mederetur, Generosiss. a *Schönberg* figuras, ut jam prodeunt, descripsit, illam, de qua dixi, multo effecit luculentiore, et quinta *Lowizii* figura monitus, sextam addidit, quam Epimetrum explicat.

---

GE. MAVRITII LOWIZ  
COMMENTATIO  
DE  
FIGVRA ET DIVISIONE  
SEGMENTORVM, QVIBVS MAGNI  
GLOBI COELESSES ET TERRESTRES  
OBDVCANTVR.

FRANKLETA D. XIV. AVG. MDCCLVL

---

§. I.

**L**ongissime abhinc remota, eaque antiquissima tempora animo mecum reputans, quibus coelum homines terramque sunt contempii paulo attentius, deprehendi eos jam tum globos coelestes atque terrestres, tanquam optimum subsidium bene tractandae cosmographiae, adhibuisse, aliisque commendasse. Globorum autem ejusmodi usus, qui varius fuit semper et multiplex, nostra etiamnum aetate recte commendatur, eoque magis, quo evidentiora sunt, quoque certiora principia, secundum quae globi nunc parantur et perficiuntur. Nam cum simulacra exhibeant sacis perfecta, terrae, quam incolimus, late patens, vastissimique, quod intuemur, coeli; hinc fit, ut, quae vel in coelo, vel in hac ipsa terra longissime dista reperiantur, quaeque vix multorum annorum decursu sese

conspicienda praebeant, ea hic uno veluti obtutu amplecti, tempore quam brevissimo perlustrare possimus. Quid? quod quaestiones etiam cosmographicas, ad quas non raro per longas calculorum ambages, perque taediosas dimensiones itemque construtiones geometricas aditus patet, globorum ope sine molestia saepenumero, et cum voluptate solvere possimus satis accurate; ut nihil dicam de ornatu, quem afferant, praefertim si sint paulo majores, bibliothecis, et publicis et privatis, quantumque possessoris oculos delectent.

### §. II.

Tot tamque eximii usus globorum in causa fuerunt, ut cosmographiae periti de eorum construtione ulterius, et quam fieri possit, accuratissime perficienda, cogitarent. Varii autem hic, ut consentaneum est, obtinuerunt modi, in quibus simplicissimus est haud dubie, et qui cuilibet facile possit in mentem venire, cum deprehenduntur nonnulli globos puros circulis circumscripsisse, regionesque terrae in iisdem aut coeli stellas, libera manu, suo loco singulas, signasse. Neque etiam statim, ut videri posset, ab inventa chalcographia, haec ratio conficiendi globos obsolevit, sed, adulta jam arte et uberius exposita, diu mansit; sic ut nostris etiam temporibus reperiantur subinde, qui ea utantur, ubi fasciae desunt aere expressae, globis, quos instruunt certo modulo, vestiendis idoneae.

### §. III.

Globos, quos nobis antiquitas reliquit, deprehendimus coloribus tinctos. Possidet Noriberga quosdam, haud indignos, qui ab interitu vindicentur, posteritatisque asseruentur. Celebris gens Nobilium Behaim ostendit globum, quem MARTINVS BEHAIM a)

Anno

a) Conferri hic merentur, quae de Globo Behaimiano, cujus etiam partem fere dimidiam exhibuit aere expressam, nuperrime enarravit et cum eruditiss

Anno 1492 propria confecit manu, quique jam Americae vestigia exhibet. Bibliotheca etiam Senatus Noribergerensis insignem habet globum, cujus diameter tres pedes Noribergerenses aequat, quemque JOANNES SCHONER b) Anno 1520 sua ipsius elaboravit et signa-

tis communicavit Nobilis Patricius Noribergerensis *Christoph. Theoph. de Murr*, Vir Cel. edito libello: *Diplomatische Geschichte des portugiesischen berühmten Ritters Martin Behaim; in seinem Journale zur Kunstgeschichte und allgemeinen Litteratur. Sechster Theil 1778.*

Hinc itaque constat, Globi hujus, qui ferreo sustentatur fulcro trium pedum, Diametrum sequare pedem Parisinum unum cum octo digitis; Meridianum esse ferreum, Horizontem autem ex orichalco, sed mortuo jamjam Behaimio, anno 1510 elaboratum, divisionibusque instructum. Globus ipse totus est charta Pergamena, sed atro colore tincta, vestitus; complures in eo regiones et insulae, principum, qui eas tum temporis tenebant, insignibus pictis, et in vexillis conspicuis, ornatae; tituli rubro vel flavo colore scripti, cum annotationibus interdum bene longis; totum autem opus ad Marci Polo et Mandevillii descriptionem orbis instructum et compositum, annoque 1492 ab ipso Behaimio, Noribergae cum esset, absolutum.

Quod autem hic tradidit *b. Lowizius*, Globum Behaimianum Americae jam vestigia exhibere, in eo forte secutus est *Jo. Christoph. Hagenstii* sententiam, qui disertis verbis (locum ipsum excitavit *de Murr* lib. laud. p. 75.) affirmat: in Globo eo, minime quidem Americae continentem, permultas tamen insulas Americanae plagae, per ingens aequor sparsas, sine titulo et nomine designari; cum tamen non nisi duae extent insulae innominae, quae pro Americanis haberi possint, (nam reliquae innominae, plures utique numero, e regione terrae Cathai cum terris adjacentibus, et insulae Cipangu, h. e. Imp. Sin. orae extremae et insulae Japon, posita, et ab Azoribus insulis et Cap. Virid. angusto nimis intervallo, pro eorum simirum temporum opinione, dirematae, huc trahi omnino non debent, cum jam pertineant ad Indiam et Oceanum orientalem) Antilia altera, altera St. Brandan; in quibus tamen vulgarem aliquam secutus est traditionem Behaimius, ut patet ex his, quae, incerta fide et auctoritate, de his insulis memoriae prodidit. Vid. *de Murr* l. c. p. 26. et 27. Tantum igitur abest, ut Globus hic Americae iam vestigia expressa habeat, ut potius in eo nihil reperitur, quod a geographica cognitione eorum temporum sit alienum; quod pluribus ostendit, quem jam laudavimus, Vir doctus.

- b) Hujus Globi terrestris, et alterius, de quo mox fit mentio, meminist etiam *de Murr* l. c. p. 42, 43. Globum hunc majorem, alienis, ut ipsius epi-

signavit manu. Globus praeterea orichalceus deauratus eandem Bibliothecam ornat, et peregrinantibus spectandus exhibetur. Reliquos autem hic enarrare, quibus Noriberga superbit, globos vetustos, nihil attinet, quippe qui cum his, de quibus diximus modo, comparari non possunt.

#### §. IV.

Mitto etiam ea, quae ad historiam globorum pertinent, ne a scopo, quem mihi proposui, longius, quam par est, recedam, referaturus ea alii tempori alique occasione. Vnum est quod praeterire hic non possum, veteres, orbes planos iisdem-utibus fere adhibuisse, quibus nos globos. Vocabantur autem hi orbes olim *Astrolabia*, c) nunc *Planiglobia*; quorum erat haud dubie Ptolemaicum notissimum atque utilissimum. Seculo etiam XIV et XV complures de eo ejusque structura et compositione scripsere, inter quos eminet CLA-

VIVS

epigraphe docet, sumtibus adjutus, Bambergae constructum, Noribergam secum adduxerat Schoenerus, qui fuit primus in illustri Gymn. Norib. Mathem. Professor.

- c) *Astrolabia* hujusmodi quare veteribus in usu magis fuerint quam globi, duae potissimum afferri causae possunt, tum, quia facilius paratur planum, quam globus, praesertim major, tum vero etiam, quia puncta possunt commodius in plano notari lineaeque duci, quam in globo, ubi, ut Auctor tradidit, libera olim omnia signabant manu; quae singula, nostris quidem temporibus, facilius multo et celerius perpetrantur. Ceterum memorabile est, quod *Astrolabii* hujusmodi, quo antea ad stellarum tantummodo situs atque motus interpretandos Astronomi utebantur, usum dicatur, mira sagacitate, primus Martinus Behaimius, cum Roderico et Josepho, Lusitaniae regis Joannis II medicis tunc temporis et mathematicis claris (quibus, ut aliquid excogitarent, quo nautae navis cursum dirigerent, et, quam caeli tenerent pelagique partem, cognoscerent, rex injunxerat) praeclaro sane pro his temporibus invento, et maximo navigationum commodo, ad res maritimas et navigandi artem transtulisse. Testimonia hujus rei exhibet id. Cel. de Murr. Diar. laud. p. 67-70. qui quaedam etiam collegit, ad globorum et mapparum historiam pertinentia, quae in ejusdem libri praefatione exposuit.

VIVS, qui prolixè de eo et subtiliter disseruit in libro cui titulus: *Astrolabium*: qui Romae prodiiit anno 1593, in 4to; 3 Alph. 111 plag. caractere minimo impressus.

## §. V.

Quas olim in ipsa superficie globi divisiones et scripturas, libera peragebant manu, illas nunc, tabulis aeneis incisas, in charta exprimunt; quo fit, magno commodo, ut, quae uni parentur aut duobus globis segmenta, ea sic multiplicari possint, ut innumeris fere globis obducendis sufficiant. Fasciae autem istae, quae divisiones et titulos continent, ita sint comparatae necesse est, ut, dum illis globus vestitur, singula quaeque in globo situm eundem et relationem obtineant, quam in terra habent vel in coelo. Quoniam vero, si superficies plana ita sphaericae applicari debet, ut duae hae superficies in omnibus punctis sese contingant, non possunt amplius superficiei planae puncta, situm quem habebant, retinere: manifestum est, delineationes in charta plana faciundas, secundum certas regulas exigendas esse, ita, ut, dum plana ejusmodi charta globus obducitur, omnia puncta omnesque lineae situm servant, quem auctor intendit et rei natura postulat.

## §. VI.

Superficiem autem planam, qualis est chartae, omnes sciunt, non posse superficiei sphaericae sic applicari, ut sphaericam ea in omnibus punctis contingat, absque chartae mutatione. Potest vero duplici ratione charta mutari; vel complicando extrema, vel medium extendendo. Prior tamen modus, cum reddat superficiem sphaerae inaequalem et asperam, prorsus est abjiciendus, servato posteriori, qui nullam exhibet inaequalitatem, quae maximopere est et summo studio vitanda. Patet autem ex his, puncta superficiei

*Comment. Antiq. T. I.*

B

pla-

planæ, dum in sphaericam curvatur vi, situm suum mutare, quia medium chartæ versus extremitates expanditur; ut adeo punctorum in medio a punctis in margine, minus fuerit in plano, majus vero in sphaera intervallum.

### §. VII.

Quoniam vero quævis charta madefacta quodammodo potest, absque dilaceratione, paululum extendi, sic tamen, ut extensionis hujusmodi limites reperiantur valde angusti, et pro cujusvis chartæ specie *d*) diversi: apparet, segmenta chartæ, quibus globus obduci debeat, longiora multo, quam latiora esse oportere. Danda autem est opera, ut omnia, quibus opus est, chartæ frustra, et æqualia sint inter se et similia; cum æqualitas eorum et similitudo magnam afferat, tum in delineando, tum in applicando ad globum, commoditatem.

Disquirendum igitur hic est inprimis, segmentorum ejusmodi, quibus vestiatur globus, quæ debeat esse forma, punctorum autem et linearum, quæ in his ponuntur et inscribuntur, qui situs in plano, ut omnia hic, facta demum post madefactionem legitima extensione, situm in globo et relationem, quam res ipsa postulat, consequantur.

### §. VIII.

Frustrum itaque sumatur chartæ, forma rectangulari *e*) oblongiore, et utraque manu sphaeræ applicetur, secundum lineam, quæ

- d*) Non tantum pro *cujusvis* chartæ specie diversi reperiantur extensionis limites, sed etiam pro *ejusdem* chartæ *plaga* diversa: de quo pluribus dicetur inferius.
- e*) Frustrum ejusmodi rectangularis hic neque longitudinem Auctor neque latitudinem definivit; sed facile poterit quemque usus docere, qui vult ipse ex-



## DE FIGURA ET DIVISIONE SEGMENTORVM GLOBI. II

quae aequales dirimit oblongi partes, similes toti et inter se, et charta sic inflexa exhibebit figuram cylindricam, quae globum adeo in uno tantum circulo, latitudinis experte, continget. Jam si charta haec, qua sphaeram contingit, paululum madefiat, et manu utraque sensim sensimque, ne dirumpatur, secundum tangentem istius circuli, tendatur: tunc aliquantulum expandetur, formamque sphaerae in eo loco nanciscetur; plura enim jamjam puncta contingent sphaeram, reliquae vero partes chartae, a sphaera etiamnum remotae, figuram quidem illae adhuc cylindricam fistent, sed diametri minoris. Quodsi igitur perrexeris, chartam hanc etiam in aliis circulis minoribus madefacere, et manu utraque, ad fines ejus applicata, in sphaera extendere: longitudinem hujus chartae ita expansae, si mensuraveris, deprehendetur ea ad duodecimam fere ipsius partem, h. e. arcus circularis in sphaera, cui erat ab initio longitudine aequalis, extendendo crevisse.

### §. IX.

Quoniam vero segmenta istius chartae, quibus est globus obducendus, et aequalia debent omnia et similia esse, (§. VII.) sequitur, neque longiora ea posse neque breviora fieri semiperipheria circuli maximi sphaerae; latitudinem vero ejusmodi segmentorum apparet, non debere duodecimam hujus circuli partem superare; (§. VIII.) unde fit, ut paucioribus, quam duodecim segmentis, globus vestiri commode non possit. Sciendum enim est, hos, quos modo constitimus, limites, esse fere maximos, ad quos charta sine periculo dilationis extendi queat; et jam pelluciditas chartae diversa, satis

B 2

pro-

experiri, longitudinem ejus non debere duodecimam fere circuli maximi in sphaera partem excedere, adeoque latitudinem etiam minorem adhuc esse oportere. Hinc pendet segmentorum pro vestiendo globo, qui vulgo commendatur, numerus duodenarius, in quo commode etiam pro globo caeleste accidit, quod ter deni possunt hoc modo Eccliptices gradus, h. e. singula Signa, singulis absolvi segmentis.

prodit inaequalitatem, quae etiam hic observatur in extensione, et quae magnam producere potest confusionem punctorum in plano signatorum, si ad sphaeram applicetur.

### §. X.

Constituto autem nunc fasciarum ejusmodi, quibus sphaera involvatur, numero duodenario, observabitur, inaequalitates, quae a chartae pendent extensione, non solum in singulis segmentis sensibilem efficere punctorum confusionem, sensibilemque adeo conjunctim globo inducere defectum, sed hanc *αταξίαν* fieri quoque majorem, quo major est globus, cui fasciae parantur; ut nihil dicam de ipsis delineationis vitiis, quae vitari omnia nullo modo possunt. Quapropter non abs re fuerit, segmentorum ejusmodi numerum augere, imminuta proportionaliter eorum latitudine. Nam si pro duodecim, quae primo loco posuimus, segmentis, octodecim verbi causa instruantur, quibus globus obducatur: defectus, quos commemorauimus, (§. IX.) imminuuntur sic, ut sensibus sese facile subducant.

### §. XI.

Fig. I.

Sint  $PAp$  et  $PBp$  duo fixi et inflexibiles semicirculi, sese invicem secantes in  $P$  et  $p$ , commune autem centrum habentes in  $C$ . Sit porro angulus  $APB = ApB$  invariabilis: vel, sint duo hi semicirculi per rectam  $AB$  ita juncti, ut unus sine altero circa axem  $Pp$  verti non possit. Concipiatur jam, frustum chartae supra hos duos semicirculos positum, sicque affixum esse, ut quamcunque demum subeat mutationem, ab iis tamen avelli non possit. Sit porro  $ACBA$  superficies quaedam plana, quae per centrum  $C$  transeat, et cui axis  $Pp$  perpendiculariter insit; ergo puncta  $A$  et  $B$  a punctis  $P$  et  $p$  aequa-

## DE FIGURA ET DIVISIONE SEGMENTORVM GLOBI. 13

aequaliter distabunt, recta autem AB secabit chartam, inter hos semicirculos positam, APBpA, in duas aequales et similes partes, APBA et ApBA. Nulla igitur alia recta in hac charta APBpA duci potest, nisi quae rectae AB sit parallela, veluti DE; reliquae lineae omnes sunt curvae, propter chartae ipsius curvaturam.

### §. XII.

Concipiatur porro inflexa haec superficies APBpA superficiei sphaerae applicari, cujus diameter aequalis sit lineae Pp, diametro semicirculorum, qui coeunt in P et p; ergo sphaera haec continget chartam illam tantummodo in medio ejus puncto F, reliqua vero chartae puncta remota adhuc erunt a sphaera. Si denique cogitetur sphaera haec versus chartam illam inflexam urgeri, donec semicirculi duo PAp et PBp in omnibus punctis sphaeram ipsam econtingant: charta ipsa flexilis, et ab extremitatibus PAp et PBp non recedens (§. XI.), curvaturam sphaericam induet, recta autem AB, in arcum AfB transmutabitur. Est ergo haec charta sensibilibiter jam extensa, dum ex figura, quae plana erat ab initio, in sphaericam abiit.

### §. XIII.

Videmus nunc de quantitate extensionis illius chartae. Sit PC Fig. II. axis dimidius sphaerae; et PKk semicirculus, qui (Fig. I.) angulum APB in duas aequales partes secat; Sit porro DH dimidium lineae DE; et DK parallelus semicirculus, cujus superficiei in centro G, axis PC perpendiculariter insistat. Quodsi nunc ducantur ex D et K lineae DG et KG, rectos eae cum PC efficient angulos, itemque DH (=  $\frac{1}{2}$  DE) cum recta KG constituet angulum rectum. Haec igitur

B 3

tur

tur cylindrica superficies DPH, *f*) sistit frustum chartae inflexae, quod in superficiem sphaericam extendi et transformari debet. Ergo quantitas extensionis chartae illius, qua sphaera est obducenda, determinari debet; duae autem superficies, inflexa illa super arcubus, et sphaerica, invicem comparandae, earumque relatio ad omnia frusta applicanda.

## §. XIV.

In superficie sphaerae sit arcus paralleli dk ab arcu DK distantia infinite parva; recta autem kg parallela rectae KG: erit DdhHD superficies plana infinite parva, elementum scilicet chartae illius planae quidem, sed super arcubus iam hic PA et PB (Fig. I.) inflexae; Eodem modo DdkKD erit superficies conica infinite parva, elementum scilicet superficiei sphaericae, sive chartae, eo modo quo dictum est, jam per sphaeram expansae. Sit itaque radius sphaerae PC=1; arcus PD=PK (pro eodem radio)= $\phi$ , erit Dd=Kk=d $\phi$ , et DG=KG=sin $\phi$ ; CG=Cos $\phi$ ; et PG=sin.v. $\phi$ =1—Cos $\phi$ . Quodsi porro ponatur angulus DPK=DGK= $\lambda$ ; erit DH=sin $\lambda$ , sin $\phi$ ; GH=Cos $\lambda$ .sin $\phi$ ; ductaque tandem HI ipsi PC parallela, erit HI=Gg

*f*) Summit hic b. Lowizius superficiem DPH pro superficiei cylindricae parte, adeoque PDHGP pro ungula cylindrica (*im Hufsförmig - cylindrischer Abschnitt*) Monendum tamen hic est, superficiem hanc curvam (inflexam saepius nominavit) non esse vere cylindricam, sed tantum *κυλινδρικού*; nam, ut Serenus jam ostendit et demonstravit, Cylindri cujusque, sive rectus ille sit sive scalenus, sectiones, neque bali neque axi parallelae, sed transversae (*πλaxylai τομαι*) Ellipses sistant constanter, non Circulos, quales hic apparent, arcubus circularibus PAp, PBp terminati. Erit autem DPH pars superficiei corporis prismatici rotundi, cujus basis est Ellipsis, quae, pro dato Pp, axe majore, ab anguli sphaerici APB (I. fig.) magnitudine pendet. Ellipsin hanc exhibebit sectio unguulae PApBPp, transiens per puncta P et p sic, ut angulum simul dividat sphaericum APB.

$= Gg = d \operatorname{Cof} \varphi = -d\varphi \sin \varphi$ , et  $hI = \operatorname{Cof} \lambda d \sin. \varphi = \operatorname{Cof} \lambda d\varphi \operatorname{Cof} \varphi$ . Ergo  $DdhHD = DH$ .  $Hh$ , et  $DKkD = DK$ .  $Kk$   $g$ ) Est vero  $Hh = \sqrt{(Hl^2 - h l^2)} = \sqrt{(Gg^2 - h l^2)} = d\varphi \sqrt{(1 - \sin^2 \lambda^2 \operatorname{Cof}^2 \varphi)}$  et  $DK = \lambda. \sin \varphi$ . Propterea est  $DdhHD$ , h. e.  $DH$ .  $Hh = \sin \lambda. d\varphi \sin \varphi$ .  $\sqrt{(1 - \sin^2 \lambda^2 \operatorname{Cof}^2 \varphi)}$  et  $Dd kKD = \lambda d\varphi \sin \varphi$ ; adeoque chartae inflexae superficies  $PDHP = \sin \lambda \int d\varphi \sin \varphi \sqrt{(1 - \sin^2 \lambda^2 \operatorname{Cof}^2 \varphi)}$  et superficies sphaerica  $PDKP = \lambda \int d\varphi \sin \varphi = -\lambda \operatorname{Cof} \varphi + \operatorname{Const}$ . Quia vero, posito  $\varphi = 0$ , fit  $PDKP = 0$  et  $\operatorname{Cof} \varphi = 1$ , redit inde  $\operatorname{Const} = \lambda$ , unde denique producitur complete superficies sphaerica  $PDKP = -\lambda \operatorname{Cof} \varphi + \lambda = \lambda (1 - \operatorname{Cof} \varphi) = \lambda \sin. v. \varphi$ .

## §. XV.

Jam ut chartae planae sed inflexae elementum  $\sin. \lambda d\varphi. \sin \varphi \sqrt{(1 - \sin^2 \lambda^2 \operatorname{Cof}^2 \varphi)}$  integrari possit; sit  $\sin \lambda \operatorname{Cof} \varphi = \sin \psi$ ; erit  $\sqrt{(1 - \sin^2 \lambda^2 \operatorname{Cof}^2 \varphi)} = \operatorname{Cof} \psi$ , et  $\sin \lambda d\varphi \sin \varphi = -d\psi \operatorname{Cof} \psi$ , adeoque  $\sin \lambda d\varphi \sin \varphi. \sqrt{(1 - \sin^2 \lambda^2 \operatorname{Cof}^2 \varphi)} = -d\psi \operatorname{Cof} \psi$ ; cujus reperitur Integrale  $\int -d\psi \operatorname{Cof} \psi = \operatorname{Const} - \frac{1}{2} \sin \psi \operatorname{Cof} \psi - \frac{1}{2} \psi$ ; et propterea plana superficies chartae  $PDHP = \operatorname{Const} - \frac{1}{2} \sin \lambda. \operatorname{Cof} \varphi \sqrt{(1 - \sin^2 \lambda^2 \operatorname{Cof}^2 \varphi)} - \frac{1}{2} \operatorname{Arc} \sin (\sin \lambda \operatorname{Cof} \varphi)$ . Quae superficies cum sit  $= 0$ , posito  $\varphi = 0$ ; quod reddit  $\operatorname{Cof} \varphi = 1$ , et  $\psi = \lambda$ , producitur inde  $\operatorname{Const} = \frac{1}{2} \sin \lambda \operatorname{Cof} \lambda + \frac{1}{2} \lambda$ ; adeoque superficies  $PDHP = \frac{1}{2} \sin \lambda \operatorname{Cof} \lambda + \frac{1}{2} \lambda - \frac{1}{2} \sin \lambda \operatorname{Cof} \varphi \sqrt{(1 - \sin^2 \lambda^2 \operatorname{Cof}^2 \varphi)} - \frac{1}{2} \operatorname{Arc} \sin$

- $g$ ) Utrumque bene habet; hoc tantum discrimine, ut  $DH$  sit linea recta,  $DK$  circuli arcus;  $Kk$  elementum sit arcus circularis  $PK$ ,  $Hh$  vero arcus elliptici  $PH$  elementum  $= \sqrt{([d. PG]^2 + [d. GH]^2)}$ , pro puncti scilicet indefiniti  $H$  coordinatis rectangulis  $PG$  et  $GH$ , unde idem elementi  $Hh$  valor, quem Auctor hic reperit, eruitur. Caeterum elementi  $DdhHD$  resolutio in factores  $DH$ .  $Hh$ , eodem plane nititur fundamento, quo elementi alterius  $DKkD$  resolutio in factores  $DK$ .  $Kk$ .

$\sin (\sin \lambda \operatorname{Cof} \phi)$  Sunt ergo binae illae superficies PDEP (Fig. I.) pro plana charta.

$$= \sin \lambda \operatorname{Cof} \lambda \mp \lambda - \sin \lambda \operatorname{Cof} \phi \sqrt{(1 - \sin \lambda^2 \operatorname{Cof} \phi^2)} - \operatorname{Arc.} \sin (\sin \lambda \operatorname{Cof} \phi); \text{ et pro expanfa charta in fuperficie fphaerica } = 2 \lambda (1 - \operatorname{Cof} \phi) = 2 \lambda \sin. v. \phi.$$

Pro integra igitur fuperficie inter femicirculos PAP et PBp, pofito, in utraque formula,  $\phi = 180^\circ$ ; h. e.  $\sin \phi = 0$ ;  $\operatorname{cof} \phi = -1$ , fit fuperficies chartae planae  $= \sin 2 \lambda \mp 2 \lambda$ , et fuperficies fphaerica chartae  $= 4 \lambda$ . Quod fi itaque fignetur, qui fit a duobus femicirculis, angulus APB  $= L$ , erit fuperficies plana chartae, quae fuper hos duos femicirculos pofita eft  $= \sin L \mp L$ , et charta fupra fuperficiem fphaericam extenfa  $= 2L$ ; quia hic eft  $L = 2 \lambda$ .

#### §. XVI.

Sit igitur fuperficie planae in uno fegmento area  $= 1$ , extendetur proinde illud in fphaera, cum ei fuperinducitur, in fpatium  $= \frac{2L}{L \mp \sin L}$ . Pofitis itaque pro obducenda integra fphaera, XII fegmentis, fit  $L = 30^\circ$ , qui proxime aequantur 0,5235988 — partibus radii 1, fit autem  $\sin L = 0,5$ . Hinc chartae erit in fphaera extenfae area  $= 1,023033 \dots$  Pro XVIII fegmentis autem erit  $L = 20^\circ = 0,3490658 \dots$  partibus radii 1, itemque  $\sin L = 0,3420202 \dots$  adeoque expanfa fuperficies fphaerica erit 1,010195...  $\frac{2}{3}$  major plana fuperficie, quae duobus femicirculis impofita fuerat. Habet igitur extenfio chartae pro duodecima parte fphaericae fuperficie, ad extenfionem chartae pro decima octava parte fphaericae fuperficie, uti 1023 ad 1010, proxime.

#### §. XVII.

## §. XVII.

Madefacta charta, dum utraque manu globo superinducitur, sic extenditur, ac si pressio quaedam directa ex centro sphaerae eam urgeret; vel, quod eodem redit, directio pressionis, quae chartam extendit, ei est perpetuo et in omnibus punctis perpendicularis. *h)* Juxta haec principia situs potest omnium punctorum, in plano datorum, ad superficiem sphaerae commode reduci, arcus etiam omnes possunt, quibus opus est in sphaera, ita in plano describi, ut, si planum ejusmodi segmentum ad ipsam sphaeram applicetur, situm omnia, quem rei postulat natura, consequantur. Quoniam vero meridiani circuli itemque paralleli, in globis minoribus duci solent 10 graduum, in majoribus vero, 5 graduum intervallis, nihil obstat hic, quominus segmentorum ipsorum margines pro meridianis assumantur, qui proinde in globo 20 gradibus erunt disjuncti, semicirculos illos PAP et PBp referentes, de quibus saepius jam diximus in superioribus.

## §. XVIII.

*h)* Quae sumit hic *Lowizius* de chartae, dum sphaericae superficiei induit curvedinem, expansione, quasi a vi oriunda, quae, inde a centro, omnibus in punctis chartam urgeret normaliter, quibus etiam ingeniose calculos, qui sequuntur, superstruxit, illustrantur per ea, quae dicta sunt §. VIII, et in universum omnibus corporibus sphaeroidis applicari possunt, hoc discrimine, quod *locus*, in quo intus ponitur esse vis urgens, in Sphaera ipsa sit *centrum*, in corporibus vero sphaeroidis, *superficies*. Hinc intelligitur, majores longe oriundas esse calculorum subducendorum difficultates, si quis velit v. c. de segmentorum forma et delineatione cogitare, quibus possit globus terrestris vestiri, cujus referat Axis cum Diametro eandem cum observationibus relationem. Sed facile possumus, pro globorum, atque etiam mapparum, quales quidem nos instruere possumus, magnitudine, subtili ejusmodi *auxiliis* superfedere; quod pluribus, post ipsum Auctorem nostram, in *Second Avertissement sur les grands Globes* etc. §. 17-21, nuper ostendit *Paugondy* V. Cl.

## §. XVIII.

Sed non sufficit, marginum ostendisse segmentorum, quibus usibus possint inservire, extremitates; necesse est, ut, quomodo determinantur ipsae cum reliquis meridianis et parallelis, qui graphice sunt in plano describendi, sic, ut superficiei sphaericae cum ipso plano impositi, facta tandem legitima expansione, in circulos abeant, nunc ostendamus.

Fig. III. Sit igitur  $PDApBEP$  figura plana chartae, quae dum fixis duobus meridianis absque extensione superimponitur, curvatur sic, ut praeter  $AB$  et  $DE$  et cum his parallelas, nulla duci in curva hac superficiei linea recta possit (§. XI.). Porro  $Pp$  in plano est recta, quae per apices  $P$  et  $p$  transit, et chartam in duas aequales partes secat; similiter  $AB$  est recta, quae rectam  $Pp$  aequaliter dividit in  $F$ , et ad angulos rectos; quo fit, ut ipsa etiam charta ab hac recta in duas aequales et similes partes dirimatur. Hic sistit recta  $Pp$  meridianum, in medio duorum meridianorum  $PAp$  et  $PBp$  positum, qui fiunt a marginum extremitatibus (§. XVII.). Linea recta  $AB$  applicabitur sphaerae aequatori, et propterea plurimum extendi debet. Sunt praeterea,  $PNRp$  meridianus pro lubitu assumptus, et  $DLE$  parallelus arbitrarius; quorum, quomodo sint instituendae et absolvendae descriptiones, nunc indigitabimus.

## §. XIX.

Fig. IV. Fac igitur impositum nunc esse planum  $PApBP$  (Fig. III.) fixis duobus meridianis  $PAp$  et  $PBp$  (Fig. IV.); quae recta erat  $Pp$  in plano (Fig. III.) ea nunc Ellipseos  $PHFp$ , curva autem  $PMRp$  in eodem plano, (Fig. III.) Ellipseos, iisdem literis  $PMRp$  (Fig.



(Fig. IV.) notatae, induit curvedinem. Harum igitur 1) Ellipsium areae, quarum est communis intersectio linea recta PCp, si cogentur ad superficiem sphaericam usque productae, veros illae, dum sphaericae superficiei occurrunt, meridianos determinabunt, eosdem nimirum, in quos illi, qui sunt in charta plana lineis descripti PHFp et PMRp, transformari debent, facta segmenti, secundum principia §. VII. stabilita, expansione. Ex Ellipsi igitur PHFp oritur circulus PIfp, et ex Ellipsi PMRp circulus Pnrp. Simili ratione productis superficiebus planis parallelis CAB et GDE, quibus axis Pp normaliter infistit, ad superficiem sphaerae usque, prima, quae transit per AB, secundo designabit partem aequatoris ArfB, altera vero transiens per DE, circuli paralleli definiet partem DnIE.

## §. XX.

A punctis l, n, et f, r, a sectionibus meridianorum et parallelorum in superficie sphaerica oriundis, ducantur ad centrum C semidiametri lC, nC, et fC, rC, quae Ellipses secant in punctis L, N, et F, R iisdem, quae in plano (Fig. III.) determinari debent, sic ut, facta

C 2

tan-

- 1) Ellipses PHFp et PMRp a sectionibus transversis corporis, de quo in superioribus (v. not. ad §. XIII.) dictum est, elliptico-cylindrici oriundae, neque aequales sunt neque similes inter se, aucto nimirum axe altero, manente vero altero Pp. Minima omnium PHFp, quae lateribus corporis rotundi normaliter infistit, Ellipsin exhibet corporis hujus basi similem et aequalem; reliquae autem, ab utraque parte, communem habentes cum ea intersectionem Pp, crescunt sensim sensimque, imminuta eccentricitate, quippe Circulo PDAp five PEBp appropinquantes, in quem tandem abeunt per sectionem, cujus pendet a sin  $\frac{1}{2}$  APB determinatio. Sectiones hic intra terminos PAp et PBp, a sectionibus extra hos terminos, per lineam tamen omnes transeuntes Pp, praeter magnitudinem, hoc etiam differunt, quod linea illa Pp vicem gerat, in illis quidem, certis tantummodo limitibus circumscriptis, axis *majoris*, minoris autem in his; quorum adeo major potest axis, a Pp diversus, quantitatem quamlibet finitam, cum ipsa area, excedere.

tandem hujus plani extensione, situm datum in superficie sphaerae, punctorum nimirum I, n, et f, r obtineant. Cujus rei ratio ut appareat, satis erit unius tantummodo puncti N in plano, quod locum deinde occupare debet puncti n in sphaera, determinationem hic ostendisse, quia reliqua puncta eodem modo omnia definiri possunt.

Sit igitur latitudo puncti n, hoc est circuli arcus  $rn = AD = BE = fl = \beta$ ; angulus vero  $ACf = fCB = DGl = lGE = \frac{1}{2} ACB = \frac{1}{2} DGE = L$ ; k) meridiani denique  $Pn$  r p, per punctum n transeuntis ponatur a meridiano intermedio Plfp distantia, hoc est angulus  $lGn = fCr = \lambda$ , radius vero sphaerae  $AC = BC = PC = 1$ .

## §. XXI.

$$\begin{aligned} &\text{Quoniam } CG = \sin \beta; \text{ et } DG = Gn = Gl = GE = \text{Cof } \beta; \text{ erit} \\ &DH = HE = \frac{1}{2} DE = \text{Cof } \beta, \sin L; \quad GH = \text{Cof } \beta, \text{Cof } L; \quad GM \\ &= \frac{\text{Cof } \beta, \text{Cof } L}{\text{Cof } \lambda}; \quad HM = \text{Cof } \beta, \text{Cof } L, \text{tang } \lambda; \quad DM = DH - HM = \\ &\text{Cof } \beta, \sin L - \text{Cof } \beta, \text{Cof } L, \text{tang } \lambda = \frac{\text{Cof } \beta}{\text{Cof } \lambda} (\sin L, \text{Cof } \lambda - \sin \lambda \text{Cof } L) \\ &= \frac{\text{Cof } \beta \sin (L - \lambda)}{\text{Cof } \lambda}; \quad nM = Gn - GM = \text{Cof } \beta - \frac{\text{Cof } \beta, \text{Cof } L}{\text{Cof } \lambda} \\ &= \frac{\text{Cof } \beta (\text{Cof } \lambda - \text{Cof } L)}{\text{Cof } \lambda} = \frac{2 \text{Cof } \beta, \sin \frac{1}{2} (L + \lambda) \sin \frac{1}{2} (L - \lambda)}{\text{Cof } \lambda} \end{aligned}$$

In

k) Anguli sunt hic five arcus L,  $\lambda$  et  $\phi$  diversi ab his, qui in antecedentibus (§. XIV et XV.) iisdem symbolis efferuntur. Nam, qui ibi nominatur  $\lambda$ , pro eo Auctor hic posuit L, sublata penitus angulorum  $L = 2 \lambda$  relatione (§. XV.), angulos autem  $\lambda$  et  $\phi$  hic plane alios accepit: cujus quidem mutationis causa non apparet. Sed tamen facile posset eorundem signorum diversa significatio in errorem inducere, si quis forte formulas superiores cum his, quae sequuntur, minus attentus, comparaverit.

$$\begin{aligned} \text{In } M \text{ est differentiale Ellipseos } I) \quad P M R p &= d\beta \sqrt{\left( \text{Cof } \beta^2 \right. \\ &\mp \frac{\text{Cof } L^2 \sin \beta^2}{\text{Cof } \lambda^2} \left. \right) = d\beta \sqrt{\left( 1 - \sin \beta^2 \left( 1 - \frac{\text{Cof } L^2}{\text{Cof } \lambda^2} \right) \right)} \\ &= d\beta \sqrt{\left( 1 - \frac{\sin(L \mp \lambda) \sin(L - \lambda) \sin \beta^2}{\text{Cof } \lambda^2} \right)} \end{aligned}$$

Si igitur angulus  $nMN = \phi$  vocetur, erit

$$\text{Tangens } \phi = \frac{\text{Cof } \lambda \cdot \text{Cot } \beta}{\text{Cof } L}; \quad m) \text{ et sic}$$

C 3

MN=

l) h. e. Arcus, qui quaeritur, elliptici RM differentiale, quod, positis pro puncto M Coordinatis CG ( $\sin \beta$ ) et GM ( $\frac{\text{Cof } L}{\text{Cof } \lambda} \cdot \text{Cof } \beta$ ) rectangulis, reperitur  $= \sqrt{([d. CG]^2 \mp [d. GM]^2)} = d\beta \sqrt{(\text{Cof } \beta^2 \mp \frac{\text{Cof } L^2}{\text{Cof } \lambda^2} \sin \beta^2)}$ , unde reliqui sount, qui hic afferuntur, valores.

Unum est, quod dubitationem movere possit, qui tandem factum sit, ut, cum punctorum latitudines  $\beta$  et longitudines  $\lambda$  variables sint utique quantitates singulae et in se spectatae, Auctor tamen hic differentiationem lineae GM sic instituerit, ut in ea tantummodo  $\sin \beta$ , non item  $\text{Cof } \lambda$ , pro quantitate variabili habuerit? Sed dum quaeritur arcus indefiniti RN, in plano meridiani Pnrp positi, elementum, poterit pro puncto N quodlibet sumi punctum intra limites R et P, h. e. variatia etiam infinities punctorum N in hoc meridiano latitudinibus  $\beta$ , eadem tamen semper respondet punctis his omnibus longitudo  $\lambda$ , quae per angulum definitur  $IGN$ , cujus proinde, pro quibusvis circulis parallelis, eandem habent perpetuo ad eorum radios, lineae trigonometricae rationem.

m) Non opus est hic Tangente  $\phi = \frac{\text{Cof } \lambda \cdot \text{Cot } \beta}{\text{Cof } L}$ , (sic enim rescriben-

dum pro eo quod erat hic et §. XXIV. in contextu  $\frac{\text{Cof } \lambda \cdot \text{Cof } \beta}{\text{Cof } L}$ ) quae,

si in quaerendo valore  $\tau MN$  adhibeatur, ad calculos deducit, propter multiplices substitutiones, taediosos, praeter necessitatem. Poterit enim MN ex triangulo parvulo nNM, cujus hic designavit Auctor angulum  $nMN = \phi$ , longe commodius derivari, dummodo cogitemus, pro paral-

$$\begin{aligned}
 MN &= \frac{2 \sin \beta \operatorname{Cof} \beta \sin \frac{1}{2} (L \mp \lambda) \sin \frac{1}{2} (L - \lambda)}{\operatorname{Cof} \lambda \sin (\beta \mp \varphi)} \\
 &= \frac{\sin 2 \beta \sin \frac{1}{2} (L \mp \lambda) \sin \frac{1}{2} (L - \lambda)}{\operatorname{Cof} \lambda \sin (\beta \mp \varphi)}
 \end{aligned}$$

## §. XXII.

Longitudo igitur curvae RM, (Fig. III.) vel illius Ellipticae aequalis RM (Fig. IV.), pendet a functionis irrationalis

$$d\beta \sqrt{\left(1 - \frac{\sin (L \mp \lambda) \sin (L - \lambda) \sin \beta^2}{\operatorname{Cof} \lambda^2}\right)} \quad \text{Integratione}$$

$$\text{Sit igitur } \frac{\sin (L \mp \lambda) \sin (L - \lambda)}{\operatorname{Cof} \lambda^2} = m; \text{ prodit, instituta substi-}$$

tutione et Euolutione, d. RM, five

$$d\beta \sqrt{1 - m \sin \beta^2} = d\beta - \frac{m d\beta \sin \beta^2}{2} - \frac{m^2 \sin \beta^4 d\beta}{2 \cdot 4} -$$

$$- \frac{3 m^3 \sin \beta^6 d\beta}{2 \cdot 4 \cdot 6} - \frac{3 \cdot 5 \cdot m^4 \sin \beta^8 d\beta}{2 \cdot 4 \cdot 6 \cdot 8} - \text{etc. hinc reperitur}$$

Arcus

parallelas nG et rC, esse angulum GnC h. e.  $MnN = nCr = \beta$ , adeoque angulum  $nNM = 180^\circ - (\beta \mp \varphi)$ . Hinc deducitur analogia:

$$\frac{\sin. nNM (\sin [\beta \mp \varphi])}{\sin. MnN (\sin \beta)} = \frac{nM (\frac{2 \operatorname{Cof} \beta \cdot \sin \frac{1}{2} [L \mp \lambda] \cdot \sin \frac{1}{2} [L - \lambda]}{\operatorname{Cof} \lambda})}{MnN} : MN \text{ unde efficitur}$$

$$MN = \frac{nM \cdot \sin. MnN}{\sin. nNM} = \text{etc. Est autem h. l. } \varphi \text{ angulus, quem facit}$$

linea nM cum arcus Elliptici PM Elemento in puncto M. Hinc pendet determinatio  $\tan \varphi = \frac{d. GC}{d. GM} = - (d \sin \beta : \frac{\operatorname{Cof} L}{\operatorname{Cof} \lambda} d \operatorname{Cof} \beta)$ ,

$$\text{unde fit } \tan \varphi = \frac{\operatorname{Cof} \lambda \cdot \operatorname{Cof} \beta}{\operatorname{Cof} L \cdot \sin \beta} = \frac{\operatorname{Cof} \lambda \cdot \operatorname{Cot} \beta}{\operatorname{Cof} L}, \text{ qua inferius (§.}$$

XXIV et seq.) usus est Auctor, ad divisoris  $\operatorname{Cof} \lambda \cdot \sin (\beta \mp \varphi)$  in linea MN valorem determinandum.

$$\begin{aligned}
& \text{Arcus RM, h. e. } \int d\beta \sqrt{1 - m \sin \beta^2} = \beta - \frac{m\beta}{2^2} \mp \frac{m \sin \beta \operatorname{Cof} \beta}{2^2} \\
& - \frac{3m^2 \beta}{2^2 \cdot 4^2} \mp \frac{3m^2 \sin \beta \operatorname{Cof} \beta}{2^2 \cdot 4^2} \mp \frac{m^2 \sin \beta^3 \operatorname{Cof} \beta}{2^2 \cdot 4^2} \\
& - \frac{3^2 \cdot 5 m^3 \beta}{2^2 \cdot 4^2 \cdot 6^2} \mp \frac{3^2 \cdot 5 m^3 \sin \beta \operatorname{Cof} \beta}{2^2 \cdot 4^2 \cdot 6^2} \mp \frac{3 \cdot 5 m^3 \sin \beta^3 \operatorname{Cof} \beta}{2 \cdot 4^2 \cdot 6^2} \\
& \quad \mp \frac{3 m^3 \sin \beta^5 \operatorname{Cof} \beta}{2 \cdot 4 \cdot 6^2} \\
& - \frac{3^2 \cdot 5^2 \cdot 7 m^4 \beta}{2^2 \cdot 4^2 \cdot 6^2 \cdot 8^2} \mp \frac{3^2 \cdot 5^2 \cdot 7 m^4 \sin \beta \operatorname{Cof} \beta}{2^2 \cdot 4^2 \cdot 6^2 \cdot 8^2} \mp \frac{3 \cdot 5^2 \cdot 7 m^4 \sin \beta^3 \operatorname{Cof} \beta}{2 \cdot 4^2 \cdot 6^2 \cdot 8^2} \\
& \quad \mp \frac{3 \cdot 5 \cdot 7 m^4 \sin \beta^5 \operatorname{Cof} \beta}{2 \cdot 4 \cdot 6^2 \cdot 8^2} \mp \frac{3 \cdot 5 m^4 \sin \beta^7 \operatorname{Cof} \beta}{2 \cdot 4 \cdot 6 \cdot 8^2} \\
& - \frac{3^2 \cdot 5^2 \cdot 7^2 \cdot 9 m^5 \beta}{2^2 \cdot 4^2 \cdot 6^2 \cdot 8^2 \cdot 10^2} \mp \frac{3^2 \cdot 5^2 \cdot 7^2 \cdot 9 m^5 \sin \beta \operatorname{Cof} \beta}{2^2 \cdot 4^2 \cdot 6^2 \cdot 8^2 \cdot 10^2} \\
& \quad \mp \frac{3 \cdot 5^2 \cdot 7^2 \cdot 9 m^5 \sin \beta^3 \operatorname{Cof} \beta}{2 \cdot 4^2 \cdot 6^2 \cdot 8^2 \cdot 10^2} \mp \frac{3 \cdot 5 \cdot 7^2 \cdot 9 m^5 \sin \beta^5 \operatorname{Cof} \beta}{2 \cdot 4 \cdot 6^2 \cdot 8^2 \cdot 10^2} \\
& \quad \mp \frac{3 \cdot 5 \cdot 7 \cdot 9 m^5 \sin \beta^7 \operatorname{Cof} \beta}{2 \cdot 4 \cdot 6 \cdot 8^2 \cdot 10^2} \mp \frac{3 \cdot 5 \cdot 7 m^5 \sin \beta^9 \operatorname{Cof} \beta}{2 \cdot 4 \cdot 6 \cdot 8 \cdot 10^2} \quad *) \\
& \qquad \qquad \qquad \text{etc.} \qquad \qquad \qquad \text{etc.}
\end{aligned}$$

Hinc,

\*) Constant hic addenda nulla est, quia posito  $\beta = 0$ , fit etiam  $\sin \beta = 0$ , et RM = 0. Sed quaeri potest de Integralis hujus termino generali, quem Auctor non addidit, et, quo cognito, termini possunt facillime continuari, etiam, si opus est, extra ordinem exhiberi. Reperitur autem

$$\text{seriei a d. RM terminus generalis} = - \frac{1 \cdot 1 \cdot 3 \cdot 5 \cdot 7 \dots (2n-3)}{2 \cdot 4 \cdot 6 \cdot 8 \cdot 10 \dots 2n} m^n.$$

$$d\beta \sin \beta^{2n} = -P d\beta \sin \beta^{2n}, \text{ posito hic } \frac{1 \cdot 1 \cdot 3 \cdot 5 \cdot 7 \dots (2n-3)}{2 \cdot 4 \cdot 6 \cdot 8 \cdot 10 \dots 2n} m^n$$

= P; cui si jungatur

fdβ

Hinc, additis terminorum, qui eandem referunt sinus  $\beta$  poteftatem, Coefficientibus, pofito autem  $\frac{m}{2^a} \mp \frac{3m^2}{2^2 \cdot 4^2} \mp \frac{3^2 \cdot 5m^3}{2^2 \cdot 4^2 \cdot 6^2} \mp \frac{3^2 \cdot 5^2 \cdot 7m^4}{2^2 \cdot 4^2 \cdot 6^2 \cdot 8^2} \mp \frac{3^2 \cdot 5^2 \cdot 7^2 \cdot 9m^5}{2^2 \cdot 4^2 \cdot 6^2 \cdot 8^2 \cdot 10^2} \mp$  etc. =  $a$ , pro Coefficientibus autem ejusmodi, in summam collectis, quibuslibet *praeccedentibus*, fcriptis literis majoribus ex ordine A, B, C, D etc. reperietur tandem:

$$fd\beta\sqrt{(1-m\sin\beta^2)} = (1-a)\beta \mp a\sin\beta\operatorname{Cof}\beta \mp \left(\frac{1}{2}A - \frac{m}{2 \cdot 3}\right) \sin\beta^3\operatorname{Cof}\beta \mp \left(\frac{1}{2}B - \frac{m^2}{2 \cdot 4 \cdot 5}\right) \sin\beta^5\operatorname{Cof}\beta \mp \left(\frac{1}{2}C - \frac{3m^3}{2 \cdot 4 \cdot 6 \cdot 7}\right) \sin\beta^7\operatorname{Cof}\beta \mp \left(\frac{1}{2}D - \frac{3 \cdot 5m^4}{2 \cdot 4 \cdot 6 \cdot 8 \cdot 9}\right) \sin\beta^9\operatorname{Cof}\beta \mp$$
 etc. unde, quae fit progressus lex, quae Coefficientium relatio, facile perfpicitur.

§. XXIII.

$$fd\beta\sin\beta^{2n} = \frac{(2n-1)(2n-3)(2n-5)(2n-7)\dots 1}{2n(2n-2)(2n-4)(2n-6)\dots 2} \beta \\ - \frac{\operatorname{Cof}\beta}{2n} \left( \sin\beta^{2n-1} \mp \frac{2n-1}{2n-2} \sin\beta^{2n-3} \mp \frac{(2n-1)(2n-3)}{(2n-2)(2n-4)} \sin\beta^{2n-5} \mp \frac{(2n-1)(2n-3)(2n-5)}{(2n-2)(2n-4)(2n-6)} \sin\beta^{2n-7} \dots \right. \\ \left. \dots \mp \frac{(2n-1)(2n-3)(2n-5)(2n-7)\dots 1}{(2n-2)(2n-4)(2n-6)(2n-8)\dots 2} \sin\beta \right) = Q:$$

seriei inde pro Arcu RM efficitur Terminus generalis =  $-PQ$ , a quo termini omnes pendent definiti, substituendo in  $P$  et  $Q$  valores numeros literae  $n$ , inde  $a$  2, successive; namque differentialis  $d\beta\sin\beta^2$ , pro  $n=1$ , facile patet et obscurum non est Integrare  $\frac{1}{2}(\beta - \frac{1}{2}\sin 2\beta) \mp \operatorname{Const} = \frac{1}{2}(\beta - \sin\beta\operatorname{Cof}\beta)$ , quandoquidem hic fit, pofito  $x=0$ , etiam  $\operatorname{Const}=0$ . Ceterum Arcus hujusmodi RM valor, idem est reipsa, sed paullo aliter et fere commodius expreffus, quam Lineae Pm, cujus antea jam dederat Auctor aequationem, pariter transcendentalcm, in libello: *Second Avertissement sur les Grands Globes terrestres et celestes etc. ex Offic. Rom. MDCCCLIX*. Vid. ibi p. 10.

## §. XXIII.

Quodsi in hac formula ponatur puncti quaesiti longitudo  $\lambda = 0$ ;

erit proinde (§. XXII.)  $m = \sin L^2$ , adeoque  $a = \frac{\sin L^2}{4} \mp \frac{3 \sin L^4}{64}$

$\mp \frac{5 \sin L^6}{256} \mp \frac{175 \sin L^8}{16384} \mp \frac{441 \sin L^{10}}{65536} \mp$  etc.; recta autem

FH (Fig. III.) vel Ellipticus arcus (Fig. IV.)  $FH = (1-a) \beta$

$\mp a \sin \beta \operatorname{Cof} \beta \mp (\frac{1}{2} A - \frac{\sin L^2}{2 \cdot 3}) \sin \beta^3 \operatorname{Cof} \beta \mp (\frac{1}{2} B - \frac{\sin L^4}{2 \cdot 4 \cdot 5})$

$\sin \beta^5 \operatorname{Cof} \beta \mp (\frac{1}{2} C - \frac{3 \cdot \sin L^6}{2 \cdot 4 \cdot 6 \cdot 7}) \sin \beta^7 \operatorname{Cof} \beta \mp (\frac{1}{2} D - \frac{3 \cdot 5 \cdot \sin L^8}{2 \cdot 4 \cdot 6 \cdot 8 \cdot 9})$

$\sin \beta^9 \operatorname{Cof} \beta \mp$  etc, pro latitudine  $\beta$ ; literis etiam hic designantibus

A, B, C, D, etc Coefficientes proxime antecedentes ex ordine. Possset

quidem in his formulis pro  $\sin \beta$ .  $\operatorname{Cof} \beta$  ubique poni  $\frac{1}{2} \sin 2\beta$ ; verum,

cum etiam sic remaneret sinus  $\beta$  potestates, gradus paris, quae antea

fuerant imparis, commodius utique fuerit ad usum, si potentiae po-

tius forent sinus  $\beta$  in his formulis penitus sublatae. o)

Jam

- o) Optimum fuerit haud dubie, utrumque conjungere, resolvendo nimirum  $\sin \beta$ .  $\operatorname{Cof} \beta$  in  $\frac{1}{2} \sin 2\beta$ , potentias autem, quae hic relinquuntur, pares sinuum Arcus simplicis  $\beta$ , per Cosinus Arcus multiplicis  $2\beta, 4\beta, 6\beta$  etc exprimendo, unde producitur

$$FH = (1-a) \beta \mp \frac{1}{2} \sin 2\beta [a \mp (\frac{1}{2} A - \frac{\sin L^2}{2 \cdot 3}) (\frac{1}{2} - \frac{1}{2} \operatorname{Cof} 2\beta)$$

$$\mp (\frac{1}{2} B - \frac{\sin L^4}{2 \cdot 4 \cdot 5}) (\frac{1}{2} - \frac{1}{2} \operatorname{Cof} 2\beta \mp \frac{1}{2} \operatorname{Cof} 4\beta) \mp \text{etc.}]$$

Possset etiam valor lineae FH a lineis trigonometricis arcus  $\beta$  plane liberari, et per solos hosce arcus exhiberi, adhibendo formulas notissimas, quae sinuum et cosinum exprimunt, cum ipsorum arcubus,

Commentat. Antig. T. I.

D

rela-

Jam si ponatur  $\lambda = L$ , erit (§. XXII.)  $m = 0$ , et  $a = 0$ , adeoque  $\int d\beta \sqrt{1 - m \sin^2 \beta} = \beta$ ; quo longitudo arcus  $AD = BE$  in utraque figura (III. et IV.) designatur.

## §. XXIV.

Jam vero ut descriptio meridianorum et parallelorum in plano commode abfolvi poffit, computentur

- Fig. III. 1) Pro dato quolibet vel affumto  $\beta$ , rectae FH et  $HD = HE$ .
- 2) Pro quolibet autem  $\lambda$  in lineis DE, quantitas lineae HM. Deinde
- 3) Ducantur per omnia puncta M, quae pertinent ad idem  $\lambda$ , curvae lineae PMRp, meridiani fcilicet cum intermedio meridiano PFP, eundem in fphaera angulum  $\lambda$  efficientes. Porro
- 4) Computentur pro quolibet meridiano et parallelo, h. e. pro quolibet  $\lambda$  et  $\beta$ , breves illae lineae MN, HL. Et denique
- 5) Ducatur per omnia puncta N curva DNLE, parallelum nimirum in fphaera arcum exhibens pro latitudine  $\beta$ .

Est

relationem; fed fubftitutionum et reductionum laborem non remunerabitur, quae hinc expectari poffet, opportunitas, verfura potius dicenda, dum vacuum, quem relinquunt potentiae finus  $\beta$  fublatae, in locum, fuccedunt hic arcus  $\beta$  potestates.



DE FIGURA ET DIVISIONE SEGMENTORVM GLOBI. 27

Est autem pro hac ipsa latitudine indefinita  $\beta$  linea FH =  $(1-a)\beta$   
 $\mp a \sin \beta \operatorname{Cof} \beta \mp (\frac{1}{3} A - \frac{\sin L^2}{6}) \sin \beta^3 \operatorname{Cof} \beta \mp (\frac{1}{5} B - \frac{\sin L^4}{40})$   
 $\sin \beta^5 \operatorname{Cof} \beta \mp (\frac{1}{7} C - \frac{\sin L^6}{112}) \sin \beta^7 \operatorname{Cof} \beta \mp (\frac{1}{9} D - \frac{5 \sin L^8}{1152})$   
 $\sin \beta^9 \operatorname{Cof} \beta \mp$  etc.; ubi  
 $a = \frac{1}{3} \sin L^2 \mp \frac{1}{5} \sin L^4 \mp \frac{1}{7} \sin L^6 \mp \frac{1}{9} \sin L^8 \mp \frac{1}{11} \sin L^{10}$   
 $\mp$  etc.; porro

$$DH = HE = \operatorname{Cof} \beta \sin L;$$

$$HM = \operatorname{Cof} \beta \operatorname{Cof} L \tan \lambda;$$

$$MN = \frac{\sin 2\beta \sin \frac{1}{2}(L \mp \lambda) \sin \frac{1}{2}(L - \lambda)}{\operatorname{Cof} \lambda \sin (\beta \mp \phi)} \quad \text{Ubi est (§. XXI.)}$$

$$\tan \phi = \frac{\operatorname{Cof} \lambda \operatorname{Cot} \beta}{\operatorname{Cof} L} \quad p)$$

Si igitur  $\beta = 0$ , erit FH = 0, AF = FB =  $\sin L$ ; HM = FR  
 =  $\operatorname{Cof} L \tan \lambda$ , et MN = 0. Quodsi vero  $\beta = 90^\circ$ , erit FH = FP  
 D 2 = Fp

p) Ufus Auctor est hic tangente  $\phi$  ad determinandum inde anguli  $\phi$  valorem per angulos datos  $\beta, \lambda, L$ ; quo cognito cognoscitur etiam  $\sin (\beta \mp \phi)$  pro linea MN. In promptu quidem esset, ex data tangente  $\phi$ , sinum anguli compositi pariter exprimere per angulos datos, vel pro libitu assumptos,  $\beta, \lambda, L$ , atque hinc determinare

$$\sin (\beta \mp \phi) = \frac{\sin \beta \operatorname{Cof} L \mp \operatorname{Cof} \beta \operatorname{Cot} \beta \operatorname{Cof} \lambda}{\sqrt{(\operatorname{Cof} \lambda^2 \operatorname{Cot} \beta^2 \mp \operatorname{Cof} L^2)}} = \frac{\operatorname{Cof} L \sin \beta^2 \mp \operatorname{Cof} \lambda \operatorname{Cof} \beta^2}{\sqrt{(\operatorname{Cof} \lambda^2 \operatorname{Cof} \beta^2 \mp \operatorname{Cof} L^2 \sin \beta^2)}}$$

sed nihil inde proficuitur, et verisimile est, Auctorem hanc ipsam ob causam determinationem anguli  $\phi$  per  $\tan \phi$  praetulisse,

$= Fp = 1,570796326794 \dots (1-a)$ ;  $HD = HE = 0$ ,  $HM = 0$   
et  $MN = 0$ .

## §. XXV.

Applicabimus nunc has formulas ad octodecim illa segmenta, quibus magni nobis globi coelestes et terrestres vestiri debent. Quoniam hic  $L = 10^\circ$ , erit  $\text{Log.} (\sin 10^\circ)^2 = 8.4793404$ . Potest igitur quantitas  $a$  satis commode computari, sumto, pro quolibet termino hujus seriei, indefinite hic  $\frac{p (\sin 10^\circ)^n}{q}$ ;posito autem radio  $= 1,0000000$ .

Hinc erit pro  $(\sin 10^\circ)^2$ ;  $(\sin 10^\circ)^4$ ;  $(\sin 10^\circ)^6$ ;  $(\sin 10^\circ)^8$  etc.

$\text{Log.} (\sin 10^\circ)^2 = 8.4793404$ ;  $6.9586808$ ;  $5.4380212$ ;  $3.9173616$ ; etc.

$\text{Log. } p = 0,0000000$ ;  $0,4771213$ ;  $0,6989700$ ;  $2,2430380$ ; etc.

$\text{Log. } \frac{1}{q} = 9,3979400$ ;  $8,1938200$ ;  $7,5917600$ ;  $5,7855801$ ; etc.

$\text{Log. } \frac{p (\sin 10^\circ)^n}{q} = 7.8772804$ ;  $5,6296221$ ;  $3,7287512$ ;  $1,9459797$ ; etc.

hinc  $q$

$p(\sin$

g) Valores, quales hic prodent,  $\text{Logg. } \frac{p}{q} (\sin 10^\circ)^n$  [ubi  $\frac{p}{q}$  terminorum in serie  $a$  Coefficientes numericos significat, pro singulis sinus  $10^\circ$  potestatis diversos] non sunt pro radio  $1,0000000$  subducti, quod apparebit, si pro  $\text{Log} (\sin 10^\circ)^2$ ,  $\text{Log} (\sin 10^\circ)^4$ ,  $\text{Log} (\sin 10^\circ)^6$ ,  
Log

DE FIGURA ET DIVISIONE SEGMENTORVM GLOBI. 29

$$\frac{p(\sin 10^\circ)^n}{q} = 0,0075384; 0,0000426; 0,0000007; 0,0000000;$$

unde fit  $a = 0,00753817$  et  $1 - a = 0,9924183$

$$\text{Porro est } \frac{(\sin 10^\circ)^2}{6} = 0,0050256$$

$$\frac{(\sin 10^\circ)^4}{40} = 0,0000227$$

$$\frac{(\sin 10^\circ)^6}{112} = 0,0000007$$

$$\frac{5(\sin 10^\circ)^8}{1152} = 0,0000000$$

Unde sequitur

$$A = 0,00753817 = a$$

$$B = 0,0000227$$

$$C = 0,0000007$$

$$D = 0,0000000$$

$$E = 0,0000000$$

D 3

et

$\text{Log} (\sin 10^\circ)^n$  veri scribantur eorum pro hoc radio valores ex ordine

$$0,4793404-2; 0,9586808-4; 1,4380212-6; 1,9173616-8$$

quibus singulis addantur, qui respondent,  $\text{Log. p. } \frac{1}{4}$  Compl. arithm.  
 $\text{Log. } \frac{1}{4}$  (pro quo simpliciter hic Auctor scripsit  $\text{Log. } \frac{1}{4}$ ) demto denique, propter hoc ipsum complementum, numero 10, unde tandem producantur  $\text{Logg. } \frac{p}{q} (\sin 10^\circ)^n$  ex ordine

$$0,8772804-3; 0,6296221-5; 0,7287512-7; 0,9459797-9;$$

numero omnes *denario minores*, quosque ab Auctore proferuntur, pro radio sc. tabulari. Idem tenendum de Logarithmis qui occurrunt in sequentibus.

et ex his, cum praecedentibus (§. XXIV.)

$$FH = 0,9924183 \dots \beta \mp 0,00075817 \dots \sin \beta \operatorname{Cof} \beta$$

$$\mp 0,0000289 \dots \sin \beta^3 \operatorname{Cof} \beta \mp 0,0000004 \dots \sin \beta^5 \operatorname{Cof} \beta$$

$$\mp 0,0000001 \dots \sin \beta^7 \operatorname{Cof} \beta \mp \text{etc.}$$

## §. XXVI.

Quodsi arcus  $\beta$  definiantur gradus, erit

$$\operatorname{Log.} \beta = \operatorname{Log} \beta^\circ - 1,7581226; r) \text{ Est vero}$$

$$\operatorname{Log} (1-a) = 9,9966943; \text{ hinc}$$

$$\operatorname{Log} (1-a)\beta = 8,2385717 \mp \operatorname{Log} \beta^\circ$$

Simi-

r) Auctor hic  $\operatorname{Log} \beta^\circ$  accipit pro Logarithmo numeri, qui *gradus* Arcus  $\beta$  exponit; minus commoda et errori facile obnoxia notatione. Nempe si Arcui  $\beta$  tribuantur *b gradus*, sic ut sit  $\beta = b^\circ$ . Logarithmus Arcus  $\beta$  per Logarithmum numeri *b* sic determinatur. Quia jam Arcus *b graduum* aequivalet Arcui longitudine  $\beta$ ; positis, Circuli radio = 1 et semiperiph-

ria =  $s$ , erit  $\beta = \frac{b^\circ}{180^\circ} \cdot s = b \cdot \frac{s}{180}$  et  $\operatorname{Log} \beta = \operatorname{Log.} b \mp (\operatorname{Log.} s - \operatorname{Log} 180)$ , h. e. quia  $s = 3,1415926 \dots$  et  $\operatorname{Log.} s = 0,4971498 \dots$ ;  $\operatorname{Log} \beta = \operatorname{Log.} b \mp (0,4971498 - 2,2552725) = \operatorname{Log.} b - 1,7581226 \dots$ ; unde, quia  $\operatorname{Log} (1-a) = 9,9966943$ , sequitur  $\operatorname{Log} [(1-a)\beta] = 9,9966943 \mp \operatorname{Log.} b - 1,7581226 = 8,2385717 \mp \operatorname{Log} b$ ; ubi *b* constanter hic est numerus, qui *gradus* exponit arcus  $\beta$ . Quodsi vero arcus  $\beta$  proponitur in minutis, vel primis (ut sit tabula sequente pro Arcubus  $23^\circ 28'$  et  $66^\circ 32'$ ) vel secundis etc. subtrahi insuper debet  $\operatorname{Log} 60$ , vel  $2 \operatorname{Log} 60$ , etc. Arcubus itaque

$$\beta = b^\circ \text{ respondet } \operatorname{Log} \beta = \operatorname{Log} b - 1,7581226 \dots$$

$$\beta = b' \quad \quad \quad \operatorname{Log} \beta = \operatorname{Log} b - 3,5362738 \dots$$

$$\beta = b'' \quad \quad \quad \operatorname{Log} \beta = \operatorname{Log} b - 5,3144251 \dots$$

etc. ubi *b numerum* graduum, vel minorum, primorum aut secundorum, significat.

Similiter reperiuntur:

Log. Coefficientis	$\sin \beta$	$\text{Cof } \beta$	$= 7,8797666$
—	—	$\sin \beta^3$	$\text{Cof } \beta = 5,4608978$
—	—	$\sin \beta^5$	$\text{Cof } \beta = 3,6020600$
—	—	$\sin \beta^7$	$\text{Cof } \beta = 3,0000000$
—	—	$\sin \beta^9$	$\text{Cof } \beta = 0,0000000$

unde, quaecunque desideretur FH, facile poterit inveniri. Sed opus non est diutius his immorari, cum omnia jam satis plana sint et perspicua, ut uberiorem explicationem vix desiderent.

#### §. XXVII.

Tabula, quae sequitur, numeros continet, pro arcubus  $\beta$ , quinque graduum intervallo, pro arcubus vero  $\lambda$ , inde ab  $1^\circ$  usque ad  $10^\circ$ , per singulos gradus, computatos.

RA.

## RADIUS GLOBI = 100000.

	$\lambda = 0^\circ$		$\lambda = 1^\circ$		$\lambda = 2^\circ$		$\lambda = 3^\circ$		$\lambda = 4^\circ$		$\lambda = 5^\circ$	
$\beta^\circ$	FH	HL	HM	MN	HM	MN	HM	MN	HM	MN	HM	MN
$0^\circ$	0	0	1719	0	2439	0	5161	0	6885	0	8615	0
$5^\circ$	8726	132	1712	131	3426	127	5142	120	6861	111	8538	99
$10^\circ$	17451	261	1692	257	3387	249	5083	236	6783	219	8485	195
$15^\circ$	26172	382	1659	376	3322	365	4985	346	6652	320	8322	286
$20^\circ$	34888	490	1614	483	3232	469	4849	445	6471	411	8096	368
$23^\circ 28'$	40924	555	1577	548	3155	533	4734	506	6317	467	7903	417
$25^\circ$	43596	584	1557	576	3117	559	4677	530	6241	490	7809	438
$30^\circ$	52295	660	1489	652	2978	632	4470	599	5964	554	7462	495
$35^\circ$	60984	715	1409	708	2817	686	4229	650	5641	601	7058	537
$40^\circ$	69662	749	1318	742	2635	719	3953	681	5275	630	6600	563
$45^\circ$	78328	760	1216	753	2432	730	3649	692	4869	639	6092	571
$50^\circ$	86982	749	1105	742	2211	719	3317	681	4426	630	5538	563
$55^\circ$	95625	715	986	708	1973	686	2960	650	3950	601	4942	537
$60^\circ$	104257	660	859	652	1719	632	2581	599	3443	554	4308	495
$65^\circ$	112879	584	726	576	1453	559	2181	530	2910	490	3641	438
$66^\circ 32'$	115520	555	684	548	1365	533	2055	506	2742	467	3431	417
$70^\circ$	121492	490	588	483	1176	469	1765	445	2355	411	2947	368
$75^\circ$	130097	382	445	376	890	365	1336	346	1782	320	2230	286
$80^\circ$	138697	261	298	257	597	249	896	236	1196	219	1496	195
$85^\circ$	147294	132	150	131	300	127	450	120	601	111	751	99
$90^\circ$	155889	0	0	0	0	0	0	0	0	0	0	0

RA-

RADIUS GLOBI = 100000.

$\lambda = 6^\circ$		$\lambda = 7^\circ$		$\lambda = 8^\circ$		$\lambda = 9^\circ$		$\lambda = 10^\circ$	
HM	MN	HM	MN	HM	MN	HM	MN	AF	
10310	0	12092	0	13841	0	15598	0	17365	
10311	85	12046	67	13788	48	15539	25	17299	
10193	167	11908	133	13630	94	15361	50	17101	
9998	244	11680	195	13369	138	15066	73	16773	
9726	314	11363	250	13006	177	14657	94	16317	
9495	357	11092	285	12667	201	14308	106	15928	
9381	374	10959	298	12544	211	14136	112	15737	
8964	423	10471	337	11986	239	13508	126	15038	
8479	459	9905	366	11337	259	12778	137	14224	
7929	481	9263	384	10602	271	11948	143	13302	
7315	488	8550	390	978	276	11029	146	12279	
6653	481	7772	384	8897	271	10026	143	11162	
5937	459	6935	366	7939	259	8946	137	9960	
5175	423	6046	337	6920	239	7799	126	8682	
4374	374	5110	298	5849	211	6592	112	7338	
3643	357	4815	285	5511	201	6211	106	6915	
3540	314	4136	250	4734	177	5335	94	5939	
2679	244	3129	195	3582	138	4037	73	4494	
1797	167	2100	133	2403	94	2708	50	3015	
902	85	1054	67	1206	48	1359	25	1513	
0	0	0	0	0	0	0	0	0	

## §. XXVIII.

Numeris hujus tabulae uti commodè poterimus in delineationibus segmentorum his, quae ipsae globo vestiendò parantur, quaeque adeo mutationem prius, quam sphaerae applicentur, non subeunt. Aliiter est in delineationibus, quae chalcographis traduntur scalpro in aere describendae, eo consilio, ut eotypis ex aere faciendis segmentorum numerus multiplicetur sic, ut pluribus globis obducendis sufficiat; namque hae delineationes, dum aeneae tabulae mandantur, eaque chartae madidae imprimuntur, fieri non potest, ut non valde dissimiles, quae inde proveniunt figurae, imò etiam plane inutiles reddantur. Danda igitur opera est, ut non solum has aberrationes rectè cognoscamus, sed etiam, ut tanto malo, quoad fieri possit, medeamur.

Duplicem autem hic contrahere solet charta mutationem; quarum prior in eo est posita, ut, dum scalptor chartam, in qua est delineatio, tabulae aeneae impositam, instrumento chalybeo *s*) perpolitò, versus unam ut plurimum plagam, et si vel maxime etiam versus omnes progrediendo, perfricat, eam haud dubie extendat vehementer, et, quod pejus etiam est, inaequaliter. Huic igitur incom-

- s*) Nostri artificibus dicitur *der Gerbsahl*. Chartam scilicet, ab oleo theriabinthino pellucidam, delineationi superimponunt, figurarumque in ea transparentium rubrica imitantur lineamenta, quae deinde tabulae aeneae, (cujus polita superficies materia aliqua viscidior ex cera, sed admodum tenuiter, inducta est) instrumenti hujus chalybei attritu, vel etiam ipsius preli pressione, mandantur. Sed potest etiam, et fere commodius, delineationis ipsius pars averfa rubrica induci tota, eaque aeneae tabulae imponi; unde facile est, figuras in tabula hac rubricatas exprimere, stilo nimirum ferreo acutiorè sequendo figurarum in ipsa delineatione ductus accurate. Nulla quidem hic metuenda est chartae ab instrumento chalybeo extensio, sed incommode tamen accidit, quod figurae quae hinc exprimuntur in charta, situ omnes contrario appareant; unde intelligitur, quare Auctor jusserit, delineationem ipsam situ inverfo describere, vel in charta, vel in ipsa etiam, quod melius est, certe tutius, aenea tabula.



commodo ut occurratur, faciendum est, ut delineationes vel in charta, vel, quod potius est, certe tutius, in ipsa tabula aenea, situ inverso describantur; quo facto perfrictione hujusmodi opus non erit; chartae autem, quae inde pendet, prima mutatio, quamque tanta inaequalitas et dissimilitudo figurarum, consequitur, optime poterit et certissime hac ratione vitari.

## §. XXIX.

Alteram mutationem subit charta tum, cum ipsi aenea tabula imprimitur. Neminem enim fugit, chartam, quae prelo subjicitur, udam valde esse oportere. Hinc extenditur quaquaversum, neque tamen hanc extensionem charta, ubi figurae in ea similes sunt et aequales his, quae in aenea sunt tabula, diutius retinet, quam aeri adhaeret; namque arefcens contrahitur et fit tandem aere multo minor. Atque haec mutatio ferri quidem et tolerari facile posset, si non estypi similitudinem cum archetypo plane tolleretur. Nam, quia charta dum exsiccat, versus unam partem magis contrahitur quam versus alteram, apparet, delincationem factam ex aere, ei, quae est in aere, valde dissimilem mox futuram, sic, ut aberrationis hujusmodi culpa artificii tribui, ut ante, nullo modo possit.

## §. XXX.

Ad vitandum hoc incommodum, delineatio in ipsa aenea tabula instituenda est sic, ut, facta tandem aeris impressione, chartaeque post eam contractione, situm puncta et lineae in hac charta consequantur eundem, quem volumus; quemque referrent, si delineatio in hac ipsa charta graphice fuisset descripta. Prius itaque quam delineatio scalpendo aeri mandetur, probe est investigandum, quantum charta illa contrahendo subeat mutationem, quae obducendis globis est destinata; quod commode fieri potest hac ratione. Circino

E 2

fer-

ferreo, cuspidibus praedito peracutis, in tabula aenea majore describatur circulus, isque, more consueto, ex aere in charta exprimatur. Jam vero, ubi sicca penitus haec charta fuerit, circulus in charta, cum eo comparatus qui in aere est, non modo reperietur multo minor esse altero, verum etiam, secundum certam plagam, in oblongam rotunditatem deformatus.

### §. XXXI.

Diversarum autem diametrorum oblongae istius figurae deprehendi *maximam* quidem diametrum, *crassioribus* illis lineis, <sup>1)</sup> in qualibet charta obviis, parallelam esse, *minimam* vero secare eam ad angulum rectum. Charta igitur, dum arescit, ex ea parte, qua lineae istae pergunt, minus, ex altera vero, quae huic est ad angulum rectum opposita, magis contrahitur; quam inaequalem et extensionem et contractionem non parum quoque auget inaequalis pressio preli; cujus tamen h. l. cum vitari possit, rationem non habebimus. Ex comparatione igitur diversarum diametrorum oblongae illius figurae, et inter se, et cum diametro circuli, qui est in aenea tabula, quantitas istius mutationis optime definiri poterit, et cum ea

mo-

1) *Lineae* hae, paullo quidem illae *crassiores* et *pellocidae*, intervallis satis magnis sibi *parallelae*, secundum eam plagam pergunt, quae chartae dicitur *Altitudo* (*die Höhe des Papiers*) quibus verticaliter, secundum *Latitudinem* (*nach der Breite*) *densiores* multo et brevissimo intervallo distantiae insunt, quae pariter, ut lineae priores, ab aeneis pendent formae filis. Charta igitur secundum *altitudinem minus*, secundum *latitudinem* (Gallis dicitur *la Longueur, longueur*) *vero magis* contrahitur; id quod etiam vulgo observatur in charta, praesertim aetate facta, quae recens e molendinis advenit in typographorum officinas. Diversitatem diametrorum, pro diversis his chartae plagis, in Circulis praesertim majoribus, qui voluerit ipse inspicere, atque inter se comparare, uti poterit chartis *Doppelmayerianis*, *planiglobis*, *systemata* plura etc. referentibus, et constanter etiam hic reperiet, *diametros esse*, secundum *altitudinem*, propter *minorem* contractionem, *maiores*, secundum *latitudinem*, propter *maorem* contractionem, *minores*.

modus proponi, quo possimus figuram in aenea tabula describere, quae circulum exhibeat, in charta expressum, accuratissime.

## §. XXXII.

Cum ego chartam, quam magnis meis globis vestiendis destinaveram, hac ratione examinare constituisssem, descripsi bacillo, cuspidibus ferreis peracutis ab utrisque extremitatibus munito (*mit einem Stangenzirkel*) integros aliquot circulos in tabula plana magna aenea et bene polita, quorum erat Diameter = 0,9240 pedis Parisini. Hos circulos, tribus plagulis ejusdem chartae separatim impressos, cum explorarem, ubi jam charta bene sicca fuisset, deprehendi, eos non modo figuram induisse oblongiusculam, cujus constanter esset diameter maxima crassioribus illis chartae lineis parallela, et cui etiam minima insisteret ad angulos rectos, sed in omnibus etiam figuris esse diametrum maximam = 0,9172, minimam = 0,9108 ejusdem pedis ambas; ut adeo contractio reperiretur, secundum chartae lineas *transversas* aestimanda esse =  $2\frac{1}{2}\frac{1}{8}$  =  $1\frac{1}{8}$  circiter; versus *strias* vero his perpendiculares =  $2\frac{3}{4}\frac{1}{8}$  =  $\frac{1}{8}$  proxime. u)

E 3

## §. XXXIII.

u) Circuli in aere cum fuerit Diameter = 0,9240, in charta vero Diameter, versus altitudinem porrecta, maxima = 0,9172, versus latitudinem vero et minima = 0,9108; erit utique pro *majori* Diametro Contractio = 0,0068 =  $\frac{1}{15}\frac{1}{8}$  circiter, pro *minore* autem = 0,0132 =  $\frac{1}{8}\frac{1}{8}$  =  $\frac{1}{8}$  proxime, in relatione scilicet ad diametrum, ut consentaneum est, in aere geniticem. Pro his numeris, non satis accurate, positi ab Auctore hic reperiuntur numeri respective  $\frac{1}{15}\frac{1}{8}$  et  $\frac{1}{8}\frac{1}{8}$  h. e.  $\frac{1}{8}$  et  $\frac{1}{8}$  proxime, qui proveniunt, cum quaeritur ex numeris antecedentibus, quae futura fuisset ambarum Diametrorum contractio, si Circuli in aere fuisset Diameter = 1 = 1,000 ped. Paris. quia his numeris opus est §. seq. ad corrigendos numeros tabulae (§. XXVII.) propositae, ad ejusmodi radium relatos; qualem si in ipso aere adhibuisset Auctor, hac reductione opus non fuisset. Varia autem deprehenditur, ut dictum jam est, pro chartae varietate, contractio. Sic v. c. la Landius Vir Cel. in

## §. XXXIII.

Porro curavi, ut charta imprimenda tabulis aeneis imponeretur sic, ut linea Pp (Fig. III.) a lineis chartae crassioribus, ad angulos rectos scinderetur; h. e. ut lineae illae crassiores, lineis AB, DE etc essent parallelae. Omnes igitur numeros tabulae superioris linearum FH et MN necesse erat  $\frac{1}{4}\frac{1}{5}$ , omnes itidem linearum FA = FB; HD = HE, et HM numeros  $\frac{1}{5}$  augere, priusquam retia, eorum ope, in tabula aenea describi potuerint. x) Numeris itaque hac ratione auctis

in rectangulo, cujus erat in aere latitudo = 23, altitudo = 17 dig. Paris. observavit, redactam esse in charta. latitudinem ad 22 dig. 8 lin. altitudinem vero ad 16 dig. 10 lineas, minoremque etiam hic deprehendit chartae secundum altitudinem, majorem autem secundum latitudinem, contractionem. *Astronomie* T. II. c. 2092. Edit. Hdae. Aliam etiam disquisitionem, non minus subtilem et notatu dignam, cujus est in mensurandis figuris ex delineationibus habenda ratio potissimum, quam nimirum fubeat charta, non madafacta illa quidem, sed sicca, per ipsam aëris temperiem, per radios solares etc mutationem, majorem itidem secundum latitudinem quam altitudinem, instituit b. Lowizius, quae propoita legitur in libro, cui titulus: *der deutsche Staatsgeographus* pag. 106 et seq. in *Actis Societ. Cosmogr.*

x) Plura hic notanda videntur, quae non abs re erit, paucis monere. Nam

1) Non sibi respondent, quae dixit Auctor de tabulae aeneae super charta, cui figurae imprimendae, situ, si conferantur, quae de numerorum hic profert pro lineis FH et MN, item HD et HM augmentis, vel ipsius Auctoris festinantis, vel, quod magis credibile est, Interpretis prioris vitio. Necesse igitur erat, segmentorum *Lowizianorum* ipsa exempla inspicere, quae etiam nunc, ad globum terrestrem magnum trium pedum Parisinorum pertinentia, cum ipsorum tabulis aeneis decem diversis, et factis inde eëtypis permultis et perelegantibus, una cum Scala aenea, pro capiendis pedis Parisini, quotquot imperantur, partibus decies millestis, in Bibliopolio Vandenhoekiano afferantur et emtores expectant. Ex his itaque exemplis (quae, cum paulo accuratius examinarem, plurima in his puncta dimetiendo, et cum punctorum in aeneis tabulis situ et intervallis comparando, *Lowizii exemplorum* insigniter mihi probavere) perpexi, vera esse, quae hic tradita sunt de lineae Pp situ in charta; nempe lineam hanc,

auctis, effici potest, ut delineatio ex aere facta in charta, postquam penitus sicca fuerit, genuinum situm punctorum, linearumque omnium ju-

hanc, quae medium sistit in segmento meridianum, adeoque etiam ejus partes FH et parallelas MN, porrectas esse secundum chartae latitudinem, lineas autem HD et HM, cum parallelis AF, RF, secundum crassiores illas, ut Auctor vocat. lineas, b. e. secundum altitudinem; ut adeo (quia charta, dum arefcit, secundum latitudinem magis, secundum altitudinem minus contrahitur, §. XXXI et XXXII.) lineis FH et MN majora debeant in aere, lineis vero HD et HM minora augmenta accedere, fractioque pertineat  $\frac{1}{10}$  ad FH, MN, altera vero  $\frac{1}{12}$  ad HD, HM; contra, quam legitur hic in contextis. Ceterum etiam *Guil. de l'Isle* addere solebat lineis in aere eam partem, quae chartae solet contractione evanescere. Vid. *la Lande* l. c. ubi etiam *Nic. de l'Isle* commemoratur correctio elegans in charta figurarum, in plano glutinandarum, per parallelogrammum circumscriptum, cujus exhibentur simul, quae fuerint ante contractionem, dimensiones.

2) Sumit Auctor, et chartae madefactae extensionem et arefcentis contractionem, aequabilem esse in omnibus ejusdem plagae punctis, et fieri proportionaliter; quod ita etiam esse plerumque usus docet, quamquam non desunt exempla in contrarium, passim obvia. Huc pertinet v. c. quod *la Landius* (*Astron.* T. II. c. 2091.) de Ellipsi narrat paulo majore, cujus puncta axis majoris extrema, centro in charta propinquiora deprehenderat, quam erant in aere,  $1\frac{1}{2}$  linea ab una, sed  $2\frac{1}{2}$  linea ab altera parte; axis autem minoris vertex, unum  $\frac{1}{2}$  lin. alterum vero  $\frac{1}{4}$  lin. versus centrum recessisse. Cujus rei causa in inaequali quaerenda videtur vel preli pressione, vel ipsius etiam chartae textura; namque huic tribuit unice Vir Celeb. quae hic observatur, chartae udae extensionem, asserens, plagam, secundum quam volvuntur super charta cylindri, nihil hic asserre novae mutationis.

3) Ex eo, quod sumtum est (2) de linearum contractione proportionali, apparet, fractiones hic  $\frac{1}{10}$  et  $\frac{1}{12}$  non esse, ut videri possit, numeros absolutos, sed eos, tanquam Coefficientes, jungendos esse quantitibus MN et HM, ad quas pertinent, sic, ut pro simplicibus his quantitibus correspondentibus, nunc, propter contractiones chartae inevitabiles, describendae sint in aenea tabula lineae

$$MN \mp \frac{1}{10} MN = \frac{9}{10} MN \text{ et } MH \mp \frac{1}{12} MH = \frac{11}{12} MH.$$

4) Sed vel sic etiam nondum est res ad numeros satis accuratos deducta. Partes nimirum lineis suis additae,  $\frac{1}{10}$  MN et  $\frac{1}{12}$  MH, eadem lege contrahuntur, qua lineae ipsae. Hinc novis opus est continuo augmentis, quae

justam magnitudinem exhibeat. Numeros autem ejusmodi in tabula, quales prodirent, aucti quotientibus sive coefficientibus praedictis suo ordine singuli, proponere hic opus non est, quia magnis tantummodo globis meis apti forent. Quaevis enim alia charta examinari prius debet, eo quo dictum est (§. XXXII.) modo, ut ex contractione, quam patitur, dum ex aenea tabula desumpta exaruerit, relatio punctorum in ea investigari, atque ultimo tandem loco describi etia possint.

### §. XXXIV.

Ut vero illi, qui hanc descriptionem, huncque laborem nimis molestum taediosumque esse putent, animum non despondeant, addam pauca de modo, quo meos conficiam globos magnos, quibusve laborum compendiis utar. Quoniam diameter globorum meorum adaequat tres Parisinos pedes, facile patet, difficulter chartam tantae amplitudinis parari posse, cujus ab oppositis partibus extremitates, ab uno sphaerae polo ad alterum porrigantur; imo, vix dici potest, quam molestus quamque incommodus futurus labor esset, si tabu-

quae, posita contractione  $= \frac{n}{m}$ , exponuntur conjunctim per seriem  $\frac{n}{m} + \frac{n^2}{m^2} + \frac{n^3}{m^3} + \frac{n^4}{m^4} \dots + \frac{n^r}{m^r}$ , cujus est summa  $= \frac{n}{m-n}$ . Cum autem, pro linea MN et parallelis, sit  $n = 33$  et  $m = 2310$ , pro linea autem MH et parallelis,  $n = 17$  et pariter  $m = 2310$ , prodeunt inde Coefficientes,  $\frac{33}{2277} = \frac{1}{69} = \frac{1}{3 \cdot 13}$  et  $\frac{17}{2293} = \frac{1}{135} = \frac{1}{3 \cdot 5 \cdot 9}$ , quam proxime; et ex his lineae ipsae in aenea tabula ducendae

$MN + \frac{1}{69} MN = \frac{78}{69} MN$ , et  $MH + \frac{1}{135} MH = \frac{136}{135} MH$ , sumtis pro MN et MH numeris in tabula §. XXVII propositis.

## DE FIGURA ET DIVISIONE SEGMENTORVM GLOBI. 41

tabulis aeneis tantae longitudinis (ut Fig. III.) delineationes mandari deberent. His autem duobus incommodis facile occurri potest, si figurae hujus pro una tabula tantummodo dimidium v. c. APB sumatur, ab aequatore AB ad polum P excurrrens. Segmentorum autem hujusmodi triginta sex extremitates, lineis rectis AB terminatae, facile possunt omnes et commode in ipso aequatore, absque omni sensibili inaequalitate in sphaerae superficie, conjungi.

### §. XXXV.

Quoniam vero omnes delineationes retium in singulis segmentis et similes et aequales esse debent, pro qualibet curva, in tabula aenea ducenda, ex orichalco tenuis lamina paranda est, lineae hujus acie imitans curvedinem (*eine Leere oder Schablone*): pro quadrantibus meridiani v. c. ADP sive BEP, una tantum, bene longa; pro his autem, qui ab intermedio FLP, qui linea recta est, progrediuntur ab utraque parte, quinque graduum intervallo, RMP, plures, et ejusdem fere omnes magnitudinis. Eandem praebeunt opportunitatem laminae ejusmodi, circulorum polarium, tropicorum, aliorumque parallelorum, gradibus quinque distantium, curvas referentes, in plano ducendas, novemdecim numero omnes, (quandoquidem aequatoris partes AB rectae sunt in plano, non curvae lineae) sed breviores multo quam priores. Secundum laminarum igitur ejusmodi aciem possunt in tabula aenea, cuspidē bene acuta, omnes curvae lineae satis profunde incidi; quas, necesse non est, ut scalptor corrigat, quia multo accuratius et elegantius in charta exprimuntur, quam si artifex ipse eas scalpisset.

### §. XXXVI.

In signandis his principalioribus lineis, quibus maxima attentio debetur, usus sum instrumento, non solum ad hos, verum etiam ad  
*Commentat. Antiq. T. I.* F mul-

multos alios usus parato. Constat autem illud regula chalybea AB, Fig. V. (Fig. V.) tres pedes Parisinos longa, digitum unum lata, et  $\frac{1}{4}$  lineae crassa, valde elastica. Hac in regula septem conspiciuntur foramina oblonga a, a, a, etc, in quae extremitates longarum totidem cochlearum ferrearum ab, ab, ab, etc sic sunt aptatae, ut commode libereque circa axem verti possint. Septem hae cochleae junctae sunt bacillo ferreo, pedes Parisinos duo et dimidium longo, unum digitum lato, et tertiam partem digiti crasso, in extremitatibus autem C et D ad angulos rectos inflexo; ita ut partes CE et DF unum digitum cum dimidio ab utroque latere promineant. Extremitates hic E et F bifidaeprehenduntur, instar furcae, elaboratae, ut duo in iis ex orichalco prismata g, g commode moveri possint, quibus sunt regulae chalybeae termini A et B ita aptati, ut ea, propter fissuras h, h, per quas duae cochleae in orichalcum transeunt, pro lubitu curvari atque iterum relaxari possint. Fissurae enim h, h, cum foraminulis oblongis a a etc, hunc praestant usum, ut regula possit, sic, ut ne nimia vis afferatur cochleis, curvaturam arcuum hujusmodi qualemcunque imitari.

### §. XXXVII.

Hujus instrumenti usus facile et vel leviter attendenti in oculis incurrit. Nam si lineae alicujus, quae non adeo multum curvatur, longioris, detur per puncta, parum a se invicem distantia, positio, regula hujus instrumenti facile poterit cochlearum, vel manu vel clave aliqua dirigendarum, beneficio, incurvari sic, ut per data omnia puncta transeat; quo fit, ut curva possit, sicuti recta, per data quaevis puncta duci, situs autem regulae, quam diu liberit, servari. Quoniam vero, pro quolibet meridiano et parallelo, juxta tabulam (§. XXVII.) propositam, adhibita, si opus est, correctione (§. XXXIII.) viginti puncta, satis sibi propinqua, determinari possunt, linea hujus instrumenti ope ducta per haec puncta, curvam, quae



quae quaeritur, exprimet sic, ac si omnia ejus puncta reliqua per calculum inventa et determinata fuissent.

### §. XXXVIII.

Quodsi denique meridiani omnes et paralleli, per quinque graduum intervalla, aeri fuerint mandati, facile erit, reliquos inde omnes arcus, per simplicem tantum quiaquepartitionem mechanicam reperire, eosque, per singulos gradus eundo, sed leviter tantum et subtiliter, in aere describere, cum, tabula perfecta, iterum deleri debeant. y) Hinc oritur rete, areolas siltens exiguas quadratas, laterum unius gradus, in quas regionum et marium in terra, stellarum vero in caelo, descriptio commode poterit, per partes, transferri ex charta, in qua delineatio hujusmodi segmentorum, similiter est, lineis per singulos gradus ductis, reticulata. Nihil autem est, quod de magnorum meorum globorum z) delineatione monere amplius aut addere vel possim vel debeam, et SOCIETAS REGIA SCIENTIARVM, omnesque Cosmographiae periti, facile jam poterunt ex his, quae dixi, de perfectione horum globorum judicium ferre, eosque cum aliis quibuslibet comparare.

y) Hujusmodi divisionum etiamnum apparent in tabulis aeneis *Lowizianis*, atque adeo egyptis inde factis, vestigia, quippe quae nondum sunt, ut fieri debet, instrumento chalybeo laevigatorio deleta.


z) De globis his eorumque oeconomia et praesentia pluribus egit Auctor tribus libellis, separatim olim Noribergae ex Officina Heredum Homannianorum editis: 1) *Avertissement — sur la Construction des Grands Globes, Nuremberg 1746.* 2) *Description complete, ou Second Avertissement sur les Grands Globes Terrestres et Celestes — Ibid. 1749.* 3) *Troisième Avertissement sur les Grands Globes — Ibid. 1753.* Rem ipsam tamen amplissime exposuit libello altero: *Description complete* etc, addito etiam specimine trigesima sextae partis ex Globo Terrestri, trium pedum Parisiiorum, aere expresso, pereleganti, quo Americae exhibetur Septentrionalis pars, inde a Longitudinis gradu 300 — 320, Terrae firmae completens itemque insulae Cubae et Jamaicae partem, insulas Hispaniolam et

Porto -Rico, cum Antillanis minoribus, Novam Angliam, Tractum Canadensem, Terram Labrador, Fretum Hudsoni etc. Hi libelli, qui vix ac ne vix quidem separatim nunc haberi possunt, partem constituunt operis majoris: *Astorum Societatis Cosmographicae, quae scriptorum minorum, instituti cosmographici causa editorum, continent collectionem. Noribergae, 1754.*


## E P I M E T R V M.

Figuris in aenea tabula *Lowizianis* quinque addita est a Generosiss. Fig. VI. C. F. de SCHOENBERG sexta, Instrumenti scilicet, ad circulorum, praefertim majorum, quorum centra, si quaererentur, extra chartam caderent, arcus ducendos perquam idonei, et aliis ad hunc usum excogitatis longe praestantioris; cujus nunc dabimus descriptionem. Constat autem ex compage regularum sex, AC, CD, CB, GF, FI, IH, circa centrum commune C et paxillos G, F, I, H, mobilium, praeter CD, quae totius est veluti fundamentum. Variando igitur angulo ACB sic, ut termini A et B, pro minori angulo, propius accedant ad CD, regula IF recedit a C versus D; et contra, si termini A et B, crescente angulo, recedunt a CD. In E cochlea est, cujus ope *angulus* quilibet ACB (cujus nimirum *vertex* est in medio puncto e foraminis C, *lateribus* secundum aciem regularum CA et CB utrimque excurrentibus) idem potest, quam diu volumus, servari. Hinc instrumenti *usus* facile patet. Fac enim describendum esse majoris circuli arcum KcL, cujus chorda est linea recta KL; termini itaque dati sunt K et L, per quos *definitus* arcus duci potest, si, praeter puncta haec duo, *unius* adhuc in hoc arcu puncti situs, veluti c, cognitus est: unde determinatur *circuli segmentum* KcLK et *angulus* in *segmento* A c B, *constans* et *invariabilis*. Fixis igitur claviculis in chordae punctis extremis K et L, acie autem regularum AC et CB ad eos applicata, faciendum est, ut luminis C (muniti jam *stilo* five alio *instrumento* ad scribendum apto) *medium* punctum (*cuspidis* nimirum *stili subtilis*) cadat in arcus punctum datum vel inventum c; quo facto, adstricta iam cochlea, commode poterit, instrumenti totius agitiatio-

*Fig. V.*



*Fig. VI.*



*Louiz de Fig. Segm. Globi*



tatione dextrorsum sinistrorsum, regulas AC et CB perpetuo versus claviculos K et L, sed leniter, urgendo, *arcus*, qui quaeritur, KcL *describi*.

Delineatio hic exhibita sumta est ab instrumento, quo THEOPHILVS BOEHMIVS, Prof. Dresdensis, Vir Clarissimus, in mapparum geographicarum constructione, pro meridianis et parallelis majoribus nunc utitur; et olim jam usus est IO. MATTH. HASIVS, celeberr. sui temporis Geographus. Instrumenti ejusmodi, sed aliter constructi, descriptionem jamjam dedit, et figuram proposuit aere expressam, Batavus in libello paulo rariore: *Cosmographia, of Verdeeling van de geheele Wereld, als mede het maken van de Hemelsche en Aardsche Globe etc Door Pieter Schmit. Amst. 1720. pag. 130-133. Tab. 22. Fig. 51*; quo ex libro, quem III. KAESTNERVS humaniter mecum et benevole communicavit, perspexi hujus instrumenti cum alio conjunctionem (*ead. tab. Fig. 52*), qua fit, ut claviculis hic K et L opus non sit, arcus etiam possit ad chordae puncta usque extrema (quod claviculi in his punctis impediunt) duci, imo, quousque velimus, ad integram etiam peripheriam, si opus est, et chartae fert magnitudinem, continuari.

Forma hujus instrumenti subsidiarii eadem fere est quam exhibet figura ECDF (Fig. V.), quae relinquitur, demtis, in instrumento Louiziano, lamina curva AaB, prismatibus parvulis g, g, et cochleis ab; hoc tantum discrimine, quod partes EC et FD, bacillo prismatico CD ad angulum rectum insistentes, pro sulco, quem hic referunt, in aciem terminentur orichalco munitam, multo etiam sint longiores et mobiles super CD, sic ut, pro chordae datae KL magnitudine, punctorum nimirum K et L intervallo, possint appropinquare. Puncta igitur extrema in acie partium CE et DF, si ponantur super punctis K et L, ea hic claviculorum in his punctis vicem sustinent, arcusque poterit KcL (Fig. VI.) eodem modo, quo dictum est, describi.

scribi. Quod si igitur instrumentum ACDCB (Fig.VI), servato eodem angulo, flectatur super arcus aliquo puncto paululum circa cuspidem, quae arcum descripsit, sic ut aliud arcus  $cL$  vel  $cK$  punctum, per arcus ejusdem cum regula CB vel CA interfectionem determinetur, instrumentum autem alterum *subsidiarium* servato eodem, quod antea fuit, partium CE et DF intervallo, puncto huic novo interfectionis applicetur ab uno latere sic, ut regulae alteri ab altero latere occurrat, descriptus jamjam arcus hoc modo, quousque velimus, poterit produci.



ZINNII  
OBSERVATIONES  
CIRCA  
DIFFERENTIAM FABRICAE  
OCULI HUMANI ET BRVITORVM.  
DISSERTATIO ALTERA.  
PRAELECTA D. V. FEBR. MDCCLVII.

**A**nte duos circiter annos, Auditores, in vestro confessu observationes quasdam circa differentiam fabricae oculi humani et brutorum exposui, \*) ubi inprimis ad ipsas bulbum oculi componentes partes, et humores sic dictos respexi. Nonnulla hodie addamus, quae ad partes exteriores, musculos inprimis et glandulam lacrymalem attinent, et ad illustranda quaedam phaenomena physiologica facere posse videntur. Ut autem, quae dicenda sunt, eo facilius intelligi possint, brevissimis verbis fabricam musculorum oculi humani praemittere liceat. In homine tres musculi recti, inferior, exterior, interior, ex communi tendinae in sulco proprio fissurae sphaeroideae superioris latente oriuntur, et in ipsa demum orbita in tres carnes abeunt. Superior autem rectus ex angulo durae matris, ubi ad oram exteriorem foraminis optici in duas laminas, quarum altera in periorbitum orbitae abit, altera vaginae instar nervum comitatur, dividi solet. Obliquus superior ex periosteo parietis interioris orbitae ortus et per trochleam latus triangulare fere tendine hemisphaerio posteriori bulbi ad latus extremum se inferit. Inferior obliquus ex osse maxil-

\*) Tom. IV. Comment. S.G. 1754.

maxillari pone marginem orbitae anteriorem ad radicem ossis lacrymalis natus, oblique extrorsum et retrorsum sub musculo recto inferiori procedit, circa bulbum inflectitur, sub muscolum anteriorem gliscit, et itidem hemisphaerio posteriori ad latum externum se immittit. Uti in aliis oculi partibus, sic etiam in fabrica muscutorum, animalia carnivora proxime ad humanam fabricam accedunt, et musculi quidem recti vix a structura humana differunt, qui itidem praeter rectum superiorem ex tendine communi in fissura sphaeroidea oriuntur, et loco eodem, ut in homine, se inferunt. Neque origo trochlearis differt; insertio vero diversa est: tendo enim illius per trochleam latus vix retrorsum flectitur, sed ad angulum fere rectum descendit, et hemisphaerio bulbi anteriori haud procul a cornea se inserit. Obliquus inferior prope finem in duos tendines finditur, quorum alter in hemisphaerio anteriori, alter in posteriori bulbo iungitur; eandemque utriusque obliqui musculi insertionem in hemisphaerio anteriori in plurimis aliis animalibus deprehendi. In animalibus autem ex glirum genere inflexio obliqui superioris per trochleam deficiit, qui ex parte anteriori orbitae ortus oblique musculos rectos decussat, et bulbo anterieus se immittit. Haec quidem insertio obliqui utriusque in hemisphaerio anteriori usum illius docere videtur, utrumque nempe inprimis destinatum esse, ut bulbum oculi rotent, et alter pupillam deorsum et introrsum, alter sursum et introrsum ducat. Quem autem usum Winslowus illis adscripsit, ut munere parietis exterioris orbitae fungantur, oculumque ab eo latere retineant, in plurimis animalibus ne locum quidem habere crediderim, in quibus bulbis a latere exteriori aequae profunde in orbita recondatur, ac a latere interiori. Multo minus autem iidem musculi in plurimis animalibus oculum extra orbitam protrahere poterunt, qui ipsi parti illius anteriori se inferunt. Praeterea notum est, praeter hominem in omnibus quadrupedibus adesse muscolum sic dictum suspensorium, qui in fissura sphaeroidea ortus in animalibus carnivoris, ut in cane et urso, in quatuor distinctos, et a se invicem remotos fasciculos abit,

et



et pone rectos bulbo se inserit, in ruminantibus autem et lepore bur-  
sam et vaginam undique continuam et clausam constituit, ex oculi  
fundo superne tantum fissas, ut nervum opticum, longe ab illius or-  
tu orbitam ingressum recipiat, et in cavum conicum admittat.

In avibus denique musculi oculi a reliquis animalibus diversissimi  
apparent. Cranio enim et orbita effracta primum apparet musculus  
tenuis levator palpebrae, cui subjiciuntur duo musculi, quorum al-  
ter oritur ex septi, quod orbitas intercedit, parte anteriori, quae  
rostrum propior est, alter ex ejusdem parte posteriori ad ingressum  
nervi optici, qui oblique decurrentes alter antrorsum et extrorsum,  
alter retrorsum et extrorsum in bulbis oculi se decussant, et ad radi-  
cem corneae oculo se immittunt, prope insertionem latissimi facti. In-  
fra illos modo dictos sequuntur alii duo musculi, quorum uterque  
oritur ex involucri nervi optici, et ita mediam et posteriorem fere  
bulbi partem adit, ut alter retrorsum, alter antrorsum cum superio-  
ribus se decussando procurrat, et duo alii similes musculi itidem ex  
nervo optico orti in latere inferiori orbitae occurrunt. In primis  
autem accuratius considerari meretur pulcherrima illa fabrica, quae  
tertiam palpebram in cantho interno sitam regit. Ejusmodi nempe  
palpebra, cujus in homine leve tantum imitamentum occurrit, in  
omnibus animalibus adest; in plurimis autem quadrupedibus proprii  
musculi, qui illam corneae obducant, et inde retrahant, a nullo in-  
venti fuerunt, neque meipsum diligentissimis illis Parisiensibus, qui  
accuratissime plurimorum animalium fabricas scrutati sunt, feliciter  
fuisse facile fateor, nisi quod in oculo leporino tenuissimae fibrae in la-  
tere inferiori bulbi palpebram illam adire videantur; Parisienses autem  
testantur, in oculo Elephantis duos adesse musculos satis fortes, qui  
unice huic palpebrae regendae inserviant. In avibus autem pulcherrima  
et omni admiratione dignissima fabrica adest. Ad latus nempe inferius  
nervi ex sclerotica oritur musculus pyramidalis, qui tendinem emit-  
tit, tenuem et longissimum huic palpebrae insertum. Tendo ille

*Commentat. Antiq. T. I.*

G

cir-

circa nervum opticum ita flectitur, ut directio hujus tendinis cum directione fibrarum musculi angulum satis acutum intercipiat, in quo angulo nervus opticus bulbum oculi adit. Ne autem nervus ille a tendine circumflexo stringi et dimoveri possit, in apice hujus anguli tendo ille transmittitur per musculus peculiarem in parte anteriori scleroticae ortum, qui munere trochleae functus illum ita complectitur, et retinet, ne in actione nervum opticum attingere possit. Postquam autem tendo ille musculus modo dictum superavit, antrorsum versus canthum oculi internum progreditur, et demum partem inferiorem palpebrae tertiae adit. Parisienses quidem similem fabricam iam pinxerunt ex Casuario ave, ita tamen, ut tendinem non per ipsam alterius musculi substantiam sed per tendinem transire perhibeant. Praeterea in oculis avium in parte anteriori orbitae exiguum video musculus ex sclerotica ortum, et palpebrae tertiae insertum, qui illam iterum retrahere et complicare possit. Accedo nunc ad glandulam lacrymalem, quam et in oculo humano et animalium eo fufius describere liceat, cum prioribus observationibus varia nec plane sorte incuriosa addere contigerit. Glandula lacrymalis in duas omnino partes inter se diversas abit, ut duplex dici posse videatur. Altera portio, omnibus nota, oblonga, densior, ex margine superiori, crassiori, interius in oram acutiorum degenerat, qualis in descriptione oculi humani dicta fuit; et statim in latere superiori et exteriori orbitae in oculos incurrit, quam primum propago durae matris orbitam investiens sublata fuerit, et ad marginem orbitae anteriorem pertingit. Ad classem glandularum conglomeratarum refertur, composita ex plurimis lobulis et acinis densa cellulosa artius inter se connexis, et in unam continuum carnem coadunatis, etsi involucri universale exterius deficiat. Huius glandulae subjicitur ex parte altera glandula, omnino diversissima, cujus vix ullam mentionem factam fuisse video, quae constat ex plurimis lobulis, a se invicem distinctis, et secundum longitudinem parallelo situ ita positus, ut omnes versus marginem inferiorem palpebrae

brae superioris tendant. Lobuli illi, eo crassiores, quo propius ad latus externum orbitae accedunt, posterius testi latent sub glandula priori, solidiori, superius dicta, intercedente tamen cellulosa, antea laxiori, posterius firmiori, ab eodem distincti, ut sine ulla læsione aut fibrarum laceratione glandula superior ab inferiori removeri et auferri possit, etsi primo intuitu ipsa illa glandula superior in lobulos modo dictos glandulae inferioris continuari videatur. Glandula autem haec inferior non iisdem ac superior limitibus circumscripta est, sed hujus lobuli sub illius ora anteriori progrediuntur, in palpebram descendunt, et praefixam sibi habent propaginem illam durae matris, ab ora superiori orbitae in palpebram demissam, quam sub nomine ligamenti tarsei alibi descripsimus, pone quam ita testis latent, ut, nonnisi velo illo in origine satis crasso et firmiori caute ablato, nunquam in conspectum veniat. Quae quum ita sint, adeo mirum non est, lobulos illos sub velo illo latentes aliorum oculis se subduxisse. A facie autem interiori palpebrae, quae bulbum oculi respicit, obductam modo sibi habent tenuissimam et tenerissimam conjunctivam, per quam, uti et minima omnia vascula translucunt. In hac facie interiori palpebrae eo loco apparent multi poruli tenuissimi, qui vix minimam et subtilissimam setam recipiunt, et brevissimo itinere sine ullo ductu statim ad ipsam substantiam lobulorum ducunt, ut canaliculos peculiare, qui lacrymas in glandula secretas ad faciem internam palpebrae devehant, anxie hic quaerere superfluum sit; quin illi Anatomici, qui aut ductus lacrymales plane negaverint, aut nonnisi timide de illis pronunciaverint, laude sane digniores mihi videantur, quam illi, qui sine ulla certa observatione et experientia audacter illos ex animalibus ad fabricam humanam transtulerunt. Nullibi autem facile glandulam hanc lacrymalem anteriorem dictam fuisse, inde colligi posse videtur, quod omnes unice loquantur de glandula lacrymali continua in fovea ossis frontis sita, iconibus solam illam ultra oram anteriorem orbitae non extensam praesentent, icones ejusmodi citent, et de inveniendis ductibus lacry-

crymalibus solliciti sint, qui ex remotiori illa glandula lacrymali superiori lacrymas ad bulbi faciem anteriorem devehant, qui tamen, cum glandulae anterioris lobuli immediate cuti subiectae sint, vix locum habere possunt.

Omnes illi lobuli qui parallelo decursu a glandula superiori pone ligamentum tarseum ad limbum usque palpebrae tendunt, inter se ubique sunt distincti, nec ullibi vera substantiae continuatione inter se connexi, sed cellulosa tantum laxiori juncti, et in intervallis et valleculis, quae inter lobulos intercedunt, decurrunt plurimi nervuli, propagines nervi lacrymalis et ramuli, a ramo subcutaneae malae adscendentis, qui primum sub glandula superiori gliscentes ad faciem anteriorem lobulorum prorepunt, de quibus inferius fusius dicemus. Non omnes autem illi lobuli glandulam superiorem attingunt, sed tum a latere exteriori tum interiori unus alterve lobulus adest, qui reliquis brevior citius definit, quam ad glandulam superiorem veniat.

In animalibus fabrica glandulae lacrymalis a conformatione oculi humani diversissima deprehenditur. In cane glandulam lacrymalem humanae fabricae satis similem deprehendimus, uti reliquae oculi partes propius, ac in aliis animalibus contingit, ad exemplar humanum accedunt. In angulo enim exteriori et superiori orbitae sita est glandula lacrymalis solidiuscula, quae ipsa autem anteriore extenuata in plures lobulos abit, quorum nonnulli ad oram usque palpebrae pertingunt; cum in homine lobuli illi distincti in profundiori plano, quam ipsa glandula lacrymalis, siti sint. Praeter veram autem glandulam lacrymalem in angulo externo faciem internam palpebrarum, loco a priori remoto, plurimis glandulis rotundis obstitam videmus, uti in ipsa palpebra tertia a facie interiori congeries alia glandulosa deprehenditur. In oculo suillo glandula lacrymalis, non quidem lobulos distinctos, sed a latere interiori emittit appendicem sensum angustiore et attenuatam. In vitulo autem adest glandula

dula magna conglomerata, quae ex margine posteriori crassiori antèrius in aciem procurrit in plurimos lobos longitudinales divisa, ex quorum loborum intervallis oriuntur plurimi canaliculi recti paralleli pellucidi, qui prope marginem inferiorem palpebrae statim supra limbum cartilaginis in facie interiori se aperiunt, orificiis satis patulis, cum ipsi lobi glandulae vix oram anteriorem orbitae excedant: In ove itidem glandula solitaria permagna adest, undique aequalis, neque antèrius in lobos fissa, ex cujus parte interiori nonnulli ductus cum nervo uno alterove orti ad limbum palpebrae descendunt. Illa demum animalia, quae ad glires referri solent, multo magis adhuc ab humana fabrica recedunt. Sic oculi leporini orbitae cavum plurimas glandulas continet. In angulo superiori et exteriori sedet glandula magna conglomerata, mollis, rubella, ex duobus cornubus retrorsum divergentibus, antèrius in unum connatis composita, quae ad angulum exteriorem cohaeret cum alia simili glandula, quae inferius inter musculos et orbitam latet, et propaginem sursum mittit. Eo autem loco, ubi duae illae glandulae in angulo exteriori junguntur, alia adsidet glandula minor, priori majori iuncta, in ipsa palpebra antrorsum versus limbum porrecta. Et situs et fabrica hujus glandulae compositae satis ostendunt, illam pro vera glandula lacrymali habendam esse. Praeter illam autem in parte anteriori orbitae inter ossa et musculos alia latet glandula conglomerata transversim sita, cujus pars superior alba et fere medullaris, inferior, mollior et rubella deprehenditur, quam a parte interna plurima vascula ad-eunt; nullum tamen ductum excretorium inde prodeuntem vidi. Ad salivales glandulas potius pertinere videtur. Quin in orbita avium sita est glandula ex multis lobulis composita compressa inter musculos et partem anteriorem orbitae sita, quae ex fundo orbitae ad angulum interiorem s. anteriorem oculi pertingit.

Ex his ergo, quae modo dicta sunt, satis apparet, glandulam lacrymalem esse partem, omnibus animalibus communem, uti lacry-

mae ad oblinendam corneam, et frictionem a perpetuo motu palpebrae imminuendam omnino requiri videatur.

Nonnulla adhuc addamus, quae ad historiam glandulae lacrymalis in homine pertinent. Adeunt hanc glandulam varii nervi, quorum plurimi tamen inde iterum exeunt. Primum nempe huc fertur inter ramos, in quos quinti paris ramus ophthalmicus dividitur tertius ille, qui vulgo lacrymalis dicitur. Oritur autem hic lacrymalis ab illo ophthalmico in ipsa adhuc duplicatura durae matris, priusquam per fissuram sphenoidream superiorem orbitam ingreditur, quo in transitu durae matri arctissime adhaeretur, ut nonnisi cautissime illaesus ab illa separari possit. Orbitam ingressus ad latus externum musculi recti superioris progreditur, et recta sub periosteo orbitae ad glandulam lacrymalem fertur, et plerumque infra illam se demergit, saepius autem ipsam illius substantiam penetrat. Eo vero in loco glandula testus in plurimos dividitur furculos, quorum alter semper hic occurrit ramulo adscendenti a ramo subcutaneo malae, illique jungitur. Reliqui autem paralleli et indivisi infra glandulam lacrymalem, cui nonnisi subtilissimos furculos praebent, procedunt, sub margine acutiori anteriori glandulae superioris lacrymalis iterum emergunt, et in valliculis inter lobulos longitudinales glandulae inferioris procedunt, et partim in conjunctivam, antea circa originem corneae scleroticae instratam, partim in musculi orbicularis partem intimam, quae vulgo proprio nomine musculus ciliaris dicitur, desinunt, ut unum alterumve furculum transverso itinere inter illius musculi fibras palpebrae superioris oram legentem longe persequi possis. Sic etiam tam ex conjunctione ramuli subcutanei malae cum tumulo nervi lacrymalis, quam ex ipso subcutanei ramulo ante illius conjunctionem plurimi oriuntur furculi, quorum alter parietem exterioriorem orbitae, plerumque in suprema ossis malae parte, perforat, fossam temporalem adit, ibique ramulo nervi temporalis profundi jungitur, dum reliqui, uti de furculis ipsius nervi lacrymalis di-

dictum est, intra glandulam indivisi et paralleli procedunt, et ad partes vicinas abeunt. Frequentiori autem observatione edoctus asserere ausim, varias anastomoses, plexus et arcus, quibus furculi illi modo dicti in ipsa glandulae substantia inter se jungantur, quales ab aliis traduntur, nunquam adesse, et in universum, quod obiter hic monere velim, in dies magis magisque persuadeor, consentientibus observationibus in aliis corporis partibus factis, anastomoses et plexus nervorum, quibus vario modo inter se jungantur, in corpore humano multo rariores esse, ac vulgo perhibent; uti omnis ille consensus nervorum extra cerebrum omnino in dubium vocari, et gravissimis argumentis impugnari potest, qua de re alia occasione fusius agere animus est.

### *De motu uveae.*

Ab eo inde tempore, quo primum observatum fuit, iridem ad omnem lucis majorem gradum constringi, pupillamque angustiores reddi, ad omnem minorem gradum dilatari, plurimum semper circa causam hujus constrictionis et dilatationis proximam et mechanicam, et circa vires, quae talem mutationem producere possint, disputatum fuisse, neminem, qui vel levissime doctrinam de usu partium corporis attigit, fugere arbitror. Dilatationis causam plurimi quidem tribuerunt fibris radiatis, ab extremo ambitu iridis, illiusque connexionem cum sclerotica pupillam versus tendentibus, quales fibras longitudinales inprimis in tergo iridis in animalibus majoribus facile demonstrari posse docuerunt, etsi nonnulli ex recentioribus ipsas illas fibras in dubium vocare, et pupillae dilatationem soli elateri partium et vasculorum iridis fabricam constituentium, et remissioni virium humori aqueo resistentium deberi malint. In constrictionis autem iridis causa explicanda inprimis laboratur, quod quidem phaenomenon Physiologos non parum semper vexavit. Neque dicendi aut instituti ratio, neque tempus recensendis variis opinionibus et the-

theoriis, aut hypothesibus ad solvendum problema excogitatis longius immorari sinit. Brevissime ergo et quasi in transitu monere liceat, alios constrictionem illam petiisse a fibris radiatis longitudinalibus spiritibus ita distentis, uti eo quidem adhuc tempore corpora cavernosa penis spiritibus distendi crediderunt.

Alii, qui fibras longitudinales musculosas iridis assumerunt, similes orbiculares et pupillae concentricas adesse perhibent, de quibus tamen alii aut timide et fere ex conjectura tantum pronunciant, alii autem audacter et tanquam rem certissimam illas proponunt, et iconibus exhibent. Optabile quidem foret, si ejusmodi fibrae orbiculares inveniri possent, quarum constrictione omne illud phaenomenon facillime explicari posset. Accuratissimi autem et oculatissimi Anatomici vel optimo microscopio adjuti ne unicam quidem fibram certa fide unquam observarunt. Alii demum, et fibris longitudinalibus musculosis et orbicularibus deletis, constrictionem illam a fortiori adfluxu humorum in vasa decolora iridis, quo ea vasa extendantur, et una iris longior reddatur, pendere docent, ut dilatationem iridis ad statum naturalem, constrictionem autem ad statum praeternaturalem, ubi vires agunt, referri posse credere videantur. In tanta ergo opinionum discrepantia ipse ad experimenta accessi, et primum quidem videndum esse credidi, quam sub conditione iris constringatur aut dilatetur. Iterata ergo experientia in canibus ad alia experimenta enectis semper observavi, pupillam in agone mortis esse amplissimam, iride ad angustissimam taeniam redacta, et eadem jam docuit observatio Meryi, quam ipse quoque institui, felis, dum sub aqua suffocatur, pupillam amplissimam reddi, ut vix iridis vestigium superesse videatur, nec nisi parum pupilla mutatur, dum oculus adhuc calet. Winslowus itidem jam observavit, pupillam post mortem angustiores omnino evadere. Omni autem vita deleta, et omni calore oculi et reliquarum partium extincto, iris sensim sese contrahit, et in plurimis ejusmodi experimentis, oculo adhuc integra



gro et illaeso, ad tantam angustiam pupilla constricta fuit, ad quantam vita superflite ex summo fere lucis gradu in oculum il-lapso redigi potest, quo in statu sibi relicta permanfit. Cum autem, orbiculo ciliari soluto, sclerotica a choroide caute removeretur, omni diligentia adhibita, ne vel levissima choroidis laesio experi-mentum turbare posset, iris in oculo aquae immisso multo adhuc latior facta fuit, ut pupilla fere deleta videretur, et diameter spa-tii liberi vix lineam aequaret; quae tamen oculo in spiritu vini servato, aut per longius tempus in aqua macerato, ad paulo ma-jorem diametrum iterum rediit. Pupilla summe contracta ora iri-dis interna inaequalis et angulata fere apparet, aliis nempe iridis fibris prae aliis longius productis. Eandem pupillae constrictio-nem, et fibrarum iridis elongationem in oculo quoque et felino et bubulo, nexu choroidis et scleroticæ soluto, observatam mihi fuisse, alio in loco jam docui. Annon ergo ex allatis hisce ob-servationibus concludere liceat, pupillae dilatationem in agone mortis deberi potius spasmo fibrarum iridis longitudinalium; in oculo plane emortuo, fibris iridis sibi reliftis, viribusque omni-bus plane remittentibus, iridem latiore reddi et pupillam arcta-ri? Sed multo magis hic valent experimenta in vivis animalibus instituta; quae inprimis in felibus, quibus pupilla ad rimam usque constringi, et ad maximum et ambitu corneae fere aequalem hia-tum iterum dilatari potest, optime succedunt. In fele nigro, cui iris sulphurea est, quotidie observo, et quilibet facillime ob-servabit, in animale dormituriante, iridem prius ad angustissi-mam usque rimam constringi, quam palpebrae collabantur, et si animalis dormientis in loco a fulgidiore lumine remoto palpebras lente diducas, aut bestia ipsa lente palpebras aperiat, ut in eodem tamen lucis gradu remaneat, pupillam esse angustissimam, illius-que rimam angustio-rem, ac in summo lucis gradu, quae palpe-bis plane apertis parum adhuc dilatatur, ut sufficiens luminis copia ad retinam venire possit. Facile autem quilibet fatebitur,

*Commentat. Antiq. T. I.*

H

p-

pupillam in somno, et palpebris clausis, ut omnis lucis ad reti, nam aditus arceatur, debere esse amplissimam, si dilatatio iridis status naturalis foret, et unice a stimulo lucis majoris penderet, et vel contractione musculi orbicularis aut fortiori adfluxu humorum in vasa decolora iridis perficeretur. In hominibus quidem hoc experimentum difficilius institui potest, in quibus mutatio pupillae rotundae minus conspicua, et arctioribus limitibus circumscripta est; et levissima mutatio iridis lumen pupillae multum augere potest. Quin ipse color iridis coeruleus aut subfuscus a nigredine pupillae non ita accurate se distinguit, ut primo intuitu limites iridis in loco minus fulgido satis distincte in oculos incurrant. Quis non credat, in somno mortis imagine pupillam esse summe dilatatam, si dilatatio virium humorum aequo resistentium remissioni debeatur. Confirmemus, quae modo dicta sunt, observationibus a statu morbofo petitis. Omnes fere historiae morborum in eo consentiunt, illas species amauroseos, in quibus pupilla dilatata apparet, etsi ad omnem lucis accessum immobilis sit, sanationis adhuc spem relinquere; illas autem, ubi cum plena coecitate summa constrictio pupillae conjuncta est, omnem medelam inane respuere. Inter plures citare hic sufficiat Meadium, St. Yves, Heisterum, aliosque, qui omnes in eo consentiunt, coecitatem cum pupillae constrictione et immobilitate junctam indicium esse immedicabilis paralyseos fibrarum iridis, amissa simul sentiendi facultate nervi optici; cum e contrario nimia dilatatio pupillae docere videatur, fibris iridis aliquam adhuc elasticitatem vimque contractilem superesse, ut et aliqua spes adsit, fore, ut viae nervi optici iterum referari possint. Quae quomodo ita sint, omnino colligi inde posse videtur, dilatationem pupillae in amaurosi debere spasmum fibrarum longitudinalium, et ex eadem causa dilatatio summa pupillae in syncope et apoplexia peti poterit, cum in hisce morbis aliarum quoque partium spasmus sese exferant. Facile autem video, quae argumenta eaque satis speciosa contra ea, quae

quae modo dicta sunt, afferri, et quibus armis opinio nostra impugnari possit. Cum enim plurimi medici et physiologi nostro tempore sibi persuadeant, a majori minorive lucis stimulo, iridem ipsam ad motum excitari, summamque illius ad omnem lucis stimulum impatientiam propriae sensibilitati unice deberi, quilibet illorum statim objiciet, hanc nostram theoriam esse contrariam omni analogiae, quam in functionibus reliquarum corporis partium observamus, nec ullo fere modo intelligi posse, qua ratione sub fortiori stimulo fibrae iridis relaxari, sub minori vero eadem ad contractionem agi possint. Ante omnia ergo inquirendum esse videtur, num lux in oculum illapsa ipsas iridis fibras ad contractionem stimulare possit, an potius oculi fabrica ita sese habeat, ut iridis motus miro quodam consensu ex sola lucis in retinam facta impressione pendeat, ita ut lucis stimulus in fibras iridis immediate nullum plane imperium exercere possit, nisi irritatio retinae praeeferat. Multa autem sunt, quae, si plane fallor, satis evincunt, omnem iridis motum ab irritatione retinae pendere, etsi viae, quibus consensus ille perfici possit, satis obscurae sint, fibras autem et nervos iridis ad lucis stimulum plane surdos esse. Primum enim vix ullus satis unquam explicare poterit, cur facis stimulo solae tantum fibrae orbiculares, eaeque debiliores in motum cieantur, longitudinales autem eaeque fortiores relaxatae sint, etsi lucis radiorum major portio in latiore superficiem fibrarum longitudinalium, quam angustissimum circulum orbicularem illabatur. Sed eadem quoque experimenta, quibus constitit, iridem ad stimulum omnem mechanicum immobilem fuisse, satis quidem confirmare videntur, in iride, quae majorem stimulum non percepit, tantam vix latere posse irritabilitatem, quae levissimo lucis stimulo obedire possit. Inprimis autem hanc iridis ad lucis stimulum insitam irritabilitatem oppugnant illae species amauroseos, ubi plena coesitas cum summa iridis et pupillae dilatatione juncta est. Omnes enim fere sectiones eorundem hominum, qui tali

morbo laborarunt, in eo conveniunt, et coecitatem et ipsam pupillae immobilitatem enatam fuisse ex vitio, quo solus nervus opticus adfectus fuerat, sive tumore compressus atque collisus, sive congectione humorum in illum fasta viae, quae impressionem lucis in retinam ad sensorium commune perferant, ullo modo interclusae fuerint: ipsam autem iridem et totam nervulorum ciliarium illam adeuntium molem sanam et ab omni vitio immunem inventam fuisse. Si vero in ipsa iride irritabilitas ad lucis stimulum lateat, quid impedit, quo minus vis illius contractilis a lucis irritatione excitari, et pro vario lucis irruentis gradu pupilla constringi, modo dilatari possit, etsi retina ipsa stimulum illum non sentiat. Nisi iris semper imperium ab irritata retina, aut oculi sui lateris, aut alterius expectare deberet, cur in amaurosi, quae alter tantum oculos laborat, iris oculi male adfecti ab iride contractili sani oculi in consensum trahitur, et accuratissima harmonia cum illa constringitur et dilatatur, quae ipsa, si alter oculus clausus fuerit, ad summum lucis gradum immota manet. Praeterea fabrica iridis minime apta ad lucis impressionem percipiendam esse videtur, et villositas, quae anteriorem iridis faciem obducit, radios lucis potius suffocare, quam ab illis irritari poterit. Quae omnia si attentius examinentur, plurimorum consensum mihi promitto, omnem iridis motum a stimulo retinae pendere, illamque omnis motus plane esse expertem, nisi imperium a retina accedat, quae iridem modo constringere, modo dilatare potest. Quaesam autem illae viae sint, quibus imperium retinae ad iridem transferri poterit, nemo illorum, qui consensum nervorum extra sensorium commune contingere posse statuunt, facile dixerit, cum nullibi inter nervulos ciliares et nervum opticum ullum vel levissimum intercedat commercium, ut innumera alia phaenomena ab hujus theoriae affectis nunquam explicari possunt. Cum ergo alata modo argumenta evincere satis videantur, ipsi iridi ad lucis stimulum nullam esse insitam irritabilitatem, ipsa illa objectio,  
a si-

a stimulo lucis, quem contractio iridis sequi debebat, petita sponte cadit, et haec quidem stabilita inter iridem et retinam harmonia ad alia mox dicenda viam nobis sternit. Indagandum enim nunc nobis videtur, quatenus sint illae vires in ipsa iride latentes, quae pro imperio retinae pupillam dilatent et contrahant. Cum superius jam docuerimus, dilatationem pupillae non esse statum naturalem, statim inde patet, illam soli remissioni virium contractilium tribui non posse, sed illius causam in ipsa iridis fabrica quaerendam esse. Alibi autem jam attuli argumenta, quae mihi persuadeant, in iride adesse fibras musculares longitudinales, quae ab ambitu exteriori iridis ad anulum interiorem decurrant. Sic in oculo, cujus vasa felicissimo successu materia ceracea repleta, ut choroidea undique rubeat, in iride tamen semper adhuc supersunt plurimae fibrae albae, a vasculis diversissimae. Praeterea tanta copia nervulorum ad iridem abeunt, molis nempe hujus partis habita ratione, quanta vix ullam aliam corporis partem adit, si cordis musculus excipiamus. Quum autem omnis analogia corporis consentiat, eo plures nervos partem adire, quo plures in illa adsint fibrae musculares, ipsa illa nervorum moles fabricam iridis musculosam confirmare videtur. De contractione autem iridis explicanda Physiologi solliciti semper fuerunt, plurimi quidem fibras orbiculares in annulo interiori iridis pupillae concentricas sibi finxerunt, quae sphincteris instar pupillam clauderent; quae tamen, cum ne in maximis quidem animalibus vel optimo microscopio conspici possint, accuratissimi Anatomici, Morgagnius, Hallerus alique, illas in dubium vocarunt, aut omnino experientia freti illas adesse negarunt. Sed vel si adessent, vix tamen explicando huic phaenomeno sufficerent. Tanta enim tenuitatis fibrae, et quarum paucissimae adsunt, uti omnes illarum quoque adscelae fatentur, qua ratione fortiores fibras longitudinales superare possint, vix ullo modo intelligi potest. Neque affirmari posse videtur, eodem momento, quo fibrae orbiculares se

contrahunt, longitudinales sub actione orbicularium relaxari, obstacula, quae vix superari possint, quocunque sese vertant, ostendunt. Si enim actionem orbicularium a stimulo lucis ipsi iridi applicato excitari credant, eorum quidem sententia argumentis superius allatis impugnari poterit, si ab illis explicationem causae, quaeramus, cur solae orbiculares ad contractionem stimulentur. Qui vero fibrarum iridis alternam actionem a stimulo et imperio retinae pendere perhibent, annon illi retinae eadem jura tribuunt, quae ipsi ad stabiliendam hujus membranae dignitatem poscimus? Si enim concedatur, ex retinae lubitu atque imperio modo ad arcendam nimiam radiorum lucis quantitatem fibras orbiculares contrahi, modo ad admittendam majorem lucis copiam fibras longitudinales in motum trahi posse: quid impedit, quo minus asseri possit, retinae et iridis mutuam connexionem ita esse comparatam, ut membrana illa, quae lucis impressionem percipit, sub minori lucis gradu fibras longitudinales in motum agat, sub fortiori autem jubare fibras illas relaxet, illasque liberas dimittat, ut in humore aqueo sponte se extendere et hac ratione pupillae lumen angustius reddere possint? Analogum deprehendimus exemplum in organo auditus, ubi consentientibus omnibus Anatomicis, sub minori sono musculus tensor tympani sese contrahit, et membranam tympani stringit, sub fortiori vero aëris oscillatione remittitur, et membranam laxat. Quin nonnulla sunt animalia, in quibus motus iridis non solum ab arbitrio retinae, sed ab ipsa voluntate pendere videtur. Experimentis iteratis observo, feli tantum in iridem esse imperium, ut pupillam in somno et palpebris clausis ad rimam usque contractam eo magis dilatare possit, quo magis cibus, qui illi offertur, aut aliud quoddam objectum attentionem illius excitaverit; et video idem phaenomenon a Meryo in fele, a Maucharto in fele, ulula aliisque avibus indicis majoribus observatum fuisse. Annon simile quoddam deprehendimus in oculo humano, ubi notum est, in eodem lucis gradu ad objecta remotiora videnda pupillam amplior

rem

rem reddi, ad propinqua constringi; ut vix lucis stimulus hic accusari posse videatur. Si vero ad omnia phaenomena accuratius attendam, facile ad credendum adducor, in homine certe aliam causam accedere, quae collapsum iridis a relaxatione fibrarum longitudinalium natum adjuvare et promovere possit, cum quotidiana experientia constet, in homine mortuo vix unquam pupillam tam arte contractam deprehendi, ac in summo lucis gradu constringitur. Omnino nempe fortiorem adfluxum humorum in vasa decolora iridis in subsidium hic vocare malle. Uti enim vascula minima arteriosa iridis a fibris muscularibus longitudinalibus, inter quas decurrunt, in dilatatione pupillae arctari et comprimi videntur, ut tumores ad oram iridis libere venire non queant; sic e contrario, dum fibris illis in constrictione pupillae relaxatis, transitus per illa vascula liberrimus patet, humores fortius in illa irruunt, et vascula serpentino modo flexa, et eo magis flexuosa, quo magis iris versus ambitum exteriorem retracta fuerit, extendunt, et serpentinis illis flexibus deletis, in rectitudinem porrigunt, ut omnes longiores redditae propius ad centrum pupillae accedant, et hac ratione lumen imminuant. Forte eo quoque momento sub stimulo lucis in retina humores fortius iridem adeunt, et celerius in arterioliis moventur, uti idem illud in vasis arteriosis penis ad erectionem illius perficiendam contingere, dici posse videtur, cujus phaenomeni vix ulla alia explicatio, quae obstacula aequè removeat, asserri poterit. In oculo quidem pupilla sponte ad summum usque gradum se constringeret, relaxatis omnibus fibris longitudinalibus, nisi in oculo plenissimo humor aqueus resisteret, ad quam resistentiam superandam vires illae a fortiori adfluxu humorum accessoriae requiruntur. Observationes enim nos docent, pupillam statim ad multo angustius lumen redigi, si humor aqueus emissus, et resistentia illa hac ratione sublata fuerit. Fortior ergo ille impulsus humorum iridem jam collapsam regere et ita moderari videtur, ut membrana illa undique aequabiliter expansa lumen pupillae accuratius limitet, nec in humore aqueo pendula vagari possit.

---





# COMMENTATIONES

SOCIETATIS REGIAE SCIENTIARVM

GOTTINGENSIS

HISTORICAE ET PHILOLOGICAE CLASSIS

TOM. I.

AD A. MDCCCLXXVIII.

*Commentat. Hist. Philol. T. I.*      A



---

CHRISTIANI GVIL. FRANC. WALCHII

DE

S. MATERNO VNO

COMMENTATIO

D. VIII. AUGUST. MDCCLXXVIII

RECITATA.

---

**Q**UAESTIO de S. MATERNO, quam adcuratius explicare et ubi fieri potest recto iudicio decidere mecum constitui, longis et acerrimis virorum doctorum, qui proximo nostroque seculo inter Romanocatholicos ingenii, eruditionis meritorumque laude floruerunt, contentionibus satis agitata fuit et iactata, a nostratibus, si a paucis discefferis, curis suis quasi indigna habita, vix breviter tacta et negligerenter tractata. Nihilominus ea non caret sua utilitate; sed inest ei ponderis quid ad investigandas primas rei christianae in Germania nostra origines, secernendasque, quae de his circumferuntur et a vulgaribus scriptoribus repetuntur, narrationes veras a falsis, certas ab ambiguis. Accedit, qui de hac re aut dixerunt sententiam, aut improvidorum et credulorum hominum, medii aevi commenta tuendi, audaciam studuerunt comprimere, claros viros uti consuevisse disputandi genere, quod ad alias historiae christianae particulas nova collu-

A 2

stran-

strandas luce adprime idoneum est. Quare visum mihi fuit, recognoscere nobilissimam controversiam, colligere, quae ab aliis in alterutram partem cogitata fuerunt et exposita, collecta vero sic ad unum aspectum collocare, ut quaecumque de MATERNO tradita nobis perhibeantur, facile recteque intelligantur omnibusque examinatis suoque momento ponderatis dijudicentur. Atvero ut ne justo longior sit orationis ambitus, hunc morem servabo, ut sedulo ablegem ad alios, qui breviter, aut concisus a me dicta, uberius enarraverint a).

Ante omnia teneri oportet, quod supra omnem dubitationem est positum, egregia superesse antiquitatis monumenta, quibus MATERNI cujusdam memoria continetur nobisque commendatur, sed ita ut aperte eum sub initis imperii Constantini sacris Coloniae Agrippinae

a) Hanc ob causam adponere libet nomina illustrium virorum, quorum diligentia maxime adjutum me esse, lubens fateor. Servato quasi temporis ordine, laudari a me oportet: SEB. NAN. TILLEMONTIUM in *memoires pour servir à l'histoire ecclesiastique*, tom. IV. p. 499. et tom. VI. p. 26. et 704. AVGVSTIN. CALMETVM in *differt. sur les premiers eveques de Treves*, quam tomo I. *historiae Lotharingicae* Gallice scriptae, praemisit: IAC. LONGVEVAL in *differtat. sur le tems de l'establissement de la religion chretienne dans les Gaules*, praemisit tomo I. *historiae ecclesiae Gallicanae*, itidem Gallice editae: IOANN. DAN. SCHOEFFLINVM in *Alsatia illustrata* tom. I. p. 330. sqq. IOANNEM BERTHOLET, cuius *differtation sur la vraie epoque de l'establissement de la religion chretienne dans la Belgique*, prima est inter illas, quas *historiae ducatus Luxemburgici* ca-

*vili et ecclesiasticae*, praemisit: IOANN. NICOL. AB HONTHEIM *diff. de statu religionis christianae in Treviris ante Constantinum* M. praemisit tomo I. *hisor. Trevirens. diplomat.* IO. BAPT. DE MARNE, cuius *differtat. où l'on examine, en quel tems S. Materne precha l'evangile dans les Gaules*, prima est earum, quas *historiae comitatus Namurc.* Gallice scriptae adiecit: SIGISM. CALLES *diff. de primo religionis christianae in Germania exortu*, praemisit tomo I. *annal. eccles. German.* IOANN. PERIERVM, cuius de S. Materno, *episcopo Coloniae Agrippinae*, *commentarius* insertus est tom. IV. septembr. *aët. sanct.* p. 354. sqq. et GRANDIER in *diff. sur l'establissement du christianisme en Alsace*, et altera *sur l'Apostolat de S. Materne en Alsace*, praemisit tomo I. *hisor. eccles. et episcop.* *Argentinen-sium*, Gallice nuper editae. Ceteros excitandi, postea utar opportunitate.

nge praefuisse eidemque imperatori carum fuisse gratiosumque, testentur. Quamvis eadem omnibus, qui rerum christianarum historiam paullo diligentius et adcuratius scrutantur, cognita ut sint, necesse sit, tamen ab iis in hunc locum adferendis, et quae de MATERNO inde discuntur, exponendis eo minus abstinebo, quo certiora veritatis eruendae praefidia in illis parata sunt.

I. EUSEBIUS *b)* conservavit nobis integramque recitavit CONSTANTINI epistolam, qua Miltiadem, sacrorum Romanorum antistitem, et Marcum, quis vero hic fuerit, prorsus ignoramus, de litibus Donatisticis, in Africa ortis, cognoscere et iudicium ferre iussit, *παρῶν Πέτρου καὶ Μαρτίνου καὶ Μάρκου*, seque hos, ut ita fieri posset, ex Gallia Romam ablegasse significavit.

II. De iisdem, sed omisis eorum nominibus, ad Ablavium sic scripsit CONSTANTINUS *c)*: *nam etiam ad supra dictam urbem Romam nostram quosdam ex Gallis ire praeceperam, ut tam hi pro integritate vitae atque laudabili instituto possent rei finem debitum adhibere.*

III. Sic coactus fuit Romae episcoporum conventus, de quo diligentius egit OPTATUS MILEVITANUS *d)*, nec modo retulit, Afros, qui a Majorini stabant partibus, breui postea Donatistarum nomine utebantur, petiisse a Constantino, *ut de Gallia sibi iudices dari praeciperet*, sed id quoque factum esse, sic est testatus: *dati sunt iudices MATERNUS, ex Agrippina civitate, Reticius ab Augustoduno ci-*

A 3

vi-

*b)* *Histor. eccles. libr. X. cap. 5.* Repetita fuit in conciliorum collectionibus, v. c. *Manfiana tom. II. p. 438.* sq. et inter monumenta rerum Donatistarum a LVD. ELL. DVPIN collecta et OPTATI commentariis adiecta

p. 180.

*c)* Apud MANSIVM p. 464. et DVPINVM p. 181.

*d)* De *schismat. Donatistar. libr. I. cap. 22. 23. p. 22. 23.* ed DVPIN.

*uitate, Marinus Arelatenfis. Ad urbem ventum est ab his tribus Gallis et ab aliis quindecim Italis, paucisque interpositis scripsit: quum consedis-  
sent Miltiades, episcopus urbis Romae, et Relicius et MATERNVS et Ma-  
rinus, episcopi Gallicani, cet.*

IV. Quamvis multa, quae ad idem Romanum concilium resque ab eo gestas pertineant, ex AVGVSTINI libris discantur, aliena tamen sunt a nostro instituto, quod nullibi MATERNI, aut ceterorum praefulum, qui ex voluntate Constantini congressi sunt, nomina recitari, inuenies. Unicum tamen locum *e)* a nobis observari oportet, ut tempus, quo actus sit conventus, adeoque MATERNI, qui huic interfuit, aetas certe constituatur. Illum enim, AVGVSTINVS accurate notavit, celebratum fuisse *Constantino ter et Licinio iterum consulibus, sexto nonas octobres*, hoc est, ex vulgari aera ann. CCCXIII. d. 11. octobris.

V. Ad eandem Donatistarum causam dijudicandam Constantinus ann. CCCXIV. cogi voluit synodum Arelatensem et ad hanc MATERNVM quoque accedere. Exstat certe epistola synodica, ad Silvestrum data *f)*, cui praescripta sunt episcoporum congregatorum nomina atque in his MATERNI, omissa tamen urbium, quarum sacris quisque praefuerit, mentione.

VI. Canonibus ejusdem Arelatenfis concilii subscripserunt singuli, qui eidem adfuerunt praesentes *g)*. Atqui inter hos nomina adposuerunt: MATERNVS episcopus, Marinus diaconus de civitate Agrippinensium, et AGROECIVS episcopus, Felix exorcista de civitate Treverorum.

HIS

*e)* Libr. ad Donatist. post collation. cap. XXXII. tom. IX. oper. edit. Benedikt. Antverp. p. 417.

*f)* vid. MANSI tom. II. p. 469.

collect. Dupinianam p. 183. et HENR. NORIS. oper. tom. IV. p. 170.

*g)* apud MANSIUM p. 476.

HIS secum comparatis, pauca haec de MATERNO, ad quem propofita antiquitatis monimenta pertinent, nobis innotescunt:

I. Sub initio feculi quarti Coloniae Agrippinae sacra gubernasse MATERNVM; num. III. IV. VI.

II. Eundem gratia et favore Constantini esse usum; num. III.

III. Hujusque voluntate inter judices caussae Africanae et Romanae ann. CCCXIII. num. I. II. III. IV.

IV. et Arelati ann. CCCXIV. tenuisse locum, num. V. VI.

V. Eodem denique tempore Trevirensibus sacris praefuisse non MATERNVM; sed AGROECIVM, sive ut alii codices legunt: AGRITIVM *h*)

PAUCA haec esse, monui; certa vero sunt et actorum publicorum auctoritate ita confirmata, ut de iisdem nemo ex viris doctis, qui de MATERNO inter se dissentiant, umquam dubitare sit ausus.

ALIA vero et ab his non modo diversa; sed iisdem contraria etiam et repugnantia narrari solent, quorum brevem summam referre, sufficit. Eucharium, traditur, Valerium et MATERNVM a Petro apostolo Roma in Germaniam fuisse ablegatos, hunc quidem diaconi, illum presbyteri, istum episcopi titulo dignitateque ornatos: in variis provinciis, ad Rhenum positos, christianam doctrinam nuntiare coepisse: salutares eorum labores admodum fuisse turbatos, quum MATERNVS  
fe-

*h*) De AGRITIO, cujus memoria cum controversia de MATERNO arctis conjuncta est vinculis, quidquid dici potest, HONTHENIUS dicit *histor. Trevirens. diplom. tom. I. p. 17. sq.*

febre correptus vitam amitteret, et Eucharius et Valerius ob hanc causam ad Petrum reverterentur: hunc eos, tradito baculo suo, ad repetendam Germaniam excitasse et compulisse: reduces **MATERNVM** post quadraginta dierum spatium, baculi, quem Petrus illis traderit, opera ad pristinam vitam revocasse sicque confirmato animo tres socios munere apostolico fungi ita perrexisse, ut editis multis stupendisque miraculis multas gentes ad amplectendam divinam religionem commoverent, et in civitate Trevirensi constituisse episcopatum, eumque Eucharium primum, deinde Valerium, Maternum denique tenuisse: hunc per quadraginta annos idem administrasse munus et intra vigesimum et trigesimum seculi secundi annum cum anima deposuisse. His addunt nonnulli, **MATERNVM** eundem esse cum viduae Nainiticae filio, cui Christus spiritum vitamque reddiderit; alii eum comitem quemdam Patavinum patrem habuisse, perhibent: alii, quorum ingens est numerus, tres istos doctores non Trevirensium modo, sed Colonienesium etiam et Tungrorum, hoc est, Leodiensium sacris fuisse praepositos et ab his singulos suorum episcoporum series recte ordiri, contendunt i).

**QVAE** sic de **MATERNO** narrantur, omnia sine discrimine uno eodemque loco haberi nequeunt. Alia enim ex iis non modo sine ullis testibus, in quos vel levissima fidei cadat suspicio, proferuntur; sed inepte etiam et imprudenter ficta sunt. Quo pertinent, quaecumque de Materni originibus, de ejus ex hac vita abitu, et in eandem reditu, de Petri baculo, de aliis prodigiis, quae eo vel superstiti, vel mortuo contigerint, de gentium, ejus opera ad christianam disciplinam suscipiendam perductarum, aut ecclesiarum constitutarum multitudine, hisque similibus tradi, diximus. Haec nostris curis indigna sunt. Alia vero non sine ulla veritatis specie; nec sine

i) In congerendis hujus generis de Materno narrationibus nemo majorem diligentiam posuit **FERRIERIO COMM.**

de **S. Materno**. §. XIV. num. 128. fqq. augeri tamen, quae colligit, possunt ex **GRANDIDIERIO** p. 47. 48.



sine ulla vetustatis laude perhiberi videntur, quae num vera sint, an falsa, quum iusta sit dubitandi causa, ut quid recte de iis sit statuendum, diligenter perquiramus et investigemus, operae est pretium. Haec vero duplicis sunt generis. Primum enim de Materni aetate ejusque ad Germanos evangelii luce collustrandos missionem, a divo Petro facta; deinde de eius in urbe Trevirensi commoratione et ab eo ibi administrato episcopi munere cum utilitate disputatur. Quae quidem rerum, quae ad MATERNVM pertinent, partes et quasi membra praecipua, ubi varia monumentorum scriptorumque, ex quibus ista deducuntur, consideraveris genera, ita secum sunt conjuncta et copulata, ut quicumque MATERNVM cum Eucharico et Valerio Petri aevo et auctoritate in Germaniam venisse tradant, eundem aequall consensu in Trevirensium episcoporum numero fuisse et inter hos tertium tenuisse locum, adfirment; contra ea alii MATERNVM tertium quidem Trevirensium sacrorum praefulem fuisse, testentur, cetera vero omnia et in his aetatem ejus apostolicam et legationem, a Petro ei creditam, constanti praetereant silentio adeoque prorsus ignorasse videantur.

HIS itaque constitutis, audiamus, qui istarum rerum haberi solent et excitari testes, eosque in suas classes distribuamus, ut singulorum fides recte aestimari queat. *Primam* vero amplecti, cupio, *martyrologia*, ad quorum auctoritatem provocant, qui MATERNVM seculo primo exeunte ineunteque secundo Treviris vixisse, perhibent. Hoc monumentorum genus quamvis ad recentioris aevi inventa recte referatur, praeter haec quae ceteris antiquitate praestant, fere singula additamentis sint depravata, nec tamen a nobis oportet negligi, quod origines narrationum de sanctis fabulosarum indagandi et consequendi saepius ostendunt praeclaram viam, maxime ubi impressa illis simplicitatis adeoque antiquitatis vestigia observaveris. Colligamus igitur, quae ex martyrologiis de MATERNO aut vera aut falsa opinione creduntur disci.

*Commentat. Hist. Philol. T. I.*

B

I.

I. Quod HIERONYMI nomine inscribi solet, licet id contra veritatem fiat, recte tamen antiquissimum omnium esse censetur. Varia et sibi aperte repugnantia illius in bibliothecis adservantur exempla, ita ut sensum alienis manibus auctum, aut depravatum esse, recte judicent viri docti. In colligendis codicibus ejus scriptis multam operam collocavit et ex his sex litterarum formis describendos curavit IO. BAPT. SOLLERIVS k). Quorum tres unius *Valerii, Trevirensis episcopi*, nomen sine ulla aetatis significatione, sine ulla Petri mentione exhibent; MATERNVM vero perinde ac Eucharium omittunt omnes l).

II. A BEDA, seculi octavi, aut a FLORO, ejusdem seculi, sed exeuntis scriptore, qui illius fastos sacros auxit m), nonnulli credunt, ad d. XVIII. calend. octobr. haec verba fuisse adposita: *Treviris depositio S. Materni episcopi et confessoris*. At haec non leguntur in libris vetustioribus et emendationibus, quos GOTTFR. HENSCHENIVS sequutus est n); nec in *Martenianis* o). Ponas autem, eadem ab Anglo vere esse profecta, nihil tamen inde discas, quod ad temporis, quo MATERNVS Treviris fuerit episcopus, rationes definendas faciat p).

III. WANDELBERTVS, Prumiensis seculi noni monachus q), quem Trevirensis antiquitatis aut expertem, aut nimis severum judicem

k) Conf. *Ath. SS. tom. VII. inn. p. 1-51. et thesaurum antiquit. eccl'es. Venetum tom. III. p. 169-224.*

l) Conf. IO. NIC. HONTHENII *dissertationem*, p. 13. 14. IO. BAPT. DE MARNE *dissertat.* p. 23. 24. et IOANN. PERIERII *commentar. num.* 35. sqq.

m) BEDAE *martyrologium cum FLORI additamentis* existat in *Ath. SS. tom. II. mart. p. 5-42.*

n) vid. SCHORFFLINI *Alsat. illust. tom. I. p. 330.*

o) conf. EDM. MARTENE *collect. monim. amplissim. tom. VI. pag. 638. 650.*

p) legas PERIERIVM num. 40. sqq.

q) WANDELBERTI *martyrologium* integrum dedit LVCAS DACHENIVS *spicileg. tom. II. p. 39. edit. nov.*

cem fuisse, nemo suspicabitur, de Eucharie et MATERNO ne verbum quidem scripsit. Valerium notavit eumque episcopum fuisse Trevirensis, at eum ex Petri schola prodixisse, aut ab hoc in Germaniam fuisse ablegatum, ignoravit r).

IV. De RABANO MAURO, Moguntino ejusdem seculi episcopo, quamvis post LAVNOIVM viri docti contenderint, eum simili modo unius Valerii fecisse mentionem; falli tamen eos, alii rectius affirmarunt r). Omnino enim in ejus *martyrologio*, quale IACOB. BASNAGIVS t) edidit, haec leguntur u): *depositio S. Materni episcopi*; praetermisit vero non modo temporis, quo vixerit, notas, sed ipsum etiam civitatis Trevirensis nomen.

V. Quum propius ab utroque scriptore, WANDELBERTO et RABANO abfuit ADO *Viennensis* x), subest certe mirandi causa, novisse Gallum, quae Germani nesciverint. Etenim non modo ex antiquioribus hujus generis monumentis, quae compilavit, aperte transcripsit, d. xxix. jan. *Treviri colli depositionem beati Valerii episcopi*, sed etiam primus adjecit verba: *discipuli S. Petri apostoli*. Sed de Materno fileat y).

VI. Eadem aut leguntur, aut non leguntur apud VSVARDVM z), quem sua ex ADONIS rivulis deduxisse, fatis constat a).

## B 2

## VII.

r) conf. HONTHHEMIVM *diff.* p. 14.

s) v. C. PERIERIVS *num.* 38. sq.

t) *thesaur. monim. tom. II. part. 2.* p. 315. liqq.

u) p. 341.

x) ADONIS martyrologium cum insertum est *tom. XVI. biblioth. max. patrum Lugdunensis* p. 837. tum Ro-

mae a DOMIN. GEORGIO editum.

y) conf. HONTHHEMIVM p. 15.

z) optima martyrologii, ab VSVARDO relictis, editio est *Solleriana* in *aff. sanct. tom. VI. et VII. jun.*

a) praeter SOLLERII *praefationem* legas, quae HONTHHEMIVS *diff.* p. 15. monuit,

VII. Praetermissis NOTKERI aliisque recentioris aetatis martyrologiis, *Romanum* notari oportet. Quale hoc BARONIVS in lucem emisit, hoc est, variis additamentis insigniter auctum, omnino haec exhibet verba *b)*: *Treviris S. MATERNI, episcopi, discipuli beati Petri apostoli, qui Tungrenses, Colonienfes et Trevirenfes ad christianam fidem perduxit*; absunt vero eadem a codicibus vetustissimis, qui summam simplicitatis laudem habent. Cujus generis est martyrologium *Romanum*, ab HERIW. ROSWEYDO *c)* productum, in quo nec MATERNI, nec binorum ejus sociorum deprehenduntur nomina *d)*.

ACCEDO ad classem *secundam*. Habent Trevirenfes suae historiae ecclesiasticae scriptores: suorum episcoporum catalogos rerumque, ab his gestarum, laudatores, de quorum auctoritate tum recte statueris, ubi, quantum fieri possit, singulorum aetatem justa cura investigaveris.

VIII. Ex catalogis sine dubitatione antiquissimi censentur, qui nihil praeter nomina recitant. Quam ob causam inter omnes, qui supersunt, tenet principatum, licet ipse ad finem seculi decimi pertineat, qui in monasterio S. GISLENI, in Hannonia posito, adservatur, laudatus quidem a MABILLONIO; sed nostra demum aetate ab illustri HONTHEMIO *e)* e tenebris in lucem revocatus; proximum vero ab hoc locum *Pruniensis*, ab eodem praestantissimo viro *f)* simili modo editus. In utroque vero codice quatuor primorum apud Trevirenfes episcoporum nomina sic enumerantur:

Ev-

*b)* p. 585. edit. Colon. ann. MDCIII.  
*c)* conf. *biblioth. max. patr.* Lugdun. tom. XVI. p. 810. sqq.

*d)* de auctoritate martyrologii Romani valde ambigus egit PERIERIVS *num.* 45. sqq.

*e)* *differt.* p. 24. Repetitur hic catalogus a PERIERIO *num.* 58.

*f)* in *prodrom. histor. Trevirens.* tom. I. p. 78. Eundem catalogum suo commentario subiecit PERIERIVS p. 400. Adde GRANDIDIERIVM p. 64.

EVCHARIUS  
VALERIUS  
MATERNUS  
AGRITIVS.

Nullus alius ergo inter MATERNVM et AGRITVM collocatur, quem Materno Colonienſi aequalem fuiſſe et cum eo concilio Arelatenſi ſub Conſtantino interfuiſſe, ſupra diximus. Praeclare cum his conſentiunt *Trevirorum* geſta, de quibus, paucis interpoſitis, plura monendi, nanciſcar opportunitatem, et MATERNVM cum Agritio conjungunt g). Diſcrepant vero cum ab his, tum inter ſe recentiora ſive Trevirenſium, ſive Tungrenſium epiſcoporum diptycha, in quibus inter Maternum et Agritium primum octo, deinde quindecim, denique viginti trium nomina interjeſta ſunt: quae quidem commentitia eoque conſilio fiſta eſſe, quiſque videt, ut, quum Agritius ſeculo quarto floruit, Maternus ad ſeculum primum ſecundique initium pertinere, facilius ab aliis credatur h).

IX. *Geſta Trevirorum* ſatis celebrata ſunt, quorum denuo varia conſervata ſunt exempla et a viris doctis juris publici facta. Quae ubi ſecum comparantur, haud fallace adſequimur conjeſtura, plures eorum fuiſſe auctores, qui non ſolum ab antiquioribus enarratis res, recentius geſtas, adderent, ſed illa etiam novis auferent acceſſionibus. Id quod a CALMETO et HONTHEMIO luculentis magnique ponderis argumentis, puto, fuiſſe demonſtratum, ex quibus hic opportune monuit, in his *geſtis* conſcribendis verſatos fuiſſe doctores monaſterii, S. *Matthiae* Treviris dedicati, ſibiſque ita ſucceſſiſſe, ut EBERHARDVS, ANN. DCCCCIX. ex hac vita ſublatus laudatusque a IOANN. TRITHEMIO, locum primum, ſecundum ADELBER-

B 3

TVS

g) apud LEIBNITIVM *acceſſion*, *hiſtor.* tom. I. p. 34.

h) de his catalogis diſputant HONTHEMIVS *diſſ. de ſcriptor. hiſtor. Tre-*

*virenf.* adjeſta tomo III. *hiſtor. Trevir. diplom.* §. I. p. 961. DE MARNE *diſſ.* p. 18-20. 36. et PERIERVS *num.* 49. ſqq.

TVS, qui anno ejusdem seculi LXXX. decessit, tertium THEODORICVS, ann. MXII. mortuus, quartum denique GOLSCHERVS, circa ann. MCLII. clarus, occuparet i). Vetustissimi exempli, ex duobus codicibus descripti, particulas insignes primus edidit AVG. CALMETVS k). Ibi longas invenies narrationes de Eucharii, Valerii, et MATERNI in Germaniam missione, a Petro anno nati christi LIV. Claudii Imperatoris IX. episcopatus Petri Romani VIII. facta: de tribus his sibi in locum episcopi Trevirensis succedentibus, et de episcopis illis, qui post Maternum, sed ante Agritium eundem obtinuerint. Mirum ergo esse nequit, eadem in editionibus *gestorum Theodoriciana et Golscheriana*, quas LVCAS DACHERIVS l) et GOTTFR. GVILIELM. LEIBNITIVS m) protulerunt, inveniri, si discefferis ab intercalariis illis praefulibus, qui apud LEIBNITIVM desiderantur n).

X. Tandem et *vita S. Eucharii, Valerii et Materni*, quam IOANN. BOLLANDVS o) in lucem produxit, a nobis est commemoranda. Auctorem ejus esse GOLSCHERVM, qui seculo XII. ineunte inter monachos S. *Matthiae* Trevirenses clarus fuit p), idem BOLLANDVS sibi aliisque persuasit, quibus HONTHHEMIVS q) contradixit, horumque commentariorum scriptorem fuisse EBERHARDVM, eidem sodalitis, sed sub initio seculi X. adscriptum, contendit. At sine caussa de hac re disputatur, quod haec *vita* trium episcoporum nihil continet, nisi primas *gestorum Trevirensium* particulas r), quae et EBERHARDVS  
et

i) *dissertat. jam laudata*, §. II. p. 963. et *diff. de statu relig. christian. in Trev. ante Constantin.* p. 16. sq.

k) in *histoire de Lorraine* tom. I. adpend. p. 1. sqq.

l) *specul. tom. II.* p. 208.

m) *access. historic. tom. I.* p. 34.

n) *conf. Aët. SS. tom. IV. jun. p. 69. MARNE p. 14. et PERIERIVS num. 19. 23.*

o) *Aët. SS. tom. II. jan. p. 918.*

p) de GOLSCHERO doctè egerrunt GVIL. CAYRVS *histor. litt. scriptor. eccles. tom. II.* p. 210. sq. et CASSIM. OVDINVS *commentar. de scriptor. eccles. tom. II.* p. 1233.

q) *diff. de scriptor. Trevir. §. III.* p. 963.

r) acute id vidit SCHOEFFLINVS p. 330. Adde PERIERIVM num. 25.

et GOLSCHERVS confecerunt, ita tamen, ut incertum sit, quid utrique jure tribuatur. Utcumque igitur sit, siue haec acta, uti nunc in nostris manibus sint, seculo X. siue XII. prodiiisse credideris, sufficit, eadem ambitu suo satis longo comprehendere narrationes de MATERNI origine, legatione ad Germanos, a Petro ei cum focis commissa, miraculis, Trevirensi episcopatu aliasque, his magis ineptas et fabulosas. Nec melioris conditionis, aut majoris pretii haberi potest *legenda S. Materni*, quam ex codice Liphensi descriptam GRANDIDIER <sup>s)</sup> primus in lucem revocavit. Aetatem quidem ejus definire, non audeo, tamen haud dubitanter adfirmo, eam et *gestis* et ex his deducta *vita MATERNI* multo esse recentiore hincque commentitiarum et nugatariarum rerum numero magis abundare.

Ad *tertiam* classem referri decet alios rerum gestarum scriptores, qui a majoribus de Materno tradita ad posteros propagare studuerunt. Quum aevi more vitioque monachi in conscribendis annalibus sine omni criticae artis usu versarentur, et quidquid ab aliis narrari invenissent, sine omni metu, ne fallerentur aliosque fallerent, in suos libros transferrent, vix operae pretium est, invenustos chronicorum conditores enumerare, qui inde a seculo decimo ad decimum quintum, MATERNI, discipuli Petri et Trevirensis episcopi, aut rerum mirabilium, quas perfecisse ille perhibetur, repetierunt memoriam. De paucis tamen ex illis haec monenda esse videntur.

XI. HARIGERVUM, abbatem Lobiensem, ann. MVII. *vita* descriptum, satis longa oratione narrationes istas explicare, <sup>t)</sup> omni dubitatione caret; primum vero omnium eum illarum esse auctorem et testem, SCHOEPFLINVS quidem fecit conjecturam <sup>u)</sup> eamque

GRAN-

<sup>s)</sup> in *codice diplom. historiae eccl. Argentineni* adjecto, p. XII.

<sup>t)</sup> HARIGERVVS scripsit *gesta pontificum Tungrensi*, quae inter *scriptores episcoporum et rerum Leodien*sum

RIGANNE DE CHAPRAUVILLE collectos, primum locum obtinent, *tom. I. p. 1-99.*

<sup>u)</sup> p. 330.

GRANDIDIERIO x) adprobavit; nec caret illa veritatis specie, ubi concesseris, vitam S. Eucharistiae, Valerii et Materni, supra a me commemoratam, GOLSCHERVM composuisse, quem HARIGERO aetate fuisse inferiorem, satis est expeditum. Atvero qui hanc EBERHARDO tribuunt, non possunt non opinioni contradicere et probabilius statuere, HARIGERVVM sua eidem *gestorum Trevirensium* scriptori accepta ferre y).

XII. Simili modo MARIANVS SCOTVS, qui Moguntiae ann. MLXXXVIII. vitam deposuit, non modo verbosius narrationes de Materno repetiit novisque nugis auxit z), sed etiam eorum, quae dixit, primus solusque testem excitavit METHODIVM sicque nostrae disputationi insignem adtulit difficultatem. Fuerunt enim, qui vel nostra aetate contenderent a), METHODIVM, a MARIANO laudatum, eundem esse cum eo, qui seculo tertio inter Graecos clauit martyriique decus est consequutus b), sicque colligerent, de Materno commentis magnam vetustatis laudem paremque recte tribui auctoritatem. At hos egregie falli, gravissimis certissimisque argumentis alii viri docti c) demonstrarunt et luculenter docuerunt, nisi aut a MARIANO, aut ab aliis METHODIVM prorsus fictum esse, credideris, ut pia quasi fraude ineptis narratiunculis conciliarent fidem, ita enim suspicandi gravis est causa, eum tamen infra seculum decimum esse abiciendum.

XIII.

x) *diff.* p. 56.

y) de HARIGERO, ignobili homine, consulas GVIL. CAVEVM *H. L. S. E. tom. II. p. 112.* CASIM. OVDINVM *loc. cit. tom. II. p. 485.* sqq. et IO. ALB. FABRICIVM *biblioth. Lat. med. et inf. aetatis, vol. III. p. 562.* sqq.

z) apud IO. PISTORIUM *script. rerum German. vol. I. p. 555.*

a) in horum numero est BERTHOLETVS *differt.* supra notata, p. 311.

b) de hoc METHODIO legas IO. ALB. FABRICIVM *bibl. Graec. vol. V. p. 255.* GOTTFR. HENSCHENIVM in *Act. SS. tom. IV. jun. p. 5.* sqq. REMIG. CEILLERIVM *histoire des auteurs eccl. tom. IV. p. 26.* aliosque hujus generis scriptores.

c) v. c. HONTHENIUS *diff. de statu relig. christian. p. 21.* DEMARNE *diff. p. 20.* PERIERVS *num. 36. p. 360.*



XIII. Consulto vero abstinemus a recitandis PETRI *Cluniacensis*, OTTONIS *Frisingensis*, GOTTFRIEDI *Viterbiensis*, AEGIDII *ab aurea valle*, ALBERICI *trium fontium*, ALBERTI *Stadenfis*, IACOBI *de Koenigshoven* nominibus *d*), quorum ad res seculi primi, aut secundi comprobandas nullam esse auctoritatem, neminem, arbitror, dubitare.

SUPEREST denique classis *quarta*, qua litterae publicae comprehenduntur, modo ab imperatoribus modo a pontificibus Romanorum editae, ut testarentur, concessa a se esse Trevirensibus beneficia, aut privilegia. Quum enim causae benignitatis liberalitatisque essent indicandae, inter eas et erga MATERNVM reverentiam retulerunt sicque usi sunt opportunitate, commemorandi praedicandique, MATERNVM a Petro fuisse in Germaniam missum primaeque rei christianae apud Treviros jecisse fundamenta. Hujus generis sunt:

XIV. IOANNIS X. bulla, scripta d. XXII. jan. ann. DCCCCLXVI.

XV. BENEDICTI VII. d. XVIII. jan. ann. DCCCCLXXV.

XVI. LEONIS IX. d. XIII. april. ann. MXLIX.

XVII. HENRICI IV. imp. diploma, datum d. XII. jul. ann. MLXVI.

quorum notitiam HONTHHEMIVS *e*) suppeditat. Quoniam loco haberi debeat monumenta, ubi rerum longissimo aetatis intervallo a tempore, quo exarata sunt, disjunctarum faciunt mentionem, nulla sane justa est disputandi causa. Eandem habent fidem cum aliis ejusdem

*d*) loca horum scriptorum diligenter notarunt IOANN. GOTTL. HEINECCIUS *exercit. de habitu apostolorum sacerdotali* cap. IV. § 7. sqq. tom. II. oper.

*Commentat. Hist. Philol. T. I.*

p. 40. et IO. DAN. SCHOEFFLINVS *Alsat. illustrat. tom. I. p. 331 sq.*

*e*) *diff. citat. p. 22. et prodrom. hist. flor. Trevir. tom. I. p. 64.*

dem aevi scriptoribus, nec vereor, in ipsa curia Romana nostra aetate futuros esse, qui suos pontifices nec in enarrandis aliorum gestis falli posse, adfirmare audeant. Quum perinde ad exarandas publicas imperatorum, aut episcoporum Romanorum litteras monachorum imperitorum et credulorum opera fuit adhibita, ac hi maximam, qui nobis servati sunt, annalium partem confecerunt, nec mirari fas est utrorumque in repetendis fabulis consensum, nec huic majus statui pretium, quam criticae artis leges patiuntur f).

COLLECTA haftenus monimenta et historicorum testimonia, quibus MATERNI, Trevirensis seculo primo et secundo episcopi, memoria nobis commendari fertur, ubi sine partium studio animoque candido fecum comparantur, haec inde recte deduci confectaria, quisque nobis concedet.

I. Vetustissimos martyrologiorum scriptores, quamvis nemo eorum seculum octavum superet, MATERNVM communi praeterire silentio, adeoque justam esse suspicionem, eos in antiquioribus monimentis, ex quibus sua defumferunt, nihil eorum relatum legisse, quae postea de MATERNO in vulgus sparsa sunt. Huc spectant, quae de martyrologiis, HIERONYMO perperam adfictis num. I. de WANDELBERTO num. III. de ADONE num. V. de VSVARDO num. VI. et de Romano ROSWEYDI num. VII. monita sunt.

II. MATERNVM fuisse dignitate *episcopi* ornatum, sine urbis mentione, solus commemorat RABANVS MAVRVS, scriptor seculi noni num. IV.

III. Illum *Treviris* sacrum munus administrasse, num BEDA, aut FLORVS seculo octavo testati sint, num. II. dubium est relinquent-

f) bene sapienterque hac de re judicat DE MARNE p. 34.

quendum. Certius adducuntur *diptycha Trevirensia* antiquiora num. VIII. tamen vix seculo decimo assignanda.

IV. Quae de aetate MATERNI apostolica ejusque in Germaniam legatione a Petro ei commissâ enarrantur, nullius innituntur testis auctoritate, qui eodem decimo seculo sit superior. Antiquissimus omnium, qui nobis innotuerunt, est EBERHARDVS num. IX. et X. quem sequuti sunt recentiores *gestorum Trevirensium* editores, *diptychorum Trevirensium* et *Tungrensium* recentiorum conditores, num. VIII. HARIGERVS num. XI. scriptores martyrologii Romani, a BARONIO producti, num. VII. bullarum et diplomatis HENRICI, num. XIV-XVII. MARIANVS *Scotus* num. XII. et universa historicorum turba, num. XIII.

QUISQVIS congesta a nobis memoriae MATERNI monimenta consideratus expendit, velit, nolit, fateatur oportet, eadem non modo quae inter se diversa sunt, continere, ita ut recentiores scriptores tradant, quae vetustiores penitus ignoraverint; sed etiam ubi de uno eodemque MATERNO utrosque loqui putaveris, talia prodere, quae manifeste sibi repugnet. Duo vero sunt capita, in quibus eorum dissensus ut in omnium oculos cadat, necesse est. Primum enim in aetate MATERNI definienda a se aperte discedunt. CONSTANTINI, OPTATI litterarumque et subscriptionum synodi Arelatenfis consensu et auctoritate confirmatur, vixisse MATERNVM sub initio seculi quarti et Constantino fuisse aequalem; ceteros autem si audiveris, qui eum Petri discipulum fuisse et ab hoc in Germaniam missum perhibent; aut EBERHARDI exemplo annos Christi, Claudii, Petri munerisque, ab Euchario, Valerio et Materno administrati, numerant, ad seculum primum et secundi primordia illum pertinere, concludes. Deinde similis est inter eos discordia in civitate constituenda, quorum sacris praefuisse, commemorant, MATERNVM. OPTATVS et MATERNVS ipse, qui canonibus Arelaten-

bus subscriptis, hunc Coloniae Agrippinae fuisse episcopum, testantur, ceteri omnes inter Trevirenses et Tungrenses immo et Colonienses sacrorum antistites eum collocant. Ut in concordiam redigerent, qui sibi invicem contradicunt, scriptores veteres, in eo recentiores mirum quantum laborarunt, sed consequendi id, quod experientur omnes, varias ingressi sunt vias.

NONNULLI quidem rectam satisque simplicem invenisse sibi videntur, qua tempora discernuntur duoque admittuntur MATERNI, quorum prior Petri fuerit discipulus, apud multas in Germania et Gallia Belgica gentes religionis christianae magister sociusque Eucharri et Valerii, Trevirensium denique Tungrensiū et Coloniensium communis episcopus; posterior Constantini aetate vixerit; nec nisi Coloniae Agrippinae sacra gubernaverit. Lubenter his concedi potest, sic omnia, quae sibi adversantur, posse conjungi, modo vere duos MATERNOS fuisse, comprobari possit. Quicumque huic sententiae sunt additi, contra omnes artis historicae leges monumentorum scriptorumque, quorum testimonia diligenter enumeravimus, unam eandemque fidem esse et auctoritatem, statuunt, nobisque imponi, cupiunt, necessitatem, aequae REBERHARDO, aut GOLSCHERO, aut HARIGERO hisque similibus, ac CONSTANTINO et OPTATO credendi, quae singuli de suo MATERNO tradiderunt. Conjecturam, quantum novimus, primus fecit GVIL. LINDANVS eamque CAESARI BARONIO g) significavit comprobavitque, cujus exemplo multi, ut eidem adfuerint, passi sunt, se commoveri. Quorum numerum inire, nullum est operae pretium; eorum tamen liceat recitare nomina, qui in ornanda tuendaque sententia de duobus MATERNIS diligentiae quid collocarunt. Atqui in hunc censum veniunt IOANN. BOLLANDVS h) AEGID. BVCHERIVS i) SIGISM.

g) not. in *martyrolog. Rom.* p. 385.

h) *AB. SS. tom. II. Jan. p. 918. lqq.*

Legi debent, quae ad excusandam BOLLANDI lapsam adduxit PERIERVS

num. 64.

i) BVCHERIVS scripsit primam dissertationem historicam de primis Tungren-

GISM. GELENIVS *k*) CHRISTOPH. BROWERVS *l*) aliique *m*), quibus, fas est, errorem ignosci, quod criticae artis parum periti argumentorumque, quibus postea ille ab aliis confutatus fuit, ignari, partim perversis religionis christianae in suis provinciis et civitatibus inde ab apostolorum aetate repetendi origines studiis; partim quos nove- rant inter sanctos religioso adfici cultu, summa et invidenda anti- quitatis laude extollendi, cupiditate facile ad retinendas medii aevi fabulas abrepti sunt. Major est mirandi causa, postquam a viris prae- clare doctis, quam alienum sit a veritate, duos fingere MATERNOS, aut monachorum barbarae aetatis commenta quasi recipere in tutelam, fuit demonstratum, LUDOVIC. LA GUILLE *n*) PETRUM DOL- MANS *o*) IOANNEM BERTHOLETUM *p*), SIGISM. CALLES *q*) sibi non temperasse, quin de duobus MATERNIS cogitarent, et MA- TERNI Trevirensis, quem a Colonienfi diversum esse statuunt, ae- tatem apostolicam tuerentur.

NEMINI certe hanc opinionem comprobabunt, modo quibus legibus historica veritas testiumque fides aestimetur, habuerit perse- ctum verique exquirendi fuerit studiosus. Jure nostro postulamus, non ut res, quae contigisse narrantur, evenire potuisse, aut debuisse ra- tiocinationibus inepte demonstretur *r*), sed ut vere evenisse atque ita,

C 3

uti

grorum et Leodiensium episcopis, quae operis *Chapeauvillani* jam laudati *tom.* III. p. 135. inserta est, deinde brevis ibi dicta repetit in *Belg. Rom. eccl. et civil.* p. 152. 194. 239.

*k*) de Colon. magnitud. libr. I. p. 36. 38.

*l*) *annal. Treviror.* libr. II. p. 144.

*m*) laudati a DE MARNE *diff.* p. 7.

*n*) in *histoire d'Alsace* p. 47.

*o*) in *commentar. de S. Antione, epi- scop. Trevir.* qui legitur in *act. sanctor.* *tom.* IV. *august.* p. 45-48.

*p*) in *histoire de Luxemb.* *tom.* I. p. 76. 115. et *dissertat.* adjecta p. 301. In eandem sententiam vir doctus discessit, cujus *epistolam* sine auctoris nomine BERTHOLETA *tom.* VI. adjecit.

*q*) *diff.* jam laudata p. 46. sqq.

*r*) sic lepidè nonnulli narrationes de MATERNO Trevirensi a nobis cre- di cupiunt, utne del benignissimam vo- luntatem, omnes homines salvandi beand- ique, in dubium vocare videamur. Vid. VERIERIVM *num.* 9. sqq.

uti traduntur, esse gestas, argumentis, quibus iusta inquit probandi vis, hoc est effatis testimoniis, quibus tuto credamus, efficiatur. Hoc quidem loco expectamus veterum testimonia, qui Petri aevo et mandato MATERNVM quemdam ad Germanos, aut Gallos Belgicos accessisse, insignem eorum multitudinem Christi disciplinae subiecisse et Trevirensibus sacris post Eucharium Valeriumque praefuisse, ita edixerint, ut vera narrari, luculenter intelligamus. Atqui hac praecipua historici laude, quae maxime ex ejus aetate, rei gestae aut aequali, aut suppari, censetur, adeoque iusta auctoritate carent scriptores, quotquot de Trevirensi Materno quid retulerint, ad unum omnes. *Primum* enim temporis, quo quisque vixit, rationes ubi consideraveris, ante seculum nonum, BEDAE enim aut FLORI testimonium incertum esse diximus, nullum MATERNVM quempiam inter Trevirenses, aut Tungrenses episcopos numerare, ante decimum neminem eum perhibere Petri discipulum legatumque, aut apostolici aevi virum, invenies <sup>1)</sup>. Quis vero sine imbecilli animi credulitatisque, aut superstitionis suspicione, ea sibi persuaderi patiatur, quae de rebus seculi primi scriptores recentioris et ab isto tam longo intervallo disjunctae aetatis, sive Graeci fuerint, sive Latini soli memoriae prodiderint. *Deinde* accedit commune fere seculorum noni et decimi vitium, ut non modo impudentius de sanctis veteris aevi nugae fingerent, sed maxime origines ecclesiarum Gallicanarum apostolicas comminiscerentur <sup>2)</sup>. Ex quo iusta nascitur suspicio, prava illa exempla imitari voluisse Trevirenses, ut ne sua ecclesia ceteris antiquitate inferior esse videretur. *Tum* praecipua rerum illarum, quae MATERNO tribui solent, gestarum monumenta fabulas cum pueriles ineptasque, tum maxime in aliorum sanctorum vitis frequentius obvias, v. c. de baculo Petri ejusque aliis vitam amissam restituendi <sup>3)</sup> virtute, nec non

erro-

<sup>1)</sup> conf. DE MARNE p. 29.

<sup>2)</sup> hoc idem MARNIVS p. 15. recte monuit et luculentis exemplis com-

probavit.

<sup>3)</sup> vide eundem p. 13. et HEINECCIUM loc. cit.

errores chronologicos x) continent, qui fraudem aperte produnt. Porro nec negligi a nobis oportet, quamvis satis magnus esse videatur testium, qui produci solent, numerus, eundem tamen insigniter minui et ad unum fere EBERHARDVM redigi, qui *gesta Trevirorum* scripsit, ex quibus ceteri scriptores sua hauserunt. Denique quae ex certioribus monumentis de origine rei christianae in Germania et Gallia colligi possunt, aperte pugnant cum his, quae de Eucharîi Valerii nostrique MATERNI legatione laboribusque apostolicis circumferuntur. Quamvis enim ista pauca sint et nonnihil subobscura, v. c. in quam Germaniae parte fuerint christiani, IRENAEO et TERTULLIANO laudati y); hoc tamen sine haesitatione recte affirmatur, seculo primo et secundo nec tot gentes Germaniae Belgicae ad christianam religionem amplectendam fuisse conversas; nec tot constitutas ecclesias, nec tot iis praepositos episcopos, quot in MATERNI actis numerantur z).

HIS quidem argumentis alii viri docti commoti sunt, ut non modo de veritate harum rerum dubitarent, sed easdem etiam medio, hoc est, barbaro et superstitioso, aevo fictas esse pronuntiarent. Negant igitur hi omnes, seculo primo vixisse MATERNVM quemdam, negant, eum cum Eucharîo et Valerio a Petro in Germaniam missum fuisse: denique negant, eum isto tempore Trevirensium fuisse episcopum: conveniunt vero omnes inter se, VNUM esse MATERNVM, sub Constantino clarum, ad quem pertineat, quidquid vere et recte de MATERNO relatum sit. Bene enim monent, de MATERNO Constantino aequali nullam esse dubitandi causam, at de vetustiori

MA-

x) conf. HEERLIUM *antiquit. Germaniae primae* art. II. §. 8. p. 54. et HEINECCIUM p. 40.

y) ex utroque nihil praesidii conjecturae de Materno Trevirensi peti posse, ostendunt HONTHENIUS *prodom.* tom. I. p. 64. sqq. de MARNE

p. 26. et PERIERIUS *num.* II-16.

z) post LAVNOIUM, cujus opusculum postea commendabimus, praeflare id probant CALMETVS p. 6. DE MARNE p. 30. et PERIERIUS *num.* 64. 65.

MATERNO, cum Petro aetate conjuncto, plane nullum ad nos pervenisse documentum, rei comprobandae idoneum. Nec inepta aliorum proferunt exempla, qui licet seculo tertio, aut quarto inter christianos floruerint, tamen aperto errore similique superstitione inter viros apostolici aevi collocari consueverint *a)*. Hanc vero de uno MATERNO sententiam amplexi sunt nominumque auctoritate ornarunt ex pontificis Romani cultoribus: IO. LAVNOIS *b)*, SEB. NAN. TILLEMONTIUS *c)*, IOANN. BAPT. SOLLERIUS *d)*, *Galliae Christianae scriptores e)*, IAC. LONGVEVAL *f)* et quos saepissime laudavimus, CALMETVS, HONTHEMIUS, DE MARNE, PERIERIVS et GRANDIDIER, ex nostratibus, praeter BEBELIVM, HEINECCIUM et SCHOEFFLINVM, itidem jam frequenter excitatos, IO. LAVR. MOSHEMIVS *g)* alique.

QVAMVIS magna sit inter hos sententiarum concordia, nonnisi unum esse MATERNVM eumque seculo tertio exeunti quartique initii esse vindicandum; tamen in varias discedunt partes, ubi quid de hoc MATERNO recte credatur, explicandi sibi imponunt necessitatem; ita ut duo maxime eorum genera constitui oporteat. *Primum* quidem complectitur eos, qui nequeunt a se impetrare, ut adspernentur rejiciantque, quae in medii aevi monumentis de MATERNO tradita sunt. Qui denuo ita a se invicem distinguunt, ut *alii* quaecumque de MATERNI expeditionibus apostolicis sacrisque multarum in Germania gentium conversionibus, de miraculis hisque similibus narrantur, seculo tertio vere evenisse, sibi persuadeant, ex

qui-

*a)* conf. PERIERIVM §. IV. p. 354.

*b)* *diff. qua locus Sulpicii Severi de primis Galliae martyribus defenditur*, cap. XXIX. tom. II. oper. part. I. p. 139. fqq.

*c)* in *memoires pour servir à l'H. E.* tom. IV. p. 499. tom. VI. p. 26. 704.

*d)* *AB. SS. tom. VI. jun. part. 2.*

p. 68.

*e)* tom. III. p. 308. edit. nou.

*f)* in *histoire de l'Eglise Gallicane* tom. I. p. 85. et *dissert. eidem subjuncta* et supra laudata.

*g)* *institut. hist. eccl. major.* p. 108. et *commentar. de rebus christianor.* p. 212. et 451.



quibus GRANDIDIERIVM nominasse sufficiat; *alii*, V. C. TILLEMONTIVS, CALMETVS, HONTHENIVS, DE MARNE, PERIERIVS cautius ex narrationibus paucas seligant, easque res, seculo tertio quartoque gestas, continere, ceteras vero falsas et inter figmenta scholae S. Matthiae Trevirensis reponendas esse, contendant. Cupiunt hi *traditioni* auctoritatis quid relinqui, quum ore antea propagatam, medii aevi scriptores litteris consignaverint et ad nos transmisserint, hacque de causa sibi persuadent, Eucharium, Valerium MATERNVM que seculo tertio venisse in Germaniam, at non uno eodemque tempore, sed interjectis intervallis: eos recte dici et Petri discipulos et ab hoc ad majores nostros ablegatos fuisse, quod cuique a Romano sui aevi episcopo profectio fuerit mandata: sanctos esse singulos munere episcopi *Trevirensis* atque in hoc administrando sibi successisse: MATERNVM denique idem non semper retinuisse, sed post aliquod tempus in Agritium detulisse sicque secessisse Coloniam Agripinam, ubi sacra gubernaverit, quum Constantinus Romanum et Arelanense concilium coëgit.

INGENIOSE haec excogitata esse, infitiri nolo, nihilominus illis adsentiri non possum. Semper enim in ea sui opinione, quam numquam ex animo mihi eripi patiar, nihil rerum gestarum recte credi, nisi testium fide dignorum auctoritate sit confirmatum. Lubenter quidem admitto, potuisse nonnulla, quae certe contigerunt, a majoribus posteris tradita serius mandari litteris, atvero si haec ut credamus, a nobis postulatur, opus est testimoniis idoneis et certis, eadem vere a majoribus esse accepta. Quam quidem laudem cur scriptoribus decimi, aut si malis, noni seculi, qui inauditas antea de rebus seculi tertii vel quarti referunt, tribui a nobis oporteat, nulla est causa. Accedit, historiarum monumentis et scriptoribus aut omnia, aut nihil esse credendum, nisi discriminis inter res enarratas constituendi animo nostro obversentur rationes graves et luculentae, quas hoc quidem loco nemo invenerit. Iusta potius est suspicio, qui men-

*Commentat. Hist. Philol. T. I.*

D

tutus

titus sit, MATERNVM seculo primo vixisse, eundem et episcopatum ejus Trevirensē fingere potuisse. Porro parum decet historicum veri amantem, ad commendandam conjecturam pro vero habere, cujus plane nullus supereſt testis. Nec vetustiores, qui MATERNVM Colonienſem commemorant, nec recentiores illi scriptores umquam retulerunt, MATERNVM se abdicasse munere episcopi Trevirensis et illud AGRITIO commiſſiſſe. Non conjecturis, quibus quae fieri potuerint, non quae ſint facta, adſequimur; ſed testimoniis nititur hiſtorica veritas. Denique nec placet particulae de Petro interpretatio, qua MATERNVM non a Petro, ſed a praefule quodam Romano in Germania miſſum fuiſſe, comminiſcuntur. Novimus quidem, quo ad veritatis ſpeciem ei conciliando uti ſolent, INNOCENTII I. eſſatum h): *quum ſit manifeſtum, in omnem Italiam, Gallias, Hiſpanias, Africam atque Siciliam et interiacentes inſulas nullum inſtituiſſe eccleſias, niſi eos, quos venerabilis Petrus aut ejus ſucceſſores conſtituerint ſacerdotes*, at vera eſſe, quae continet, nullis aliorum testimoniis, aut exemplis oſtendi poteſt. Gallos certe, qui ſeculo ſecundo chriſtianae religioni addiſti erant, non Romanorum, ſed Graecorum opera eadem fuiſſe inſtitutos, Potini, Irenaei martyrumque Lugdunenſium Viennenſiumque nomina factaque et ſcripta aperte loquuntur.

ALTERVM virorum doctorum genus, qui unum MATERNVM eſſe, recte cenſent, nihil eorum omnium, quae de MATERNO traduntur, verum eſſe credit, niſi quae ex monimentis ſeculi quarti de MATERNO Colonienſi diſcuntur. Quare non ſolum negant, inter viros apoſtolicī aevi eum tenuiſſe locum et a Petro in Germaniam miſſum fuiſſe, et tot eccleſiarum jeciſſe fundamenta et miraculorum laude floruiſſe; ſed negant etiam, umquam MATERNVM Trevirenſibus ſacris fuiſſe admotum; aut depoſito hoc munere et in AGRITIVM delato, ſeceſſiſſe Coloniam. Atque in hac opinione ſuit LAV-

NOIUS

h) *epiſtol. XXV. §. 2. p. 856. epiſtol. pontific. Romanor. a PETRO CONSTANTIO collectarum.*

NOIUS eamque facile probavit aliis, qui sibi cavent, ne quid sine teste credant accidisse. Adfensisse eidem LIRONIVM *i)*, nulla est mirandi causa, at IOSEPH. HARZHEMIO *k)* eandem placuisse, omnino miramur. Quam vana vero sit conjectura, qua MATERNVS Trevirensis episcopatum cum Colonienſi permutasse dicitur, luculenter demonstrarunt nonnulli ex his, quos duos admittere MATERNOS, supra monitum fuit *l)*.

Ex his, quae hactenus adlata sunt, facile colligi posse, arbitrator, rationes, quibus me, ingenue fateor, commoveri, ut cum LAVNO faciam et in historiarum monumentis, quibus inest justa auctoritas, nullius servatam nobis esse, statuam, MATERNI memoriam, quam qui aetate non Petri, sed Constantini clarus fuerit, nec Trevis umquam, sed Coloniae Agrippinae episcopi munus administraverit. Hic ergo est unus ille MATERNVS, qui inter primos christianae religionis in Germania doctores jure suo censetur.

*i)* in *singularitſis historiques tom. IV.*  
p. 193. ſqq.

RIERIUS num. 101. ſq.

*k)* ex litteris HARZHEMII nonnulla, quae huc spectant, produxit PE-

*l)* V. C. BERTHOLETVS *histoire de Luxembourg tom. I. p. 125.* et CALLES *annal. ecclef. Germ. tom. I. p. 178.*

CHR. G. HEYNE

DE

MARIBVS INTER SCYTHAS MORBO  
EFFEMINATIS  
ET DE HERMAPHRODITIS FLORIDAE

COMMENTATIO

RECITATA IN CONSENSV

D. XIX. SEPT. CIOCCCLXXXIII.

Mirus est Scytharum apud Herodotum et Hippocratem narratus morbus *a*), quo mares sibi ipsi visi sunt exuere sexum, ita ut muliebria officia obirent muliebrique vestitu uterentur et mulierum ordine ac loco haberi vellent et haberentur. Mirus morbus, nec minus mira iudiciorum de eo diversitas. Infitum esset ad omnia descendere, et quod in una quaque opinione minus bene se habet refellere. Sex diversas opiniones exponit Buherius ad Herodotum *b*), amplectitur ipse eam, quam jam Longinus probaverat *c*), laudando Herodotum, quod *ἡλίαν τους* memorans rem turpissimam vocabulo honesto extulisset, ut scilicet infamem pathicorum morbum intelligat; quandoquidem, nomine alibi quoque obvio, iis, qui muliebria patiun-

*a*) Herodot. I, 105. et IV, 67. Hippocr. de sere aquis et locis l. 3. (§. 47.)

*b*) Bouhlier *Dissertations sur l'histoire d'Herodote* c. 20.

*c*) Longin. c. 28. extr. Idem vir doctus, Buherius, ne Hippocrates Hero-

doto obversaretur, de diverso utrumque morbo agere contendebat. Sed in tota re nihil satis explorati attulit. Loca Herodoti et Hippocratis esse iungenda, jam vidit Mercurialis V. L. III, 7. tum alii. Adhaesit Mercurialis iudicio Wesseling, ad Herodot.

patiuntur, *ἡλμια νοσος*, muliebris morbus, tribuitur. Poterat ea opinio iis exemplis firmari, quibus exoleti isti vestitu muliebri induti passim apud veteres occurrunt d). Caret nihilominus ratione ea opinio; nam non animi vitium sed corporis morbus ille fuit, ad posteriores per plura saecula propagatus; sunt alia, quae de eo morbo paulo post commemorabo, quae nullo modo in pathicis viris locum habere potuerunt. Nec magis altera procedit ratio, qua nonnulli haemorrhoidas per muliebrem morbum designari arbitrantur e); eum enim morbum Hippocrates ignorare non potuit.

Mihi propositum est, pace vestra, auditores, loca ipsa Herodoti et Hippocratis diligenter interpretari, tum videre, quidnam iis locis non ad interpretum opinionem, sed vere inest, et discernere ea, quae facta narrantur, a scriptorum iudicio super iis factis: Haec enim parum subtiliter discrevisse videntur viri docti: qui fere ab Herodoti vel Hippocratis iudicio narrationi adiecto totam causam ac rei narrationem repetierunt. Enimvero iudicio hoc sejuncto ac tantisper sepositio, reque ipsa, qualis illa fuerit, explorata, tandem in promptu erit pronuntiare, quid de tota re sit statuendum.

In altero itaque Herodoti loco f) Scythae Cimmericos insequuti in Medos incidunt, iisque acie superatis imperium Asiae occupant: quod per XXVIII. annos tenuisse dicuntur: hoc est, per tot annos opibus et viribus adeo superiores fuere omnibus Asiae populis, ut tributa exigenter ab iis, qui fines suos diripi et vastari nollent. Nam

D 3

impe-

d) Suspicio adeo mihi suboritur, usum illum loquendi in hoc vocabulo non aliam originem, quam hunc ipsum Herodoti locum in eum sensum jam antiquitus acceptum, habuisse.

e) Et si hanc opinionem vir doctus ad Herod. IV, 67. et Bayer in memoris

Scythicis T. III. Commentar. Petropol. p. 377. amplectuntur. Refelli quoque eam nunc video a viro experientiss. *Ern. G. Bosc.* Anat. et Chir. Prof. Lips. in Program. hoc ipso anno M. Jun. scripto.

f) 1, 103.

imperium proprie ita dictum constituisse videntur nullum ff). Continuato per Syriam Palaestinam itinere progressos, ab Aegypti finibus avertit per legatos cum muneribus missos rex Psammetichus. Scythae itaque reversi per Palaestinam agmen ducunt: quod cum Ascalonem urbem intactam reliquisset, ecce pauci ex agmine remanentes Veneris caelestis, quale Palaestinatorum nomen fuerit non addit Herodotus, fanum spoliant. Jam his, qui spoliaverant, et eorum posteris, deam narrat immisisse morbum muliebrem, quemadmodum cum ipsi Scythae fatentur, propter illud sacrilegium eos morbo illo laborare, tum licere iis, qui Scythiam adierint, videre apud se, quomodo se habeant ii, quos appellant *Enareas* g).

Fuere ergo inter Scythas, qui morbo muliebri laborarent: verum ad certorum hominum progeniem et ad certum tempus res referatur. Videamus, quatenam traditis his insit vis et ratio. Sacrilegium illud fere ducentos ante annos fuerat commissum: nam facta est Scytharum in Asiam impressio ante C. N. 623. et Herodotus suam historiam recitavit sive Ol. LXXXI, 1. sive LXXXIII, 4. a. C. 445. Scythae adeo per tantum temporis spatium sacrilegii illius memoriam, et exorti ex eo morbi causam, et nomina eorum, qui Veneris iram experti fuerant, cum eorum progenie, in ipsa Scythiae solitudine retinuerant? at unde in eam opinionem inciderant, ut a Venere morbum infectum putarent? Sane quidem Palaestini potuere ad deam ultricem referre pestem corporis, quae jam dudum inter Scythas saevierat; uti Asdotenses ad deum Israeliticum labem corporis occultam. Forte

ta-

ff) Obscuram memoriam hujus Scytharum incurfus in Asiam superesse in iis quae de regis Argias, qui regnum Turan tenebat, bellis cum rege Persarum, seu verius Medorum, Guftasp, Zoroastris aetate, gestis narrantur, suspicatus est nuper doctissimus Abbas Foncher, *Mem. de l'Acad. des Inscri.* T. XXXIX. Suppl. au Tr. hist. sur la Ro-

lig. des anc. Perses.

g) Scythico adeo vocabulo: τοῖσι δὲ τῶν Σκυθῶν συλησάσι το ἱερὸν τοῦ Ἀσκαλων, καὶ τοῖσι τοῦτοισι καὶ ἐκγονοῖσι ἀνέσκηψε ἡ θεὸς Θέλαην νουστον, ὥστε αἶμα λαγούσι τὰ οἱ Σκυθαὶ διὰ τοῦτο σφάζουσιν, καὶ ὅταν παρ' ἐκτοῖσι τοὺς ἀπινεόμενους ἐς τὴν Σκυθικὴν χώραν, ὡς διακεῖται, τοὺς καλεοῦσι Ἐνάρεις οἱ Σκυθαί.

tamen Graecam potius superstitionem in hoc agnoscas. Scilicet, quoniam genitalibus contactis et vi creat rice ereptu conspicuus erat ille morbus, ad Venerem iratam referre eum in promptu erat; cum omnino omnes morbos ignotos divinitus immitti et crederet antiquitas et adhuc credat omne genus humanum physicarum rationum imperitum. De Venere autem inter Scythas nemo cogitare potuit, nisi qui externas religiones cognoverat. Videtur adeo Herodotus haec accepisse ab iis Scythis, quibuscum se versatum esse narrat, qui ex Graeca religione rem domesticam interpretari maluerant. Neque adeo, si subtiliter rem exegeris, ex toto loco servari potest quod vere traditum dixeris, nisi hoc, fuisse inter Scythas morbum muliebrem, cujus causas Herodotus a sacrilegio Ascalonitano repeti ab aliquo Scythae docto audiverat, qui patrias historias cum externa superstitione comparaverat. Si quid, quod a vero non omnino abludat, praeterea insit, hoc forte est, quod morbus ille inter Scythas ex Asia reduces aut primum aut memorabili saevitia est grassatus. Nam ad certas familias ac gentes quod ille ab Herodoto revocatur, id et morbi naturae, et Hippocratis fidei repugnat; nisi ita accipias, ut fuisse inter Scythas certas familias statuas in istum morbum valde proclives.

Cum autem Scytharum nomen tam late pateat, constituendum est ante omnia, quinam ii Scythae fuerint, quos isto morbo afflictos prodidit Herodotus. Scilicet fuere illi proprie ac vere dicti Scythae, suo vocabulo *Scolotae* appellati, qui olim a maris Caspii orientalibus plagis profecti ultra fl. Rha (Volga) et Tanaim progressi usque ad Istri ostia oram maritimam Ponti Euxini occupaverant inter Cimmerios finitimos; quique Asiae imperio dejecti eo iterum cum rediissent, latius quoque versus fines suarum sedium extenderant, donec, id quod post Herodoti tempora evenit, a Sarmatis et Getis, Tanai superato, fines suos ingressis, terra cedere coacti sunt *h*). Jam hae terrae, quantum

*h*) Praeclara doctrina ac subtilitate exposita sunt haec omnia a Collega conjunctiss.

quidem nostra aetate constat, nihil habent, quo morbus ille mullebris seu caeli seu soli natura aut procreetur aut alatur, ita ut inter endemios referri ille possit.

Nunc ad alterum Herodoti locum progredior: quo de rebus Scythicis agit; memorata divinatione per virgas subjicit haec: *Enareit autem*, inquit, *effeminati illi, ajunt Venerem sibi divinationem imperitiisse*, ex tiliae quidem eam cortice, ut statim disertius exponit i). Quod ipsi a Venere se artem edoctos profiteri narrantur, ad morbi origines a Veneris ira repetitas spectat, et scriptoris potius judicio, quam ipsorum effeminatorum existimationi est tribuendum. Quod vero omnino illi homines effeminati divino morbo contacti habeantur inter sortilegos: id cum per se est memorabile, tum miro modo barbarorum ac ferorum populorum plerorumque morem refert, quo homines morbis divinitus inflictis laborantes, et seu furoris per intervalla accessu seu hysterica aut epileptica affectione notabiles, inter vates et sortilegos referri solent, ita ut divinandi ac futura providendi arte polere, aut cum daemonibus familiariter versari credantur. Ita pervenisse videmur ad ipsam morbi Scythici naturam et causam, de qua statim accuratius acturi sumus, sed audiamus antea Hippocratem de eodem morbo tradentem k).

Eo loco quo is de animorum corporumque habitu a causis physici profecto disputaverat, ad Scythas descendit: ea tamen, quae expositurus est, ad genus eorum singulare revocat, quos circa Paludem Maeotidem habitare, Sauromatas appellari ait. Atqui hi Sarmatae, de quibus Herodotus multa accuratius tradidit, a Scythis erant diver-

Ætissimo Gatterero *Synchronist. Universal. - Hist.* p. 180. (ed. 771.) in quo libro incredibilem variae doctrinae copiam propinatam aliqua cum fide et auctoritate praedicare possum, cum olim hoc in genere ipse operam collocave-

rim.

i) IV. 67. οἱ δὲ Ἑκάρεις, οἱ ἀνδρῶν, τὴν Ἀφροδίτην σφί λεγούσι μάταιον δοῦναι.

k) de aëre, aquis, locis f. 42. seqq.



diversi, et tenebant loca ultra Tanain versus orientem *l*). Aut igitur Hippocrates minus diligenter ad Scythicam stirpem Sarmatas retulit, aut communis morbus ille Sarmatis cum Scythis fuit; id quod per se satis fit probabile. Quidni enim populi finitimi, eodem vitae ac victus genere utentes, eodem morbo laborarent? Sed Hippocratem haec omnia incerta fama accepisse, nec, ut Herodotum, ipsos Scythas adiisse aut cum iis hominibus esse versatum, testantur ea, quae sequuntur, quae non minus parum exploratae fidei sunt. Apponit fabulam de Amazonibus; cui si quid veri subest, hoc esse videtur, quod puellae viris mixtae de equis pugnarunt. Narrat boves propter frigus carere cornibus; terram alere feras numero et corpore exiguas; immiscet alia quae saltem de remotissimo septemtrione vera sunt, non de iis locis, in quibus Sarmatae debebant ad Maeotidem. Quae omnia eo valere debent, ut etiam in caeteris, quae Hippocrates, audita, non visa, commemorat, iudicio nostro nobis uti licere appareat. Ab eodem frigore, et aëre nebuloso et humido, et a potu aquae nivibus resolutae, tanquam caussis ducit corpora crassa et carnosa, humida et laxa ac remissa. Tum quam humida sint Scytharum corpora, ut doceat, narrat iis morem esse ad inutilem humorem detrahendum cauteriis utendi in brachiis, manuum articulis, pectoribus, coxis et lumbis. Utuntur autem candenti ferro etiamnum plurimum tum alii barbari tum Nomades, imprimisque Moka Kalmuki *m*): nec tamen constat, hoc eo fieri consilio, quod Scythis tribuit Hippocrates; sed ut dolores membrorum leniant et affectiones arthriticas. Defluxiones autem seu decubitus admodum frequentes esse necesse est in populis iis, non tam propter humores nimios, quam propter nocturna frigora et aëris inclementiam, cui obnoxia corpora sunt, cum sub dio modo dies noctesque agant, modo in mapalibus desideant.

Per-

*l*) Herod. IV, 116. Inter Slavorum majores eos habendos, acute suspicatur Gattererus noster. l. c. T. II. p. 957.

*Commentat. Hist. Philol. T. I.*

*m*) v. Pallas V. Cl. *Nachr. v. Mon. gal. Völkerch.* p. 169.

E

Pergit Hippocrates, esse corpora Scytharum fluxa et lata n), quod nec fasciis colliguntur pueri, nec curfu et motu exerceantur sed desideant; esse porro rubicundo colore o). Subjicit tandem, parum fecundam eorum esse naturam, nam nec viros seminarum, nec feminas virorum multum esse appetentes. Deducit hoc ex variis rationibus quas affert, sed ita affert, ut fatis appareat, eum non commemorare ea, quae ipsis factis et exemplis rerum cognoverat, sed quae ex semel posita corporum natura humida et laxa sequi vult. Inter eas rationes etiam haec est, quod cum ex frigore tum ex multa equitatione remissos ad Venerem et effetos corpore reddi homines arbitratur; quod vix tanquam verum amplectaris, nisi vetus equitandi mos sine stassis ad debilitanda genitalia valuit. Nec inter Kalmukos et alios Mogolos ullius similis mali ex assidua equitatione memoratio occurrit p). Nunc, cum totum eum ad certam opinionem, quae animo infederat, deflexum viderimus, subjungit Hippocrates q): *Practerea plurimi, inquit, inter Scythas Eunuchi sunt, et muliebria munera obeunt r), et muliebri more verba faciunt; vocanturque hi Evirati. Populares qui-*

n) *ροῖκα* de *γενεταὶ καὶ πλαταὶ*. In *ροῖκα* ambigua est lectio. Potest factum esse ex *ροος*, ut sit idem quod *ροωδης*. At est alterum voc. *ροικος*, *incurvus*. Et Galenus putatur h. l. ita legisse, nam *τα ροικα* exponit *καμπυλα*. v. Foef. Oecon. Hippocr. h. v. Posiunt sane *ροικα*, corpora incurva, sic satis convenire cum altero *πλατα* et cum sequi. At enim cum paullo post subjiciatur: *τα δὲ θηλας θηλασπόν οἶον ροικα εἶναι τὰ εἶδεν*, vix locum habet notio *incurvi*, sed corpora *fluxa, laxa ac flaccida*, prominente ventre, carne marcida, intelligenda sunt.

o) *Πυρρον δὲ τὸ γένος ἐστὶ τὸ Σκυθικὸν διὰ τοῦ ψυχρός. οὐκ ἐπιγενομένου οὕτως τοῦ ἡλίου. ὑπο δὲ τοῦ ψυχρός ἢ λευκότης ἐπιπαιεῖται, καὶ γίγνεται πυρρον*. Si de capillo rufo το *πυρρον* accipiendum est, reliqua vix satis assequor: ne collato

quidem Foefio in h. v. Vix tamen ratio loquendi fert, ut de rubicundo corporis a frigore adulti colore accipiatur.

p) v. morborum endemiorum exempla apud V. Cl. Pallas *Mongal. Völkerch.* p. 158. sq.

q) *ἄτι δὲ πρὸς τοῦτοις εὐνοῦχι καὶ γυναικῶν ἀργαζοῦνται, καὶ ὡς αἱ γυναῖκες διαλεγούνται τὸ ὁμοίως, καλεῖνται τε οἱ τοῦτοι ἀνδρίδες*. Receiptum est pro hoc in ed. Linden. *ἀνδρῶς* sed ex emendatione Mercurialis, speciosa tamen et verisimili.

r) Diu haesi, an *γυναικῶν ἀργαζοῦνται* acciperem infami illo ac turpi sensu, quo est muliebria pati. vide v. c. ad Petron. 81. p. 522. Enimvero reliqua Hippocr. disputatio nihil ex eo flagitio nec innuere videtur nec admittere.

quidem, inquit, *causam ad numen referunt, et hos ipsos homines venerantur et adorant, sibi ipsi verentes ne quid simile accadat.* Inde Hippocrates disputationem instituit satis gravem, non magis morbum hunc esse divinum quam alios, sed aequè a causis naturalibus procedere, inque iis indagandis nunc ponit operam. Scilicet eos defluxiones in coxendices arbitrat ex equitatione contrahere, iisque perperam mederi velle incisa pone aurem vena; esse autem venas, quas, si sectae fuerint, sterilitatem asserre bonus putabàt Hippocrates. Tum congressi, inquit, cum uxoribus ubi torpentes ac defixos se esse senserint, ob commissum aliquod infligi malum hoc sibi divinitus arbitrati profitentur se eviratos, et muliebri veste induti incedunt. Equitando autem arceffi morbum, etiam hinc probat, quod divites et nobiles ac potentes multo magis eum morbum experiuntur quam pauperes, qui non equis vehuntur: idem hoc docere, divinum morbum non esse, nam divites crebrioribus sacrificiis et muneribus pacem deum exorare solere quam pauperes.

In his a me commemoratis multa esse, quae de suo Hippocrates interposuit, quis non intelligat, si animum adverterit? Secernamus paullo diligentius, et videamus, quae iudicio ejus seposito, pro facto ac narrato vere sint habenda.

Ex Herodoto didiceramus haec: fuisse inter Scythas morbum aliquem, divinitus immitti creditum, cujus originem a sacrilegio Acalitano duci audierat, quo correpti appellati sunt eorum sermone Enarees; ipse appellat eos *androgynos*; credebantur iidem futura praedicere. Jam porro ab Hippocrate edocemur, morbum illum ea fuisse naturam, ut ii, qui eo corripierentur, non proprie ac vere, sed genitalibus frigore contactis, tantum non *Eunuchi* fierent, muliebria munera obirent et instar feminarum loquerentur s). Scythae divi-

E 2

ni-

s) *ἀνδρῶνας τε ὁμοίως*, seu ut muliebrem sermonis et vocis sonum affectarent, seu ut tanquam ex feminae persona agerent et loquerentur.

nitus infictum putabant esse morbum, et miseros illos veneratione et honore afficiebant, seu sibi ipsi similem deorum iram metuentes, ut Hippocrates interpretatur, seu miseratione aliqua naturalique impulsu, fere ut nostro adhuc tempore Valefenses suos *Cretimos*. Frequentior autem morbus inter divites et nobiles quam inter pauperes †). Quae Hippocrates praeterea adjecit aut interpolavit, ea mihi de suo admenſus esse videtur: inprimisque ea quae de causa mali ab equitandi assiduitate et de vena jugulari incisa apposuit.

Nisi egregie fallimur, morbus is, de quo adhuc actum est, et quo affectos Herodotus androgynos, Hippocrates eunuchos appellavit, ex eo fuit morborum genere, quo, sensorio communi contacto, seu melancholico seu hysterico aliove nervoso affectu, quaecunque tandem de causa, mens perturbaretur: et quidem cum mira corporis animique imbecillitate, ita ut, dejecti ac depressi, virum adeo exuisse sibi viderentur. Accedebat opinio, inter istos homines frequentata, divinitus immisſum esse morbum, cujus adeo medela ab humana arte exspectanda esset nulla. Tum illi despondentes animum femineae vitae sponte statim se addicere. Quanta persuasione vis sit in his morbis, nemo ignorat. Barbaros autem ac feros populos procliviores ad eos morbos esse, quam quis facile credat, narrationes eorum docent, qui hos populos adierunt. Potest ipse viciſtus ac vitae ratio modo per famem et inediam modo per ingluviem praecipitata, succos vitales corum-

†) Ut supra innui esse factum, ut *σορος Ἰπλαιο* celebraretur alio sensu, ex Herodoto ducto, de morbo pathico; ita narrationem arbitror temporis successu a Graecis varie esse ornatam. Locus est ap. Aristot. Ethic. ad Nicomach. VII, 8. ubi de iis agit, qui voluptatibus illecebras vincere poterant, quibus ipsi non erant impares propter generis naturam, aut propter morbum, quem admodum *Scytharum regionibus molliſſus*

*propter genus innata est, οὐκ ἐν τοῖς Σκυθῶν βασιλευσὶν ἡ μάλακη δια το γένος*. Quae ibi ab Aspasio prolata laudatur lectio *Πατρῶν*, haud dubie ab interpolatione profecta est. Videtur nimirum id, quod Hippocrates ita extulerat, ut morbum nobilissimum et distissimum quemque, rarius pauperiores, invadere solere diceret, ab aliis ad solos reges revocatum esse sic, ut morbus ipse de molliſſie acciperetur.

rumperet. Ad terrores tamen multo majores, quam quos nostra ingenia ferunt, pronos eos reddere videtur omnium rerum omnisque naturae ignorantio et falsa de daemonibus et divinitus immisfis malis persuasio. Incredibile est quam facile in furorem agi possit omne genus barbarum ac ferum; quam facile in extasim abripi aut convulsionibus corripi. Cumque natura ita comparati sint, provocant quoque et concitant hos motus saltatione, cum mira corporum rotatione et agitatione, ut ad insaniam et furorem non modo unus et alter, sed frequens interdum hominum turba prorumpat \*). Quo fit, ut inter ferros populos fere omnes tanta frequentia sit vatium, qui divino furore agi putantur; cumque omne humanum genus, quo magis praesentium ac praeteritorum ignarum sit, eo curiosius sit ac cupidius cognoscendi futura: sunt adeo plurimi, qui aut sibi aut aliis videntur futura providere. Inprimis autem ad mala depellenda et morbos curandos divinatione uti solent, cum rerum naturalium ignorantia semel hunc errorem imbibierint omnes, deorum seu daemonum ac geniorum ira aut invidia ac malitia immitti morbos, ad quos e corpore expellendos certis formulis, gestibus ac praestigiis opus sit. Auxit aegyrtarum studia lucrum, quod inde auferunt, tum honos quo se haberi vident; praestigias itaque miris corporum inflexionibus ac doloribus, etiam per ignem et vulnera, elaboraverunt, quos nec ipsi perferre possent, nisi furor et insania, in quam prorumpere solent, sensum auferret. Quae cum inter omnes barbaros ac feros populos et olim ita se habuerint, et nunc ita se habeant: mirum non est, si nec olim Sarmatae ac Scythae, nec nostra aetate ii barbari, qui eadem loca inhabitant, inprimis Tatai et Mogolici populi, nec aliis opinionibus, studiis et institutis utantur. Nulli ex iis sunt, qui non suos habeant vates, hoc est agyrtas et praestigiatores fatidicos, plerumque furentes. In ipsa autem hac vitae asperitate, in hac corporum duritia, qua utuntur, incredibile est, quam frequentes inter eos sint affectiones epile-

E 3

pti-

\*) Est sectum Somniorum dictum, *Hist. de la nouv. France, Lett. XXIV.*  
quo hoc disci potest, v. *Charlevoix* T. II. p. 354.

pticae x). Jam ii, qui corpus ita affectum habent, quam proclives sint ad omne delirii et insaniae aut falsae opinionis ac persuasionis genus, mente semel turbata, satis constat. Itaque plurimi ex iis aut ipsi sibi hoc sumunt, ut furore divino correpti futura provideant, aut a maioribus natu vatibus in contubernium et disciplinam adsciscuntur. Ita narratum legimus, apud Samojedos, Tungusos, Kamtschadalos, Jakutos, Buraetos, et Jenisei accolae plurimos passim reperiri, inprimis ex vatum numero, qui fibris sint tam mobilibus, elasticis ac sensilibus, ut levissimo corporis tactu aut impulsu improviso, sono aut sibilo, ita exterreantur et conturbentur, et in furorem agantur, ut nec per multum temporis quieti possint reddi; nisi forte fumo pilorum incensorum sub nares acto: id quod remedium et ipsum mali causam declarare videtur y). Porro apud Tungusos Schamani, qui vatum locum inter eos obtinent, pueros infantes ac puellas, quas vident affectionibus hysteris seu epileptis laborare, aut sanguinem iis ex naribus et ore profluere, in domos suas abducere narrantur et instituere ac nutrire z). Quae quidem omnia eo commemorata sunt a me, ut appareat, etiam in iis locis, atque in isto barbarorum genere, quod vita nomadica utitur, quali olim Scythae usi sunt, corpora certis affectionibus corripere posse, quae similes sint ei malo, quo Scythae olim laborasse dicuntur, ut imbecillitate corporis animique contacti sibi ipsis virum exuisse viderentur. Aliud delirii genus eodem in loco, ubi de Scythiis agit, Herodotus apponit, inter Neuros, Scytharum accolae, esse qui in lupos se mutari profiteantur a). Quod si nostris temporibus non idem morbi genus, quale inter Scythas fuit, inter Nomades populos septemtrionis reperitur: vidimus tamen corporis affectiones similes inveniri, a quibus morbus ille proficisci potuit b).

Cae-

x) Testis inprimis Pallas V. Cl. *Mongal. Völkerch.* p. 160.

y) v. Pallas V. Cl. *Reisen.* T. III. p. 76. 77.

z) Georgi *Reisen.* To. I. p. 280.

a) Herodot. IV, 105.

b) In aula regis Tangut viderant PP. Soc. I. Alb. Dorville et P. Gruberus circa 1661. homines aulicos muliebri more vestitos, quos ap. Kircher. in China ill. p. 70. pictos vides: sed nihil de iis praeterea traditur.

Caeterum quoties in hunc veterum Scytharum morbum aut olim aut nunc cogitatione defixus fui, redit in animum similis hominum generis recordatio, quod in nonnullis Americae partibus memorari solet. Narrantur etiam hic mares in conspectum Europaeorum venisse, muliebri veste induti, coma muliebritur promissa, servilia munera mulierum more, quas inter feras gentes ubique onera portare et aerumnosos labores perferre constat, obeuntes; venatum aut in militiam egressos viros comitantes, viatica portantes aut vulneratos curantes. Fuere hi iidem ab Europaeis pro *androgynis* et *hermaphroditis* habiti; inde nata est incredibilis narrationum varietas de *hermaphroditis in America repertis*; e qua quomodo verum expedias, difficile inuentum est c). Mihi paullo accuratius in haec inquirenti multa rerum et hominum genera misceri ac confundi liquido constare visum est.

Primo quidem loco Hermaphroditorum nomine venit certum hominum genus, animi corporisque imbecillitate laborantium tanta, ut se bellicis aliisque virilibus muneribus impares sentirent, adeoque virum ejurarent, ad muliebria munia se ipsos damnarent. De his narratum est ab iis, qui primi Floridam adierunt, inde etiam a caeteris, qui loca illa seriore aetate peragraverunt, et per Luisianam ac populos Mississippi accolae d) peregrinati sunt.

Primus Floridae littora detexit et calcavit Pontius Leonensis e) a. 1512. Successit Pamphilus Narvaëz a. 1527, cujus expeditionem lit-

c) de Pauw V. Cl. *Recherches philosoph. sur les Américains* T. II. c. 3. multa super caussis, cur hermaphroditorum tanta per Americam copia fuerit, philosophatur. Mihi primo loco in factum inquirendum esse videtur, an verum sit, eam hermaphroditorum multitudinem in iis locis fuisse; idque falso tradi,

paullo post manifestum fiet.

d) Illinois, Natches et Sionx.

e) Juan Ponce de Leon. Nam quod Sebast. Cabotus saltem prospexisse terras dicitur, cum ad septentrionem explorandum navigaret a. 1496, incerta fama fertur, et multo serius ea navigatio facta est.

litteris consignavit *Alvaro Nunnez f*). Jam is inter Floridanos se vidisse testatur *genus hominum effeminatorum et effetorum, majoribus et latioribus membris* (hoc illum unum tradere memini) *quam caeterorum esse solet, muliebri vestitu, et muliebria munia curantium; portare enim eos onera domi militiaeque, arcus autem et sagittas trañdandas recusare; vidisse se multos hujus generis.* Mox Floridam ut in Hispanorum ditionem redigeret armis aggressus est 1539 *Ferdinandus de Soto*; *Garcilassus de la Vega* tamen, qui eam expeditionem memoriae mandavit, hujus portenti nusquam meminit. Tum Galli Floridam adiere, primum sub *Joanne de Rinaldo g*) 1562, tum altero anno post, 1564 duce *Renato de Laudonnerio*. Res ab iis gestas descripsit comes ipsi factus *Jacobus le Moynes, dictus de Morgues*, pictor, qui idem cum alia pinxit, quae ibi viderat, tum ex hermaphroditorum genere aliquot; quos aere incisos vulgavit *Theodorus de Bry h*). Jam insuper ille: *Abundat, inquit, tota ea regio hermaphroditis, qui omnes pene labores ferre coguntur; quin etiam annonam viris ad bellum proficiscentibus gestare solent.* Tum ad ipsam tabulam notatum: *Frequentes istic sunt hermaphroditi, utriusque naturae participes* (hoc superiores nondum affirmaverant) *ipsis etiam Indis exosi; eorum tamen opera, quod robusti et validi sint* (etiam hoc de suo interponere judicio videtur; nam feminae inter Indos, etsi infirmioris sexus, tamen gravissimis oneribus portandis destinantur) *ad onera ferenda utuntur jumentorum loco.* Ex hoc fere fonte sua derivasse video scriptores fere omnes, quotquot inde hermaphroditos Floridae et vicinorum locorum laudant i). Recentiores scriptores addunt praeterea haec: pati eos solere muliebria. Auctoritatem tamen ac fidem huic criminationi per se non improbabili adhuc invenio nullam nisi forte Baronis de Hontan k), qui inter Ilinenses multos her-

f) v. in Harris's Collect. Vol. I. p. 799 (qq. ubi p. 803.

g) Cf. de Rivault.

h) Americae P. I. t. XVII. et ibid. p. 4.

i) inprimis d'Ens Hist. Ind. occident. lib. II. p. 163. Laet, Descript. Indiae occid. lib. IV. c. 14. p. 216.

k) Suite des Voyages de Mr. le Baron



hermaphroditos reperiri ait, muliebri veste indutos et utrique sexui se prostituere solitos. Sed videtur ille communem per reliquam Americam de Hermaphroditis famam sequutus, transtulisse ad Floridanos commune reliquorum flagitium: atqui hos falso hermaphroditorum nomine appellari, ex iis, quae narrata sunt, manifestum fit. Nostra etiamnum aetate hujus portentosi hominum generis, quod fractis animi corporisque viribus, virum ejurat, inter eas feras gentes, quas Europaei adeunt, per Floridam et Luisianam superesse video vestigia, si non multa, tamen aliqua. Dumontius, qui annis novissimis inde a Pensacola littorales Mississipi plagas per trecenta miliaria Gallica usque ad Arcanças obiit, nullos se hermaphroditos vidisse testatur *l)*, at habitum pro ipsis autumat hoc ipsum hominum effeminatorum, muliebria munia sectantium et muliebri habitu incedentium, genus *m)*, quod inter Natches et alios passim occurrere testatur. Illud vero nescio an alius quis, praeter Gallicum scriptorem, de la Potherie *n)* narret, inter caeteros vates ac divinatores praecipuo honore haberi hermaphroditos, quippe qui adeo in daemones carminibus suis jus habeant et magicis artibus excellent.

Aliud idque diversum a priore genus hermaphroditorum multis narrationibus celebratum est inter primos statim Hispanos, novi orbis reperi-  
tores, hoc est marium flagitiis pathicis infamium; quos, nomine in aliam sententiam deflexo, *hermaphroditos* appellarunt; unde factum est, ut tandem

*ron de Hontan* To. II. (703) p. 142. Commemorat idem Hontan *seminas venationum* dictas, h. *espuellas*, quae, ne ex matrimonio susceptos liberos educandi cura recipienda sit, eum cavere volunt, se prostituunt promiscue volentibus, et agmina comitantur, et servilia munia praestant omnibus. Quod R. P. *Lasitau Mœurs des Sauvages* T. I. p. 52. 53. de iisdem narrans, certum religiosorum hominum, Cybeles *Commentat. Hist. Philol. T. I.*

forte, sacris additum genus somniat, vix opus est, ut moneam. Satis eum exagitavit de *Pauw* V. Cl. Parum caute alterum illum sequitur *Kraft de Morib. feror. pop.* p. m. 206. 207.

*l)* Dumont *Memoires historiques sur la Louisiane*, T. I. p. 252.

*m)* cuius nomen ille *Chef des femmes* edit.

*n)* *Hist. de l'Amerique septentr.* T. II. p. 82.

F

dem omnes, quos infamiae hujus et obscenitatis reos facere vellent, hermaphroditos, hoc est molles et turpes mares, qui muliebria puterentur, appellarent. Tenendum hoc est ad recte intelligenda multa scriptorum loca, in quibus frustra veros hermaphroditos quaeras. Commune non modo barbarorum, sed et ferorum, ac silvas adeo inhabitantium, populorum per Americam sparsum ac diffusum crimen legitur pravae hujus ac turpis libidinis: et magnum Indorum hujus flagitii accusatorum numerum ab Hispanis aut canibus objectum aut flammis datum satis constat o). Ita ut, quale de ea re iudicium faciendum sit, non adeo in promptu sit. Hispanos crimen hoc suae avaritiae et crudelitati excusandae saepe praetexuisse, manifestum est. Frigidum in Venerem illud hominum genus multi tradidere, et nuper Pauwius, V. Cl. argumentis satis certis; ut adeo haud facile assequere, quomodo flagitium, non nisi exquisitissimae lasciviae et salacitati propositum, in hominum ab omni Venere alienorum animos venire potuerit. Ita tamen evenire posse, ut inter gentes ferino adeo more viventes flagitiosa illa Venus regnet, Kamtichadolorum exemplum satis docet, apud quos nefandam Venerem promiscue olim exercitam fuisse, sic ut muliebri vestitu uterentur mares et inter mulieres muliebria munia tractarent, Stellerus narrat, qui et ipse ex eo genere nonnullos passim in iis locis se vidisse testatur p).

Sunt in ipsis Americae historiis alia, quae crimen hoc non vnum ab Hispanis sparsum esse liquido testentur. Conditae in illud crimen sunt leges gravissimae q). Tum passim occurrunt exempla marium muliebri vestitu prodeuntium, et turpi libidine infamium. Illu-

o) Notissimum exemplum est Vasci Nunez de Balboa, qui eadem expeditione, qua Mare Pacificum primus conspexit, magnum hermaphroditorum numerum, qui pathico morbo infames habebantur, canibus objecit. P. Martyr de Orbe novo Dec. III, 1. Gomara *Hist. gen. Indiar.* III, 12. add. c. 14. de re-

gulo *Picra.*

p) Steller *Beschreibung von Kamtschatka* p. 350. 1. a) cf. p. 289. a).

q) quas Torquemadas recensuit *Monarchia Indiana* P. III. lib. XII. c. 4. et c. 11. Add. *Percyra de Indiarum jure* lib. II. c. 12 p. 380. sqq.

Illustre exemplum est, quod in expeditione Vasce Nunez de Balboa per provinciam Darien occurrit; ubi reguli Careca frater memoratur in pugna captus, habitu muliebri indutus et scortum r). Memorantur tandem lupanaria, in quibus prostantes reperti dicuntur mares muliebri habitu r). In nova Hispania, Terra firma, et Granata (Novo

F 2

Re-

r) P. Martyr de orbe novo Decas III, 1. p. 181. *Hujus reguli* (Quarequam) *domum reperit Vaschus nefanda infestam Venere. Femineo amictu reguli fratrem, pluresque alios comitos, et vicinorum testimonio pathicos offendit. Injussit a canibus circiter XL lacerari. Audita nostrorum in obscenum id hominum genus severitate, tanquam ad Herculem populi consuebant; quoscumque morbos ea peste sentirent, trahentes, ut e medio tollerentur, expuendo in illos inclamabant; in palatinos quippe, in populum haud quaquam contagio fluscerat.* Gomara Hist. gen. Indiar. lib. III, c. 12. fere eadem refert, et addit, non modo habitu illum regia fratrem fuisse muliebri, verum et corpore: *qui in ceteris, inquit, omnibus erat mas, nisi quod non pareret.* Nec enim alius verborum est sensus etiam in Hispaniis, quod amicissimus Collega, Diez, V. Cl. testatus mihi est. Alio loco, ubi de incolis per Venezuelam agit c. 23. *Multi in ea terra sunt Sodomitae, in ceteris omnibus similes feminis, exceptis mammis et quod non pariunt.* Quorum verborum sensum equidem non assequor; nisi omnino pro feminis eos subternere se significare voluit. At c. 21. ubi de Sancta Martha: *visos ibi torques aureos appendis figuris obscenis paedecantium: in vicinis locis Sodomitae ait coma promissa incidere et pudenda velare seminarum more, alios comam in coronas formam comere.* Quid

illud sit, *pudenda velare seminarum more*, ex Gonsal. Fern. d'Oviedo discerno licet, qui in hist. Indiar. nat. lib. V, c. 3. de eadem re agit, etsi in Hispaniolae insulae rebus exponendis versatur, atque adeo narrat, se ejusmodi torquem manibus tractasse; velamen illud appellatur *Nagus*, xylinis filis textum, quo femora cum pudendis obducuntur. Etiam inter Mexicanos similes effeminatorum greges vestitu quoque se prodentes fuisse constat. cf. Torquemada lib. X, 35. Comparanda cum his sunt ea, quae de *Itaelmenen*, qui partem Kamtschatka inhabitant, narrat Stellerus in descr. ejus peninsulae p. 350. l. sup. cit. pueros deprehensos a parentibus in hac nefanda Venere esse jussos habitu muliebri incidere; its vestitos inter mulieres vivere et mulierum muniis vacare. Fuisse olim tantam eorum frequentiam, ut maritus fere quisque praeter uxorem haberet tale scortum, nec id uxoribus molestum visum quippe quae a liberis pariendis essent alienissimae. v. p. 349. Quomodo factum sit, ut viri in hoc nefandum flagitium ruerent, colligi potest ex iis quae Stellerus p. 209. de utriusque sexus naturali corporis habitu narrat: coll. p. 344. et p. 302.

x) Gomara III, 18. in Dariene: esse ibi lupanaria cum seminarum tum marium, visitorum et ministrantium more seminarum; quique ea utuntur excusatione, ne militiae munera tractare cogantur.

Regno) morem frequentatum audimus, ut qui pater quinque filios haberet, is unum muliebrem vestitum sumere et muliebria munia obire juberet *t*). Ad Panucum in Mexicanis finibus, nubere narratur mares effecti vel eunuchi maribus, vestitu uti muliebri et muliebria munia tractare, ab arcu et sagittis abstinere *u*).

Quae omnia satis testatum facere videntur, hos turpes viros perperam inter eunuchos aut hermaphroditos a viris doctis esse relatos. Cum priore autem genere, quod inter Floridanos repertum est, comparare licet veteres illos effectos inter Scythas et Sarmatas, quos morbo correptos esse nervoso admodum probabile fit. An iidem animo ac corpore semel ad muliebrem habitum composito et fracto, ad flagitiosam illam, quam in altero genere satis declaratam dedimus, libidinem proruperint, nihil est, quod praeter Graecorum interpretationem της Ψευδίας τοτου satis idoneam fidem faciat. Videtur tamen muliebris ille corporum habitus infami huic protervae Veneris ludibrio ea corpora facile obnoxia fecisse; ita ut et alter ille mos inde oriatur, ut ii, qui muliebria paterentur, et ipsi vestem muliebrem sumerent: quod cum inter Americae populos, tum inter Kamtischadalos obtinuisse supra vidimus.

*t*) Garcia, *Origen de los Indios* p. 297. *Laches* esse nomen horum pathicorum, ex e. l. patet, cujus interpretatio-

nem ab eodem viro amicissimo, Diezio, accepi.

*u*) Gomara lib. II, c. 17.

CHPH. MEINERS  
DE  
ZOROASTRIS VITA, INVENTIS ET  
SCRIPTIS

COMMENTATIO SECVNDA.

D. XX. JUNII MDCCCCLXXVIII.

RECITATA.

**E**xpositis hactenus veterum Scriptorum de Z. testimoniis, tempus est datam fidem liberandi, et quantum per virium mearum imbecillitatem licet, examinandi, quibus et quot hominibus fides habenda, quibus contra abroganda sit, quid denique vel ex certis vel probabilibus saltem rationibus de Z. statuendum esset, si praeter Graecos atque Romanos omnium aliorum gentium annales de hoc viro ficerent.

Ut igitur a diversis ejus nominibus ordiar, satis est admonuisse, omnia quae ipsi indita sunt, vocabula a Graecis corrupta esse; nulumque igitur inveniri, quod ex iisdem litterarum sonis constet, quibus Perfarum posterius in Persia vel India degentes sectae suae principis nomen enunciare solent. Graecos tamen homines ob hanc magnam in scribendo et pronuntiando Z. nomine diversitatem quilibet facile excusabit, vel magna saltem culpae parte liberabit, quicumque cogitat, ipsos sine dubio Persas Z. nomen diversis temporibus eodem semper modo neque scripsisse neque enunciasse. Quare enim antiquioribus

F 3

Per-

Perfis idem accidere potuisse negabimus, quod Gebris accidisse certo scimus, a quibus videlicet Z., quem religionis suae conditorem venerantur, pluribus nominibus appellatus est, quae nec eodem modo sonant, neque ex eodem litterarum numero composita sunt. Caeterum si quid etiam a Graecis peccatum est; idem tamen illis, quod nostris hominibus concedere debemus, condonandum foret: quod nempe, ineffabilem quandam et auribus suis molestant barbarae gentis vocem ad oris sui rotunditatem paullulum inflexerint, ut eo gratius atque facilius a civibus suis audiretur, atque pronunciaretur. Necessè enim erat, ut Graeci, quorum delicatae pariter ac superbae aures suorum tantum verborum sonis adfuetae, lingua vero suarum vocum litteris exprimendis apta erat, exterarum gentium verba ac nomina maiore aurium et linguae incommodo audirent atque enuntiarent, quam nostri homines solent, quorum aures excipiendis, lingua vero fingendis exterarum gentium vocabulis a prima inde aetate exercitantur.

Quod vero Z. a Graecis scriptoribus, multis Asiae populis tanquam civis assignatus est, plures ob causas et sine magna Graecorum culpa accidere potuit. Si tanta enim inter antiquiores Persas de huius viri patria opinionum diversitas fuit, quanta hodie inter miseras afflictas gentis reliquias deprehenditur; non poterat non fieri, quin Graeci, dum dissentientium Persarum opiniones summa fide in commentarios suos referrent, vehementer tamen a se invicem discreparent, et sine ulla noxa in ignorantiae vel levitatis suspensionem venirent. Quis enim negare audet, inter innumeras illas provincias, quas immensum quondam Persarum imperium complectebatur, et quarum unaquaeque regni fere magnitudinem excedebat, plures existisse, quae aemulatione accensae, Z., tanti viri, in suis terris nati, gloriam sibi traherent, eumque propterea tanquam suum sibi vindicarent. Solum igitur honoris certamen in causa esse potuit, quare Z. inter tot gentes natum fuisset, inter ipsos Persas antiquissimis temporibus

ribus dictum, postea vero a Graecis scriptoribus repetitum sit. Neque tamen Graecos ita excusabo, ut omnis dissensionis culpa in solos Persas recidat. Quum enim Graeci adeo inconstantes sint, ut cum omnibus aliis non magis, quam secum ipsi pugnent, facile profecto credi potest, illas vel ob levitatem universae genti insitam, vel ab locorum et regionum ignorantiam, Z. eorum quoque populorum civitate donasse, qui ne ipsi quidem de tam illustri cive sibi vindicando cogitarent. Illud saltem negari non potest, Graecos post Alexandri quoque tempora, qui primus Asiae interiora ipsis patefecerat, clarissimarum regionum et marium situs adeo ignorasse, ut Syriam saepius cum Assyria, Aethiopiam cum India, Pontum Euxinum cum mari Caspio, Sinum Arabicum denique cum Sinu Persico vel Indico commutaverint. Quae cum ita se habeant; quis quaeso magnopere miretur, Graecos saepius pro unius populi vel regionis nomine aliorum vocabula posuisse, et modo hanc modo illam terram tanquam natale Z. solum nominasse. Sive vero Persarum dissensionibus sive Graecorum inscitiae magna testimoniorum et opinionum de Z. patria diversitas adscribenda est, illud certe inter omnes, vel maximam saltem scriptorum partem convenit, Z. inter gentem quandam natum esse, quae Persarum ditioni subiecta erat. Nullius vero auctoris testimonium reliquorum omnium testimonia ita pondere atque auctoritate vincit, ut illud sequentes asseverare possemus, qua potissimum in regione, quae Imperii Persici Provincia Z. in lucem editus sit. Si solis igitur Graecis testibus uti nobis liceret; de cognoscenda Z. Patria, quantum ego quidem judicare possum, plane nobis desperandum esset.

Non minoris certe momenti, nec minus etiam difficilis altera, de Z. aetate, quaestio est. Summa vero hujus quaestionis difficultas inde potissimum oritur, quod illi scriptores, qui Z. aetati proximi sunt, atque ingenio et fide omnium maxime eminent, prorsus incredibilia tradant, illi vero, qui a Z. temporibus longissime distant, credibili-

lio-

liora quidem testentur, quae vero cum gravissimorum scriptorum vel silentio vel narrationibus nullo modo conciliari possunt. Multo igitur facilius est, ea, quae fidem non merentur, judicare, quam verisimilia proferre, et rationibus confirmare. Neque tamen temeritatis me accusatum iri existimo, si omnes, quotquot Z. vel pluribus saeculis, vel annorum quoque millibus ante Cyri regnum vixisse testati sunt, uno veluti ictu prosterno, eorumque opiniones magis quam testimonia vel pro meris Graecorum conjecturis aut Persarum etiam somniis habendas esse judico. Quod si vero quis tantorum virorum indigna forte permotus. eorum causam suscipere, auctoritatemque defendere vellet; ejusmodi religioso alienae dignitatis vindici statim objicerem, eam sententiam, quae Z. ante Cyrum ponit, nullo modo cum antiquis annalium monumentis conciliari posse. Mihi saltem omnem fidem adeo excedere videtur, ut facilius sustineam summos viros vel erroris vel credulitatis coarguere, quam rem adeo incredibilem mihi persuaderi. Nonne enim monstri simile foret, inter agrestes Persas, qui ad Cyri aetatem Scytharum more vivebant, et partim arationibus, partim venationibus et alendis gregibus dediti, sub hujus demum regis imperio in unam gentem coalescebant, inter ejusmodi, inquam, vagum hominum genus talem virum extitisse, qualem Zoroastrem fuisse a veteribus proditum est? Herodoto enim teste (I. 71. et 131-140 c.) Cyri adhuc temporibus Persae longe a Medorum cultu, ac Lydorum luxuria aberant; hirta quippe corpora ferinis pellibus tegebant. Neque cetera tantum gulae irritamenta, verum etiam vites ac ficus ignorabant; vilissimo denique victu contenti, duram atque incultam vitam degebant. Si quis vero ne hac quidem ratione victus, auctoritatem eorum, qui Z. ante Cyrum ponunt, deferere vellet: ex eo tandem quaero, cuinam igitur auctori tantum tribuat, ut illum prae omnibus aliis sequendum esse existimet? Num eorum forsitan partibus sese adjungere velit, qui Z. quinque annorum millibus ante Trojana tempora, vel sex annorum millibus ante Platonem vixisse autumant; an vero illos magis fide dignos esse judicet, qui



qui totidem saeculis eundem virum vel Trojanum bellum, vel Xerxis in Graeciam adventum antecessisse testati sunt: an vero tandem illos sectari velit, qui Zoroastrem Nini sive Semiramidis aequalem fuisse prodiderunt? Quamcunque enim sententiam ceteris praeferendam esse existimabit, ea non suis tantum et propriis ut ita dicam difficultatibus, sed aliis quoque omnibus contrariis sententiis opprimetur. Anceps haec dubitatio non potest non hunc exitum habere, ut plurimorum, gravissimorum licet hominum testimonia tanquam fabulas aspernemur.

Ex magna igitur scriptorum turba, qui de Z. aetate locuti sunt, ii tantum attentione digni sunt, qui eum vel Cyri familiarem, vel Pythagorae praeceptorem fuisse, vel Darii denique Hyfaspis filii tempore floruisse testati sunt. Quorum opiniones et testimonia licet a se invicem discrepent; diversitas tamen tanta non est, ut inter se conciliari nequeant, nec ulla etiam harum sententiarum adeo improbabilis, ut eam ab causam statim negligi mereatur. Ego saltem ne levissimum quidem argumentum proferre possem, quare Zoroaster Cyri vel Cambyfis temporibus non aequae ac Darii Hyfaspis aetate vivere poterit. Horum enim auspiciis Persarum imperium ad tantum fastigium evectum est, ut iis régnantibus magnus aliquis legum et religionum conditor sine miraculo inter Persas existere potuisset. Nihil etiam impedit, quo minus statuamus, inter omnes istos scriptores, qui vel Cyri, vel Cambyfis vel Darii denique temporibus Zoroastrem vixisse opinati sunt, optime convenire. Temporis enim spatium, per quod tres modo laudati reges Persis imperarunt, tantum non est, ut unius hominis aetatem excedat, neque igitur incredibile dictum est, Zoroastrem ab ultimis Cyri temporibus ad mediam Darii Hyfaspis regnum vel ad ejus quoque finem vitam protrahere potuisse. Quodsi enim Cyrus secundum Petavium circa A. M. 3455. (olymp. LXII.) morte functus est, Darius vero Hyfaspis filius ab A. M. 3463. usque ad a. 3499. (olymp. LXIV — LXXIII.) regnum continuavit; minime necesse habemus, Z. longam atque ad ultimam usque senectutem

*Commentat. Hist. Philol. T. I.*

G

per-

perductam vitam largiri, ut priorum gentis suae regum Cyri, Cambyſis et Darii regna videre potuerit.

Licet vero haec argumentandi ratio, qua leves plurium auctorum diſſenſiones tolluntur, a vero ſive potius probabili non adeo abhorreat; ego tamen malle ceteris neglectis uni Agathiae conſidere, quam vel cum minima ſive artiſicioſae nimis ſive violentae interpretationis ſuſpicionē ceterorum auctoritatem defendere. Agathias vero propterea omnium ſide digniſſimus eſſe videtur, quod non ſuam ipſius, ſed Perſarum ſui temporis, de Z. aetate ſententiam in medium protulit. Quanta vero religione in narrandis iis, quae inter Perſas credebantur, verſatus ſit, vel exinde apparet, quod neſas duxerit, quoquo modo audita pro compertis vendere, ſimulque Perſarum de Darii Hyſtaſpis aetate dubitationes candide memoret. Ait nimirum, Perſas illud quidem non ignoraffe, Zoroaſtrem Dario quodam regnante leges ac ſacra civibus ſuis tradiſſe, eoſdem tamen incertos fuiſſe, quando Hyſtaſpides ille et per quot annorum ſpatium in regali Perſarum ſolio reſederit. Hic vero Darius, cuius memoria ad Agathiae uſque tempora inter Perſas vigeſcit, aetas vero et res geſtae oblitterae erant, idem eſt, quod multi viri docti recte iudicarunt, quem tertium a Cyro regnaſſe, et omnium, qui Perſarum imperium obtinuerunt, primum Indiae quaſdam regiones ſubegiffe, Graeci ſcriptores tradiderunt.

Quamvis vero Perſarum apud Agathiam teſtimonium omnium maxime probabile cuique videre poſſit et debeat; multa tamen obſtant, quo minus illud ſtatim pro vero accipere queamus. Quem enim non movebit Herodoti ſilentium, qui Dario imperante natus ad Xerxis et Artaxerxis regnum duravit; ipſius porro Hyſtaſpidae res geſtae copioſe expoſuit, et ne verbo quidem Zoroaſtris ejusque de Perſarum gente meritorum mentionem facit? Illudne quaero credibile eſt, Herodotum Zoroaſtrem ſilentio praeteritum fuiſſe, ſi paulo ante ſuam ipſius

ipſius aetatem Perſarum leges, ritus et antiqua ſacra immutaſſet, vel nova quoque invexiſſet? Haec verò dubitatio, in quam Herodoti ſilentio adducamur neceſſe eſt, non poteſt non augeri Xenophontis, Strabonis et Diodori auctoritatibus, qui omnes pariter cum Herodoto de Z. ſilent, licet ipſis ſaepe de iſto viro dicendi occaſio oblata ſit. Quis vero tantorum virorum tam parum religioſus cultor eſt, ut eos, qui Hyſtaſpis filii aetatem vel attingebant, vel propius accedebant, quique praeterea Perſarum et ipſius Darii res geſtas ſumma fide et diligentia perſcripſerunt, neſcio quibus terrae filiis cedere cogat, qui pluribus non ſolum ſaeculis ab Hyſtaſpide diſjuncti erant, ſed ambiguis quoque et perplexis apud Agathiam reſponſis ignorantiam ſuam prodiderunt, auctoritatem vero imminuerunt. Si grave tamen magnorum hominum ſilentium apud quosdam lectores tantum non valet, ut propterea famam incertis auctoribus ortam ſpernere ſuſtineant; illi ſaltem fateantur neceſſe eſt, Perſarum apud Agathiam fidem adeo Graecorum ſilentio elevari, ut eorum teſtimonium in notandis Z. temporibus adhibere nullo modo queamus. Quum igitur nullus ſcriptor tam gravis, nullum teſtimonium ita fide dignum, nulla denique ſententia adeo probabilis inveniatur, quin maximis illam ſuſpicionibus et difficultatibus premi negari non poſſit; illud facile intelligitur, quaestionem de Z. aetate, ſi Graecos ſolos ſequi velimus, in medio relinquendam eſſe.

In examinanda vero eorum hominum fide, qui de Z. vita, ſatis et rebus geſtis pauca in literas retulerunt, non eſt ut multum verborum et diligentiae conſumam. Adeo enim fabuloſa et in miracula corrupta ſunt, quae a recentioris aevi ſcriptoribus traduntur, ut nemo facile in reſellendis ejusmodi portentis operam meam requirat. Quem enim anilibus ſuperſtitionibus ita imbutum eſſe exiſtimabimus, ut cum Dione Chryſoſtomo credere poſſit, Z. ſalvum atque incolorem ex ingenti incendio evaſiſſe? Quem porro adeo infantem fingemus, ut Z. cum Nino non viribus ſolum ſed artibus quoque magicis

dimicasse, et suum ipsius exitium praedixisse, persuadere sibi possit? Quis denique, ut cetera prodigia taceam, tanta credulitate invenietur, ut Z. cum malevolo quodam genio societatem iniisse, et principio quidem ipsius auxilio adjutum, postea vero morte multatum esse non neget? Vel haecce tamen miracula negligenda non forent, modo priscae scriptores illa tanquam ab antiquis Persis credita consignassent. Licet enim ipsis fabulis summa antiquitate nihilo plus fidei accederet; nos forsitan tamen ex earum ambagibus et compositione colligere possemus, quid prisca Persarum gens, quae non longe a Z. aetate aberat, de hoc viro, ejusque rebus gestis judicasset. Jam vero omnia miracula nil nisi fuitiles nugae sunt, quas recentiores scriptores non fabularum nomine sed tanquam res valde credibiles collegerunt. Ex hac recentiorum in enarrandis prodigiis sedulitate, antiquiorum vero silentio, illa cuique suspicio nasci debet, omnia, quibus Z. celebratur, miracula neque ipsius aetate, neque proximis ei temporibus inter Persas vulgata fuisse, verum pluribus post Z. saeculis a recentioribus Graecis sive Persis in externarum gentium sacra ac religiones prolapsis, excogitata esse. Quisquis enim Dionis Chrysostomi narrationem de Z. in edito quodam et ardenti monte degente, Auctoris praeterea Recog. Clement. fabulas de ejus morte attente legerit; illum sane Judaeae ac Christianae religionis vestigia ubivis obvia fugere non possunt. Illud tamen dissimulandum non est, inter auditiones illas, quae Graecorum ac Romanorum scriptores de Z. literis mandarunt, plures inveniri, quae ad nostra usque tempora inter Persarum posteros durant. Gebri enim adhuc persuasum est, Z. eodem, quo natus sit, die risisse, illum praeterea juvenem in vasta, atque omni humano cultu vacua loca concessisse, ut eo securius atque tranquillius sapientiae studio vacaret; illum denique per reliquam vitae partem a malevolis genis misere vexatum esse, corpus vero ita firmum, atque temperatum habuisse, ut adamantis instar ignem aliquoties admotum respueret. Quae traditionum inter Gebros adhuc vigentium cum Graecorum fabulis conspiratio illud quidem probat, non omnia Z. afflicta miracula sola Graecorum

corum somnia esse; nihil tamen ad stabiliendam illorum fidem atque antiquitatem facit.

Jam vero videbimus, an ea quae Graeci at Latini scriptores de inventis, ac legibus Z. memoriae prodiderunt, magis fidem mereantur, quam ea, quae de patria atque aetate hujus viri haftenus adduximus. Quotquot vero de Z. in gentem suam meritis locuti sunt; ii in universum omnes virum hunc tanquam Magorum principem et Magiae inventorem, unus vero et alter tanquam primum Astrologiae cultorem praedicant. Supra vero jam monui, Magiae vocem non omnibus idem significare; quibusdam nempe iisque vetustissimis auctoribus magiam a Z. inventam, sanam de Deo doctrinam, et rectam eum colendi rationem videri; ab aliis vero eandem tanquam scientiarum fraudulentissimam sive vanissimarum potius artium cumulum irrideri. Ad eorum sententiam quod attinet, qui de Z. Magia bene ac magnifice sentiunt; illam tum quidem ad examen revocabo, quando ad Z. de Deorum natura opiniones pervenero. In praesenti vero eorum tantum opinioni immorabor, qui Magiam Z. per *γορτυα*, interpretantur, eamque nihil praeter praestigias, et incantationum variarum genera complexum esse sibi persuaferunt. Quodsi vero Z. magia non diversa fuit ab illa quam Othanes per Graeciam diffeminavit; (Plin. 30. 1. 2.) multiplex ejus forma, et plures artis hujus in humanae mentis ludibrium inventae species erant. Illa enim Medicinae blandimenta atque illecebras cum Religionis sanctitate et viribus copulabat; atque non solum herbarum virtutes verum etiam potentiora carmina docebat, quibus omne morborum genus sanari posset. Illa porro rerum futurarum scientiam non magis ex astris quam ex aqua, e Sphaeris, porro ex aëre, lucernis, pelvibus securibusque petebat; inferorum denique umbrarumque colloquia promittebat. Vanas ejusmodi artes inter antiquos Persas viguisse, extra omnem dubitationem positum est. Quicunque enim scriptores Persarum res gestas attigerunt; ii omnes testantur, gentis hujus reges tum domi tum foris ingentes magorum

catervas assiduos comites secum habuisse, quorum opera in eo consistebat, ut somnia atque prodigia interpretarentur, inprimis vero, ut ex siderum motibus ac positionibus fausta rebus gerendis tempora indicarent. Quem videmus morem non Persarum modo, sed ceterarum quoque gentium orientem spectantium reges antiquis adhuc superstitionibus dediti ad nostra usque tempora retinuerunt. Quamvis vero exploratum sit, vel universam Magiam, qualem Plinius illam descripsit, vel plures saltem ejus partes antiquioribus Persis, cognitae fuisse; jure tamen dubitari potest, an Persae incantationes et cetera praestigiarum atque divinationum genera primi invenerint, deinde an Z. haecce portenta primus in Persidem invexerit. Nulla quidem gens adeo rudis atque incondita est, quin inter illam callidi quidem homines inveniantur, qui artem morbos praestigiis atque incantamentis depellendi, et futurarum rerum scientiam profiteantur. Neque igitur incredibile est, Persas sponte ac sine externa ope ad ejusmodi ludibria ac fraudes, ceterarum gentium instar pervenisse. Longe tamen verisimilius videtur, illos variam illam et multiplicem Magiam ab antiquioribus populis, Chaldaeis scilicet atque Aegyptiis accepisse, quorum industriae, medicinae ac fideralis scientiae inventio, quibus ceterae fere Magiae partes superstructae sunt, ab omnibus fere maximae fidei auctoribus vindicatur. Divinationem saltem ex astris a primis inde temporibus Chaldaeis adeo propriam fuisse, Graeci pariter ac Romani judicarunt, ut post everfam funditus gentem, et nomen ejus paene extinctum, omnes tamen, qui Mathematicis disciplinis, inprimis vero Astrologiae dediti erant, Chaldaeorum nomine insignirentur. Sed illud quoque largiamur, ipsos Persas Magiam suam invenisse, neque aliunde illam accepisse; nunquam tamen concedi potest, eam Zoroastris demum aetate in Perside ortam, et ab hoc inde tempore ad alias gentes profectam esse. Sacra enim et antiqua Judaeorum pariter ac Graecorum monumenta testantur, easdem artes, quas Magiae nomine Persae complectebantur, multis ante Z. saeculis inter Aegyptios atque Chaldaeos exerceri solitas esse. Ne illud quidem ver-

verisimile est, Magorum ordinem ac disciplinam a Zoroastre institutam, antea vero Persis incognitam atque inauditam fuisse. Vel pueris enim notum est, Magos post Cambyſis mortem audaciſſimo facinore Perſarum regnum occupasse, eosdem vero septem nobilium Perſarum virtute, inter quos etiam Darius Hyſtaſpis filius fuit, e regio Perſarum ſolio deturbatos fuiſſe: Neque Perſis igitur, neque Zoroaſtri, prima artium, quas Magia continebat, inventio tribui poteſt. Non magnopere tamen contra pugnarem, ſi quis ſtatueret, magicas artes a Perſis auſtas, a Zoroaſtre vero in ſcientiae ac disciplinae formam redaſtam eſſe, quum antea rudes ac indocti mortales nulla certa ratione praefigiarentur. Aliarum quoque gentium hiſtoria docet, ſacra atque religiones rudibus ſaeculis inventas ſenſim exornari, atque emendari ſolere, ſimulatque hominum ingenia priſtina barbarie diſpulſa miteſcere, et artibus ingenuis erudiri coeperunt. Hac ratione Berofus Graecorum doctriſinam antiquis gentis ſuae praefigiis ac ſuperſtitionibus ita immiſcuit, ut illas Graecis quoque hominibus probaverit. Eodem modo eruditiffimae gentis philoſophi, inter quos Stoicorum filii maxime eminebant, Poëtarum fabulas et patrias religiones tanta doctriſinae atque ingenii copia interpretati ſunt, ut illas non ludentium Poëtarum figmenta, vel barbarorum hominum ſuperſtitiones, ſed in ipſa Porticu natas, ac a ſapientibus viris in ſapientum gratiam inventas doctriſinas eſſe diceret. Quis denique neſcit, Augurum diſciplinam inter Romanos divinationis opinione initio conſtitutam, inſequentibus tandem aetatibus juſtam artis formam induiſſe, atque reliquarum ſcientiarum inſtar diſci ac doceri coepiſſe? Neque igitur incredibile eſt, Z. eodem modo de Perſarum magia meruiſſe, quo Berofus de gentis ſuae ſuperſtitionibus, Graecorum Philoſophi de patria Religione, Etruſcorum denique et Romanorum ſapientes viri de antiqua augurum diſciplina meruerunt.

Praeter magicas vero artes, quas Z. primum inter Perſas vel vulgaſſe, vel ampliſſaſſe ferunt, novis quoque numinibus nova ſaſci-

crificia constituisse, inaudita porro Mytheria Mithrae, omnium rerum parenti consecrassse, atque silenda haecce sacra in profundis ac spatio-  
 sis antris celebrasse dicitur. Et Plutarchus quidem omnium scripto-  
 rum primus est, qui vel samam vel incertos auctores secutus, a Zoroa-  
 stris inde temporibus alia Oromasdi, alia Arimanio sacrificia facta esse  
 testatur, sacrificiorum praeterea Arimanio oblatorum ritus ab anti-  
 quo Persarum more longe diversas memorat, postremo omnia stirpi-  
 um ac animantium genera in duas classes auctore Z. distributa esse  
 dicit, quarum altera bono, altera vero malevolo genio sacra atque di-  
 cata esse putetur. Non negaverim quidem, omnes eas opiniones et  
 sacra, quae Plutarchus Z. tanquam inventori tribuit, inter temporis  
 sui Persas obtinuisse: non possum tamen non dubitare, an ea omnia  
 sub priorum Persiae regum imperio nata atque a Zoroastre ante ve-  
 tustimorum Graeciae scriptorum aetatem inventa fuerint. Quaecun-  
 que enim Herodotus, Xenophon, Strabo, rerumque ab Alexandro  
 gestarum scriptores, de Persarum sacrificiis, ritibusque inter sacrifican-  
 dum observari solitis tradiderunt; ea omnia cum Plutarchi narratione  
 prorsus pugnant, ejusque auctoritatem, sive eorum potius fidem, e  
 quibus ipse sua transcripsit, suspectam faciunt. Herodotus anim (I.  
 131 c.) omnes Persarum Deos, quibus sacra facere consueverint, singu-  
 latim enumerans Jovem, sive omnem caeli ambitum, solem, porro et  
 lunam, quatuor denique, quibus omnia conflata sunt, naturas, ignem  
 scilicet, ventos, flumina, et terram, sola numina appellat, quibus  
 Persae antiquitus victimas caedere consueverint. Addit tamen, eos-  
 dem Persas recentioribus temporibus Assyriorum Arabumque Vene-  
 rem inter patrios Deos retulisse, atque huic Deae sacrificandi morem  
 ab istis gentibus didicisse. Nullam vero Oromasdis, multo minus  
 Arimani, sive numinis cujusdam, quod ipsi respondere possit, men-  
 tionem facit. Quantam vero fidem Herodotus mereatur, vel exinde  
 intelligi potest, quod gravissimi auctores, Xenophon et Strabo cum  
 illo consentiant, neque Arrianus et Curtius ab illo discedant. Xe-  
 nophon nempe in antiquioris Cyri historia (Hutches. Diff. II. p. 41-44)

et



et Strabo (XV. p. 732. Ed. 1620. Par.) eosdem Deos iisdem nominibus appellant, quibus antiquissimi Persae sacra facere a majoribus suis didicerint: De Oromasde vero ac Arimanio pariter ac Herodotus silent.

Ipsi vero sacrificandi ritus, quos Xenophon ac Herodotus suae aetatis Persis proprios fuisse tradunt, longe ab illo more discedunt, quem Plutarcho teste isti observabant, qui Arimanii iracundiam mitigare, et malevolum hunc genium propitium sibi reddere studebant. Plutarchus enim de herba quadam in mortario contusa, deinde lupi sanguine permixta, denique in horridum quendam et tenebricosum locum effusa, tanquam de sacro in Arimanii honorem confecto loquitur, hoc praeterea adjiciens, inter tetra haecce sacra inferos ac tenebras invocari. Herodotus contra ac Xenophon (Cl. cc.) testantur, Persas sacrificia facturos vel altiores tumulos petere, vel in pura quaeque et nullis fordibus atque flagitiis contaminata loca secedere consuetos esse. Ambo porro scriptores de herba *ὁ μόνον* silent, quam secundum Plutarchum sui temporis Persae lupi sanguine permixtam Arimanio afferre solebant. Herodotus etiam affirmat, (c. 132.) Persas myrto redimitos et regi ceterisque civibus sausta quaevis precantes victimas mactasse, caesas vero et in minutas portiones dissectas molissimis herbis, trifolio praefertim, Mago quodam accidente imposuisse, hoc denique carmine absoluto elixas carnes in usus suos convertisse. Mira haec sacrificiorum simplicitas, quae Persae Herodoti aetate diis patriis offerebant, non ex eo tantum apparet, quod ipsi hostias immolarent, nec Diis Dearumve ministris aliquam hostiae partem consecrarent; verum etiam inde colligi potest, quod neque aras erigerent, neque ignem incenderent, nec tibiis porro et insulis, nec molis denique et libaminibus uterentur. Herodoti testimonium confirmat Strabo (I. c.) qui Persas propterea nullam hostiae partem Diis afferre, et ne exiguum quidem omenti partem in eorum honorem cremare dicit, quod animas hostiarum Diis sacras esse existi-

*Commentat. Hist. Philol. T. I.*

H

ma-

marent. Xenophon vero, licet ceteroquin cum Herodoto et Strabone consentiat, in eo tamen ab utroque discedit, quod Cyri temporibus totos boves et equos vel magnas etiam eorum partes Diis consecratis, et in eorum honorem concrematis esse affirmat (Cyrop. p. 599. 603. Ed. Hutch.). Quum igitur antiquiores et fide dignissimi auctores tum loca, quibus Persae sacrificabant, tum munera Diis oblata, tum etiam sacrificiorum ritus longe aliter describant, ac Plutarchus; dubitari non potest, ea sacrificia, quae Plutarcho teste in Arimani honorem suo tempore peragebantur, nondum illorum aetate inter Persas obtinuisse, neque igitur a Zoroastre profecta esse. Ultimatum quidem, quod Plutarchus addit, non negaverim; sui nempe temporis Persas ex omnibus stirpium et animantium generibus quaedam, terrestria in primis Oromasdi, alia vero, aquatilia praefertim, Arimanio sacra esse existimasse, eorumque animalium, quae Arimanio accepta esse sibi persuaserant, quantum possent maximum multitudinem trucidasse. Eadem fere refert Agathias, licet quaedam taceat, quaedam vero aliter et probabilius quidem narret. Neque enim herbarum et stirpium Arimanio consecratarum mentionem facit; neque etiam animantis ita a Persis distributa fuisse ait, ut terrestria omnia (quod omnem fidem superat) Oromasdi, aquatilia vero Arimanio sacra esse putassent. Illud tantum affirmat, omne serpentum genus et quicquid ferarum in vastis solitudinibus degat, a Persis trucidari, et Magis tanquam pietatis monumenta offerri, eo praefertim die, quem maxime solennem agere, ac malorum omnium extinctionem appellare soliti sint. Omnes enim Persas in ea opinione esse, sese maximis noxiorum animantium cladibus Oromasdis gratiam merituos, Arimanium vero dolore et ignominia affecturos esse. Quamvis vero facile concedam, hasce superstitiones Plutarchi atque Agathiae temporibus omnium Persarum animos occupasse; non possum tamen non dubitare, an eadem jam Herodoti aetate universam gentem pervaserint. Hic enim scriptor narrat, Persarum Magos ab Aegyptiorum sacerdotibus longe diversos esse: hos enim nulla anima-

lia,

lia, iis exceptis quae Diis immolent, occidere; illos vero omnibus animantium generibus praeter hominem ac canem vim ac manum inferre: imo summa aemulatione formicas atque serpentes ceteraque reptilia ac volatilia trucidare. Herodoti igitur aetate non omnes Persae sed soli duntaxat Magi continua adversus quaedam animantium genera bella exercebant. Nihil vero adjicit religiosus scriptor, ex quo intelligi possit, Persarum Magos propterea quibusdam animantibus infensos fuisse, ut bonum aliquem genium honorè, malevolum vero ignominia afficerent. Silet vero de hac superstitione tanquam per omnes Persas sparsa non Herodotus tantum, sed Xenophon quoque et Strabo, rerumque sub Alexandro gestarum scriptores: hancque igitur ob causam existimo, opinionem illam, qua omnia animalia partim Arimano, partim Oromasdi sacra esse putabantur, post Zoroastrem demum ad Persarum vulgus penetrasse.

Quae vero de antris a Z. Mithrae dicatis, occultis porro sacris in ipsius honorem constitutis narrantur; ea omnia unius Eubuli fide nituntur, quem incertae aetatis auctorem solus Porphyrius (de antro Nymph. c. 6. et de Abst. anim. IV. 165. p. ubi pro *συμβυλος* *Ευβουλος* legendum esse dudum viri docti judicarunt: vide van Goens in not. ad Porph. p. 91) et ex Porphyrio Hieronymus adversus Jov. Lib. II. citarunt. Licet vero Eubulus Porphyrio, et Hieronymo testibus, Mithrae historiam multis voluminibus complexus sit, et singulari igitur diligentia in Persarum, praesertim vero Mithrae sacra inquisivisse videri possit; pauca tamen fragmenta, quae ex hujus viri historia servavit nobis Porphyrius, tot summorum et antiquiorum auctorum testimoniiis reselluntur, ut ea omnia tanquam nulla fide digna rejicere non dubitem. Hic enim solus testatur, Mithram a Z. omnium rerum parentem et mundi architectum appellatum esse, quum ceteri scriptores in universum omnes a), antiquissimi praesertim, Mithrae nomine

H 2

So-

a) Hutchef. Dissert. I. c. c. et Philipp. a Turre de Mithra. Solus Plutarchus Mithram medio quasi loco in-

ter Oromasden et Arimanium esse ait. 1. p. 658. Ed. Steph.

Solem in Perside cultum esse confirmant. Hic porro unus est, qui Z. ceterosque Persas in antra ac profundas specus descendisse ait, ut occulta sacra in Mithrae honorem peragerent, quum Herodotus, Strabo, (Cl. cc.) et Xenophon (p. 647. Ed. Hutch.) uno ore testentur, sui temporis Persas in editissimis locis patrios Deos venerari, iisque sacrificare solitos esse. In illo praeterea gravissimorum virorum testimonii coarguitur, quod antiquioribus Persis spatiosa antra, tanquam naturae manibus effecta delubra, nec non univrsi mundi simulacra affingat, quorum parietibus inclusi Mithram venerati sint. Herodotus enim, Xenophon, Strabo (Cl. oc.) et Cicero (de leg. II. 10.) testantur, Persas Deorum nominibus nullas aras, nulla saltem templa erexisse, propterea quod existimassent, Diis omnia patentia ac libera esse debere. Postremo vel ignorantiam et credulitatem, vel fingendi audaciam eo quoque prodit, quod arcanas religiones, et aeterno silentio premenda sacra a Z. inventa esse affirmat, quae antiquiores scriptores ne verbo quidem memorant. Neque tamen gravissimorum auctorum silentium tantum apud me valeret, ut Mithriaca sacra infra Z. aetatem detruderem, nisi artificiosa ejusmodi initia cum nuda atque aperta veterum Persarum religione vehementer pugnare existimarem. Ea enim antiquitus Persarum religionis simplicitas erat, qualis apud vagas gentes, sedesque suas saepius permutantes esse solet. Ad Herodoti quippe tempora neque templis et aris neque etiam Deorum simulacris utebantur. Quivis paterfamilias sacerdotem agebat, et sine omnibus ceremoniarum ambagibus, adstante solummodo Mago, propria manu victimam Diis patriis sacrificabat. Neque vota nuncupaturi ad Deorum ministros confugiebant; ipsi votorum suorum interpretes erant, atque Regi, ceterisque Persis Deos propitios precabantur. Huic tantae Persarum religionis simplicitati vel potius nuditati num quae so artificiosa illa sacra conveniunt, quae insequentium saeculorum homines in abditis speluncarum latebris, summo silentio peragebant? num porro cogitatio illa, antrorum angustias ac tenebras, a quibus liberi Persae maxime abhorrebant, totius mundi imagines

gines sive simulacra esse? num denique operosa illa ornamenta, caeli nimirum et mundi plagarum signa, quibus sacra Mithrae antra distincta erant? Longe itaque verisimilius mihi videtur, arcana haecce sacra tum demum vel in Persia nata esse, vel aliunde in Persiam irruisse, quum ipsi Persae prisci moris et antiquae disciplinae immemores in externum cultum et peregrinas superstitiones initio quidem sensim degenerantes, mox vero impetu quodam ruentes, devictorum pariter ac victicium gentium Deos reciperent. Herodoti *b)* enim aetate jam coeperant Persae, natura in externos mores prona, Arabum sive Assyriorum Venerem harum gentium more venerari: postea vero Deorum quoque simulacra fingere, eaque templorum parietibus includere a vicinis nationibus didicerunt. Curtius saltem tradit (III. 3.) currum, quo Darius vehebatur, Deorum simulacris ex auro argenteoque expressis decoratum fuisse, ex jugo vero eminuisse duo aurea simulacra cubitalia, quorum alterum Beli, alterum Nini effigiem gessisset. Postquam vero Alexander maximam Asiae partem deleto Persarum imperio perdomuit; nulla fere prae Persarum disciplinae ac religionis vestigia remanserunt. Quum enim regum maximus victores et victos connubiis jungeret, quum tot ubique novas urbes conderet, inque eas omnium gentium colonias, sedibus suis excitatas, undique contraheret, quum denique in omnibus fere Asiae regionibus

H 3

vete-

*b)* Nisi Xenophontem posteriorum aetatum mores in Cyrum suum transulisse dicere volumus; statuendum est, Persas a primis inde imperii sui initia sicuti in alienos mores, ita etiam in exterarum gentium cultum delapsos esse. Narrat enim elegantissimus scriptor (III. p. 97. Cyrop. Ed. Leuncl.) Cyrum patris Medorum et Assyriorum Diis sacra fecisse. Stupenda porro nobilissimae quondam urbis monumenta, quae flagitiosae Alexandri petulantiae temporisque injuriis eripuit fortuna, artium faultrix, quaeque templorum reliquias

esse recte coniecit ill. Caylus, haec inquam monumenta testantur, Persas non longe post Cambyxis regnum peregrina numina recepisse, recepta vero contra consuetudinem majorum parietibus includisse. Pluribus enim argumentis illud confirmari posse puto, ingentia haecce opera, quae magnarum quoque urbium cadavera magnitudine superant, sub Dario Hyfaspis filio inchoata, nec longe ante Darii Codomanni interitum perfecta esse (vide etiam Plut. in Artaxerxe passim).

veterum militum agmina in captas urbes, et devictorum hostium agros deduceret; (vide inpr. Plutarch, in Or. I. et II. de Virtute Alexandri) non poterat non repentina morum, sacrorum, et religionum mixtura ac permutatio consequi, de qua tamen deficientibus literarum monumentis non nisi generatim loqui licet. Illud facili quidem negotio demonstrari potest, post Alexandri mortem Persarum aequae ac ceterarum gentium religiones adeo sibi dissimiles factas, et tot novis ritibus et opinionibus auctas sive corruptas fuisse, ut illas vix agnoscere possis; nulla tamen ratione judicari potest, quae celeritate, quibusve temporibus pestis illa communis omnes omnium religionum partes pervaserit. Illud tamen certissimum, praeter Persas nullam aliam gentem tum temporis existisse, quae imperii et rerum publicarum conversione religionis quoque suae statum adeo immutatum viderit. Quodsi enim religionem Persarum, qualis ea a scriptoribus Alexandri aetati inferioribus describitur, cum antiquiore illa, quam Herodotus et Xenophon descriptam reliquerunt, comparamus; inveniemus, nova Deorum nomina, novos ritus, nova sacra, inauditas antea opinioniones, templa denique, aras, ac Deorum simulacra, inter Persas ab Alexandro debellatos existisse, quae omnia majores eorum vel ignoraverant, vel etiam improbaverant. — Hisce additamentis, quibus recentior aetas simplicem antea Persarum religionem corripuit, sacra quoque Mithriaca annumero, quae a nullo antiquiorum scriptorum memorantur, ab Eubulo vero solo Z. tanquam primo inventori vindicantur. Neque tamen affirmare audeo, quibus temporibus sacra illa exstiterint, utrum porro in ipsa Perside nata, an vero in hanc regionem aliunde transmigraverint. Ex Plutarcho enim hoc tantum scimus, (in Vita Pomp. T. II. Ed. Steph. p. 1153) Mithriaca sacra belli Piratici temporibus primum innotuisse, et cum innumeris aliis ritibus et sacris ex Asia profectas ad ultimos imperii Romani fines penetrasse.

Ut tamen eo magis appareat, quam parum fidei Eubulo huic habenda sit; paucis ea exponam, quae in alio Porphyrii libro de Magis eorum-

eorumque institutis refert. (De Abst. IV. §. 16.) Ait igitur, omnes Persarum Magos in tres ordines distributos esse, quorum principes neque animalia occidere, neque eorum carnibus vesci sustineant. Secundi vero ordinis Magos ne ipsos quidem animantibus crudeles inferre manus, ea tamen, quae alieno scelere trucidata sint, comedere. Tertiū denique ordinis sacerdotes minus quidem puros esse, neque tamen promiscue omnium animantium carnibus uti c). Primum porro Magorum genus statuere, hominem animas e corporibus suis in alia hominum ac animantium corpora migrare, omniaque propterea quae vita ac sensu praedita sint, sacras res existimari. Fabulosa haecce narratio quod verba, tot fere mendacia continet. Neque enim Herodotus tantum, verum etiam ceteri Graecorum scriptores quos paulo ante in testimonium citavi, affirmant, Persarum Magos praeter hominem et canem omnia animalium genera mactasse et immolasse, in plura etiam genera sacro quodam furore saeviisse, eosque sanctissimos et religiosissimos habitos esse, qui plurima animantia trucidassent. Quis igitur dubitabit, tot et tantorum virorum auctoritates sequi, et mendacis Eubuli partes relinquere, cujus narratio cum horum testimoniis nulla ratione conciliari potest? Quis huic viro mendacii suspecto credet, quando uni Magorum ordini doctrinam de animarum migratione attribuit, quum ceteri rerum Persicarum scriptores de ista non solum sileant, verum opinio quoque ipsa Persarum moribus atque institutis repugnet. Ea enim si unquam imbuti fuissent Magi, animantium sane vita ipsis non adeo vilis fuisset, verum potius indorum instar inextinguibile scelus duxissent, vel guttulam sacri sanguinis effundere. In eo tandem Eubulus a ceteris auctoribus discrepat, quod tres quasi Magorum sanctitatis gradus constituit, ipsosque Magos in totidem genera distributa fuisse

c) *οἱ ἀπὸ τοῦ τρίτου ὁμοῦς τοῖς ἄλλοις ἀφαιρῶντας πάντων.* Haec Porphyrii verba a latino interprete ita redduntur, ut verus eorum sensus plane pervertatur. Latina enim Versio ita se habet:

*Tertiū promiscue nonsecus atque alii omnibus manum inferrent.* Nemo non videt, Porphyrium contrariam huic sententiam exprimere voluisse.

fuisse affirmat, quorum ordinum neminem praeter Eubulum mentionem fecisse invenio.

Antequam vero Eubulum ejusque testimonia relinquam; qualemcunque meam de hominis aetate conjecturam breviter exponere animus est. Valde itaque mihi verisimile videtur, Eubulum hunc vel Porphyrii aequalem vel paucis tantum annis ipsi superiorem fuisse. Quodsi enim secundum post Christum natum saeculum superaret, vel in hujus saeculi initio vixisset; unus saltem vel alter summorum virorum, quorum tempus illud feracissimum erat, quorumque scripta maximam partem ad nos pervenerunt, hujus auctoris meminisset. Jam vero neque a Plutarcho et Galeno, neque a Plinio, Luciano, ceterisque temporum illorum scriptoribus adducitur; nec improbabilis igitur illa conjectura videri potest, qua in aetatem Porphyrii, vel huic saltem proximam rejicitur. Hanc si sequimur; Eubulus in illa tempora incidit, quibus Romanorum pariter ac Graecorum animi velut pestilenti quodam sidere afflati ad peregrinas superstitiones summo impetu agebantur. Ex ipsa itaque viri hujus aetate argumentum peti potest, quare illi in Z. inventorum narratione nulla vel exigua fides habenda sit. Quilibet enim facile intelligit, Graecum hominem, tot saeculis ab antiquo Persarum Z. disjunctum esse, ut tam putida praesertim credulitate praeditus viri hujus rebus gestis perscribendis, fabulisque a verisimilioribus auditionibus secernendis ineptus judicari merito debeat.

Quodsi vero ab omnibus lectoribus illud quoque impetrarem, ut Mithriaca sacra a Z. instituta non esse mecum faterentur; iterum tamen ex me quaeri posse praevideo, an augusta quoque illa mysteria, quae Z. tanquam inventori a Dione Chrysostomo tribuuntur, ab illo viro condita esse pernegem? an illa denique mihi etiam ficta videantur, quae idem scriptor addit: in istis scilicet initiis Persarum Magos, Z. disciplinam sectantes, Jovis, perfectissimi aurigae, laudes melius ac dignius, quam Homerum atque Hesiodum celebrare solitos esse.

Li-



Licet vero non ignorem, quam difficile sit, criminationis suspicionem effugere, si quis aliorum virorum fidem atque auctoritatem saepius impugnet; non possum tamen non, vel cum hujus invidiae periculo, Dionem quoque ejusdem criminis, cujus paulo ante Eubulum convincere annifus sum, reum postulare; et ea quidem lege ac conditione, ut easdem poenas, quae in falsos accusatores statui solent, in me quoque decerni aequo animo laturus sim, nisi eum validissimis rationibus coarguero, simulque ostendero, nunquam exstitisse inter Persas Jovi sacra initia, neque ergo a Z. proficisci potuisse. Non equidem praefraete negaverim, Persas antiquissimos Divinam quandam naturam, a Graecis Jovis nomine insignitam coluisse: (hoc enim vetustissimi et gravissimi auctores testantur. vid. Hutch. Diff. II. Cyrop. praef. p. 41.) neque etiam illud nego, Jovi huic currum quandam sacratum fuisse (quod plures etiam scriptores testantur: vide Hutchef. l. c.); illud vero nunquam mihi persuaderi patiar, Perfarum Magos, a Z. edoctos, ipsum Jovem pro perfectissimo auriga habuisse, ejusque laudes in Mysteriis a Z. conditis cecinisse. Apud omnes enim scriptores, qui Jovem, Perfarum numen, et quadrigas ipsi consecratas memorant, de Jovis aurigatione atque Mysteriis in ipsius honorem peragi solitis, alium silentium est. Nonne vero monstri simile foret, hanc de Jove totius mundi vectore opinionem, nec non initia, omnium rerum parenti sacra ad unius Dionis aures pervenisse, a ceteris vere omnibus scriptoribus, qui in Perfarum religiones tanta diligentia inquisiverunt, vel neglecta vel praeterita fuisse. Nullus enim neque ante Dionem neque post illius aetatem scriptor invenitur, qui Jovis aurigae, et illius initiorum mentionem fecisset. Neque igitur in Dione excusando illa ratio valet, qua in aliorum scriptorum causa aliquoties usi sumus, scilicet peccasse quidem Dionem, dum Jovis mysteria a Z. instituta esse diceret, neque tamen justis propterea laudibus defraudandum esse, quod Perfarum sui temporis opiniones et sacra, rara fide ac diligentia in literas retulerit. Omnium enim, qui post Dionem floruerunt, summorum virorum silentium probat, opinionem illam de Jove

*Commentat. Hist. Philol. T. I.*

I

auri-

auriga, et sacris huic Deo mysteriis, nunquam inter Perfas invaluisse. Totius quoque sermonis compositio Graecum ingenium Platoni innutritum prodit, et paulo post igitur videbimus, qua ratione quaedam Perfarum sacra hujus fabulae excogitandae vel Chrysofotomo ipsi vel alii Graeculo occasionem praebere potuerint.

Reliqua vero instituta, mores, et leges, quarum Z. primus inter Perfas auctor fuisse perhibetur, vel nunquam in Perside exstiterunt, vel ita quoque comparata sunt, ut ea non nisi cunctanter Z. deberi pronuntiare possis. Priori legum generi, quas nunquam inter Perfas exstitisse certum est, illa sine dubio annumerari debet, cujus conditorem fuisse Z. Theodoretus affirmat, quaque omnibus Persis potestatem factam esse dicit, sorores, matres, filias, sanctis ac legitimis sibi matrimoniis jungendi. Tantum profecto, atque a Graecorum moribus adeo diversum uniuersae gentis flagitium non praetermisissent ceteri scriptores, si illud unquam in consuetudinem abiisset. Suspicio itaque, Theodoretum idem accidisse, quod multis aliis viris doctis evenisse scimus, sc. ut quorundam regum procerumve pudendas libidines pro communi et uniuersae genti proprio more habuerit (vid. Lucianum de sacrif. T. I. p. 530. Ed. Reitz. et ibi Scholiasten).

Alter vero mos mortuorum corpora inhumata projiciendi, cujus idem Theodoretus mentionem facit, quemque omnium optime explicasse Nicolaum Damascenum supra jam monui, inter Perfas quidem exstitit, atque ab antiquissimis temporibus ad gentis prope extinctionem duravit, (Herod. I. 140. et ibi Wessel.) dubitari tamen potest, an Z. hujus instituti auctor fuerit. Non solum enim ceteri scriptores (quorum testimonia ad c. I. cumulavit Wessel.) de Z. silent, dum hunc Perfarum morem memorant; verum etiam tanta hujus instituti antiquitas esse videtur, ut illud Z. aetatem longe superare verisimile sit. Propterea enim Persae sive Perfarum potius Magi mortuorum corpora feris abiciebant, quod sanctissimam et divi-  
nam

nam ignis naturam cadaveribus polluere verebantur. Iisdem igitur temporibus singularem huncce Persarum morem natum esse oportet, quibus ignis numen divinis honoribus coli coepit. Haec vero ignis veneratio ad ipsa gentis primordia referenda esse videtur, quippe quae ab antiquissimis scriptoribus tanquam Persis peculiare, et priscum institutum memoratur. Neminem saltem excitare licet, qui divinum ignis cultum a Z. inventum esse testetur vel opinatus sit.

Reliquum est, ut pauca tandem ad illum Porphyrii locum moneam, quo Pythagoram Babylone a Zabtrato (si modo illum pro Z. habere licet) lustratum, optimamque vitae rationem edoctum esse testatur. Negari quidem non potest, Persas certis temporibus lustrationes in usu habuisse: Agathias enim inter cetera gentis hujus sacra lustrationes quoque enumerat. Idem tamen auctor adjicit, sui temporis Persas Graecorum more noxios lustrare, ipsumque lustrandi morem iis ritibus annumerandum esse, qui recentiori demum aevo aliunde accersiti in antiquam Persarum religionem investiti sint. Quae Agathiae sententia eo minus suspecta esse debet, quod veteres rerum Persicarum scriptores nunquam lustrationum mentionem faciunt. Verisimile igitur est, Porphyrium, qui Pythagoram eo praefertim fine ad ultimos orientis terminos penetrasse putabat, ut omnium gentium ritus, et religiones cognosceret, hunc inquam Porphyrium Zabratum quandam Pythagorae Babylone degenti praeceptorem dedisse, ne ex longinquis erroribus magis quam peregrinationibus sine omni sacra praeda ad penates suos rediisse videretur.

Ad Agathiae vero locum, praeter ea, quae supra jam monui, aliquid addere nihil opus esse existimo. Licet enim novas opiniones, nova instituta a Z. Persis tradita fuisse assermet; adeo tamen ambigue loquitur, ut, quas potissimum opiniones, quaeve sacra ab ipso investita esse putaverit, ego saltem intelligere non possim. Hujus vero scriptoris aetate opinio illa jam invaluerat, Z. quondam universam anti-

quae religionis faciem mutasse, eique vel omnia vel pleraque dogmata tribuenda esse, quibus Religio Persarum vel emendata vel depravata sit. Huic igitur publicae opinioni aliquid dabat Agathias, dum maximas Persarum religionis mutationes Z. opera factas esse, generatim pronuntiabat; paucis enim interjectis, suum scilicet iudicium sequens statuit, pleraque capita, quibus Religio Persarum sui temporis ab antiqua discrepet, non a Z. profecta esse, verum vel e Chaldaeorum superstitionibus vel e Graecorum moribus ac sacris sensim irrepisse.

Examinatis haftenus Graecorum testimoniis de Z. legibus et institutis; in illud porro inquiram, quot quasve doctrinas atque opiniones a Z. inventas esse credibile sit. Initium vero faciam ab ista, quam priore hujus Commentarii parte primo loco posui: totius nempe mundi unum eundemque perfectissimum parentem et rectorem esse, cujus perfectissimum opus ipsa haec rerum universitas jure appellari possit. Licet vero scriptores in citando hujus supremi Persarum Dei nomine, ita a se invicem dissentiant, et Eubulus illum Mithram, Dio vero Jovem, Eusebius denique nullo peculiari nomine appellet; illud tamen inter omnes convenit, ejusmodi sententiam de unico et summo mundi conditore inter Persas exstitisse, eamque a Z. primum inventam esse. Horum igitur Triumvirorum foedus adeo firmum ac validum esse videtur, ut nulla argumentorum vi, nullis dubitationum machinis perumpi possit, praesertim si illa auxilia evocentur, quae ex Chronicōn II. c. 36. v. 23. (vid. ill. Michaëlis de Mos. legibus P. I. §. 32.) ex Herodoti et porro Xenophontis de Persarum Jove testimoniis, denique ex Eudemi apud Damascium loco peti possunt d).

Licet

d) In omnibus hisce locis non Z. sed vel Cyro vel omnibus Persis sententia de unico summo Deo adscribitur, vel adscribi videtur; eamque ob causam

loca haec in peculiari quadam Dissertatione illustrabo, quam velut appendiculam huic commentario adjungam.

Licet vero eorum sententia, qui Z. unum eundemque supremum rerum Dominum Persas docuisse statuunt, tribus, uti videtur, fide dignis testimoniis innitatur; ego tamen non dubito huic contrariam opinionem ea, qua verisimillima affirmari, incredibilia vero negari solent, fiducia defendere. Et primum quidem horum virorum auctoritati omnium veterum scriptorum silentium oppono, quorum nemo Deum quendam totius mundi architectum a Persis cultum esse testatur. Neque enim Herodotus neque Xenophon, nec alius quisquam ex magna illorum scriptorum numero, qui vel ante Alexandrum vel Alexandri quoque temporibus Persarum res gestas et mores literis mandarunt, quorumque testimonia apud Diogenem (I. 8.) aliosque exstant, ejusmodi numen apud Persas meminerunt. Illud enim Persarum numen, quod Herodotus ac Xenophon Jovis nomine appellarunt, longe ab unius omnium rerum conditoris et rectoris maiestate abesse infra pluribus ostendam. Huic scriptorum silentio illud porro accedit, quod supremum ejusmodi numen, neque antiquis Persarum moribus neque etiam reliquis priscæ eorum religionis partibus conveniat. Cui enim quaeso illud credibile fore putabimus, Persas, qui undique nationibus plurium Deorum cultui deditis cincti erant, et Cyro demum imperante ex indomita barbarie ad meliorem vitæ cultum evaserant, hos inquam Persas ad sublimen illam unius Dei, rerum omnium auctoris cognitionem pervenisse, quam seram perfectæ atque ad maturitatem perductæ rationis et sapientiæ fructum esse annalium monumenta testantur. Quis porro adeo infans est, ut sibi persuadeat, eosdem Persas, qui nescio quo miraculo artium et scientiarum ignorantem cum summa pietate ac sapientia copulaverant, alio iterum miraculo turpissima errorum portenta, et foedissimas superstitiones cum diu perspecta veritate copulasse, atque præter unum rerum omnium auctorem fidera quoque et quatuor quibus omnia constant, naturas, gliscente vero superstitione plures aliarum gentium Deos Deasque divinis honoribus affecisse. Ne admonendos quidem lectores esse existimo, nihil incredibile magis cogitari posse, quam eandem gentem,

tem, quae unum et verum Deum pura mente venerata erat; dum barbariei fordibus oppressa jacebat, tum demum in errorum et superstitionum laqueos incidisse, quum humanitate et bonis artibus expoliri coepisset. Si quis vero statueret, doctrinam de uno omnium rerum satore ac moderatore Magis solis cognitam, atque inter disciplinae arcana paucis tantum selectis viris traditam fuisse, ceteram vero Persarum turbam multos populares Deos coluisse: non negarem quidem, veritatem illam de uno omnium rerum architecto Persarum sapientibus certo quodam tempore innotuisse atque profano vulgo secretarum religionum ope subductam fuisse; illud tamen pernegarem, doctrinam ipsam, ejusque tradendae, rationem vel Z. aetate natam, vel ab ipso Z. inventam esse. Utriusque enim ne vestigium quidem in ullo veterum scriptorum deprehenditur.

Quodsi vero quis rationum haecenus a me prolatarum vim atque pondus non satis perspiceret, vel utrasque contrariae opinionis fautoribus donarem, neque tamen propterea susceptam causam a me deferendam esse existimarem. Unusquisque enim illorum testium, qui doctrinam saepius memoratam ad Z. referunt, tot tamque gravibus suspicionibus premitur, ut neminem facile in posterum ad eorum testimonia provocaturum esse confidam. Quem enim non pudebit, Eubulo teste uti, eo scilicet viro, qui vel summae in fingendo impudentiae, vel foedissimae credulitatis et ignorantiae supra convictus est? Huicque quae viro (in quem adeo saeviit fortuna, ut praeter insulsa quaedam commenta nihil ex ejus laboribus servaverit), huicque igitur viro credemus, audacter asseveranti, Persas a Z. edoctos esse, Mithram omnium rerum parentem venerari, quum tota antiquitas clamet, solem a Persis hoc nomine semper appellatum esse? Eusebium vero quis nescit, pium ceteroquin et doctum virum, tanta credulitate fuisse, ut vel ipsum Eubulum vicisse dici possit? Vix enim alium scriptorem existisse puto, qui toties se ipsum fefellerit, vel aliorum fraudibus circumventus sit. Aetas enim illa, qua ipse vivebat, omnis nuga-

nugarum generis inprimis ferax, nullum fere librum antiqui cujusdam et magni viri nomine edebat, quin illum statim tanquam veteris historiae et sapientiae thesaurum veneraretur. Eusebii igitur inprimis credulitati, sacra scilicet Sanchuniathonis, Zoroastris, aliorumque fragmenta, Manethonis denique et Berosi mendacia debemus. Illud tamen in hoc viro laudandum, quod in transcribendis ejusmodi librorum fragmentis tum viros quorum nomina prae se ferebant, tum ipsos librorum titulos summa diligentia notavit. Hac enim industria facilem nobis operam reddidit, eas fraudes detegendi, quibus ipse sibi imponi passus erat. Nullus enim dubito, quin illa divinae naturae descriptio, cujus ipse Z. auctorem credit, majorem apud plures fidei inventura fuisset, nisi Eusebius librum, unde illam depromerat, nominasset. Jam vero sufficit incautos admonere, Eusebium nimis credulum inanes verborum tumores ex uno illorum voluminum sumfisse quorum maximam multitudinem paucis ante Eusebium aetatibus impudentes aequae ac indocti homines omnibus fere sapientiae gloria excellentibus viris affinxerant. Quilibet facile animadvertit, hanc supremi Dei descriptionem Platoniorum nugas redolere, atque non sine foeda morum Persarum ignorantia compositam esse. Prorsus enim incredibile est, antiquos Persas supremum Deum accipitris capite insignem vel cogitasse, vel expressisse, cum omnium scriptorum testimoniis cognitum habeamus, hanc gentem noxia quaevis animalia magno opere abominatam, eaque ad internecionem usque persecutam esse.

Quam denique Dio Chrysostomus de Jove, ejus curru et equis narrat fabulam, ea quidem tantum a Persarum ingenio, et antiqua hujus gentis religionis indole abhorret, ut illam vel ab ipso Dione vel etiam ab alio umbratico Doctore inventam et Persarum Magis affictam esse quis paulo doctior facile intelligere possit. Quis enim unquam audivit, antiquos Persas Neptunum atque Junonem <sup>e)</sup>, quibus singulos

<sup>e)</sup> Plot. quidem in Artaxerxis Vita (V. T. Op. p. 491. Ed. Reiskii) testa-

tur, hunc regem Junonem solam adorasse.

los equos sacros fuisse Dio scribit, Deorum instar coluisse? Quis porro tanta credulitate est, ut Graecorum fabulas de Phaëthonte et Deucalione e Persia oriundas atque ex secretis Persarum religionibus depromtas esse sibi persuadere possit? Num denique praeter Dionem alius scriptor nominari potest, qui doctrinam de rerum omnium in ignem conversione Persis cognitam atque fabula illa de primo Jovis equo ceterorum victore adumbratam fuisse tradiderit? Hoccine quaeso credibile est, duos antiquiorum Persarum Deos, tot Persarum et Graecorum Religionum similitudines, tam insignem denique doctrinam ab omnibus aliis scriptoribus praetermissam fuisse, si unquam inter Persas existisset? Omnia vero haec prodigia ex unius viri auctoritate pendent, et cujus quaeso, hominis? Graeculi scilicet et Rhetoris, qui ceterorum ventosae loquacitatis praeceptorum instar a prima aetate fictis causis atque fabulis declamandis ingenium exercuerat, idque tantum curabat, ut mellitis verborum globulis, vibrantibus sententiosis, variis denique et in admirationem compositis sermonibus aures atque animos audientium oblectaret. Hic igitur declamator vel audierat forsan vel legerat, Jovi et Soli inter Persas currus et equos sacros esse, eamque igitur famam tanquam praeclaram dicendi materiam e manibus non dimittendam ratus fabulam inde composuit, quam vel Platonem, delicias suas, aequare, civiumque suorum, ejusmodi lautitias captantium, animos in stuporem rapere posset. Equi enim et currus Jovi atque soli inter Persas sacri, Platonis ipsi *μυθον*, vel pueris e Phaedro notum in mentem revocabat; hunc igitur sermonem cum Persarum consuetudine copulabat, ut indoctas quidem aures rei novitate percelleret, neque tamen, turpis Platonis imitator, in manifesto mendacio deprehenderetur. Nisi enim hoc vel simili modo Dionis narrationem natam esse existimamus; non solum unius hominis

orasse. Notum vero est, ipsum hunc regem omnium maxime veterum Persarum religionem corrupisse, et nova numina introduxisse. Neque vero impro-

babile est, Plutarchum praeclarae Persarum historiae non satis gnarum diversa numina commutasse, atque Dianam Persicam pro Junone habuisse,



nis testimonio omnis historiae fides, omnium scriptorum auctoritas cadet, verum etiam rationes nunquam explicabimus, quibus factum est, ut neque ipse Plato, ejusque discipuli, neque etiam viri hujus obtrectatores famosam fabulam peregrinae stirpis esse dixerint, quum illi *μυθεω* suo (quod alias summo studio facere solebant) Zoroastris, antiqui scilicet Philosophi, nomine majorem auctoritatem conciliare, hi vero Platonis gloriam carpere, furtumque jactare potuissent. Neque igitur in bonorum et innocentium virorum famam juvenili audacia involare mihi videor, si damnata Eubuli, Dionis, et Eusebii fide, antiquiorum et graviorum auctorum fidem sequor, eorumque testimoniis inhaerens contendo, sublimem illam de uno omnium rerum parente doctrinam neque a Z. inventam neque ab ejus aequalibus cogitam fuisse.

Jam vero videbimus, quantum roboris illorum argumentationibus insit, qui sententiam de duabus omnium bonorum et malorum causis a Zoroastre primo inventam, atque a Persarum Magis adoptatam esse opinantur. Tota res ad unius fere Plutarchi testimonium redit. Supra enim jam monui, Agathiam adeo ambigue, Theodorum vero Mopsvestenum tam obscure, tam parum humane loqui, ut quae fuerit illorum sententia intelligi non possit. Ad Plutarchum vero quod attinet, negari quidem non potest, illum sine ullis verborum ambagibus doctrinam de duobus inter se pugnantibus numinibus, Ormasde nempe et Arimaio, ad Z. referre; multa tamen sunt, quae fidem ejus atque auctoritatem minuere videntur. Neque enim gravem aliquem virum secutus est, sed ea tantum repetiit, quae mendax fama vel incerti auctores de Z. vulgaverant. Quibus quantum credendum sit, vel ex eo perspicui potest, quod Z. quinque annorum millibus ante Trojana tempora vixisse tradiderunt. Multa praeterea in Plutarchi loco deprehenduntur, quae vel maxime securo suspicionem in eos movere possunt, e quibus Plutarchus sua transcripsit. Quis enim praeter Plutarchum Mithram *μυστήριον* appellavit, eumque ex Persarum

*Commentat. Hist. Philol. T. I.*

K

farum

farum opinione medio quasi inter Oromasden et Arimanium loco consistere affirmavit? Quem denique alium scriptorem nominabimus, in quo vestigia tantum illius fabulae appareant, qua Oromasdes initio quidem sex Deos, deinde vero quatuor et viginti alios procreasse dicitur quibus Arimanius totidem Daemonas sine mora opposuerit. Hisce iustae, uti videtur, suspitionis causis si antiquiorum scriptorum, Herodoti, Xenophontis, et Platonis silentium addimus, quorum nemo Oromasdis et Arimanii mentionem facit; non sine ratione Plutarchi testimonium videtur rejici, doctrina vero de duabus divinis naturis Z. abjudicari atque in recentius aevum deduci posse.

Quae licet non sine aliqua veri specie, Plutarcho, quosque ille secutus est, scriptoribus objiciantur; vehementer tamen dubito, an eadem sufficiant, ad omnem ipsis fidem abrogandam. Pauca tantum sunt, quae Plutarchi narrationem suspectam faciunt, multo tamen plura, quae ipsius testimonium confirmant. Et primo quidem extra omnem dubitationem positum esse puto, doctrinam de duabus inter se pugnantibus divinis naturis, antiquissimis temporibus, et ipsa Herodoti, Xenophontis et Platonis aetate inter Persarum Magos vulgatam fuisse, licet hi scriptores eam silentio praeterierint. Theopompus enim, quem Isocratis discipulum fuisse et circa Olymp. XCIV. floruisse notum est, Eudoxus porro, Platonis aequalis et amicus, Aristoteles denique, et Hermippus apud Diogenem Laërtium (l. 8.) testantur, secundum Magos duas esse rerum causas (αρχαί) alteram bonam, quam Jovem et Oromasden appellare soleant, alteram vero malam, quae Plutonis et Arimanii nomine insigniatur. Hisce gravissimorum hominum testimoniis illud certe efficitur, doctrinam de duobus principiis non recentiori demum aetate natam, et Z. postea tanquam inventori tributam esse. Neque igitur de hac opinione propterea siluerunt Herodotus, Plato et Xenophon, quod ipsorum aetate Magis inaudita erat, verum potius quia inter magicæ disciplinae arcana numerabatur, neque promiscue peregrinis hominibus tradi solebat

lebat; five etiam quia isti scriptores publicas tantum religiones et vulgata Persarum sacra literis mandabant. Platonem enim velut in transcurso de Z. loqui, neque igitur omnia, quae ipse de hoc viro vel legerat, vel audierat, exponere voluisse, manifestum est. Xenophon vero vel ignoravit prorsus Magorum doctrinam, vel opportunam quoque non invenit occasionem, illius mentionem injiciendi. Herodotus eam forsitan a Magis, quibuscum saepius collocutus erat, acceperat, idem vero adeo religiosus erat, ut exterarum quoque gentium arcana vulgare nefas duceret. Plures igitur rationes reddi possunt, quare neque Herodotus neque Xenophon et Plato, opinionis de qua quaerimus, meminerint, nec propterea tamen dubitari possit, illam harum virorum temporibus Persarum Magis notam fuisse.

Demonstrata igitur doctrinae antiquitate illud probandum restat, eam a Z. inventam, et initio quidem Magis tantum peculiarem, longo vero post Z. aetatem intervallo vulgatam fuisse. Ex pluribus vero argumentis, quare opinionem de duabus bonorum et malorum omnium causis per longam aetatem Magis tantum propriam, Persarum vero vulgo subductam fuisse existimem, illud maxime me movet, quod uterque diligentissimus scriptor, Herodotus et Xenophon, in enumerandis Persarum diis et sacris, neque Arimani ab omnibus culti, neque rituum caeremoniarum vel sacrificiorum, quibus numen hocce placari credebatur, mentionem facit: quod sine dubio fecissent, si Arimanius ipsorum aetate inter patrios Persarum Deos, ejusque cultus inter publicas religiones et sacra receptus fuisset. Quin etiam confido, me ne tum quidem nimia argumentandi licentia doctorum virorum reprehensionem meritum esse, si ad Alexandri usque tempora opinionem illam inter magicae disciplinae arcana habitam esse contendam. Quodsi enim molles mortalium animi adversa ingruente fortuna ad quodvis superstitionis genus maxime proclives esse, iratosque Deos timere solent; ea profecto tempestate, qua Persae tot undique cladi-  
bus atque calamitatibus opprimebantur, publicorum malorum vis Ari-

manio, si quem coluissent, imputanda, ejusque numen quibusvis fabris placandum fuisset. Jam vero inter omnes auctores, qui res inter Persas ac Macedonas gestas scripserunt, nemo deprehenditur, qui Arimanii iram a Persis lenitam, vel sacrificia ipsi oblata memoraret. Recte igitur inde concludi posse existimo, Arimanium Alexandri aetate nondum Patriis Persarum Diis annumeratum, neque sacra ipsius in publicas vulgi religiones translatas fuisse.

Illud praeterea notandum est, opinionem de duabus inter se pugnantibus Diis a nullo scriptorum, quorum testimonia paulo ante adduxi, omnibus promiscue Persis, sed eorum tantum Magis tribui. Quibus argumentis illud tandem addo, Herodoti aetate solos Magos noxia animalia, tanquam Arimanio sacra, persecutos esse; posterioribus vero aetatibus, doctrina de Arimanio, sacrisque ejus sensim in vulgus manantibus odium illud atque bellum adversus plura animantium genera, omnibus Persis commune fuisse.

Licet vero omnes concederent, doctrinam de Oromasde et Arimanio valde antiquam et per multas hominum aetates Magis tantum peculiarem fuisse; illud tamen in dubium vocari possit, an Z. primus illam invenerit, Magosque docuerit. Antiquiores enim scriptores omnes, quamvis Z. meminerint, opinionem istam non huic viro, sed Magis tribuunt (Diog. l. c.). Plutarchus omnium primus est, qui dogma hocce a Z. inventum esse expressis verbis declaravit.

Non possum non fateri, hanc cogitationem aliquando mihi scrupulum iniecisse, meque ipsum per aliquod tempus subdubitasse, an Zoroaster dogmatis inventor dici mereatur, an vero inventionis laus vel culpa in univerforum Magorum genus transferenda sit. Tandem vero illud mihi in mentem venit, Zoroastrem ab omnibus fere scriptoribus Magorum principem eorumque sectae ac disciplinae auctorem appellari; et propterea igitur, quidquid Magis tribuatur, ita illis tribui, quasi illud

illud non fuis viribus invenissent, verum a Z. accepissent. Hoc praeterea cogitabam, ejusmodi dogmata non ab universo hominum ordine quasi conspiratione facta, sed ab uno tantum viro ceteros ingenio et auctoritate praestanti inveniri, atque tum demum ad alios propagari solere. Praeter Z. vero universa veterum Persarum Historia nullum doctrinae et ingenii gloria insignem virum memorat, ad quem dogmatis inventio aliqua veri specie vel relata sit vel referri etiam possit. Hic igitur rationibus cum Plutarchi testimonium omniumque recentiorum Persarum auctoritas accedat; dubitari amplius non potest, Zoroastrem a Persis aequae ac Graecis pro doctrinae adeo celebratae inventore merito habitum esse.

Illud vero neminem male habere debet, quod Plutarchi locus quaedam incredibilia, alia vero suspectae fidei contineat, quae a praeclaris auctoribus vel silentio praetermissa vel aliter quoque relata sunt. Nullam certe fidem meretur Plutarchus, dum aliorum sententiam non satis caute amplectens, Z. quinque annorum millibus ante Trojana tempora vixisse narrat. Vana haecce conjectura a Graecis vel quod probabilius est, a Persis gentis suae antiquitatem jactantibus profecta Plutarcho cum pluribus iisque summis viris communis est, qui in iudicanda Z. aetate nullis certis rationibus ducti avide nimis Persarum somnia acceperunt. Si quid igitur peccavit Plutarchus, multos eosque nobiles erroris comites habet, atque in ea re peccavit, ubi non errare Graecis difficillimum erat. Levis igitur, et iniqui animi indicium foret, si quis Plutarchi aliorumque virorum testimonia nullam aliam ob causam rejicere vellet, quam quod parum commodas de ejus aetate conjecturas in medium protulerunt. Neque enim eadem difficultates, quibus Plutarchus alique de Z. aetate judicantes inscii in errorem inducebantur, monumentorum nempe inopia, et rumorum tum incertitudo tum inconstantia, alibi illis obstabant; neque si tandem soli fide digni testes ducendi sunt, qui nunquam errarunt, sive humani aliquid passi sunt.

Majora vero cum invidia illud objici posse videtur, illum nimium plura de Mithra, de Oromasde, et Arimanio, de utriusque Dei sacris, inimicitis et copiis narrare, quae vel universa antiquitas ignoret, vel quibus etiam plures prisci auctores aperte contradicant. Neque tamen Plutarchi causam adeo desperatam esse existimo, ut tanquam manifestus et omnium prope judiciis damnatus reus a patronis suis relinquendus sit. Reputent enim secum aequi et intelligentes harum rerum iudices, neque Persarum religionem, neque Magorum disciplinam eandem semper suique similem fuisse, verum novas subinde formas accepisse. Quum igitur quaevis aetas tum vulgi religionibus tum Magorum disciplinae quaedam auferret, alia vero adjiceret, fieri non poterat, quin diversorum temporum auctores in describendis adeo mutabilibus Persarum religionibus et doctrinis a se invicem discederent: vel sibi etiam contradicerent. Antiquiores enim auctores ea aetate scripserunt, qua opinio de duabus inter se dissidentibus divinis naturis, Magis tantum cognita, atque in vulgus nondum per-vulgata erat; eamque propterea nudam, et simplicem, nullisque fabulis depravatam lectoribus suis exposuerunt. Plutarchus vero, Agathias, et si qui praeter hos inveniuntur, qui doctrinam istam non magicae disciplinae partem sed patriae Persarum religionis caput esse testati sunt, post ea tempora vixerunt, quibus dogma a Z. inventum Magis peculiare et in eorum arcanis esse desiderat. Quum primum vero a Magis ad Plebem transire, et vulgi religionibus immisceri coepit; necesse erat, illud vulgaribus ingeniis, nec non antiquis gentis superstitionibus, quibus parum conveniebat, accommodari. Ab hoc itaque tempore Magi id negotium sibi datum esse putabant, ut inter Deos, quos soli haecenus coluerant, et inter populares Deos pacem conciliarent, atque e Persarum animis omnes suspicionis reliquias eximerent, quasi cives suos per longam aetatem ludibrio habuissent. Valde vero simile est, tum demum Mithram, summum vulgi Numen, cum Oromasde et Arimanio collatum, atque Magorum iudicio inter Oromasden et Arimanium pari dignitatis gradu tanquam conciliatorem col-

collocatum esse. Hoc porro mihi persuasum habeo, quo tempore opinio de Oromasde et Arimanio in vulgus emanavit, eodem sacra quoque vulgata esse, quibus soli antea Magi Arimanii iram avertere, vel implacabile ejus numen ignominia afficere studebant. Bellum itaque, quod Magi hactenus suis viribus contra Arimanium gesserant, ceteri etiam Persae adversus \_\_\_\_\_ nem generis humani hostem decreverunt; imo Agathiae temporibus eo usque progressi erant, ut publice caverent ac providerent, ne sempiternum bellum contra Arimanium susceptum unquam senescere possit. Sacra enim anniversaria instituta erant, quibus omnes Persae inimicitias adversus Arimanium quasi renovabant; eam porro diem sanctissimam et religiosissimam agebant, qua totis viribus adversus Arimanii copias dimicabant, easque in vastas solitudines ultra humani cultus vestigia prosequerantur. Ingruentibus foedis hisce cruentisque sacris putidae simul superstitiones ortae sunt, omniumque animos occuparunt. Quibus opinionum monstrosas insanas illas fabulas annumerare non vereor, quas sui temporis Persas credidisse auctor est Plutarchus, Oromasden nempe primo quidem sex Deos, deinde vero quatuor et viginti generasse, eosque ovo inclusisse; Arimanium vero totidem scelerum suorum ministris ab ipso genitis negotium dedisse, ut ovum, deorum latebras perfringerent, sanctaeque eorum cohorti sese immiscerent etc.

Quo vero modo a Z. ad dogma illud pervenerit, quave ratione tum Oromasdis tum Arimanii naturam definierit, quantam utrique potestatem tum in alterum tum in universum mundum sive terrarum orbem dederit, quibus igitur limitibus utriusque imperium et ditiones circumscriptis, quantopere porro Magi doctoris sui decretum vel emendarint, vel corruerint, quae denique fata habuerit, Z. doctrina, postquam vulgus secreti particeps factus esset: ea omnia figillatim et dilucide exponere, nimia scriptorum, qui a Diogene et Plutarcho citantur, brevis prohibet. Quis enim tantam vel sagacitatem vel divinandi peritiam sibi inesse gloriabitur, ut e perplexis et ambiguis Dio-

Diogenis Laërtii verbis veram Z. et Magorum sententiam sese eruere posse confidat? Narrat enim hic scriptor, Hermippi, Eudoxi, et Theopompi fidem secutus; Magis duas esse efficientes rerum causas placuisse: alteram bonum genium vel Daemonem, quem Oromasden sive Jovem appellare soleant: alteram vero malivolam, Plutonis vel Arimanii nomine insignem. Haec Diogenis verba adea laborant, ut quidquid attigeris, ulcus trahes. Et primo quidem prorsus nescio, quid sibi cum voce *αρχη* voluerit, a cujus vi atque sensu univēsa sententia pendet. Dubitari enim non potest, supine negligentem scriptorem tritum verbum non eo sensu, quo ceteri Graecorum Philosophi et ipse quoque pluribus in locis illud sumere solebat, usurpasse. Antiquiores Graecorum Philosophi summa constantia voce *αρχη* ita utebantur, ut ea vel causam, quae omnia efficeret, vel eam quoque, ex qua omnia effecta sint, exprimerent. Neutra vero vocabuli significatio in Diogenis testimonio locum habere potest. Quodsi enim vel ipse vel citati ab ipso scriptores Arimanium et Oromasden pro aeternis omnium rerum causis a Persis habitas esse existimassent; quomodo illas vel daemonas vocare vel Plutonis et Jovis nominibus appellare potuissent, quibus eorum similitudo cum popularibus Graecorum Diis indicabatur? Si illud contra ponas, vocem *αρχη* scriptoribus istis excidisse, animumque igitur ad illa Diogenis verba applicare velis, quibus Arimanius et Oromasdes Daemones Graecorum Deorum similes declarantur; obstat tibi antiquissimorum Historiae scriptorum auctoritas, expressis verbis testantium: Priscorum Persarum Deos ab illis quos Graecia coluerit, plane diversos neque humana forma praeditos fuisse. Nullum profecto ex hisce angustiis exitum viderem, nisi Plutarchi diligentia aliud nobis Theopompi testimonium servasset (T. I. p. 659. Ed. Steph.) ex quo illud saltem apparet, Persarum Magos non eadem sensisse, quae postea Manichaei statuerunt: duas nempe sibi invicem contrarias atque aeternas omnium rerum causas esse, quarum altera omnium felicitatum atque bonorum parens sit, altera vero omnia malorum et miseriarum genera in hunc mun-



mundum invexerit. Ad ejusmodi subtiles argutias nondum pervenerant veteres Perfarum philosophi; et quamvis eodem intervallo a veritate abessent, simplicius tamen et eorum temporum ingeniis accommodatius errarunt. Statuebant nimirum, duos esse aemulos Deos, qui regum instar de terrarum imperio dimicarent, et quorum modo hic modo ille vel victor vel victus esset: utrumvis porro per tria annorum millia summum imperium obtinere, tum vero adversario tradere, atque in nescio quod secretum sese abdere coactum esse. Hoc tamen non voluntariae quietis tempore elapso ad nova iterum bella resurgere, et paulo post victorem omnia prostrati hostis opera atque monumenta excindere conari. Neque tamen has otii atque imperii vices in omnem aeternitatem, immenso veluti orbe, modo ad hunc modo ad illum redituras esse, verum potius tempus fore, quo Arimanius sive *Adm* cum omnibus suis copiis ad internecionem usque caderetur, victor Oromasdes imperio non interituro potiretur, hominibus denique aequabilis atque nullis neque casibus neque necessitatibus obnoxia felicitas contingeret. Oromasden tamen antequam tanta facinora editurus sit, per aliquod tempus obdormitum esse, ut per somnum quasi et quietem novas vires colligere, tamquam periculoso certamini sufficere possit. (Quam Dei, pugnam parantis, quietem divina natura indignam judicasse Theopompum, Plutarchus testis est).

Ex nuda hacce Magorum sententiae expositione satis credo apparet, quantum illa a Manichaeorum dogmate distet, quam prope vero ad plurimorum rudium et agrestium populorum superstitionem accedat, qui Deos etiam suos in duas classes dispescunt, et bonos multo minus sibi colendos, quam malevolos placandos esse arbitrantur. Num enim quaeso imperia ad quemvis Deorum fortuna quasi gubernatrice redeuntia, num mutuas clades et victorias, num denique unius Dei fatalem extinctionem, alterius vero quietem et belli apparatus vel somnare potuissent, si ipsis causarum res omnes ab

*Commentat. Hist. Philol. T. I.*

L

omni

omni aeternitate efficientium, quales Manichaei statuebant, vel suspicio in mentem venisset? Desinant igitur,<sup>1</sup> quicumque in posterum ad res hasce animos applicaturi sunt, millies decantatam fabulam repetere: Manichaeos dogma suum ex antiqua Magorum disciplina depromsisse, horumque Deos, qui bello dimicare et perdomari, quiescere porro, quin enim exstingui posse putabantur, aeternis illorum et pari potestate praeditis rerum omnium causis similes fuisse.

Tandem vero ad illam quaestionem pervenio, quam ultimo loco posui: quorum scilicet auctoritas sequenda sit, eorumne, qui vera Z. scripta inter Persas olim exstitisse, atque in Graecorum linguam translata esse opinati sunt, an vero eorum, qui quidquid librorum Z. adscriptum sit, adulterinum et fictum esse pronuntiarunt. Illud quidem fateor atque prae me fero, me diu nec indiligenter rem omnem pensitasse, et rationum momenta ab utraque parte serio ponderasse, neque tamen unquam eorum testimonia et argumenta mihi satisfecisse, qui Z. multorum voluminum auctorem fuisse asfirmarunt. Neminem sane harum literarum vel mediocriter doctum esse puto, cui non sponte multae eaeque graves suspensiones adversus omnes libros Z. olim assignatos suboriantur. Licet enim hoc quod omnium minime verisimile est, largiamur, Z. inter rudem et pacis artibus nondum expolitam gentem natum et educatum literis tamen et otio adeo abundasse, ut solus nescio quot res novas et singulares excogitare, excogitatas vero immensis voluminibus comprehendere potuerit; illudne etiam credibile est, neque Herodotum et Xenophontem, neque porro Theopompum, Eudoxum, Platonem, Diodorum, ceterosque qui de Z. et Persarum rebus scripserunt, horum librorum ullam unquam mentionem facturos fuisse, quum Aegyptiorum et Phoeniciorum arcanos libros (sive veri fuerint sive ficti) omnes fere et saepius quidem memorent. Ctesiae quidem omnium Graecorum vanissimi et nugacissimi (Lib. II. Diod. p. 146. Edit. Wessel.) testimonio inter Persas antiquitus publicae tabulae exstiterunt, in quas majorum res gestas re-

ferre

ferre consueverant; neque etiam qua erat impudentia, adseverare dubitavit, se maximam historiarum suarum partem ex istis imperii commentariis descripsisse; ne hic vero quidem Zoroastri libros effingere, vel jactare sustinuit, quod sine dubio fecisset, si illud cum aliqua veri specie fieri posse judicasset. Ab hoc omnium antiquiorum scriptorum silentio si porro ad illam cogitationem transimus, certo quodam tempore pauperculorum hominum agmina in Graecia exstitisse, qui propterea quod suis viribus e tenebris ac sordibus sese emerfuros esse desperabant, ad magni alicujus viri nomen confugiebant, atque eorum se sapientiae heredes, librorum vero religiosos custodes ac possessores esse profitebantur; quis inter tot malas artes, quibus maxima hominum multitudo quondam circumventa fuit, inter tot librorum plaustra, quibus summorum virorum, nullius vero magis quam Z. fama contaminata est, quis inquam inter tot insidias adeo securus est, quin sibi cavere, atque in quovis libro, qui Z. nomen in fronte gerit, eo certiora et clariora generosae et antiquissimae stirpis indicia requirat? Ita, ut decet, praeparato animo si quis ad examinandam eorum scriptorum fidem accedit, qui vera Zoroastri opera vindicant; quemvis credo idem sensurum esse, quod ego expertus sum; suspicionem nempe adversus Z. libros initio conceptam magis magisque crescere, tandem vero in firmam persuasionem transire, nullum Graecorum testimonium adeo grave, nullum argumentum adeo stringens ac solidum esse, quin propterea vera Z. scripta inter Persas vel Graecos unquam exstitisse negare possimus.

Ut enim ab Hermippo, omnium antiquissimo, et maximae idcirco auctoritatis viro, ordiar; quis est, quem non immanis librorum, quos Z. adscribit, multitudo commoveat? Quid enim incredibile est, si hoc non est, quod Hermippus tradit, mortalem virum vices centum millibus veruum scribendis suffecisse? Hiccine quaeso acri ingenio et anxio studio opus est, ut vel mendacii fraudem, vel anilem quoque credulitatem animadvertamus? Nihil vero scriptorem, qui

L 2

ejus-

ejusmodi prodigia narrat, aliorum honorifica testimonia juvant; et quamvis igitur Iosephus in primo adversus Apionem libro Hermippum nostrum omnium, qui de Pythagora scripserunt, primum ac celeberrimum fuisse judicet; ejus tamen viri auctoritas apud me tanta non est, quin Hermippum tum de Zoroastre et Magis, tum etiam de Pythagora multa vel finxisse vel credidisse dicam, quae virum liberalem et eruditum neque fingere neque credere oportebat. Ad Z. quod attinet, res ipsa in propatulo est, atque Hermippum coarguit. In Pythagorae vero vita quam parum sui dissimilis fuerit, vel ex duobus testimoniis (ap. Diog. VIII. 10. 41. f.) patet, quibus vehementer dubito, an illustriora fabularum exempla ex universa mendacis Graeciae antiquitate ad nos pervenerint. Licet vero Hermippi testimonium Z. librorum fautores nihil juvet; idcirco tamen memorabile est, quod opinionem de veris Z. scriptis inter Persas existentibus non longe post Alexandri aetatem inter Persas et Graecos divulgatam, hoc vero rumore insequentium aetatum fraudibus viam quasi munitam fuisse declarat. Nicolai certe Damasceni temporibus, quem Augusto perfamiliarum fuisse constat, sicuti Sibyllarum, ita Zoroastris quoque logia sive oracula exstare credebantur, de quibus tamen dubium est, an scriptis libris comprehensi fuerint, an vero per hominum tantum ora volitaverint. Non magis tamen hujus quam illarum responsis pretium statuendum esse, mecum facile docti homines fatebuntur. Illi porro libri, in quibus, Clemente et Eusebio testibus; sanctae Triadis mentio facta, et summi numinis natura luculenter descripta erat, sine dubio ex eadem officina prodierant, unde illi profecti sunt, quos a Gnosticis fictos esse Plotinus, Porphyrius et Numenius multis voluminibus ostenderunt. Eos vero libros, quos Suidas et Recognitionum Clement. auctor citant, quique artem ex astris divinandi inprimis docuerunt, ab alio veteratorum genere fictos esse conjicio, iis nempe, qui sub Romanorum imperatoribus Chaldaicas sive Magicas artes proficiebantur, et sibi suisque libris et praedictionibus antiquorum hominum et populorum nominibus auctoritatem conciliare studebant. Patet

tet vero tum ex Johannis Chrysostomi testimonio, tum etiam ex auctorum, qui ficta Z. scripta allegarunt, paucitate, eventum, quem fraudes istae habuerunt, auctorum votis non satis respondisse, et pauculos tantum repertos esse, qui falsos Zoroastris libros pro veris et antiquo Philosopho dignis habuerint. Quo magis miror, quomodo viri, neque ab ingenio neque etiam a doctrina destituti, quales Franciscum Patricium et Picum fuisse constat, Procli, Olympiodori, aliorumque prae superstitione amentium fidem atque exempla sequi, et Z. oracula ex eorum scriptis sedulo collecta pro veris ac genuinis accipere sustinerint. Sera enim haec et pessima Plotini progenies adeo sectae principibus dissimilis erat, tamque insano exterarum religionum et barbarae si Diis placet, sapientiae amore flagrabat, ut eosdem libros, quos Plotinus; Porphyrius, aliique multis voluminibus conciderant, vel eorum quoque similes sibi obtrudi paterentur, eosque tanquam res sacras exocularerentur. Nisi enim amentium instar prava libidine sensus ac mentem perdidissent; nunquam sibi persuaderi sissent, libros, quibus apertae fraudis vestigia impressa erant, quique praeterea ubivis Monadem, Dyadem, et Triaden, *ἢ* etiam et λογος, lyngas denique et mysteria jactabant, ad Persarum Z. referri posse. Impurum porro et a casta veterum oratione abhorrens dicendi genus, quo usus est Oraculorum auctor, vel auctores, tempus, quo ficta sunt, adeo manifeste produnt, ut ea vel Procli, vel ejus praeceptoris aetate nata esse dicere possis, nisi illud quoque perspectum haberemus, ante Proclum neminem inveniri, qui ex hisce Oraculis loca vel singulos versus transcripserit.

In fine jam laborante commentatione, breviter rationes subducam, lectoribusque in memoriam revocabo, quae Graecorum auctoritate de Z. vel affirmanda vel neganda esse censeo. Nisi igitur grave aliquod adversus criticae artis leges peccatum admisi; statuendum est, quacunque etiam aetate et regione vixerit, virum exstitisse ingenio, doctrina et inveniendi solertia ceteros Persarum Magos longe anteun-

tem, quem Z. nomine Magicam disciplinam pluribus modis auxisse et immutasse maxime verisimile est. Vix enim negari posse puto, illum Magicam artem, quae ante illum velut mercenaria opera tractabatur, in iustae quasi scientiae formam redegisse, atque doctrinam simul de duabus oppositis divinis naturis ordini Magorum tradidisse; ceterum illi non magis quam Sinenfium Confucio in mentem venisse, publicas vulgi religiones immutare, vel abrogando veteres, vel novas invehendo. Antiquorum enim populorum sacerdotes et sapientes viri si quid novi invenerant, unde sui similes vel voluptatem vel fructum aliquem capturos esse sperabant, cum paucis tantum spectatae prudentiae viris cogitata sua communicabant, nec praepostero unquam gloriae studio ad res novas moliendas et publicae religionis statum perturbandum sese abripi patiebantur. Patrios contra mores et ritus, et quaecunque praeterea ad deorum cultum pertinebant, pie sancteque custodienda esse arbitrabuntur, illudque in primis operam dabant, ne accepta a maioribus religio ipsorum desidia detrimenti aliquid caperet. Omnes quippe hoc sibi persuasum habebant, eam Deos colendi rationem optimam esse, quae cujusvis civitatis legibus recepta sit, tantumque semper inter viros sapientes et indoctum vulgus discrimen interfuturum esse, ut rectae illorum de divinis naturis opiniones nunquam tuto cum hoc communicari, vel multorum ingeniis accommodari possint. Mirandum igitur non est, illos veritatem, quam ipsi perspexerant, vel invenisse credebant, summo tamen studio multitudinem celasse, nec non in id incubuisse, ut quantum in ipsis esset, patriae religiones salvae et integrae posteris traderentur. Parum igitur recte antiquorum sapientum ingenia ex nostrorum hominum indole ac vanitate aestimarunt, quicumque ullum vix memorabilem virum inter vetustas gentes exstitisse crediderunt, quin statim ad vulgi religiones immutandas, opiniones vero sibi peculiares per imperitam multitudinem diffeminandas sese accinxerit. A prava hac turbandi omnia, et crude quaevis studia in forum propellendi libidine tantum abhorrebant cordati illi viri, et publicas potius superstitiones et errores quorum

rum' futilitatem nemo ipsis melius intelligebat, tamquam sacras civitatis leges venerarentur, easque convellere nefas ducerent. Ea enim qua praediti erant sapientia facile intelligebant, nulla re magis quam superflitione contineri indomitum vulgus, atque ex religionis auctoritate reliquarum legum vim, jurisjurandi sanctitatem, totius denique reipublicae salutem ac incolumitatem pendere. Cuius igitur priscorum hominum ac temporum indolem cogitanti parum illud verisimile videri deberet, Zoroastrem leges et sacra Persarum tantum immutasse, quantum vulgo creditur; nisi etiam supra demonstratum esset, omnes scriptores, qui novas leges et sacra ab illo condita esse testantur, merito suspectos esse, et Herodoti aliorumque graviorum auctorum testimonii vel erroris vel mendacii coargui. Herodotus enim res novas, quas Z. molitum esse serunt, non solum non memorat, verum etiam Persarum religionem adeo simplicem, et priscæ hujus gentis vivendi rationi convenientem sistit, ut eam a magno aliquo viro valde austam esse profus incredibile sit.

Perseverandum igitur est in ea sententia, Z. virum supra vulgus sapientem fuisse, qui Magorum disciplinam plurimis quidem inventis auxerit, publicas vero religiones intactas ac illibatas reliquerit.

### Nota.

Pauca mihi ad loc. cit. *Chronicon* annotanda esse censeo, propterea quod illustris Michaelis non satis commode illum interpretatus esse mihi videtur, plura saltem inde collegit, quæ meo quidem iudicio cum antiqua historia non possunt conciliari. Cyrum namque existimat gentis suæ more unum supremum Deum omnium rerum parentem coluisse, et sponte idcirco ad Israëlitarum doctrinam pronum, eo facilius peregrinum numen adorasse, quod divinis ejus responsis non frustra ipsi terrarum orbis imperium promissum esse, rerum eventus ostenderent. Ob hoc tantum beneficium Cyrum non solum Israëlitarum Deum, quem

Coe-

Coeli Dominum ac Moderatorem appellaverit, tamquam suum veneratum esse, verum etiam pio ac grato animo templum illi aedificasse, atque Israelitas ejus cultores, edicto monuisse, ut patrias fedes repperent. — Huic testimonio innixus conjicit porro vir illustris, ab illo inde tempore, quo Cyrus ejusque successores eundem cum Israelitis Deum venerati sint, summam animorum conversionem per omnes fere Asiae regiones factam esse. Saniozem quippe de uno naturali Deo opinionem per plurimas gentes disseminari, insanum vero plurimorum Deorum cultum paulatim obsolescere coepisse. Ex hac denique animorum et religionum mutatione causae ipsi derivandae videntur, quare mobiles adeo, atque ab antiqua majorum disciplina ad circumjacentium populorum superstitiones toties delapsa Israelitarum natio post Cyrum tanta constantia in tuenda veritate perseveraverit. A Cyri nempe aetate periculosa vicinarum gentium exempla defuisse, quibus antea ad defectionem a patria religione illecti peregrina sacra atque abominandos ritus adoptaverant. Ne ipsos enim Israelitas ausos esse, aliarum gentium Diis aras, simulacra ac templa ponere, quippe quae probe sciverint, Persas Dominos atque victores non solum detestari, verum etiam ferro et igni persequi solere. Persis scilicet Cicerone teste (de Leg. II. 10.) nullo non tempore eam infedisse opinionem, mundum universum solum divina natura dignum templum atque domum esse, neque igitur numina parietibus includi oportere. Hac religione imbutum Cambysem Aegyptiorum Diis illuisse; Xerxem vero Magis auctoribus Graeciae templa inflammasse.

Licet non negaverim hanc argumentandi rationem quadam verisimilitudine sese commendare; eandem tamen si penitus inspexeris non firmo fatis fundamento impositam esse judicabis. Nego itaque, Persas antiquitus unum eundemque supremum Deum coluisse: nego, Cyrum patria religione praeparatum, Israelitarum Deum pro communi omnium gentium Numine habuisse, atque relictis majorum superstitionibus ad eorum tamquam veri Dei cultorum doctrinam transiisse: nego



negō porro, hanc Cyri de omnium rerum parente sententiam non solum ad ejus successores verum etiam ad ipsos Persas, a Persis vero ad ceteras bello perdomitas gentes transcendisse, et idcirco potissimum antiquas Asiae religiones abolitas esse, quae ingentes antea Deorum catervas populorum cervicibus tanquam crudeles atque superbos Dominos imposuerant: negō denique, omnes Persarum reges nullum non populum plurium Deorum cultui deditum bello, Deorum vero imagines ac templa vi atque flammis persecutos esse, propterea quod ejusmodi gentes pro impiis unius Dei hostibus habuerint, Deorum vero aras ac sedes tanquam impietatis monumenta quovis modo diripienda esse existimaverint.

Et primo quidem illustris Michaëlis opinionem hancce tanquam certam et nullis amplius dubitationibus obnoxiam ponit: Persas unum eundemque supremum Deum coluisse. At vero post tot alios doctos viros ego quoque demonstrasse mihi videor, graves et antiquos auctores, qui Persarum res posteris tradiderunt, non solum de unius Dei cultu silere, verum ea etiam narrare, quae cum ejusmodi persuasione nullo modo conciliari possunt. Pluribus porro argumentis illud probare annisum sum, pauculos recentiores scriptores, qui Magis tantum, non vero universae genti, doctrinam de uno omnium rerum fatore ac moderatore tribuunt, nulla fide dignos esse. Quodsi igitur ex citato Chron. loco illud quoque efficeretur, Cyrum eundem cum Israelitarum gente Deum, neque praeter illum alios Deos coluisse, minime tamen inde concludere liceret, successores ejus ceterosque Persas ab antiquis sacris ac superstitionibus ad novam captivi populi religionem transiisse. Priscis enim temporibus neque reges populis acerbam necessitatem imponebant, eosdem secum Deos venerandi; neque populi etiam ab iis quorum imperio parebant, tale quidquam flagitare ausi sunt. Saepe igitur reges alia, alia vero populi numina adorabant; saepissime vero illud accidebat, ut diversae gentes eidem imperio subjectae non nomine tantum, sed natura plane diversos Deos

*Commentat. Hist. Philol. T. I.*

M

cole-

colerent: neque tamen unquam vel regibus vel populis in mentem venit, subjectos sive imperantes vi ac seditionibus ad eorundem Deorum cultum, candemve rituum ac ceremoniarum formulam adigere. Quoties quaeso, factum est, ut ipsi Persarum et Aegyptiorum Reges (Tac. Hist. IV. 83. 84.), nec non Romanorum imperatores *f)* numinibus aliunde accitis sacra facerent, quorum ne nomina quidem populis, quibus imperabant, unquam audita erant: et illos contra Deos negligerent, quorum gratiam ac beneficia supplex plebs precibus sive victimis merere studebat. Quis denique nescit, immensam gentium turbam, quam Persarum reges bello perdomuerant, non moribus tantum et linguis, sed superstitionibus quoque valde dissonas nunquam tamen coactas fuisse, patrias religiones cum Persarum opinionibus atque institutis permutare. Quamobrem si negari etiam non posset, Cyrum veram de Deo doctrinam a despectissima quondam gente accepisse, nulla tamen causa foret, quare eandem opinionem ad ceteros Persas propagatam fuisse existimaremus. Multa vero argumenta adfunt, quae dudum me in illam sententiam sive suspensionem adduxerunt, ne ipsum quidem Cyrum sincera mente Israelitarum numen coluisse, vel si omnis quoque simulatio absuit, illum propterea tamen patrios Deos minime neglexisse. Vetustas profecto regnantium artes illum ignorare oporteret, quicumque negare vellet, principes saepe viros aliarum gentium Diis simulata pietate vel sacra fecisse, vel magnifica etiam dona obtulisse, ut laetis eorum responsis, quibus fausta quaevis ac magnifica portendebantur, eo maiorem fidem, famam, atque auctoritatem conciliarent. Solos hic Alexandrum atque Vespasianum appello, quorum ille Jovem Hammonem, hic vero Serapidem Aegyptium et ignotum quemdam montis Carmeli Deum veneratus est, ut divi-

*f)* Heliogabali furorem describit Lamprius in ej. vita c. 3. Pietatis vero Alexandri Severi exempla in ejus vita c. 29. 43. 49. 51. inveniuntur. Omnium vero maxime illustre exemplum libertatis illius, quam reges quondam in eli-

gendis ac permutandis Diis ac religionibus tum sibi vindicabant, tum aliis quoque concedebant, illud est, quod apud Josephum exstat (Ant. X. c. 2.) atque alio loco ab ipso illustri Mich. adducitur.

divina oracula in ipforum honorem edita eo magis per vulgi ora celebrarentur. Neque aliquem humanae naturae adeo ignarum esse existimo, ut sibi persuadeat, Alexandrum et Vespasianum, (licet uterque ejusmodi superstitionibus non prorsus intactus erat) eadem numina, quae adstante multitudine adeo ambitiose venerabantur, suis quoque parietibus redditos sola pro Diis habuisse, ceterorumque Deorum religiones in omnem vitam plane ejurasse. Valde igitur credibile est, easdem ob causas, quibus Alexander postea ac Vespasianus permoti externorum Numinum templa adierunt, Cyrum quoque Israelitarum Deum tanquam magnum aliquod numen celebrasse, ut divinum scilicet oraculum, quo Asiae imperium ipsi promissum fuerat, eo citius ultimas gentes pervagaretur, ipse vero non suae tantum gentis sed externis quoque Diis carus haberetur. Cui conjecturae meae novum inde robur accedit, quod Cyrus profugis et servientibus Israelitis libertatem ac patriam, exsuli vero eorum et sedibus suis quasi pulso numini dirutum quondam templum restituerit. Qua enim Cyrus erat providentia, facile intelligebat, oraculum licet ipsi honorificum atque magnificum Persis tamen tanquam a victo vilis ac obscurae gentis Deo profectum irrisui fore, nisi ipse antiquam Deo sedem, cultoribus vero ejus amissam dignitatem reddidisset. Hac vero munificentia, et publica pietatis ostentatione non contentus fuisset Cyrus, si solum Israelitarum Numen pro vero Deo habuisset, cetera vero suae et aliorum gentium numina tanquam divinis honoribus indigna contempsisset, verum potius rerum omnium parenti in regia Persarum sede magnifica templa condidisset, ejusque numen civibus suis adorandum proposuisset. Quorum neutrum fecisse Cyrum, omnium scriptorum silentio satis declaratum esse existimo.

Sed liberaliter agam, et illud quod negari posset, concedam: Cyrum videlicet tota ac sincera mente ad externi Dei cultum sese convertisse, indomita vero Persarum ferocia impeditum fuisse, quo minus templa ipsi in gentis suae divinitibus consecraret; neque tamen

M 2

inde

inde colligi posse existimo, Cyrum Israëlitarum more cetera omnium gentium numina tanquam vanas imagines, sacra vero eorum tanquam foedas superstitiones abominatum esse. Antiqui enim populi eorumque reges longe aliter de rebus divinis sentiebant, ac nostra aetas judicare solet. Neque enim ipsis res adeo diffociabiles videbantur, praeter patrios Deos externa quoque numina invocare, sive sacris a majoribus acceptis aliunde accitas caerimonias inducere. Minime igitur necessarium esse existimabant, antiqua numina et sacra expellere, simulatque novos Deos ac ritus adoptassent. Non Romanorum solum et Graecorum, sed Aegyptiorum quoque et Persarum ea opinio erat, antiquis Diis ac religionibus eundem honorem, eandem sanctitatem manere, licet illis novos quasi socios adjunxissent, has vero inauditis antea sacris auxissent. Hinc mos ille, si quas novas adibant regiones, ignotis locorum ac regionum tutelaribus Diis sacrificandi (quod Cyrum ipsum fecisse Xenophon tradidit): hinc singulare illud studium, hostilium terrarum ac civitatum numina ingentibus donis quasi corrumpendi, eademque postea, si votis suis annuissent, in novas sedes deducendi: hinc denique immensa Deorum Dearumque multitudo, qua omnes fere gentes non longe post Christum natum laborabant, quippe qua tempestate omnium civitatum numina ita ad omnes populos transierant, ut quaevis natio totius fere terrarum orbis Deos adoraret. Quae cum ita sint; nihil verisimilius est, quam Cyrum omnium fere populorum morem secutum esse, et praeter gentis suae Deos externum quoque numen coluisse, cujus providentiam pariter ac gratiam ipse oraculo expertus erat. Vehementer vero dubito, an Cyrus Israëlitarum Dei majestatem ac magnitudinem satis intellexerit; multo credibilis est, illum Jehovah unum e multis tutelaribus Diis credidisse, quibus tanquam patronis singularum regionum ac nationum clientelas fato assignatas esse existimabat antiquitas. Hanc Persarum regis sententiam fuisse, ex ipsis edicti verbis conjicio, quo gentem dura haftenus servitute oppressam ad reditum in patriam exhortatur. Ait nimirum, sese antiquas majorum sedes omnibus  
istis

istis exsilibus redditurum esse, quorum patrocinium Deus ille suscepit, cui sese imperium suum debere ipse videri volebat, et publice profitebatur. Quam vel ignorantiam vel errorem eo magis Cyro condonandum esse censeo, quum ipsa Israelitarum plebs simili modo saepius erraverit. Ex innumeris enim sacrae historiae exemplis atque locis facile ostendi posset, Israelitarum vulgus Jehovam suum non tanquam omnium gentium numen, sed tanquam suum, gentique suae peculiarem Deum veneratum esse, quem inter ipsos habitare, cum ipsis in bella proficisci, easdem porro inimicitias exercere, omnes denique hostiles populos funditus excindere velle, persuasum habebant.

Tandem hoc quoque concedi potest, Cyrum sincero animo ad Judaeorum de Deo doctrinam, et castum supremi numinis cultum transiisse; et nihilo tamen secius negari posset, eandem de Deo opinionem ejusque colendi rationem ad Persas ceterosque orientis populos propagatam esse; atque in hac animorum conversione causam quaerendam esse, quare Israelitae post Cyri tempora in unius Dei cultu, omnibus jam gentibus communi, persisterint. Ego ne unum quidem exemplum proferri posse puto, civitates et gentes Persarum ditioni subjectas vel sponte vel vi et minis coactas patrios Deos et religionem in exsilium egisse, unius vero Dei cultum a Persarum regibus accepisse. Omnes contra rerum ab Alexandro gestarum scriptores, et Asiae quoque urbium ad Tiberium legationes (Tac. Annal. III. 61. 62.) testantur, non solum Aegyptios, Phoenicios, Chaldaeos, et Graecos Asiae oram incolentes patrios Deos ac ritus usque ad Imperii Persici finem retinuisse, sed singulas etiam Graecorum civitates et Colonias inventas fuisse, quarum conditores domo profugi in ipsis imperii Persici partibus interioribus sedes quaesiverant, quorumque posterius quidem et linguam, non vero ritus et sacra corruperant. Tantum enim abest, ut Persarum reges gentium, quibus imperabant, numina et sacra abolere, suave ipsis obtrudere co-

narentur, ut ipsi potius prisci moris immemores vicinarum gentium Diis templa et aras exstruerent.

Negari quidem non potest, Cambysem Aegyptiorum Apin trucidasse, Jovisque Ammonis templum incendisse: Xerxen vero in ignominiosa adversus Graecos expeditione Deorum statuas dejecisse, et sanctissima templa inflammasse; sed non minus certum est, Cyrum aequae ac ceteros Persarum reges ab utriusque furore ac immanitate abhorruisse. Cambyfes nempe, natura atrox vel ut Herodotus iudicat, vecors atque infanus, propterea divinum vitulum vulneravit, quod Aegyptios inventum Apin festis diebus celebrantes, cladibus atque calamitatibus suis tum temporis acceptis illudere velle putabat. Sicuti vero Cambyfes ignominia incensus perdomitae gentis sacra polluerat; ita Xerxes avaritia pariter ac vindictae cupidine (v. Her. V. 102.) exstimulabatur, ad locupletissima Deorum templa, quibus immensae et per multa saecula accumulatae opes servabantur, diripienda, direpta vero incendenda. Hanc tamen furentium hominum impietatem adeo detestati sunt insequentes Persarum reges, ut eam non solum non imitarentur, sed Graecorum potius et Aegyptiorum Deorum sedes amplissimis donis locupletarent. Neque igitur omnes Persarum Reges aliarum gentium numina persecuti sunt, neque etiam illi ipsi, qui in peregrinos Deos eorumque templa faevierunt, vel pietate adversus supremum Deum vel odio adversus falsa numina sed pravis lubricinibus ad istiusmodi flagitiosa facinora impellebantur.

Quod vero antiquiores Persae patriis Diis neque aras neque templa exstruxerunt; non propterea factum esse puto, quod Deorum maiestate indignum iudicarint, parietibus illos includere, verum potius quod a maioribus descenderent, qui omnium artium expertes immensos campos et vasta sylvarum spatia cum gregibus suis pererrabant, neque igitur Deos suos certis locis venerari vel  
in

in certas formas effingere poterant. Cicero l. c. eadem liberalitate antiquis Persis, rudi ac incondito populo, meliores sensus affinxit, qua Tacitus postea Germanorum barbariei Graecam sapientiam commodavit (de mor. Ger. c. 9.). Eadem enim fere de majoribus nostris affirmat, quae Cicero de antiquis Persis dixerat: eos nempe ex magnitudine Coelestium arbitrari Deos neque parietibus cohibere, neque in ullam humani oris speciem assimilare.

Explicato jam famoso Chron. loco, ad eorum propius accedo sententiam, qui Perfarum Jovem ab Herodoto ac Xenophonte facpius memoratum nullum alium quam supremum gentis hujus Deum fuisse statuunt, eundemque tanquam rerum omnium parentem adoratum esse autumant. Omnium vero scriptorum, qui Perfarum Jovem per summum mundi architectum et moderatorem interpretati sunt, nemo est, quantum ego quidem scio, qui non dicam graves, sed tolerabiles saltem rationes ad confirmandam conjecturam suam protulisset: nisi illud forsitan pro certo summae hujus Dei majestatis indicio habere velis, quod Persae ipsi majorem equorum numerum, quam Soli sive Mithrae sacraverint. Non igitur verer, ne apud bonos et aequos viros in arrogantiae suspicionem venirem, licet eodem modo, quo homines isti causae suae minime dissidentes opinionem suam tanquam unice veram ponunt, eandem tanquam falsam et incredibilem rejicerem; sed jure meo non utar, verum potius rationes candide explicabo, quare Perfarum Jovem cujus Herodotus et Xenophon mentionem faciunt, pro rerum omnium auctore, et communi omnium gentium Deo a Persis habitum esse mihi persuadere non possim. Neque enim Herodotus unquam neque Xenophon de Jove tanquam de summo Deorum quas Persae venerati sunt, Principe locutus est; verum uterque potius illum tanquam unum e patriis Perfarum Diis (Ζεύς πατριός) inter ceteros Perfarum patronos nonnunquam etiam post illos (p. 196. Xenoph. Ed. Leuncl.) nominat. Frustra vero illud objiceretur, Grae-

Graecos scriptores magnis Deorum gregibus domi adsueto summi Perfarum numini maiestatem non cepisse, illudque propterea pro uno e multis istis Diis habuisse, quos ipsi ceteraeque gentes tum temporis venerabantur. Alter enim, Xenophontem puto, egregia Socratis disciplina institutus erat: alter vero, Herodotus nempe, Pythagoreorum de Deorum natura sententias, nec non eam forsitan doctrinam quae in magnis Cereris initiis tradebatur, cognitam habebat: utrisque igitur non poterat unius naturalis Dei notio incognita esse. Dubitari igitur non potest, ambos, tum Herodotum tum Xenophontem, quippe qui Cyrum toties tum sua tum Magistri sapientia ornavit, magnam illam veritatem de uno omnium rerum conditore deprehensuros, et narraturos fuisse, si vel levissimum ejus vestigium inter Persas eorumque Magos exstitisset. His igitur rationibus inductus dudum illam tenui sententiam, antiquos Persas sub illius Dei, quem Herodotus et Xenophon Jovem appellarunt, nomine universum coeli ambitum a Graecis atque Romanis eodem modo appellatum, a Sinensibus vero ad nostra usque tempora adoratum coluisse; praeter hunc vero caelum candens eodem Jovis nomine aërem, quoterrea nostra circumfunditur, ventorum et tempestatum matrem atque materiam veneratos esse. Quae mea sententia non Herodoti tantum iudicio innitur, qui Perfarum Jovem per τοι κυκλον παντα τι κρανι interpretatus est, (I. 131.) sed pluribus etiam iisque luculentis ejusdem auctoris testimoniis confirmatur, quibus declarat, Persas a primis gentis initiis praeter solem, ignem quoque et terram, ventos denique sive aera, omnia igitur rerum principia pro sanctis atque divinis naturis habuisse, iisque solis sacrificia obtulisse (ib.). Illud tandem omnes animo meo scrupulos atque dubitationes exemit, quod soli tantum Herodotus et Xenophon, post hosce vero nemo alius scriptor (uno Dione vano declamatore excepto) Jovem inter Patros Perfarum Deos retulerunt. Hoc vero propterea ita accidisse existimo, quod Herodoti et Xenophontis aetate quatuor rerum omnium initia iisdem fere honoribus a Persis affi-



affliciebantur, insequentibus vero temporibus igneae naturae majestas adeo crevit, ut ceterarum pristinam dignitatem valde minueret, eaeque divinitate sua quasi exutae inter patria Perfarum numina numerari et adorari desinerent.

Tandem vero ad Eudemi g) cujusdam testimonium pervenio (vide Excerpta ex Damascii Libro de Principiis p. 259. et Hyde de Rel. vet. Pers. p. 291) in quo omnium maxime exultare solet Cl. Anquetil, dum omnibus viribus probare contendit, Z. placita, a Graecis scriptoribus nobis servata, cum illis optime consentire, quae miserrima Cyri progenies in sacris suis commentariis ad nostram usque aetatem retinuit. Locus vero ita se habet: Μαγοί δι και παν το Αρμεν γινος, ως και τυτο γραφει ο Ευδημος, οι μιν τοπον οι δι χρονον καλουσιν, το νοντον και το (το delet Hyde) ηνωμενον. εξ ε (και post ε inferit Hyde) διακριθη και η (pro η idem legit και) ετοι αγαδον και δαιμονα καχον' η φως και σκοτος προ τυτων, ως ενις λεγειν' ουτοι δι και αυτοι μετα την αδιακριτον φυσιν διακρινομενην ποιησι την διττην συσσειχια των κριττων της (pro της idem την) μιν ηγισθαι τον Ερωμασδην της δι (της cum την permutat Hyde) τον Αρμενιον. Ut vero illud taceam, locum huncce corruptissimum esse, quis quaeſo non videt, eundem non tenebris tantum sed ineptiis quoque refertum esse? Quid enim sibi vult το νοντον άπαν και ηνωμενον, quid portio η διττη συσσειχια των κριττων; nisi hic quoque insanabiles Eudemo plagas vel a tempore vel a librariis inflatas esse suspicari volumus? Quod si vero vel Deus aliquis has tenebras dispellere, vulneraque curare vellet; cui tandem usui esse potest testimonium auctoris, qui adeo dubitanter loquitur, ut dubita-

g) Aetas hujus Eudemi prorsus incognita est: neque tamen illum cum Eudemo Nasio et Pario, quorum Vossius (de Hist. Graecia) meminit, confundi oportere existimo. Putidum enim

*Commentat. Hist. Philol. T. I.*

dicendi genus, quo Eudemus a Damascio citatus usus est, satis superque prodit, illum in pessima corruptae eloquentiae tempora incidisse.

N

bitationis hujus non modestiam laudabilem, sed summam ignorantiam causam fuisse appareat? Ait nimirum, το γοντον άπαν και η γονμενον a quibusdam locum, ab aliis vero tempus nominari (quae sententia meo quidem judicio adeo absurda est, ut nemini facile praeter unum Eudemum in mentem venire potuerit.) Dubitat porro, an ex hoc vel tempore vel loco Daemones aliquot diversae prorsus naturae, an vero lux ac tenebrae omnium primae ortae sive genitae sint? Nescivisse denique videtur, Oromasden et Arimanium neque a luce ac tenebris neque etiam a bono ac malevolo Perfarum genio diversos fuisse. Eudemus praeterea non solum in describendis Magorum opinionibus turpiter lapsus est, verum etiam in Babyloniorum et Phoenicum antiquae Philosophiae expositione a gravissimis historiae scriptoribus atque ab ipsa sana ratione adeo aberravit, ut illum non siccorum vel sobriorum hominum cogitationes verum delirantium vel vinosorum somnia literis consignare voluisse videatur. Non ita tamen abuter tempore et patientia lectorum, ut longas insulsi hominis ineptias repetam; curiosos ad ipsius Eudemi loca ablego, ceteros vero uno tantum verbo moneo, universam fere Phoenicum et Babyloniorum Physiologiam ab Eudemo traditam e novis prorsus et inauditis opinionum monstris conflata esse, quorum antiquiorum auctorum nemo, nemo etiam recentiorum mentionem fecit. Ipse adeo Damascius, quem infanientium Platoniorum nemini credulitate et anili superstitione inferiorem fuisse docti norunt, Eudemi flagitia vidit. Judicat enim (p. 260.) Aegyptiorum doctrinam ab Eudemo minime accurate traditam esse. Licet vero Eudemus tum supinae negligentiae tum pudendae etiam ignorantiae convictus sit; liberabo tamen eum hisce criminibus et nihilo tamen fecius statuo, vel in innocenti et omni culpa vacuo viro parum praesidii illis futurum esse, qui praeclaram de uno eoque summo Deo doctrinam a Z. inventam esse volunt. Eudemus enim quascunque profert opiniones non Z. sed sui temporis Magis adscribit, et ne his quidem illam de qua quaeritur doctrinam, sed ambiguum ali-

quod

quod decretum de intelligentia nescio qua tribuit, quam Magorum alii pro tempore, alii vero pro spatio habeant.

Post longam hancce disputationem nullis amplius argumentis opus esse puto, ad eorum opinionem refellendam, qui cum Platone Perfarum Magiam veram de Deorum Natura doctrinam completam esse autumant. Illud tantum addo, quarto post Ch. natum saeculo firmam Christianorum in sua disciplina et sententia permanentem, laudibilemque pervicaciam, Solem, summum Perfarum Deum nullis divinis honoribus afficiendi, multis hominum millibus faevissimos cruciatus atque interitum attulisse, quod nunquam factum esset, si Perfarum reges ac Magi summum rerum universitatis Rectorem cognovissent.

---



